

В. О. ПОЧЕМ. 25.

XX ԿՐԻ ՄԿՋԻ

413 ԲԱՐՁՐՈՒԹՅՈՒՆ



АКАДЕМИЯ НАУК АРМЯНСКОЙ ССР
ИНСТИТУТ ИСТОРИИ

С. Т. ИШХАНЯН

**АРМЯНСКАЯ ПОЛИТИЧЕСКАЯ САТИРА
НАЧАЛА XX ВЕКА**

(ЖУРНАЛ «ХАТАБАЛА»)

ИЗДАТЕЛЬСТВО АН АРМЯНСКОЙ ССР
ЕРЕВАН—1972

ՀԱՅԱՍՏԱՆԻ ՍՈւ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

Ա. Թ. Ի Շ Խ Ա Ն Ց Ա Ն

XX ԴԱՐԻ ՍԿԶԲԻ ՀԱՅ ՔԱՂԱՔԱԿԱՆ ԵՐԳԻԾԱՆՔԸ

(«ԽԱԹԱԹԱԼԱ» ՀԱՆԳԵՍՏ)



Հ Ա Յ Ա Կ Ա Ն Ս Ո Վ Ա Կ Ա Ն Հ Ա Յ Ա Կ Ա Ն
Ե Բ Ե Վ Ա Ն — 1972

A
150686

Աշխատության մեջ հետազոտված է դարասկզբին լույս տեսած երգիծական «Խաթարալա» շաբաթաթերթը: Բնութագրելով այն որպես առաջավոր գեմոկրատիայի մարտական օրդոն, հեղինակը նրանում տպագրված քաղաքական-հրապարակախոսական նյութերը արժեքավորում է ժամանակի հասարակական-քաղաքական շարժման լայն ֆոնի վրա:

ՆԵՐԱԾՈՒԹՅՈՒՆ

Պատմաբան, թե՛ բանասեր, հրապարակախոս, թե՛ լրագրող, երբ իր առջև խնդիր է գնում հետազոտել, թե երբ, ինչի համար և ինչպես են մարդիկ ծիծաղել ու հեզնել, պատմական սրչացակի շրջանում գաղափարական-հասարակական ինչ կերպարանք են ունեցել երգիծանքն ու հումորը, նշմարելի մի օրինաչափություն է նկատում: Դրա իմաստը այն ճշմարտությունն է, որ երգիծարանությունը, մասնավորապես երգիծական լրագրությունը, մեծապես ծաղկել ու արտասովոր բարձրության են հասել հասարակության կյանքում տեղի ունեցած բեկումնային իրադարձությունների ու խոր ցնցումների, գասակարգային ու սոցիալական հակամարտությունների առավել սրման պահերին:

Կ. Մարքսը հանձնարեկորեն տվել է նաև այդ երևույթի խոր լինդհանրական-փիլիսոփայական բացարությունը: Նա դիպուկ կերպով նկատել է, որ երբ պատմությունը գերեզման է տանում կյանքի հնացած ձեր, մարդկությունն ուրախ տրամադրությամբ է բաժանվում իր անցյալից¹:

Նոր դարի, ինչպես և հետազա շրջանի հասարակական մտքի պատմությունն այդ տոթիվ շատ համոզիչ փաստեր է տալիս:

Բաստիլիան գրո՞ղների հետ միասին, իր դարն ապրած ֆրանսիական ավատականությանն ու կրոնին հուժկու հարվածներ են հասցըրել Վոլտերի անողոք ու սպանիչ երգիծական

¹ К. Маркс и Ф. Энгельс, Соч., т. I, стр. 418.

պամֆլետները։ Հանրահայտ է այն խոշոր դերը, որ կատարում էին ֆրանսիական մեծ հեղափոխության աարիներին ժամ-Պոլ Մարտի կրթու, հեղափոխական պաթուով հագեցած պամֆլետները, որոնք տպագրվում էին գլխավորապես նրա «Ժողովրդի բարեկամ» թերթում։ Անցյալ դարի 30-ական թվականների հեղափոխական իրադարձությունները նույն ժրանսիայում ծնունդ տվեցին գեմոկրատական ուղղության «Կարիկատյուր» և «Շարիվարի» երգիծական պատկերազարդ թերթերին, որոնց էջերից նրանց հիմնադիր Շառլ Ֆիլիպոնը, այդ պարբերականների շուրջը համախմբված տաղանդավար ձախ ժուռնալիստների մի մեծ խումբ, նրանց հետ միասին Օ. Բալզակը, «Երգիծական պատերազմ» կին մղում Հովիսյան միապետության դեմ²։ Կինելով գեմոկրատական շարժման ձախ թերթ մարտական-բազարական վենքը, երգիծական այդ թերթերն իրենցով սկզբնավորեցին պարբերական մամուլի, ժամանակակից հասկացողությամբ, նոր երակ, խթանելով երգիծական լրագրության հետագա բուռն զարգացմանը։

Քաղաքական երգիծաներն ու, մանավանդ, հրապարակայիսուսական ծաղրանկարն աննախարնթաց հեղափոխական շունչ ու լիցը ստացան Փարիզյան Կոմունայի ժամանակաշրջանում։ Այդ օրերին քաղաքական ծաղրանկարը հեղափոխական ժողովրդի մարտական հարձակուլական վենքերից մեկն էր դարձել։ Շարունակելով և զարգացնելով «Շարիվարի» տաղանդավոր նկարիչ Օնորե Դոմինի ավանդները, Կոմունայի ծաղրանկարիչները, իրենց սուր և անողոր վրձինով, սպանիչ ծաղրի էին ենթարկում ժողովրդի թշնամիներին, և, առաջին հերթին, Կոմունայի դահճճ թիերին։

Մինչև վերջերս «Երկինք զրոհողների» դադափարական ու հոգերո կյանքի այդ կողմը պատշաճ կերպով չեր ուսումնասիրված։ Կոմունայի պատմաբան Մորիս Շուրին վկայում է, որ Փարիզյան Կոմունայի քաղաքական ծաղրանկարները, որոնք այժմ մի ամբողջ ցուցանդես են զարդարում, արվեստի խ-

² «История французской литературы», т. 2, М., 1956.

կական նմուշներ են, որոնք նույնքան անաղարտ ու հստակ, ուղղամիտ ու հարվածող էին, որքան և այն ժողովուրդը, որի մտքի բռնկումն ու հեղափոխական կորովի արտահայտիչն էին նրանք³:

Ֆրանսիայի օրինակը, անտարակույս, եղակի չէ:

Կ. Մարքսը հիացմունքով էր խոսում XIX դարակեսի անգլիական դասական ուսալիստ գրողների. և առաջին հերթին Կիկկենսի և Թեքերեյի մասին, որոնք իրենց ստեղծագործությունների մեջ հանձարեղորեն պատկերում էին կյանքի սոցիալական կողմը, կծու հեղուոմ «մեծամասնությամբ, փրկածությամբ, մանր բռնակալությամբ ու տպիտությամբ տոգորված» բուրժուազիայի բոլոր խավերին: Մարքսը գրում էր, որ Անգլիայի վիպագիրների ժամանակակից փայլուն դպրոցի ցայտուն ու պերճախոս նկարագրություններն աշխարհի առջև բացահայտեցին ավելի շատ քաղաքական ու սոցիալական ճշգրմաբություններ, քան այն արեցին քաղաքագեանները, հրապարակախոսներն ու բարոյագեանները՝ միասին վերցրած⁴:

Մարքսը բուրժուական դասակարգին ուղղված խարանող մի էպիգրամ էր համարում այն խոսքերը, որոնք ազգարարում էին, թե «նա հաճոյակատար է իր վերաբերմունքով գեպի բարձր կանգնածները և բռնակալ է գեպի ցածր կանգնածները»: Եվ հայտնի է, որ այդ թեավոր դարձվածքի հեղինակը անգլիացի մեծ երգիծաբան, ժուռնալիստ ու ֆելիետոնիստ, «Փառամության շուկան» ու «Գիրք սննորների մասին» հոչակավոր երգիծական վեպերի ստեղծող Ռուլյամ Թեքերեյն է, որն առաջինը համաշխարհային գրականության մեջ մուծեց «սնոր» հասկացողությունը, և հենց միայն դա բավական էր, որ անմահացներ նրա անունը:

Նման իրողության ենք հանդիպում նաև անցյալ դարի 60-ական թվականներին Ռուսաստանում: Յարական Ռուսաս-

³ «Неделя», 1968 թ., № 26, стр. 12—13.

⁴ «Կ. Մարքսը և Յ. Էնգելսը արվեստի մասին», Երևան, 1963, էջ 652—653:

տանի պարտությունը Դրիմի պատերազմում, որն ամբողջ մերկությամբ ցույց ավեց ճորտատիրական կարգերի անկենսունակությունն ու մոտալուս կործանումը, առաջ բերեց հասարակական շարժման բուռն վերելք: Այդ վերելքի ալիքների վրա ծնվեց ու բյուրեղացավ հասարակական նոր մտածելակերպ: Զերնիշևսկու, Դոբրոլյուսովի և Գերցենի գլխավորությամբ ձևավորվեց Հեղափոխական դեմոկրատիայի գաղափարախոսությունը, որը հսկայական արձագանք գտավ ու մեծագույն ազդեցություն ունեցավ ինչպես ժամանակակիցների, նմանապես և հետագա սերունդների աշխարհայացքի ու գործելակերպի վրա:

Ահա և ոռւսական երգիծական լրագրության նոր, երկրորդ ծնունդը սերտորեն կապված էր երկրի պատմության բեկումնային այդ շրջանի հետ:

Վաթսունական թվականների Հեղափոխական շարժման և Հեղափոխական մտքի բուռն վերելքով էր պայմանավորված նաև առաջավոր դեմոկրատիայի երգիծական օրգան «Իսկրայի» հանդես գալը, որը հիմնադրել էին ոռւսական դեմոկրատական մտավորականության փայլուն ներկայացուցիչներ Վ. Ս. Կուրոչկինը և Ն. Ա. Մտեպանովը⁵: Ռուս ժուռնալիստիկայի պատմաբանները միակարծիք են այն խնդրում, որ «Իսկրան» Հեղափոխական դեմոկրատիայի մարտական օրդանն էր, որն իր գաղափարական ուղղությամբ Զերնիշևսկու «Սովորեմեննիկի», Պիսարեկի «Ռուսկոն սլովոյի» և Գերցենի «Կոլոկոլի» ամենամերձավոր զինակիցն է եղել:

Պարբերական մամուլի պատմության հետազոտողը շիլարող չնկատել, որ ոռւսական իրականության 60-ական թվականները հասարակական մտքի պատմության մեջ նշանավորվել են նաև այն կողմուն, որ այդ շրջանում մշակվել ու

⁵ Б. П. Коэзмин, Журналистика шестидесятых годов XIX века, ВПШ, М., 1948; Г. М. Лебедева, Сатирический журнал, «Искра», М., 1959; И. Я. Ямпольский, Сатирическая журналистика 1860-х годов, М., 1964 и др.

ձևավորվել է որոշակի հայեցակետ դեմոկրատական, քաղաքական երգիծանքի հասարակական դերի ու նշանակության մասին:

Ոուս հեղափոխական-դեմոկրատներից Ն. Ա. Դոբրոլյուսուր Հատուկ զբաղմունքի նյութ է գարձրել իր ապրած շրջանի երգիծական ժուռալիստիկայի վիճակի և հեռանկարի հարցերը: Նա կրքոտությամբ նետվել էր երգիծանքի հասարակական դերի ու նշանակության շուրջը հեղափոխական-դեմոկրատների և լիբերալների միջև ծայր առած սուր պայքարի մեջ:

Առիթն ավելի քան նպաստավոր էր: Լիբերալ պատմաբան Ա. Աֆանասևը 1859 թ. հրապարակում է հատուկ աշխատություն եկատերինյան շրջանի երգիծական հանդեսների մասին, որտեղ նա եկատերինյա Ա-ի թագավորության ժամանակաշրջանը ներկայացնում է որպես «ոսկեդար», երբ, իբրև թե, մեծ շափով ծաղկման է հասած եղել երգիծաբանությունը:

Ն. Ա. Դոբրոլյուսուրին այդ առթիվ ընդարձակ հոդված է հրապարակում «Սովետնիկում»՝ «Խուսական երգիծանքը եկատերինյայի դարում» վերտառությամբ⁶: Մերժելով աշխատության հեղինակի լիբերալ դատողությունները, Դոբրոլյուսուրը ցուց է տալիս XVIII դ. ոուսական երգիծաբանության սահմանափակվածությունը, պնդելով, որ այն եղել է մանրախնդիր և մակերեսային՝ հեռու մնալով արձատական հասարակական շարիբները մերկացնելու խնդրից: Այս եղանակացությունն ավելի քան կտրուկ է, սակայն իր ամրողության մեջ, անտարակույս, ճշմարիտ:

Ինչպես անցյալում, նույնպես և մեր օրերում, այն կարծիքն է ստեղծվել, թե Դոբրոլյուսուրը, տալով XVIII դ. ոուսական երգիծական ժուռալիստիկայի ընդհանուր ճիշտ զնահատականը, անտեսել է, որ մանրախնդիր երգիծանքի կողքին, եկատերինյան շրջանի երգիծական հանդեսների թվում

⁶ Հ. Ա. Դօբրօլյօօօօ, Տօբր. սօչ., թ. 2, 1952, սթ. 316—398.

կային նաև նովիկովի ժուռնալները, որոնք օպոզիցիոն դիրք էին գրավում ժամանակի հասարակական մտքի ծովում։ Մյունիշանգերձ, Գորբոլյանովն է առաջինը, որ ամբողջ հասակով բարձրացրել է հասարակության կյանքում երգիծական գրականության նշանակության հարցը։

Զեակերպելով իր դուրաշրջանի քաղաքական երգիծաբանության հիմնական խնդիրները, Գորբոլյովը զանում էր, որ երգիծանքը պարագ զվարձություն չէ, այլ կարենու հասարակական գործ, որ երգիծաբանությունը ահեղ զենք է՝ կոչված մեծ գեր խաղալու Ռուսաստանի հեղափոխական վերափոխման համար ժողովրդի արթնացման ու նախապատրաստման գործում։ Իսկ ավագ պահին ճորտատիրությունը, ժամանակի հասարակական զիխավոր շարիքը, պետք է զառնար երգիծական ընդհանուրացման հիմնական առարկան։

Հասարակական կյանքի երեսութների մեծ մասը, գրում էր Պորբոլյովը, պարզապես չի կարող փոխվել առանձին մարդկանց կամքով. պետք է փոխել իրազրությունը, այլ հիմքեր ստեղծել մարդկանց զործունեության համար։ Մեռ երգիծողները, շարունակում է մտորել նա, մասամբ չեն ցանկանում հասկանալ այդ, իսկ մասամբ էլ հասկանում էին, բայց չեն կարող արատհայտել։ Նրանք հարձակվում էին տղիտության, կաշառակերության ու կեղծ բարեպաշտության վրա, մերկացնում ապօրինություններն ու հասարակական սանդուղքի ցածրում կանգնածների նկատմամբ ամբարտավանությունն ու դաժանությունը, բարձրում կանգնածների նկատմամբ՝ ստորաբարշությունը։ Սակայն այդ մերկացումների մեջ շատ հազվագեց էր նշմարվում այն միտքը, որ բոլոր այդ մասնակի երեսութները հասարակական արատավոր կառացվածքի անխռուսափելի հետեանքներն են։

Սրան պետք է ավելացնել նաև Պորբոլյուրովի այն խորաթափանց դիտողությունը, որ «ներկա ժամանակի մասին միշտ էլ դժվար է շիտակ և վճռական դատողություն անել», աշքի առաջ ունենալով հասարակական առաջավոր մտքի ու

երգիծանքի ձանապարհին կանգնած անխուսափելի կաշ-կանգումներն ու խութերը:

Դոբրոլուստովին միաժամանակ մտահոգում էր նաև եր-դիծաբանության ապագա կոչումը, նրա գերը նոր հասարա-կարգում: Եթե շահագործման ու բռնության վրա հիմնված չին հասարակարգում առաջավոր երգիծաբանությունը, նրա կարծիքով, պետք է փնտրի ու մերկացնի շարիքի արմատնե-րը, այլ ոչ մասնակի երևույթները, ապա ինչպիսի՞ն պետք է լինի երգիծանքի գերը նոր հասարակարգում: Նոր, սոցիալիս-տական հասարակարգը պատկերացնելով որպես կատարյալ, մարդկանց խելացի կազմակերպված գործունեություն, Դոբ-րոլուստովը գտնում էր, որ այդ հասարակարգում երգիծանքը «կմերկացնի այն մարդկանց, որոնք չեն կարողանա օգտվել նոր կառուցվածքի առավելություններից»:

Մեծ մտածողի այդ նոր, թարմ հայացքներն այնքան էին բարձրանում դարի քարացած մտածողության նեղ հորիզոնից, որ անկարելի էր այն չնկատել ու անարձագանք թողնել: Ցուր-ժուականորեն ազատամիտ պատմագրությունը, որ ստեղ-ստեղ, իհարկե երկլուղածությամբ ու մեծագույն զգուշակո-րությամբ, կառում էր առաջավոր մտքի այս կամ այն ցոլան-քին, այստեղ ևս անկարող եղավ լուսությամբ անցնել: Այդ առ-թիվ ուշագրավ էջեր կարելի է հանդիպել մասնավորապես Ա. Ն. Պրպինի մոտ⁷:

* * *

Դառնալով հայկական իրականությանը, նկատում ենք, որ երգիծական ժուռնալիստիկան այստեղ, ամբողջ հայկա-կան մտավոր կյանքի զարթոնքին զուգընթաց, ծնունդ է առնում անցյալ դարի 60—70 թվականներին: Այն, անշուշտ, սերտորեն կապված էր հասարակական նոր հարաբերություն-ների երեան դարու, ազգային զարթոնքի, հայ ժողովրդի ազ-

⁷ А. Н. Пыпин, История русской литературы, т. 4, СПб., 1907.

գային-ազատագրական շարժման ու գաղափարախոսության ձևավորման, թուրքական և ամեն տեսակ բռնապետության դեմ հայ ժողովրդի պայքարի նոր շրջանի հետ:

Դարաշրջանը, հայ ժողովրդի քաղաքական ու մտավոր կյանքի վերափոխման անհրաժեշտության զգացումը, հասարակական շարժման ու առաջավոր մտքի ընդվլման ձանտպարհին դեմ կանգնած խավարամատության ու պահպանողականության դեմ թափ տուած պայքարը առաջ բերին սուր խոսքի ու մտրակող ծաղրանկարի պահանջ: Ահա - պատմական այս շրջանում, արևմտահայ և արևելահայ միջավայրում, երեան է գալիս Մ. Նալբանդյանի, Ռ. Պատկանյանի, Գ. Սունդուկյանի և Հ. Պարոնյանի հասարակական երգիծանքը, որն իր մերկացնող ուժով ու թափով հայ սեալիստական գրականության ու երգիծաբանության ձևավորման ու հետազա զարգացման գործում նույն մեծ դերն է կատարել, ինչ որ կատարեցին Մոլիերի ու Թեքերեցի, Գոգոլի ու Շչեդրինի ստեղծագործությունները եվրոպական ու ուստական իրականության մեջ:

Տարակուսել չի կարելի, որ սեփական ազգային հողի ու ավանդների վրա առաջացած հայ առաջավոր դեմոկրատական երգիծական ժուռնալիստիկան, հատկապես XIX դարում, Նկատելի շափով հաղորդակից է եղել ուստական առաջավոր հասարակական մտքին, զգալիորեն հարստացել համաշխարհային քաղաքակրթության լավագույն ավանդներով: Աներկբա է նաև ուստա հեղափոխական-դեմոկրատական առաջավոր մտքի ազգեցությունը դարի հասարակական-քաղաքական մտահայեցողության վրա: Վերհիշենք թերցեն-նալբանդյան, Նալբանդյան-Մըլվաճյան գաղափարական կամուրջը, չնայած նրան, որ հեղափոխական-դեմոկրատական զաղափարախոսությունն ուրույն կերպով էր արձագանք գտել Հ. Սըլվաճյանի ինչպես մտածելակերպի, այնպես էլ գործնական քայլերի մեջ:

Այդ հանգամանքն, անշուշտ, պայմանավորված էր Սըլվաճյանի ապրած հասարակական միջավայրի ու հայ հա-

սարակական շարժման յուրահատկությամբ։ Ակադեմիկոս Աշ. Հովհաննիսյանը գտնում է, որ եթե 50-ական թվականներին Սըվաճյանի «Մեղուի» գեմոկրատիզմը չէր հասնում հեղափոխական լարման, ապա 60-ական թվականներին Մ. Նալբանդյանից կրած ազգեցության հետևանքով, այն նոր որակ է ձեռք բերում, ստանալով հեղափոխական ուղղություն⁸։ Մենք հակած ենք մտածելու, որ այստեղ ամեննեին չի նույնացվում ոռուսական հեղափոխական գեմոկրատիզմն ու Սըվաճյանի առաջավոր գեմոկրատական գաղափարական պլատֆորմը։

Իրավացի է, անշուշտ, գրականագետ Աս. Ասատրյանը, երբ պնդում է, որ «... Սըվաճյանի մեծագույն ժառայությունը հայ գրականությանն այն է, որ նրա հիմնազրած «Մեղուի» էջերում, նրա իսկ գրչով սկզբնավորվում է արևմտահայ երգիծաբանությունը, որի հետագա զարգացումը կապված է Սըվաճյանի անմիջական մեծ հաջորդի՝ Հակոբ Պարոնյանի անվան հետ»⁹։

Հ. Սըվաճյանն իր հրապարակախոսական գործունեության ընթացքում քաջ գիտակցում էր երգիծաբանության կոչումը, երգիծական մամուլի հասարակական դերն ու նշանակությունը։ Այդ առթիվ նրա ասույթներն ու առաջադեմ մտորումները շնորհցը իրենց հետաքրքրությունը մեր օրերում ևս։ «Էն ավելի լուսավորյալ,—գրել է Սըվաճյանը «Մեղուում»,—և էն քաղաքակիրթ ազգերը հատկապես ժողովրդյան և տերության վարմանց պակասությունները ծաղրելու համար լրագիրներ ունեն և այն ազգերը անանկ համոզված են և իրավամբ, թե, այն լրագրերու մեկ թերթը բարոյականի դասատու փիլիսոփայի մը մեկ հատոր գրքեն ավելի ազգեցություն և արդյունք ունի»¹⁰։

⁸ Աշ. Հովհաննիսյան, Նալբանդյանը և նրա ժամանակը, Երևան, 1956, Հատ. 1, էջ 406։

⁹ Աս. Ասատրյան, Հարություն Սըվաճյան, Երևան, 1967, էջ 195։

¹⁰ «Մեղու», 1857, № 13, էջ 293։

Հ. Սըվաճյանի այս խոսքերի մեջ թափանցիկ կերպով ուրվագծված են նրա առաջադեմ-դեմոկրատական հայցը-ները: Ի՞նչ ենք կարդում այդ տողերի մեջ: Նախ, որ հայ երգիծական լրագրությունը, ծագելով հայկական իրականության սոցիալ-քաղաքական սեփական հիմքի վրա, իր մեջ է առել նաև «քաղաքակիրթ ազգերի» լավագույն ավանդները: Այնուհետեւ, այստեղ հստակ, և միանգամայն ինքնուրույն կերպով, ձևակերպված է երգիծական ժանրի սոցիալական էությունը, նրա նոր պարտականությունը «ժողովրդյան և տերության վարմանց պակասությունները ծաղրելու համար»:

Դեմոկրատ-մտածող Սըվաճյանն իր ժամանակի հրատապ նշանակություն ստացած սոցիալ-քաղաքական պրոբլեմների բարձրացման ու լուծման գործում մեծ կարևորություն էր տալիս երգիծական պարբերականներին, իր իսկ արտահայտությամբ, երգիծական լրագրերին, որոնց «մեկ թերթը բարոյականի դասատու փիլիսոփայի մը մեկ հատու գրքեն ավելի ազդեցուրյուն և արդյունք ունի», դրանով ընդգծում նաև երգիծական ժուռնալիստիկայի հասարակական ներգործության մեծ ուժը: Եվ «Մեղուում» Սըվաճյանի տպագրած երգիծական նյութերը հաջողությամբ էին լուծում նրա հանձնարարականները ժողովրդի հոգևոր կյանքում երգիծական գրականություն տեղի ու գերի մասին:

Հայ գեմոկրատական մամուլի, ուրեմն և առաջադեմ երգիծական ժուռնալիստիկայի պատմությունը սկզբնավորեցին Մ. Նալբանդյանը, Գ. Սունդուկյանը, Հ. Պարոնյանը, Հետագյում Ե. Օտյանը և ուրիշներ: Հայ ազգային երգիծաբանության ու երգիծական մամուլի հետագա ամբողջ պատմությունը, հասարակական կյանքի իր շոշափած հարցերով, ժանրային ու ոճական առանձնահատկություններով, մեծապես կրել է նրանց բարերար ազդեցությունը:

Մ. Նալբանդյանի «Հիշատակարաններն» ու «Մեռելահարցուկը», Հ. Պարոնյանի «Թարտոնն» ու այլաբանական «Ծիծաղը», Գ. Սունդուկյանի-Համալի ու Հաղիդի, երգիծա-

կան մանրապատումները, հայ իրականության մեջ երգիծական նոր ժանրի՝ հրապարակախոսական ֆելիետոնի, զրանց թվում նաև երգիծական պամֆլետի, ամուր հիմքերը դրեցին: Ճիշտ է նկատել ժամանակին անվանի բանասեր ու զրականագիտ Գ. Առողջանը, որ Մ. Նալբանդյանը եղավ «Հայ երգիծաբանության կարապետը»¹¹:

Պետք է նշել, որ Գ. Սունդուկյանի ստեղծագործության նշված կողմբ մինչև այժմ չի դարձել նրա զրական վաստակը հետազոտողների հատուկ ուշադրության առարկան: Իրոք, իսկ ինչ բովանդակություն և արժեք ունեին «Մշակում» և «Արձագանքում» տպագրված Գ. Սունդուկյանի ֆելիետոններն ու երգիծական պամֆլետները, որոնց նա «Մասլահաթեներ» անունն էր տալիս: Ի՞նչու էր հանճարեղ զրամատուրզը դիմում լրագրային այդ ժանրին:

Թիֆլիսահայ բարբառով, սունդուկյանական համով ու հոտով զրված այդ ֆելիետոնների մեջ, մեծ երգիծողը, հավատարիմ իր սուր և անկախ գրչին, անողոք ծաղրում էր նոր, բուրժուական հարաբերությունների արատավոր կողմերը, մերկացնում անությ շահագործող վաշխառուին, սոցիալական անարդարություններն ու զրանց հողի վրա ծագած կեղծիքն ու խարեբայցությունը:

Դժվար չէ նկատել, որ նրա այդ մասլահաթ-ֆելիետոնները սոցիալական հնչեղություն էին ձեռք բերել ժամանակի թելագրանքով:

Խնդիր չդնելով Գ. Սունդուկյանի հասարակական հնչեղությամբ տոգորված ֆելիետոնների հանգամանալից վերլուծությունը, որպես օրինակ կարող ենք հիշատակել նրա մասլահաթներից մեկը, որն հենց «Մասլահաթը» վերնագիրն է կրում: Գ. Սունդուկյանը, այդ ֆելիետոնի մեջ, բալզակյան ողաթոսով, իր երգիծանքի մտրակը ուժգնորեն շառաշեցնում է զրամի ավերիչ ու հասարակական բարքերն ապականող ուժի վրա:

¹¹ «Կոսան» (ժողովածու), 1911 թ.:

Բուրժուական հասարակարգում մարդկանց վրա դրամի ամենաճշոր իշխանության նման մերկացում, ընչազուրկ ժողովրդի նման պաշտպանություն—եղակի է ժամանակի հայ հրապարակախոսության մեջ։ Դժվար չէ պատկերացնել, թե հոգու ի՞նչ ալեկոծություն պետք է ապրեր Սունդուկյանի ժամանակակիցը, մեծ երգիծողի ցասումնալից, ժողովրդի կեղերիչների նկատմամբ խորն ատելությամբ լի տողերը կարգալիս։

«...Առանց խափիլ, առանց սուտ խոսիլ, առանց հաշառութիլ, առանց գոփիլ, առանց գջլիլ, առանց սուտ կուտր ննդնիլ, առանց օմքնու զլուխը ե՛ղիլ, առանց զլուխը կուացնիլ, առանց երեսպաշտութին, առանց զալբութին ու զալթաբանդութին փուլ մող անիլ կո՞ւկի՞։ Վուր չէ ըլում, ի՞նչ անենք...»

Միդ ի՞նչ թե միր արարմունքով խալիսի շատ փայն նիդութենումն է, մեկի վրա հազարը քաղցած է, ծարավ է, տուն չունե, տիդ չունե, առուտեհան ինչըու մութն ու գիշերն, ինչըու լույսը վա է տալի իր գլուխը, միրն էլ հիդը... մի՞զ ինչ, մինք ինչ անինք... ջահանդամը նրանց զլուխը...»¹²:

Հարկ է նշել նաև, որ Գ. Սունդուկյանն իր գարաշբցանի հայ մշակույթի այն դեմքերից է, որն իր երգիծական ստեղծագործությամբ ևս պատկանում է առաջավոր դեմոկրատ գրողների այն սերնդին, որը մեծապես նպաստել է աշխատավոր խավերի գիտակցության արթնացմանն ու նրանց պայքարի կորովի զողմանը։

Հայ երգիծաբանության շգերազանցված գագաթը, սակայն, դարձավ Հ. Պարոնյանը։ Նա, անտարակույս, իր ստեղծագործական թափով ու մասշտաբներով, հասնելով համաշխարհային երգիծական մաքի բարձունքներին, գլխավորում էր իր ժամանակի դեմոկրատական հոսանքը, շարունակում նալբանդյանի և Սրվաճյանի մարտական ավանդները։ Նրա ամբողջ ստեղծագործությունը շնչում է բուրժուական և

¹² Գ. Սունդուկյան, երկերի լիակատար ժողովածու, հ. 3, Երևան, 1952, էջ 272—273։

ավատական կարգերի, թուրքական բռնակալության նկատմամբ մերկացնող, ճշոր երգիծական պաթոսով^{13:}

Այսպիսով, անցյալ դարի երկրորդ կեսի հայ սոցիալական երգիծանքն ու երգիծական լրագրությունը նշանակալից և հարուստ էջեր ունեն, որոնք կարող են առատ նյութ ծառայել զիտական լայն հետազոտության համար:

* * *

Ա 5098
 Սակայն մեր երկրի պատմության նախորդ ոչ մի շրջան երգիծական լրագրության այնպիսի առատություն չի բերել իր հետ, ինչպես այն բերեց սուսական առաջին հեղափոխությունը:

Իմպերիալիզմի դարաշրջանում Ռուսաստանի ժողովուրդները, պայքարի նոր ձևերով ու միջոցներով առաջին զիսավոր փորձը կատարեցին ռուսական ռազմա-ֆեոդալական միապետությունը տապալելու, նրա վլատակների վրա իսկական համաժողովրդական դեմոկրատական կարգեր հաստատելու համար: Ինքնակալության դեմ մղված համաժողովրդական այդ պայքարի պատմությունն իր շատ կողմերով հանգամանորեն հետազոտվել է՝ մարքսիստական պատմագրության կողմից:

Այնուամենայնիվ, մեր հետազոտության նյութի զիտական շարադրանքը պահանջում է մշտապես աշքի առաջ ունենալ՝ առաջին, որ իր բնույթով, իր սոցիալ-քաղաքական նպատակներով 1905—1907 թթ. հեղափոխությունը բուրժուազիաման մեջման մեջ էր ներգրավել երկրի հասարակայնության բոլոր խավերին և սոցիալական տարրեր ուժերը, որ տարբեր դասակարգեր ու հասարակական դանազան խմբեր տարբեր նպատակներ ու ակնկալություններ ունեին նրանցից: Եվ երրորդ՝ այդ բոլորի հետ միասին, սոցիալական այդ տար-

¹³ «Հայ նոր զրականության պատմություն», Երևան, 1964, էջ 421:
2—842

բեր ուժերին ու քաղաքական խմբերին միավորում էր նրանց ընդհանուր ատելությունն ու ցասումը ռոմանովյան անսահմատիրակալության նկատմամբ։ Տեղին է նկատված, որ հետազոտելով ռուսական առաջին հեղափոխության շրջանի երդի-ծական մամուլը, չի կարելի անտեսել, որ այդ արտաքին միաբանության կողքին կային նաև ներքին խորը հակասություններ ու գործելակերպի և նպատակների բազմազանություն¹⁴։

Առաջավոր հասարակական միտքը, հանձինս հրապարակախոսության ու պարբերական մամուլի, գրականության ու, այդ շարում, երդիծական լրագրության, արտացոլելով ժամանակի ոգին, բոլոր հնարավոր միջոցներով մասնակից դարձան ցարիզմի դեմ մղվող համաժողովրդական պայքարին։ Սուր խոսքն ու մտրակող ծաղրանկարը, հեգնանքն ու հումորը նույնպես խարիսում էին հին կարգերի հիմքերը մարդկանց համոզմունքների ու հնամենի պատկերացումների մեջ, որպես և գեկտեմբերյան բարիկադների վրա ռոմանովյան միապետության դեմ անձնվիրաբար կովող Ռուսաստանի բանվորներն ու կալվածատիրական ազարակները հրդեհող հեղափոխական գյուղացիները։

Պայքարի կորովով համակված ժողովրդական զանգվածներին, ցարիզմի դեմ ոտքի ելած մարտիկի ոչ սրտին, ոչ էլ հոգուն շէին կարող այլևս գոհացում տալ բարեհոգի հումորն ու կենցաղային երդիծանքը։ Հեղափոխությունը ռուսական, և ոչ միայն ռուսական, երդիծաբանությանը հաղորդեց սոցիալական ու քաղաքական շեշտված երանդ։ Քաղաքական երդի-ծանքը մտավ իր դերի մեջ, և հաջողությամբ էր կատարում իր հասարակական պարտքը։

Վերջին տարիներին հրապարակված մի շարք աղբյուրների տվյալներով հեղափոխության միայն առաջին և երկրորդ տարում, մեկը մյուսի ետեկից Ռուսաստանում և նրա ծայրամասերում երևան եկան չորս հարյուրից ավելի երդի-

¹⁴ «Русская сатира», М.—Л., 1960, стр. 21.

ծական պարբերականներ¹⁵: Համարձակ ու սուր, ծաղրող ու խարանող էին մամուլի այդ օրգանները: Եվ որքան խորանում էր հեղափոխությունը, որքան նոր զանգվածներ ու երկրի նոր շրջաններ էին ընդգրկվում հեղափոխական պայքարի մեջ, այնքան ավելի էր մեծանում երգիծական պարբերականների մերկացնող ուժը: Այդ տարիների ոռւսական ամենահամարձակ ու ամենասուր հանդեսները, որոնք կրում էին բազմանշանակ «Եսրյա», «Պուլեմետ», «Եօրցի», «Եօմբի», «Պուլի», «Դեստի վալ», «Շվաբու», «Ժալո». և այլ անուններ, ուրի ու ցաւկոտ խոսքի ամենաբազմազան միջոցներով խսկական երգիծական պատերազմ էին մղում ցարական ինքնակալության դեմ: Երգիծողների գրիչը, ծաղրանկարիչների վրածինն ու մատիտը ոչնչացնող սարկազմով ձաղկում ու հեղնում էին նիկոլայ II-ին ու նրա պալատականներին, ցարական սատրապներ ու բարձրաստիճան պաշտոնյաներ Դուրնովոյին ու Տրեպովին, Վիտտեին ու Ստոլիպինին, դրանց հետ միասին նաև ունակցիայի և խավարամտության խոշորագույն գաղափարախոս Կ. Պ. Պոբեդոնոսցեին:

Դեմոկրատական-երգիծական հանդեսներն իրենց քաղաքական ծրագրով, անշուշտ, միատարր շէին: Դրանցից բոլշևիկյան մամուլի լեզու օրգաններին բավականին մոտ էր «Ժալո» հանդեսը¹⁶:

Տասնամյակներ անց թերթելով մարտական-քաղաքական երգիծական այդ հանդեսները, ընթերցողը վերահասու է լինում այն պայքարին, որ գոյություն ուներ գրանց և ցարական գրաքննության միջև: Որքան ավելի էր մոլեզնում

¹⁵ Գեղեն 20-ական թվականներին Վ. Ֆ. Բոցյանովսկին իր ուսումնասիրությանը, որն առաջին փորձն է այդ բնագավառում և համառոտ մատենագրական տեսության բնույթ ունի, կցած մատենագիտական ցուցակում 1905—1908 թթ. Ռուսաստանում լուս տեսած երգիծական պարբերականների թիվը հաշցնում է 429-ի: Տե՛ս Վ. Փ. Յօվանովսկի, Ռուսական սատիրական պարբերական 1905—1906, Լ., 1925.

¹⁶ «Стихотворная сатира первой русской революции (1905—1907)». Советский писатель, Ленинградское отделение, 1969, стр. 21.

ցարական գրաքննությունը, որքան ավելի էին հալածվում երգիծողներն ու ծաղրանկարիչներն, այնքան ավելի հնարամիտ էին դառնում երգիծական միջոցները: Ծուսաստանի երգիծական մամուլը մահու և կենաց պատերազմ էր մղում մի կողմից երերվող ոռմանովյան գաճի, մյուս կողմից՝ նրա երբեմնի «փառքի» պաշտպան ցարական գրաքննության դեմ:

* * *

Խուսական առաջին հեղափոխությունը ընդդրկել էր նաև Անդրկովկասը: Այստեղ իրադարձությունները Ծուսաստանի կենտրոնական մարզերի համեմատությամբ այն առանձնահատկությունն ունեին, որ ցարիզմի դեմ ծավալված համաժողովական պայքարին միաձուլվել էին նաև ճնշված աղքերի աղատագրական բաղձանքները:

Խոսելով ոռւսական առաջին հեղափոխության բնույթի, շարժիչ ուժերի և դասերի մասին, կենինը ասում էր. «Ծուսաստանի ճնշված ժողովուրդների մեջ բռնկվեց ազգային աղատագրական շարժում: Ծուսաստանում բնակչության կեսից ավելին, գրեք երեք հինգերորդականը (ՀՀգրիտ՝ 57%-ը) ենթարկվում են՝ ազգային ճնշման, նրանք զուրկ են մինչև անգամ մայրենի լեզվի աղատությունից, նրանց բռնի կերպով ոռւսացնում են»¹⁷: Այնուհետև նա նշում է, որ հեղափոխության տարիներին ապշեցնող արագությամբ ծագեցին ազգային բնույթի բազմազան կազմակերպություններ, որոնց «... հսկայական աճման մի դարաշրջան էր դա»:

Հայտնի է նաև, որ Կովկասի իրադարձությունների մասին կուսակցության III համագումարի համար գրած բանաձեի նախագծի մեջ¹⁸ Վ. Ի. կենինը, գնահատելով երկրամասի քաղաքական իրազրությունը, նշում էր, որ Կովկասի սոցիալ-քաղաքական կյանքի հատուկ պայմանների հետևանքով այնտեղ ստեղծվել են բոլեսիկյան կուսակցության ամե-

¹⁷ Վ. Ի. կենին, Երկեր, Հատ. 23, էջ 329:

¹⁸ Վ. Ի. կենին, Երկեր, Հատ. 8, էջ 536—537:

նամարտական կազմակերպությունների: Զափազանց ուշագրավ է նաև բանաձեռնությունների հախազգի այն մասը, որը արձանագրված է, որ Կովկասում առկա է Հեղափոխական իրադրություն, որն արդեն հասունացրել է Համաժողովրդական ապստամբությունն ընդդեմ ցարական ինքնակալության:

Բարձր գնահատելով Կովկասի աշխատավորների Հեղափոխական կորուլը, համագումարը Ռուսաստանի գիտակից պրոլետարիատի անունից չերմորեն ողջունում էր «Կովկասի Հերոսական պրոլետարիատին և գյուղացիությանը»:

Նշված առանձնահատկություններն սովորակի թե անուղղակի կերպով չէին կարող չարտացոլվել և արձագանք չգտնել ժամանակի պարբերական մամուլում, այդ թվում նաև երգիծական գրականության մեջ:

Կայսրության կենտրոնների Հետ միասին Անդրկովկասում ևս աննախընթաց բուռն վերելք ապրեց պարբերական մամուլը: Քաղաքական ազատ մամուլի իրավունքը նվաճվել էր պրոլետարիատի անձնուրաց և արյունահեղ պայքարի շնորհիվ: Մամուլի որոշ ազատության համար, անշուշտ, նպաստավոր պայմաններ ստեղծվեցին՝ 1905 թ. ցարի շնորհած, թեկուզ և կիսատ, ազատությունները: Այդ է պատճառը, որ Անդրկովկասում ևս, ինչպես լեզվական բուլղարիկյան թերթերն ու հանդեսները, այնպես էլ գենոկրատական ձախ մամուլը, այդ թվում պատկերազարդ երգիծական հանդեսները, լույս տեսան 1905 թ. վերջերին և մեծ մասմբ հաջորդ տարվա՝ 1906 թ. սկզբներին:

Այդ շրջանում, Անդրկովկասում լույս տեսած քաղաքական երգիծանքի առաջավոր գենոկրատական միակ և ամենածանրակշիռ հայերեն օրգանը հանրահայտ «Խաթարաբալա» հանդեսն էր, որն իր գաղափարական-հասարակական ուղղության ու տեսական գոյության շնորհիվ հատուկ տեղ է գրավում մեր գարի առաջին երկու տասնամյակի հայ հասարակական մտքի, պարբերական մամուլի պատմության մեջ:

Մի ամբողջ տասնամյակ (1906—1916), փոքր ընդհատումներով, Կովկասի փոխարքայության կենտրոնում, թիֆլի-

սում, լույս էր տեսնում այդ ուշագրավ պարբերականը: «Խաթաբալան» իր էջերում լուսաբանած նյութերի գերակշիռ մասով քաղաքական-երգիծական պարբերական էր, որի ծնունդն ու ամբողջ գործունեությունը սերտորեն կապված էին սուսական առաջին հեղափոխության փոթորկալից տարիների, դարասկզբի՝ ցարիկմի դեմ մղված համաժողովրդական պայքարի հրատապ հարցերի հետ:

Իր հասարակական նկարագրով, ժամանակի պատմական: իրադարձությունների լուսաբանման մեկնակետով, «Խաթաբալան» դեմոկրատական շարժման ձախ թեր երգիծական ձայնափողն էր:

Ցարական բռնակալական կարգերի, հայ աշխատավոր դանգվածների կեղեքիչների համարձակ ու սուր խարազանման հետ միասին, «Խաթաբալան» իր հիմնադրման առաջին օրերից մեծ ու լայն ծավալով ընդգրկում էր միջազգային կյանքի կարևորագույն հարցերը, ցասումով զատապարտում անզիւական, գերմանական և ճապոնական իմպերիալիստական-զավթողական քաղաքականությունն ու արևելյան բռնապետությունը, չերմ համակրանքով արձագանքում բալկանյան, ինչպես նաև Արևելքի ժողովուրդների ազգային-ազտագրական պայքարին: Հատկանշական է, որ շաբաթաթերթի էջերում տպագրված բաղմաթիվ սուր ու խայթող երգիծական նյութերն ունեն ոչ միայն տեղական, այլև ընդհանուր, համառուսական նշանակություն: Դա, անշուշտ, շափականց բնորոշ էր ժամանակի մասնութիւնը առաջադեմ և հետեւղական դեմոկրատական բոլոր օրգաններին:

Շաբաթաթերթի նյութերի հիմնական առանցքը երգիծական հայելու մեջ հայ ժողովրդի հասարակական և հոգևոր կյանքի արտացոլումն էր: «Խաթաբալան» լայնորեն արձագանքել և ցասումով զատապարտել է սուլթանական թուրքիայի կողմից հայ ժողովրդի նկատմամբ գործադրած զաման ազգացինց քաղաքականությունը, իսկ 1915 թ. մեծ եղեռնի նախօրեին զգացել ու տագնապով է արձանագրել հատկանշ արևմտահայության մոտալուս անորոշ ապագան:

Մշտապես գտնվելով ցարական գրաքննական հսկողության տակ, «Խաթաբալայի» հրատարակությունն իրագործվել է դժվարին պայմաններում, իսկ նրա մշտական աշխատակիցները և հեղինակները շաբաթաթերթում հանդես են եկել բացառապես տարբեր ծածկանուններով, որը շաբաթաթերթին տվել է գաղտնանունների մի յուրահատուկ հանրագիտարանի կիրապարանը:

Հարկ է նշել, որ «Խաթաբալայի» հետ կողք-կողքի, ցարիզմի դեմ ծայր առած համաժողովրդական պայքարի պայմաններում, Անդրկովկասում իր պատմական դերն էր կատարում նաև աղքաբեջաներեն հրատարակվող «Մոլլա Նասրեդդին» երգիծական հանդեսը: Այլալեզու, սակայն գաղափարակից այդ հանդեսներին միավորով ժողովուրդների բարեկամության, ընդհանուր թշնամու դեմ միավորվելու սրբազն գաղափարն էր:

«Մոլլա Նասրեդդինը», որը սկզբում լույս էր տեսնում Թիֆլիսում, իսկ հետագայում Բաքվում, հիմնագրել է աղքաբեջանական ականավոր դեմոկրատ-լուսավորիչ, հասարակական գործիչ ու գրող Ջալիլ Մամեդկովիդաղեն: Հանդեսն իր էջերում լայնորեն, դեմոկրատական դիրքերից, արտացոլել է ուսական առաջին հեղափոխության անցուդարձերը, հետևողականորեն պաշտպանել աշխատավորների շահերը և, ինչպես պնդում են որոշ հեղինակներ, եղել է աղքաբեջանական առաջավոր մտավորականության հեղափոխական-դեմոկրատական օրգանը¹⁹:

Հանդեսի շուրջը համախմբվել էին ժամանակի աղքաբեջանական առաջավոր մտավորականության լավագույն ներկայացուցիչները: Բավական է հիշատակել, որ բացի երգիծաթերթի խմբագրից, հանդեսին աշխատակցում էին այնպիսի նշանավոր գրողներ ու լրագրողներ, ինչպիսիք էին՝ աղքաբեջանական ժողովրդական բանաստեղծ Մ. Սարիրը, բանաս-

¹⁹ Մ. Կասумօվ, Боевой революционно-демократический журнал «Молла Насреддин», Баку, 1960.

տեղծներ Ալի Նազմին, Մ. Օրդուրադլին, գրողներ Ա. Ախովերդիկը, Դ. Շարիֆօվը, Ֆ. Քոչարլին, նկարիչներ Ա. Աղիմզագեն, Օ. Շմերլինգը, Գ. Ռոտտերը և ուրիշներ: Դրանով էր պայմանավորված այն մեծ հեղինակությունն ու ժողովրդականությունը, որ վայելում էր «Մոլլա Նասրեդդինը» ընթերցողների շրջանում:

Ի պատճիվ ադրբեջանական պատմաբանների և բանասերների, հարկ է նշել, որ նրանք հանգամանորեն ուսումնասիրել ու գնահատել են իրենց ժողովրդի հոգեոր այդ հարստություններից մեկը: «Մոլլա Նասրեդդին» հանդեսի, նրա խմբագրի ու աշխատակիցների մասին հրապարակվել են մենագրություններ, գրքույկներ, հետազոտություններ:

«Խաթաբալայի» մասին, առաջմ, որոշ հեղինակների մոտ միայն համառոտ ակնարկների ենք հանդիպում. զրանք երևում են գերազանցապես ուսական առաջին հեղափոխության առանձին կողմերին նվիրված հետազոտությունների մեջ: Արձանագրելով այն հանրահայտ ջշմարտությունը, որ «Խաթաբալան» եղել է առաջավոր դնմոկրատական երգիծաթերթ, նրանք պարբերականի որոշ նյութերն օդապործում են որպես պատմական արժեքավոր վավերագրեր:

Ուսական առաջին հեղափոխությանը և հայ ու աղբեջանցի ժողովուրդների դարավոր բարեկամության պատմությանը նվիրված իր աշխատություններում²⁰ Շ. Պ. Աղայանը նշում է, որ հատկապես հայ-ադրբեջանական բարեկամության ամրապնդման գործում կարևոր դեր են կատարել «Մոլլա Նասրեդդին» և «Խաթաբալա» երգիծական պարբերականները: Բնութագրելով «Խաթաբալայում» տեղ դտած որոշ ծաղրանկարներ, հեղինակը ցույց է տալիս, որ զրանց միջոցով պարբերականը մերկացնում էր ազգամիջյան ընդհարումների գործում ցարիզմի պրովոկացիոն քաղաքականությունը:

Ուշագրավ է նաև Շ. Պ. Աղայանի այն դիտողությունը,

²⁰ Շ. Պ. Աղայան, Հեղափոխական շարժումները Հայաստանում 1905—1907 թթ., Երևան, 1955, էջ 240:

որ «Խաթաբալան» իր ամբողջ գործունեության ընթացքում ժողովուրդների բարեկամության չերմեռանդ պաշտպան է եղել, որ շաբաթաթերթն իր էջերում բարձրացրել է հայ և հարևան ժողովուրդների հասարակական կյանքի հուզող հարցերը²¹:

«Խաթաբալայի», ինչպես նաև ուստական առաջին հեղափոխության շրջանում Արևելյան Հայաստանում կարձատել, ընդամենը մի քանի համար լույս տեսած մյուս երգիծական պարբերականների մասին ուշագրավ էջեր կան Աս. Ասատրյանի աշխատության մեջ,²² որը տրված է ուստական աղատագրական պայքարի գտած արձագանքը հայ գրականության մեջ: Հեղինակն իր գրքում վերլուծում և արժեքավորում է տպագրված երգիծական որոշ նկարներ և նյութեր՝ սահմանափակվելով 1905—1907 թթ. շրջանակներով:

Հայ դեմոկրատական մամուլին նվիրված ուսումնասիրության մեջ²³, տողերիս հեղինակը, վկայակոչելով ցարդ չհրապարակված որոշ վավերագրեր, ցույց է տվել այն մեծ հաջողության պատճառը, որ ունեցել է ժամանակին «Խաթաբալան»: Այնտեղ որոշակիորեն նշված է, որ շաբաթաթերթը հիմնագրել ու խմբագրել են Աս. Երիցյանը և Ա. Աթանասյանը, բերված են տվյալներ պարբերականի տպագրանակի վերաբերյալ և, վերջապես, հետազոտությանը կցված է «Խաթաբալայի» երկրորդ՝ փաստական խմբագիր և առաջատար ֆելիխտոնիստ Ա. Աթանասյանի գրչին պատկանող ծածկանուն և անստորագիր ֆելիխտոնների ու այլ երգիծական ակնարկների մատենագիտական ցանկը:

«Խաթաբալայի» նյութերին, որոշ առումով, անդրադարձել է նաև գրականագետ Ա. Գրիգորյանը: Սոցիալիստական

²¹ Մ. Պ. Աղայան, Հայ և աղբբեջանական ժողովուրդների դարավոր բարեկամությունը, Երևան, 1961, էջ 200—204:

²² Աս. Ասատրյան, Հայ գրականությունը և ուստական առաջին հեղափոխությունը, Երևան, 1956, էջ 201—233:

²³ Ա. Թ. Խշանյան, Հայ դեմոկրատական մամուլի պատմությունից, Երևան, 1962:

ուելիզմի ակունքներին նվիրված իր աշխատության մեջ²⁴, հեղինակը ուշադրության առնելով «Խաթաբալան», ընդգծում է նրա նյութերի ոչ միայն տեղական, այլև համառուսական նշանակությունը:

Այդ ցանկում առանձնանում և բացառություն է կազմում բանասեր Ա. Երևանիի՝ «Խաթաբալայում» տեղ գտած մի որոշակի պրոբլեմին նվիրված ուսումնասիրությունը, որոնց արժեքավոր դիտողություններ կան «Խաթաբալայի» և «Մոլլա Նասրեդդինի» գաղափարական և ստեղծագործական սերտ կազերի վերաբերյալ²⁵:

Այսպիսով, «Խաթաբալայի» մասին ասպարեզում եղած այդ ակնարկները խնդիր չունեն և չեն ներկայացնում նրա ո՛չ մասնակի, ո՛չ ամբողջական նկարագիրը: Ներկա ուսումնասիրությունը նվիրված է հայ հասարակական մտքի պատմության մեջ նշանակալից տեղ գրաված այդ պարբերականի գաղափարական-հասարակական ուղղության, նրանում տեղ գտած հասարակական-քաղաքական պիտակոր պրոբլեմների բնութագրմանը, ինչպես նաև «Խաթաբալայի» հիմնագրման ու հրատարակության պատմությանը: Գրքում բացահայտվում է նրա առաջատար աշխատակիցների կազմը, ցուց է արվում երգիծական ալդ հուշարձանի պատմա-ճանաշողական նշանակությունն ու գնահատվում այն որպես ուշագրավ ու արժեքավոր պատմական աղբյուր՝ դարասկզրի հայ հասարակական մտքի ուսումնասիրման զործում:

²⁴ Արամ Գրիգորյան, Ս. Խոստան և այլն մասին, Երևան, 1963.

²⁵ Ա. Յու. Երևանի, «Խաթաբալա» շարաթաթերթը Աղբբեջանի մասին», Երևանի և Արևոլյանի անվան հայկական պետական մանկավարժական ինստիտուտի գիտական աշխատությունների ժողովածու, Երևան, 1964, էջ 268—296:

«ԽԱՅԱՔԱԼԱՅԻ» ՀԻՄՆԱԴՐՈՒՄՆ ՈՒ ՀՐԱՏԱՐԱԿՈՒՄԸ

«Խայաքալայի» լույս ընծայումը զուգագիտեց այն շիկացած Հեղափոխական մթնոլորտին, որ կրկին ստեղծվել էր Խոստահանում 1906 թվականի գարնանն ու ամռանը: Եվ այն ժամանակ, երբ սեղակցիայի սև ուժերը կարծեցյալ հաղթանակ էին տոնում Հեղափոխական ժողովրդի նկատմամբ, երբ թվում էր, թե Հեղափոխությունը սպառել էր իր բոլոր թաքնըված ուժերը, խորը որոտմունքով ամբողջ երկրում բռնկել էր զյուղացիական շարժումը: Բացառություն չէր կազմում նաև բանակը: Օրբստօրե աճող զինվորական հուզումները գնալով սպառնալից էին դառնում: Սա. Շահումյանն այդ օրերին դրում էր: «Եվ ահա մենք տեսնում ենք, որ Հեղափոխական շարժումը մուտք է գործում և զյուղ, խորտակելով մուժիկների մասսայի մեջ գեռիս գոյություն ունեցող միամիտ հավատքը: Այժմ մենք տեսնում ենք, թե ինչպես ազրարային շարժման ալիքները փոխորկում են ամբողջ Խոստահանը, Հեղափոխական բանակի շարքերը տանելով զյուղացիական լայն խավերին, որոնք միանում են բանվորների հետ»¹:

Զնայած որ գեկանեմբերյան օրերի համեմատությամբ Հեղափոխությունը չոնքեր իր վաղեմի լարումը, և նա աստիճանաբար վայրէցք էր ապրում, սակայն հոգնածության և հուսալրության մասին խոսելը գեռ վաղաժամ էր:

Հեղափոխական ուժերը և, առաջին հերթին, բոլենիկները, բոլոր հնարավոր միջոցներով աշխատում էին պահպանել

¹ Առ. Շահումյան, Երկեր, Հատ. 1, Երևան, 1955, էջ 171:

ժողովրդի մարտական ողին, ամրապնդել աշխատավորների, դեմոկրատական խավերի ու ուժերի հավատքը հեղափոխական գալիք նոր մարտերի և հաղթանակի նկատմամբ:

Ահա թե որտեղից էին բխում զեմոկրատական տարրերի պատմական լավատեսությունն ու մարտական կորովը: Այդ տրամադրությունների արտահայտիչը երգիծաբանության բնագավառում «Խաթաբալան» էր:

Դատելով այն օրերի մամուլի արձագանքներից, ինչպես նաև որոշ ժամանակակիցների հուշերից, «Խաթաբալայի» առաջին համարները լայն տարածում գտան և անմիջապես գրավեցին ընթերցող հասարակայնության ամենաբազմազան շրջանների ուշադրությունը: «Խաթաբալան» ընթերցում էր և մտավորականը, և բանվորը, և դյուզացին, և արհեստավորը:

Շաբաթաթերթի հիմնագիրներից մեկը, «Խաթաբալայի» ըստ էության երկրորդ խմբագիր, արևելահայ նշանավոր դեմոկրատ-երգիծաբան Աշոտ Աթանասյանը հիշում է, որ «Խաթաբալայի» առաջին համարը լույս է տեսել երկու հազար օրինակով և այնքան արագ է սպառվել, որ այն, ընթերցողների պահանջով, տպագրվել է երկրորդ անգամ: Այնուհետեւ, հանդեսի երկրորդ համարը լույս է տեսել չորս հազար, երրորդ համարը՝ հինգ հազար օրինակով: Սա մի աննախընթաց երեվույթ էր հայ մամուլի պատմության մեջ: Հետաքրքիր և հատկանշական են նաև Ա. Աթանասյանի բերած տվյալները «Խաթաբալայի» տարածման և բաժանորդագրության աշխարհագրության վերաբերյալ: Շաբաթաթերթի 3000 օրինակը սպառվել է Թիֆլիսում, մոտավորապես 1500 օրինակը՝ Բաքվում, և 2000-ը՝ Անդրկովկասի այլ վայրերում, իսկ մշտական բաժանորդների թիվը հասել է 3500—4000-ի²:

² Աշոտ Աթանասյան—Սալման, Հուշեր հայոց թատրոնի մասին, Ե. Զարենցի անվան գրականության և արվեստի թանգարանի թատերական բաժնի արխիվ:

«Մուրճ» հայ մամուլի այն սակավաթիվ օրդաններից էր, որ շտապեց իր կարծիքը հայտնել երգիծական նոր հրատարակության մասին։ Այդ կարծիքը «Խաթաբալայի» համար նպաստավոր ու բաջալերող էր։ Եվ, չնայած անհնարին է այժմ որոշել, թե ում ձեռքով է ստեղծվել մամուլի տեսությունը, սակայն ակնառու է, որ նրա հեղինակը ճշմարիտ պատկերացում է ունեցել երգիծական մամուլի նոր, հեղափոխական դարաշրջանում հասարակական դերի մասին։ ու առաջավոր դիրքերից է գնահատել «Խաթաբալայի» առաջին համարների արժանիքները։ Ահա թե ինչ էր զրում «Մուրճ»։ «... Հեղափոխական եռուն կյանքի արտահայտություններից մեկն էլ բազմաթիվ երգիծաբանական թերթերի ծնունդն էր։ Ամեն բանում մենք հայերս էլ, իհարկե, ենթարկվում ենք ժամանակակից հոսանքներին և տրամադրություններին։ Պետերբուրգում լույս տեսավ «Սափրիչ» երգիծաբանական թերթի մի քանի համարները, սակայն մեր կյանքից հեռու այդպիսի հրատարակությունը այնքան էլ հաջողություն ունենալ չի կարող։ Թիֆլիսում էլ սկսվեց հրատարակվել «Խաթաբալա» թերթը... Նկարիչները՝ Ռոտտեր և Շլինգ, առանձին փայլ են տալիս այդ թերթին։ Առանձին ուշադրություն դարձեք, օրինակի համար, № 1-ում և 3-ում հայ-թուրքական ընդհարումների սկզբնապատճառը և ֆինալը ներկայացնող պատկերներին, որոնք գեղարվեստորեն միայն վիշտ, արտասուր են հարուցում և ոչ ծիծաղ։ Շատ սրամիտ է ծաղրած հայ բժշկի էվոլյուցիան ծնված օրից մինչև թղթախաղի կանաչ դաշտը (№ 3)։ Վատ չեն Դումայի և մեր հասարակական գործերի հոգաբարձուական ընտրություններ, բարեգործական ընկերություններ) մասին նկարներն ու խծբանքները։ Այն պախարակելի կողմերը, որ խոսակցության առարկա են, «Խաթաբալան» նորից շեշտում է, ընդգծում, ավելի ոելլեֆ դարձնում և ընդհանրացնում։ Այդպիսի թերթի գլխավոր արժեքը կայանում է անպայման շիտակության և անկախության մեջ։ նա թայֆայական չպիտի լինի և մարդկանց մասնավոր, ինտիմ կյանքը մի կողմ թողնի, նա պիտի ձգուի անաշառորեն և անկախորեն

ծառայել, ղեկավարվելով՝ միայն Հասարակական շահերով։ Յանկանում ենք Հարատեսթյուն»³:

Ո՞րտեղ պետք է փնտրել «Խաթարալայի» այդքան անօրինակ Հաջողության ու նրա լայն ժողովրդականության պատճառը։ Այս Հարցի պատճառը սերտորեն կապված է պատմական այն ժամանակահատվածի բովանդակության հետ, երբ լույս էր տեսնում շաբաթաթերթը։

Քսաներորդ դարի առաջին երկու տասնամյակը սոցիալ-քաղաքական տեղաշարժերի ու մեծագույն բեկումնային իրադարձությունների աննախընթաց շրջան էր։

Այդ մի շրջան էր, երբ Ռուսաստանը նույնպես թևակոյն էր իմպերիալիզմի փուլը և իր անտեսական ու քաղաքական զարգացմամբ մուտք գործել աշխարհի խոշորագույն բազմազգ տերությունների շարքը։ Դրա հետ միասին երկիրն իր վրա կրում էր ինքնատիպության շեշտված կնիքը։ Որպես անախրոնիզմ էին հնչում այստեղ ինքնակալությունը, ճորտատիրությունն ու ազգային ճնշումը, որտեղ Ռուսական կայսրության մինչև վերջին օրերը նորագույն կապիտալիզմի բարձր զարգացման ակտուալիտերեն միախառնված էին ճորտատիրության մնացուկների հետ։

Պատմական այդ ժամանակահատվածում էր, որ Հանդես եկավ Վ. Ի. Լենինի ստեղծած մարքսիստական նոր տիպի կուսակցությունը, կատարվեց XX դարի Ռուսաստանի ժողովրդական առաջին Հեղափոխությունը։ Ազգային-ազատագրական շարժումների արթնացումն ու նոր ալիքը Բալկաններում ու Արևելքի մի շարք երկրների միջազգային կյանքում հատկանշվեց նոր երևոյթներով։ Որոտաց առաջին Հանգիստարհային պատերազմը՝ մարդկանց տնտեսական գոյության պայմաններում ու ժողովուրդների հոգեբանության մեջ առաջ բերելով խոր ավելացնածություններ։ Տապալվեց ցարիզմը։ Սոցիալական տեղաշարժերի պատճեն մարդկության բազմադարյան գոյության մեջ նոր էջի ու դարագլխի սկիզբն ավետող

³ «Մուրա», 1906, № 7,էջ 115—116։

Հոկտեմբերյան հեղափոխության հաղթանակն էր: Ահա՝ դարասկզբի հագեցած մինուրտի ամենաընդհանուր բնութափիրը:

Ակներեւ է, որ մամուլի իսկական առաջավոր օրգանը պետք է արձագանքեր դարի հասարակական կյանքին ու հասարակական միտքը հեղաբեկած այդ հարցերին, որոշեր իր տեղը պայքարող հասարակական ուժերի այս կամ այն լադերում:

«Խաթաբալան» աննահանջ ու ամուր կանգնած էր առաջավոր դեմոկրատիայի դիրքերում. այն ամենից առաջ քաղաքական երգիծանքի համարձակ օրգան էր, և իր գաղափարական-հասարակական ուղղությամբ սերտորեն հարում էր հեղափոխական մամուլի բանակին:

Ժամանակակից ընթերցողի մեջ անկեղծ դարմանք է հարուցում հարցերի այն լայն շրջանը, որ շաբաթաթերթը ձգտում էր ամեն կերպ ընդգրկել ու արձագանքել: Այդ հանդամանքը «Խաթաբալայի», որպես առաջավոր-դեմոկրատական մամուլի օրգանի, կարևոր բնորոշ գիծն է: Ճիշտ է ասացվածքն, իհարկե, որ ամեն համեմատություն կաղում է, բայց եթե նույնիսկ թույլ փորձ արվի համեմատելու ժամանակի իրենց ժողովրդական, ազգային հոչակող մամուլի օրգանների հետ, «Խաթաբալայի» համար շատ կողմերով շահեկան կլինի այդ համեմատությունը:

«Խաթաբալայի» էջերում սրամիտ ու հանդուգն երգիծանքի և ծաղրանկարների միջոցով իրենց արձագանքն ին գտել ուստական ազատազրական պայքարի ամենահրատապ և հանգուցային հարցերը, հայ ժողովրդին, դրա հետ միասին նաև Անդրկովկասի ժողովուրդներին հուզող սոցիալ-քաղաքական կյանքի բաղմապիսի հարցեր:

Ոչ միայն հեղափոխության տարիներին, այլև հետագա՝ ուսակցիայի, իսկ այնուհետև առաջին համաշխարհային պատերազմի տարիներին, շաբաթաթերթը հավատարիմ է մնացել իր կոչմանը, զգալի շափով իր էջերում տեղ տալով հասարակական լիցք պարունակող երգիծանքին:

«Խաթաբալայի» ընթերցողը չի կարող չնկատել, որ միշտ չէ, որ շաբաթաթերթի էջերում ժամանակի հասարակական կյանքը, իսկ առանձնապես հայ իրականությունը, արտացոլվել է երգիծական միջոցներով։ Հայ և հարեան ժողովուրդների կյանքի ողբերգական վիճակը ներկայացնելու համար «Խաթաբալան» բանեցնում էր խոսքի և արվեստի արտահայտչական այլ միջոցներ։ Բազմաթիվ օրինակներից, որոնց պետք է անդրադառնանք հետազայում, բավական է հիշել, թե ցնցող ինչպիսի կտավներով էր պատկերում շաբաթաթերթը հայ ժողովրդի աշխարհացունց ողբերգությունը Արևմտյան Հայաստանում։ Իսկ հայ աշխատավոր խավերի սոցիալ-իրավական ծանր վիճա՞կը, ցարական պրովոկացիայի ձեռքով սարքած հայ և ազրբեջանական բնակչության ազգամիջյան կոտորածները, բալկանյան իրավազուրկ ժողովուրդների, մինչև անգամ անգլիական իմպերիալիստների լծի տակ հեծող հնդիկ ժողովրդի ծանր կացությունը։ Նման բոլոր պատկերներն, ինչպես նիշտ նկատում է «Մուրճը», ընթերցողից վիշտ ու արտասուբ են քամում, միաժամանակ ցասում ու ատելություն առաջ բերելով տիրող կարգերի, սոցիալական ու ազգային ճնշման ու հարստահարման դեմ։ Ծիծաղն ու կոմիկականն այդ դեպքում իրենց տեղը զիջում են մերկացման ողբերգական պաթուին։

* * *

«Խաթաբալայի» հիմնադիրներն ու խմբագիրները մշտապես հրապարակուեն հայտարարել են, որ ստեղծելով արեւլահայ առաջին երգիծական պարբերականը, իրենց առջեւնեցել են այդ տարիներին լույս տեսնող ոռւսական առաջավոր, հեղափոխական երգիծական թերթերի օրինակը։ Երգիծաթերթի աշխատակիցները շատ առիթներով դիմել են դրանց նյութերին, հատկապես հանրահայտ «Սատիրիկոնին» արտատպել նրանից երգիծական նյութերը ու տասնյակ ծաղրանկարներ։

Սակայն ոռւսական կյանքի, ոռւս հասարակական մտքի հետ «Խաթթաբալալի» մոտ հազորդակցությունը դրանով չի . սահմանափակվում: Երգիծաթերթի էջերում հանդիպում ենք սեփական թարգմանություններ՝ կատարված Տոլստոյից, Կորլովից, Գոգոլից, Զեխովից, Լերմոնտովից, Տյուտչևից, Սկիտալեցից, Դորոշելչից, Ավերշենկոյից: Կան համաշխարհային գրականությունից նմուշներ Մոտասանից, Մարկ



Լև Տոլստոյ. ծննդյան 80-ամյակի առթիվ:
Գործ նկ. Գ. Ռուստերի

Տվենից, կնուտ Համսունից և բազմաթիվ աֆորիզմներ, ասուլիթներ, բարոյա-խրատական երկտողեր՝ գիտության ու կուտուրայի ոռուսական և Արևմուտքի խոշորագույն դեմքերի ստեղծագործություններից։ Հարևան ժողովուրդների գրականությունից հատկապես աշքի են ընկնում Մոլլա Նասրեդդինից կատարված տասնյակ թարգմանություններ, որոնք ադրբեցանցի բանասերների վկայությամբ, կատարված են մեծ հմտությամբ, և նրանցում հարազատորեն պահպանված են հոչակավոր երգիծաբանի ստեղծագործության բնագրի յուրահատուկ հմայքն ու աղօային ուրույն երանդը։

* * *

Որքան էլ անհասկանալի լինի, սակային փաստ է, որ «Խաթաբալայի» առաջին համարներում ոչ մի վկայություն չկա նրա լույս ընծայման ժամանակի մասին։ Իրոք, երբ է լույս տեսել շաբաթաթերթի առաջին համարը։ Սա մտացածին և պարապ հարց չէ։ «Խաթաբալայի» միայն № 8-ից սկսած նշվում է հրատարակության ստույգ ժամանակը։ Այդ համարի շապիկի վրա, հանդեսի անվան տակ, պարզորոշ գրված է. «Շաբաթ, հուլիսի 29-ին, 1906 թ., Թիֆլիս»։ Սահմանված կարգը հետագայում համարյա չի խախտվել։ «Խաթաբալան» լույս է տեսել շաբաթ օրերը։

Մնում է ճշտել շաբաթաթերթի անդրանիկ համարի լույս ընծայման ամիսը և ամսաթիվը։ Դատելով «Մշակ» թերթի պարբերաբար աղդաբարումներից, «Խաթաբալան» պետք է լույս տեսներ 1906 թ. հունիսի 12-ին։ Այնուհետև, «Ճերմես» տպարանի կառավարիչը Թիֆլիսի գրաքննական կոմիտեին ուղարկած հաշվետվության մեջ հայտնում է, որ Աս. Երիցյանի խմբագրությամբ «Խաթաբալա» հանդեսի № 2-ը տպագրվել է Թիֆլիսում, 1906 թ. հունիսի 17-ին, 5000 օրինակով։ «Խաթաբալայի» էջերում մի առիթով գրված է, որ

⁴ Центральный государственный исторический архив Грузинской ССР, фонд 480, доп. опись 1, ед. 261, лист 16.

շաբաթաթերթի առաջին համարը լույս է տեսել 1906 թ. Հունիսի 18-ին⁵: Համագրելով այդ տվյալները, պարզ է դառնում, որ «Խաթաբալայի» առաջին համարը լույս է տեսել 1906 թ. Հունիսի 12-ին, շաբաթ օրը: Սկզբում այն ծրագրին է հրատարակել որպես երկշարաթաթերթ, սակայն երգիծաթերթի արտակարգ հաջողությունը հարկադրել է նրա հրատարակիչներին, արդեն երկրորդ համարից, մինչև հրատարակության դադարելը՝ 1916 թ. Ն 25-ը, դարձնել շաբաթաթերթ:

Այսպիսով «Խաթաբալայի» հրատարակությունը դադարել է 1916 թ. սկզբներին, պատերազմի հետևանքով առաջացած անբարենպաստ պայմանների ու, դրա հետ միասին, բռն պատերազմական իրազրության հետևանքով: Այդ գործում ոչ նվազ գեր էին կատարում նաև ցարական գրաքննական հալածանքները:

Սովետական իշխանության օրոք փորձեր են արվել երգիծաթերթի հրատարակությունը վերականգնելու համար: Գ. Լեռնյանը և Հովհ. Պետրոսյանը իրենց մատենագիտական աշխատություններում⁶ ցուց են տալիս, որ 1922 թ. հրատարակվել է «Խաթաբալայի» մեկ համար, իսկ 1925 թ.⁷ 2 համար: Սակայն անհրաժեշտ է կատարել հետեւյալ լրացումը. իրոք, 1922 թ. լույս է տեսել «Խաթաբալայի» մեկ համար: Սակայն 1925 թ. լույս է տեսել ոչ թե 2, այլ՝ 5 համար և 1926 թվականին է, որ լույս է տեսել 2 համար⁷, որը շի արտացոլված վերը նշված աշխատություններում:

Հասկանալի է, որ «Խաթաբալան» լույս էր տեսնում սոցիալ-քաղաքական նոր հիմքերի վրա և իր գաղափարական բովանդակությամբ համապատասխանում էր ստեղծված

5 «Խաթաբալա», 1910 թ., Ն 17, էջ 199:

6 «Հայոց պարբերական մամուլը», Լիակատար ցուցակ հայ լրադրության սկզբից մինչև մեր օրերը (1794—1934), կազմեց Գ. Լեռնյանը, երեան, 1934, էջ 46: «Հայ պարբերական մամուլի բիբլիոգրաֆիա», Հատ. 2 (1900—1956), կազմեց Հովհ. Պետրոսյան, երեան, 1957, էջ 67:

7 «Խաթաբալայի» նշված համարները գտնվում են երեանի Ալ. Մյասնիկյանի անվան հանրապետական գրադարանում:

նոր, սովետական իրավակարգի բնույթին ու արտացոլում էր հասարակական նորաստեղծ հարաբերությունները: Վերականգնված առաջին իսկ համարից, «Խաթաբալան» արձագանքեց Անդրկովկասյան ֆեղերացիալի ստեղծմանը: Պատմական այդ ակտը գեղարվեստորեն մարմնավորել է նկարիչ Օսկար Շմերլինգը, ստեղծելով գրաֆիկական ուշագրավ ու մնայուն գործ⁸: «Խաթաբալան» ներշնչանքով գովերգում էր նոր ստեղծված սովետական կարգերը, նրա հիմնապիր Վ. Ի. Լինինին⁹, խարազանում ու գատապարտում էր Հին կարգերից եկած հետամնաց բարերը, ինչպես նաև ցասումով խարանում էր միջազգային իմպերիալիզմը, որը փորձեր էր կատարում մաշվան օղակ ստեղծել բանվորա-զյուղացիական իշխանության շուրջն ու երկրում վերականգնել Հին կարգերը¹⁰, մերկացնում ու հեգնում էր արևմտյան դիվանագիտության խորամանկ ու նենդ քայլերը¹¹:

Այնուամենայնիվ, նոր բովանդակությամբ երգիծական պարբերականի կայուն հրատարակությունը Թիֆլիսում շէր Հաջողվում, չնայած նրան, որ շաբաթաթիրթին աշխատակիցում էին Աս. Երիցյանը, Գ. Բաշինչազյանը, Հ. Աղաբարը, իսկ նրա փաստական խմբագիրն էր Ս. Խանոյանը:

Դրա հիմնական պատճառը, մեր կարծիքով, այն էր, որ հայ ժողովրդի պետականության վերականգնումով, Հայաստանում նովետական կարգերի հիմնադրումով, ստեղծվեց հայ մշակույթի ու հասարակական-մտավոր կյանքի նոր օջախ, ուր ձևավորվում էր նաև սովետահայ նոր երգիծանը:

* * *

«Խաթաբալայի» հրատարակությունը նախաձեռնել էր Թիֆլիսի հայ հասարակայնությանն ու գրական շրջաններին

⁸ «Խաթաբալա», 1922, № 1, էջ 1:

⁹ «Խաթաբալա», 1925, № 1, էջ 5:

¹⁰ «Խաթաբալա», № 2, էջ 16:

¹¹ «Խաթաբալա», 1926, էջ 13:

մինչ այդ անծանոթ, կորովով լի երիտասարդ ներսիսյանական Աստվածատուր Երիցյանը։ Սա սերում էր ծղնեթցի հայ Հոգեվորականի ընտանիքից, և, ի դեպ, ձայնական լավ տվյալներ ունենալու համար, յուրայինները հորդորել էին նրան կատարելագործելու իր ձայնը և նվիրվելու արվեստին։ 900-ական թվականների սկզբներին նա մեկնում է Պետերբուրգ, ուսա-



«Խաթարալայի» բյուրոն. Հումոր, սատիրա, ճշմարտություն։
Գործ. նկ. Օ. Շմերլինզի

նում տեղի կոնսերվատորիայում, սակայն հոր մահից հետո բազմանդամ ընտանիքի հոգսն ընկնում է երիտասարդ Երիցյանի ուսերի վրա, և նա, ուսումն անավարտ թողնելով, վերադառնում է Հայրենիք:

Վրա էին հասել 1905 թ. փոթորկահույզ օրերը, և Երիցյանի կյանքը այլ հունով էր ընթանում:

Հարկավ, Ներսիսյան դպրոցում, այնուհետև նաև Պետերպուրում ուսումնառության տարիներին առաջավոր ուսանողության հետ սերտ շփումներն անհետնանք չէին անցել:

Ռուսական հեղափոխությունն իր ալիքների մեջ է առնում զեմոկիրատական Համոզմունքներով տոգորված Երիցյանին և նա, իր կոշումը գտնելով լրագրության մարզում, հայ մամուլի անդաստան է մուտք գործում որպես Հրատարակիչ ու խմբագիր, որպես երգիծաբան՝ Գասպար Կալատուղով ծածկանվան տակ:

Աս. Երիցյանը սոցիալական այն խավերի բնորոշ ներկայացուցիչներից էր, որոնք հեղափոխությանը հարեցին յուրովի, որոնց հեղափոխությանը միացնող երակը խոր տաելությունն էր ափոսդ կարգերի նկատմամբ և անկեղծ Համակրանքը՝ աշխատավոր ժողովրդի հանդեպ: Բնութագրելով այդ խավերի սոցիալ-քաղաքական կերպարաններ՝ Վ. Ի. Լենինը իր «Էն Տոլստոյը որպես ուսական հեղափոխության հայելին» հոդվածում գրում է. «Բայց մեր հեղափոխությունը շափազանց բարդ երեսով է, — նրա անմիջական կատարողների և մասնակիցների մասսայի մեջ կան սոցիալական շատարբեր, որոնք նույնպես ակներենորեն չէին ըմբռնում տեղի ունեցող անցքերը, նույնպես մի կողմ էին քաշվում պատմական այն խելական խնդիրներից, որ իրադարձությունների ընթացքը դրել էր նրանց առաջ»¹²:

Դյուրին գործ չէր Անդրկովկասի պայմաններում երգիծական պարբերականի հիմնադրումն ու նրա հետագա կանոնավոր լույս ընծայման ապահովումը, մանավանդ, որ

¹² Վ. Ի. Լենին, Երկեր, Հատ. 15, էջ 242:

Հրապարակում երգիծական «աստղեր» շէին երևում, և այս-
տեղ ցարական գրաքննությունն իրեն ավելի ագրեսիվ էր
պահում, քան, նույնիսկ, կայսրության կենտրոններում:
Աս. Երիցյանը երգիծաթերթի հիմնադրման գործում արտա-
կարգ եռանդ է հանդես բերում: Նա է ամբողջովին հոգում
հանդեսի հրատարակության գործը, հեղինակներ որոնում,
պատվերներ տալիս նրանց, իսկ սկզբնական շրջանում՝ առա-
ջին հինգ տարում, երգիծաթերթի նյութերի գրական խմբա-
գրման գործը համարյա ամբողջովին թողնում Ա. Աթանաս-
յանին: Ինչ վերաբերում է Աս. Երիցյանի հեղինակացին մաս-
նակցությանը, ապա այս գործում էլ նա երևան է բերում
դարձյալ մեծ եռանդ: «Խաթարալան» այն նպաստավոր հողն
էր, ուր Աս. Երիցյանը հնարավորություն է ստանում հրապա-
րակ հանելու երգիծողի իր ձիրքն ու շնորհքը: «Խաթարալայի»
տասնամյա դոյցության ընթացքում, մեծ մասամբ նա էր
գրում առաջնորդող հոգվածները՝ հորինված թիֆլիսահայ
բարբառով, որոնցից ամեն մեկը հասարակական հնչեղու-
թյամբ տոգորված սրամիտ ֆելիետոն է ու մնայուն գործ հայ
երգիծաբանության մեջ:

Հարկ է նշել, որ մասնագետ-լեզվաբանները «Խաթարա-
լայում» գործածված բարբառների գուտ լեզվաբանական
Հետազոտության գործում շատ օգտակար նյութեր կդանեն:
Սակայն փաստ է նաև, որ երգիծաթերթի աշխատակիցները,
հատկապես Աս. Երիցյանը, հաջողությամբ օգտագործել են
բարբառները, պարզապես թիֆլիսի և զավառների հայ ընթեր-
ցողների ավելի լայն շրջաններ գրավելու համար: Թիֆլիսա-
հայ հարուստ ու հյութալի բարբառից բացի «Խաթարալայում»
տեղ են գտել նաև արևմտահայերենը, Ղարաբաղի, Ղարսի,
Հին և Նոր Նախիջևանի, Լոռու, Արարատյան հարթավայրի,
մասնավորապես Երևան—Աշտարակի, ինչպես և Ախալցխա—
Ախալքալաքի և այլ մանր բարբառներ: Այդ առումով էլ
«Խաթարալան», որպես ժողովրդական օրգան, անփոխարինե-
լի էր ժամանակի միջավայրում:

Հետամուտ լինելով հայ գրականության պատմությանը,

նկատում ենք, որ Գ. Սունդուկյանից հետո «Խաթաբալան» է, որ լայնորեն օգտագործել է Թիֆլիսի հայերի բարբառը, որը ետառնդուկյանական շրջանում, գրական լեզվի ազդեցության տակ անխուսափելիորեն կրել է լեզվական նշանակալից որակական փոփոխություններ:

Քերենք մի նմուշ Գ. Կալատուղովի «Աշխարքիս բանը բուրթ է»¹³ առաջնորդող-պամֆլետից, որն, ի դեպ, աշքի է ընկնում նաև իր գաղափարական նպատակասլացությամբ և բնորոշ է Աս. Երիցյանի գրչին:

«Աստուծ գիդենա, զուզիս գրազ գուքամ, վուր մեր աշխարքի բանը խիստ բուրթ է. զուք ասեք, բուրթ չէ բաս ինչ դարձուքալա է, վուր երեզվա լածիրակ, են պստի մակլուզունա, էն տակի մասխարա Յապոնիեն՝ էս մինձ, Աստծու օխնած պրավոսլավնի Ռուսեթի քիթն ու պունդը չուրթից. զիդէ Աստուծ, վուր էս բանումը մինք՝ Ռուսեթցիներս իսկի էլ մեզավոր չէինք, ինչի վուր՝ էստի ուրիշ բանի զորութին կեր, սատանայի մատոն էր խառը, մաշ ու էնդուր էլ Յապոնիեն միզ ախտից, մեկ էլ են վուր, մինք... վունց ասիմ... իշավարի ասիմ՝ դժվար է, ցենզուրմեն վախում իմ, վայ թե զլխիս փափիլ տա... լողալու ասիմ՝ վունց ասիմ. մէ խոսքով՝ խիստ բեմուրազ աղմինիստրատորներ ունեցինք... բաս սրան դիմանալ կուլի, բաս էստի Յապոնի մատը խառը չի. Վու իս զրա մամի զանդրատն ինչ ասիմ. բերնիս ինչ փիս-փիս բանիր է գալիս, է. ուզում իմ ուշունց տամ՝ համա զեներալ զումբերնատորեմեն վախում իմ, չունքի ասում ին, ով ով որ գազեթումը մեկին արիզա է տալի՝ էնչախները բերդն է զցում...»:

Աս. Երիցյանի խմբագրական-հրատարակչական գործունեությունը «Խաթաբալայով» չի սահմանափակվում: Դրա հետ միասին նա հիմնադրում և հրատարակում է «Սուրճանդակ» օրաթերթը, որը լույս էր տեսնում Թիֆլիսում 1909—1912 թթ.: Զնայած թերթի հակատի ազդարարմանը՝ գաղափարական որոշակի ուղղություն և քաղաքական որևէ ծրագիր չուներ այն: «Սուրճանդակ» ունակցիալի տարիներին լույս տեսնող բնո-

¹³ «Խաթաբալա», 1906 թ., № 7, էջ 50—51.

րոշ լեզար թերթ էր, որ ամեն կերպ խուսափում էր երկրի սոցիալ-քաղաքական կյանքին միջամտելուց: Թերթի հետաքրոքության շրջանակները Անդրկովկասի էկոնոմիկային, գլխավորապես առևտրա-արդյունաբերական կյանքին, արհեստներին, տնայնագործությանը վերաբերող հարցերն էին:

Դրա հետ միասին օրաթերթում բավականին տեղ էին գրավում հայ մշակութային և կրթական գործին վերաբերող նյութերը: «Սուրհանդակում» ուշադրություն են գրավում, օրինակ, արվեստը և հատկապես թատերական կյանքը լուսաբանող նյութերը, տարբեր առիթներով գրված թատերական մեկնաբանությունները և այլն: Հետաքրքիր է, որ իր իսկ խմբագրությամբ լույս տեսնող «Խաթաբալայում» Աս. Երիցյանը հանդուրժում էր «Սուրհանդակի» հաճախ սուր և ձըշմարտացի քննադատությունը¹⁴:

* * *

Հարկ է նշել, որ «Խաթաբալայի» թե փաստական և թե փաստական խմբագրի անձնավորության հարցում, մի անհայտ ձեռքով, անցանկալի շփոթություն է ստեղծվել: Շփոթում են Գարեգին Երիցյանը Աստվածատուր Երիցյանի հետ: Բանասեր Ա. Երևանին ևս նկատել է, որ հեղինակ Գ. Ախունդովը սխալվում է, եթե նա «Մոլա Նասրեդդին» ամսագրի հրատարակության պատմությունը» աղբբեշաններն իր ուսումնասիրության մեջ գրում է, որ «Կուկարեկուն» դադարելուց հետո նրա խմբագրի Գ. Ա. Երիցյանը սկսեց հրատարակել «Խաթաբալայն»¹⁵:

Այդ հարցում նման անձշտություն է տեղ գտել նաև «Ողնի» երգիծական ամսագրում¹⁶:

¹⁴ «Խաթաբալա», 1911, № 3, էջ 36:

¹⁵ «Երևանի Խ. Արովյանի անվան հայկական պետական մանկավարժական ինստիտուտի գիտական աշխատությունների ժողովածու», 1964 թ., № 9, էջ 284:

¹⁶ «Խաթաբալայի» լույս ընծայման 60-ամյակին նվիրված «Ողնի» ամսագրի 1966 թ. № 12, ուր զետեղված են «Խաթաբալայից» վերցրած

Որն է, սակայն, իրողությունը:

Հասարակայնությունը բարձր է գնահատել հայ մշակույթի բազմավաստակ գործիչ, նկարիչ, դրամատուրգ և լրագրող, Հայկական ՍՍՀ արվեստի վաստակավոր գործիչ Գարեգին Երիցյանի բեղմնավոր գործունեությունը: Գ. Երիցյանին է պատկանում Անդրկովկասում ոռուսերեն երգիծական մամուլի հիմնադրման պատիվը: Հայտնի իրողություն է, որ Գ. Երիցյանի ջանքերով 1906 թ. փետրվարի 26-ին Թիֆլիսում լույս է տեսել «Կուկարեկու» ոռուսերեն երգիծական շաբաթաթերթը: Եվ, ինչպես վկայում է ժամանակակիցը, նրա առաջին համարը տարածվել է 5000—6000 օրինակով, ու ցարիզմի գեմ ուղղված խիզախ ևլույթի պատճառով իշխանությունների կողմից շաբաթաթերթի հետագա հրատարակությունն անմիշապես արգելվել է: Խմբագիր Գ. Երիցյանը, ձերբակալությունից խոսափելու համար, հեռացել է Թիֆլիսից ու թաքնվել ծայրագավառներում: Իսկ ինչ վերաբերում է Գ. Երիցյանի մասանակցությանը «Խաթաբալայցում», ապա, դատելով հենց շաբաթաթերթի տվյալներից, նա «Խաթաբալային» թղթակցել է որպես նկարիչ՝ տպագրելով մի շարք ծաղրանկարներ:

Գալով Նար-Դոսի «Խաթաբալայի» փաստական խմբագիրներից մեկը լինելու հարցին, կարող ենք միայն ասել, որ այդ առթիվ առայժմ վավերագրական ոչ մի վկայություն չկա:

«Խաթաբալայի» հասարակական-քաղաքական ուղղությունը, համենայն գեպս նրա գոյության առաջին հինգ տարում, սերտ կապի մեջ է եղել նրա երկրորդ խմբագիր Ա. Աթանասյանի աշխարհայացքի ու համոզմունքների հետ: Ա. Աթանասյանի մասնակցությամբ է զգալիորեն պայմանավորված «Խաթաբալայի» հանդուգն, սուր լեզուն, նրա անողոք մերկացումները: Դեռևս իր հիմնադրած ու խմբագրած գյուղացիական-դեմոկրատական «Աշխատանք» հանդեսում Ա. Աթանասյանը հստակորեն ցուցադրել է իր գաղափարա-

ծաղրանկարներն ու երգիծական նյութերը, նրա փաստական խմբագիրներ են համարվում Գ. Երիցյանը, Աշ. Աթանասյանը և Նար-Դոսը: Այդ նույն հաշորդականությամբ էլ հանդեսում տպագրված են նրանց դիմանկարները:

կան հավատամքը՝ ամուր կանգնել դեմոկրատական շարժման առաջին շարքերում։ Մշտական շփման մեջ լինելով մարքսիստական շրջանների հետ, Ա. Աթանասյանը ուստական առաջին հեղափոխության առաջադրած խնդիրների լուծմանը մոտենում էր աշխատավոր ժողովրդի արմատական շահերի պաշտպանության դիրքերից։ Բելինսկին ու Գերցենը, Զերնիշևսկին ու Նալբանդյանը եղել են իր առաջին ուսուցիչները։

Ա. Աթանասյանն իր հրապարակախոսության մեջ հաճախ օգտագործել է Նալբանդյանի գործադրած գրական ձեերն ու ժամանքերը։ Ոչ հեռավոր ու հոգեհարազատ կապ կարելի է տեսնել, օրինակ «Աշխատանքում» տպագրված Աթանասյանի «Գյուղական նամակների» և Մ. Նալբանդյանի «Հիշատակարանների» միջև։ Սանահորը՝ գյուղացուն, ուղղված Քավորադա—Աթանասյանի նամակներում, որ շատ հաճախ պամֆլետի ու ֆելիքտոնի ուժեղ արտահայտված տարրեր են պարունակում, հեղինակը մտերմական զրուցների միջոցով, հայ աշխատավոր գյուղացու համար պարզում է սոցիալական կյանքի բազմապիսի խնդիրներ, նպաստում նրա քաղաքական ինքնազիտակցության արթնացմանը, հողի և ազատության համար պայքարի կոչում նրան։

Ա. Աթանասյանի երգիծական առաջանքը նկատել էին դեռևս նրա ժամանակակիցները։ Մեր դարի տասական թվականներին Վրթ. Փափազյանը, բարձր գնահատելով նրա սուր գրիչը, գոռում էր, որ Ա. Աթանասյանից բացի ուստահայ իրականության մեջ առայժմ ուրիշ երգիծաբաններ չկան։ Հետագայում ևս նա մնաց միակը և նշանագործ, եթե նկատի շառնենք Տմբլաշի Խաչանին՝ Կոստանդին Մելիք-Շահնազարյանին, որն իր ֆելիքտոնները ստեղծում էր Ղարաբաղի բարբառով՝ ունենալով ընթերցողների ավելի նեղ շրջան։

1906—1911 թթ. Ա. Աթանասյանը, բացի բազմաթիվ անստորագիր մանր կատակներից, էպիգրամներից, «Խաթարայում» Սալման, Ես շեմ, Ստորակետ, Դոն-Պեղորո, Կայծակ, Զանգակ, Հաշ, Մերիս, Վերջակետ և ավելի սակավ գործածված այլ ծածկանուններով, որոնց թիվը ժամանակի հայ

մամուլում 15-ի էր հասնում¹⁷, 160-ից ավելի Հրապարակախոսական բնույթի ֆելիքտոններ ու երգիծական ակնարկներ է տպագրել: Շոշափած հարցերի լայն ընդգրկումով, սոցիալական հնչեղությամբ, մտքի սրությամբ ու մերկացման ուժով այդ ֆելիքտոններն իրենց հավասարը շունեին ժամանակի հայ Հրապարակախոսության մեջ: Եվ եթե «Խաթաբալան» գրպառում ու անհանգստություն էր պատճառում նահանգապետության գրաքննությանը, առիթը շատ հաճախ Սալ-մանի մերկացնող ֆելիքտոններն էին, որոնց համար նա երկու անգամ նետվել է Մետեխի բանարք:

Հենվելով Սալ-մանի շՀրապարակված Հուշերի վրա¹⁸, որոնց ստուգության ու ճշմարտացիության մեջ համոզվել ենք բազմիցս, ապա «Խաթաբալայի» հիմնադրման սկզբնական պատմությունը հետեւյալ պատկերն ունի: Երբ Ա. Երիցյանի մոտ միտք է ծագում երգիծական օրգան ստեղծելու մասին, միակ մարդը, որին կարող էր զիմել այդ խնդրով, Ա. Աթանասյանն էր, որն արդեն աշքի ընկած երգիծող էր, սուր ու խիզախ ֆելիքտոններ էր տպագրում իր հիմնադրած «Աշխատանք» դեմոկրատական հանդեսում և դրանից տուած, Գ. Մելիք-Կարագյողյանի խմբագրությամբ թիֆլիսում, 1905—1906 թթ. լույս տեսնող լիբերալ-դեմոկրատական, բայց և գաղափարական միասնությունից դուրի, «Արշալույս» օրաթերթում:

Ա. Երիցյանը Սալ-մանին հանդիպելով «Արշալույսի» խմբագրատանը առաջարկում է հիմնադրել հայերեն երգիծական շաբաթաթերթ և, կանխապես արդեն որոշած լինելով նոր օրգանի անունը, այն կնքում են «Խաթաբալա»՝ ի պատիվ հանձարեղ գրամատուրդ ու երգիծաբան Գ. Սունդուկյանի «Խաթաբալա» կատակերգության:

¹⁷ «Խաթաբալա», 1907, № 35 (63), էջ 290:

¹⁸ Սալ-մանի (Աշոտ Աթանասյան) ինքնակենսագրական հուշերի՝ 1200 մերկագիր էջից բաղկացած, պատճենը ժամանակին մեզ է տրամադրել նրա ավագ որդի Հրաչյա Աթանասյանը:

Որ «Խաթաբալայի» խմբագիր-հրատարակիչը եղել է Աստվածատուր Երիցյանը, ոչ մի երկմտանք չի կարող լինել։ Հանդեսի գոյության ընթացքում, բացառյալ մի կարձ ժամանակամիջոցի, նրա տակ պարզությունը դրված է Աս. Երիցյանի ստորագրությունը։ Վերջապես, գոյություն ունեն այդ եղելությունը հաստատող արխիվային համոզիչ վավերագրեր։ Թիֆլիսի գրաքննական կոմիտեի գրագրության մեջ կա մի փաստաթուղթ, որը ասված է, որ Թիֆլիսի նահանգապետի 1906 թ. մայիսի 13-ի թուղթարությամբ Բողդան (Աստվածատուր) Մերգենիշ Երիցյանին արված է № 1718 վկայագիրը, որով նրան թուղթատրվում է հրատարակել «Խաթաբալա» հանդեսը¹⁹։

Հարկ է նշել, որ մի կարձ ժամանակամիջոց, 1911 թվականի № 8-ից մինչև № 30-ը ներառյալ, «Խաթաբալան» ժամանակավորապես տնօրինել ու խմբագրել է հայ գրող Աստրագետը՝ Ս. Մուբայաճյանը։ «Ովնի» ամսագրում, ինչպես նաև այլ օրգաններում վերը նշված թյուրիմացությունը ուղղելու նպատակով ժամանակին մամուլում հանդես է եկել նաև «Խաթաբալայի» նախկին տշխատակից Միհրդատ Մազաթյանը²⁰։ Վերջինս, հենվելով հանրահայտ աղբյուրների վրա, ցուց է տալիս և անձամբ վկայում է, որ, իրոք, «Խաթաբալայի» փաստական խմբագիր-հրատարակիչը եղել է Աստվածատուր Երիցյանը։

Վերը նշված թյուրիմացությանը նշանակալից շափով սնունդ է տվել նաև ինքը՝ Գ. Երիցյանը։ Թե ինչ շարժառիթներ են նրան մղել բոլորովին հակառակ տվյալներ հաղորդելու, այդ չեն, իհարկե, կարեորը։ Փաստ է այն, որ արխիվներում պահպանվում է մի վավերագիր, որի նկատմամբ պետք է հանդես բերել քննական մոտեցում և լուծել նրա արժանահավատության հարցը։ Գ. Երիցյանն իր ինքնակենսագրու-

¹⁹ Центральный государственный исторический архив Грузинской ССР, фонд 480, опись I, единица 2199, лист 1.

²⁰ «Գրական թերթ», 1968, № 4, էջ 3։

թյան մեջ²¹ գրում է, թե իբրև «Խաթաբալա» երգիծական հանդեսը հիմնագրել ու նրա փաստական խմբագիրը եղել է ինքը, իսկ Աս. Երիցյանը եղել է սոսկ նրա անվանական խմբագիրը և նույնիսկ, իբրև Աս. Երիցյանը դիմագրել է հանդեսում քաղաքական բնույթի հոգվածներ տպագրելուն: Այսուհետեւ Գ. Երիցյանը գրում է, որ «Խաթաբալայից» իր հետանալուց հետո, նրա փաստական խմբագիրն է եղել Աշոտ Աթանասյանը, որին հետագայում փոխարինել է գրող Նարեգոս:

Ինչպես ներկա շարադրանքից, նմանապես և մամուլում հրապարակված այդ առթիվ հիշատակված նյութերից պարզ է դառնում, թե իսկապես որն է իրողությունը և որտեղ պետք է փնտրել ճշմարտությունը:

* * *

Որպես իսկական դեմոկրատական պարբերական, «Խաթաբալայից» բնորոշ գիծն այն էր, որ այն ստեղծվում էր ոչ թե ժուռնալիստ-երգիծաբանների մի նեղ շրջանի ձեռքերով, այլ որ հանդեսն ուներ աշխատակիցների և թղթակիցների բավականին մեծ կազմ: Անհնարին է մեր օրերում վերականգնել նրա թղթակիցների գոնե մոտավոր ցանկը: Դրաքննական, ինչպես նաև գրական ու անձնական այլ նկատառումներով «Խաթաբալայից» հեղինակները հանդես էին գալիս տարբեր ծածկանուններով, իսկ մանր ժանրի երգիծական նյութերը համարյա բոլորն էլ անստորագիր են: Դա հավասարապես վերաբերում է նաև ծաղրանկարներին և զրաֆիեական ժանրին պատկանող այլ գործերին: Այստեղ հետազոտողը մեծ դժվարության առաջ է կանգնած նաև այն պատճառով, որ չի պահպանվել, և չեր էլ կարող պահպանվել «Խաթաբալայից» խմբագրական արխիվը:

²¹ Ե. Զարեհնցի անվան գրականության և արվեստի թանգարան, թատրական բաժնի ֆոնդ:

Աս, Երիցյանի և Ա. Աթանասյանի հետ միասին, որպես երգիծաբաններ և հումորիստներ, «Խաթաբալալին» աշխատակցել, և առավել տևական մասնակցություն են ունեցել Գ. Բաշինջաղյանը, Ատրպետը, Մ. Բագրատունին (Փալանդուլ Մկո), Կ. Մելիք-Շահնազարյանը (Տմբլաչի Խաչան), Գ. Լոռնյանը (Մեֆիստոֆել), Ս. Սաֆարյանը (Լիլիպուտ), Ս. Տեր-Մելիքսեղեկյանը (Ղալաչչի Մարգար), Հ. Գենջյանը, Ս. Հովհաննը, Մ. Արագին (Դիոնիս), Հակոբ Ղազարյանը—Հաղոն (Ճնդրիկ Աբեղա), Լոռն Մարկոսյանը (Լեռնիդ), Մաթևոս Դարբինյանը:

Որքան էլ անակնկալ թվա, փաստ է սակայն, որ «Խաթաբալայում» տպագրվել է նաև Ավ. Խաչակյանը: Հաստատապես կարելի է պնդել, որ երգիծաթերթին մոտ են կանգնած եղել նույնպես Գ. Սունդուկյանը և Դ. Աղայանը:

Երգիծաթերթում վերջինիս մասնակցության մասին կարդում ենք շաբաթաթերթում պարբերաբար տպագրվող աշխատակիցների կազմի ցուցակի մեջ: Ինչպես երևում է, նա երգիծաթերթում տպագրել է մանր ժանրի երգիծական նյութեր, այն էլ կա'մ ծածկանվան տակ, կա'մ անստորագիր: Ավելի արժանահավատ վկայություն ևս կա: Հանդեսը Դ. Աղայանի մահվան առիթով տպագրել է նրա լուսանկարը հետեւյալ մակագրությամբ. «Անդուգական և անմոռանալի Ղազարոս Աղայան—«Խաթաբալալի» ծածկանուն աշխատակից»²²:

Ինչ վերաբերում է Գ. Սունդուկյանին, ապա հաղիվ թե ծերունազարդ դրամատուրգն անմիջական գրական մասնակցություն ունենար շաբաթաթերթում: Բայց որ նա կարդում է իր կարծիքն էր հայտնում «Խաթաբալալի» մասին՝ անժիստելի է: Ավելին, Սունդուկյանն իր խորհուրդներով որոշ մասնակցություն է ունեցել «Խաթաբալալի» հատկապես լեզվական խմբագրման գործին: Ա. Աթանասյանի և մի քանի այլ ժամանակակիցների հուշերում հետաքրքիր վկայություն կա այն մասին, որ Գ. Սունդուկյանը «Խաթաբալալի» լույս

ընծայման սկզբնական շրջանում կարդում և լեզվա-ոճական սւլղումներ էր մտցնում Աս. Երիցյանի թիֆլիսահայ բարբառով գրած խմբագրական հոդվածներում և ֆելիեառներում, հոգ տանելով, որպեսզի թիֆլիսահայ բարբառը պահպանվի իր անաղարտ ձևով և նրա մեջ շթափանցեն թիֆլիսամերձ շրջանների հայերի խոսակցական լեզվի տարրերը: Գ. Սունդուկյանի նման աշխատակցությունը կարձատել է եղել, սակայն իր դրական աղղեցությունն է թողել Աս. Երիցյանի լեզվի և ստեղծագործության վրա:

Ավելորդ շենք համարում, որպես ուշագրավ վավերագիր, այդ առթիվ մեջ քերել Ա. Աթանասյանի խոսքերը: «Ըստ երեվույթին,—գրում է նա,—«Խաթաբալան» շատ էր դուր եկել Սունդուկյանին: Նա գրեթե ամեն շաբաթ դալիս էր խմբագրատուն, խրախուսում էր մեկ՝ գրողներիս և, որ կարեորն է, շատ ուշագիր ուղղում էր Աստվածատուր Երիցյանի թիֆլիսահայ բարբառով Գասպար Կալատուղով կեղծանվան տակ գրվող նրա առաջնորդողները—ասելով, որ թիֆլիսեցոց հայերեն բարբառն ունի իր ճիշտ կանոնները, որից ըստ երեսութին, շատ էր շեղվում Գասպար Կալատուղով-Երիցյանը»²³:

* * *

Հայտնի է, որ ականավոր հայ նկարիչ Գ. Բաշինչաղյանը գրադիւն է նաև գրական գործունեությամբ: Նա գրել է նովել-ներ, ճանապարհորդական նոթեր, պատմվածքներ, դրա հետ միասին, ինչպես վկայում են «Խաթաբալի» էջերը, Գ. Բաշինչաղյանը եղել է նաև շնորհալի ֆելիետոննիստ: Այս շաբաթաթերթում նա տպագրվել է «Գ. Բ.», «Գ. Բաշ», «Նաղըշբար Գիգոլ» ծածկանուններով: Գ. Բաշինչաղյանը նախընտրել է կենցաղային երգիծանքը և իր ֆելիետոններում արտացոլել է ժամանակի բուրժուական ընտանիքի ճգնաժամն ու քայլայումը: Ամուսնական անհավատարմությունը բազմերանդ

²³ Աշոտ Արանասյան—Սալման, Հուշեր հայոց թատրոնի մասին, Ե. Զարենցի անվան գրականության և արվեստի թանգարանի թատերական բաժնի արխիվ, էջ 65—66:

կողմերով, իր արտահայտությունն է գտել Բաշինջաղյանի ստեղծած, տասնյակ զվարճամիտ ու հետաքրքրաշարժ իրադրություններով համեմված, փելիետոններում։ Գ. Բաշինջաղյանը «Խաթաբալային» առատորնն մատակարարել է նաև ինչպես սնփական հորինած, նմանապես և օտար աղբյուրներից թարգմանած բաղմաթիվ աֆորիզմներ, խոհեր, մտորումներ, անեկդոտներ։

Ավ. Խսահակյանի «Խաթաբալային» աշխատակցելու հանդամանքը թե՛ հասարակական և թե՛ գրական որոշակի հետաքրքրություն է ներկայացնում։ Իրոք, ի՞նչ կարող էր տպագրել մեծանուն բանաստեղծը «Խաթաբալային» նման երգիծական պարբերականում։

1906 և 1907 թթ. «Խաթաբալայում» լատինատառ ԱՎԻՍ ստորագրությամբ տպագրված են Ավ. Խսահակյանի վեց բանաստեղծությունները։ Ենթագրելու համար, որ դրանք պատկանում են Խսահակյանի գրչին, կան բավարար հիմքեր։ Միայն ուշագրավ է, որ բանաստեղծի այդ ծածկանվանը նրա ստեղծագործությունների ժողովածումներում չենք հանդիպում։ Ինչպես երեսում է Խսահակյանը հետագայում պարզապես մոռացության է տվել «Խաթաբալայում» իր տպագրվելու փաստը։

Վերը հիշատակված վեց բանաստեղծություններից երկուսը՝ «Անառու քամու պես փակ գուռդ, յա՛ր ջան»²⁴ և «Շափաղ կուտաս բաղի միջին»²⁵ բանաստեղծությունները, որոնք հանրահայտ գործեր են, նույնությամբ տպագրվել են 1908 թ. Թիֆլիսում լույս տեսած ժողովածուում, և, հետագայում, որոշ, առավելապես ոճական բնույթի նոր խմբագրումներով, մտել են Խսահակյանի գրական ժառանգության զանազան հրատարակությունների մեջ։ Խսկ մնացած շորսը, որոնց նահավանաբար կարեռություն չի տվել, կամ, ինչպես ասվեց, մոռացության է տվել, բանաստեղծի երկերի ժողովածուների հետագա հրատարակություններում տեղ չեն գտել։ Դրանցից

²⁴ «Խաթաբալա», 1907, № 27, էջ 219։

²⁵ Նույն տեղում, 1907, № 28, էջ 226։

երեքը՝ «Սարի արծվին ես ասացի»²⁶, «Բոլոր մարդկանց ատում եմ»²⁷ և «Միշտ հաղթվողն է մեղավոր»²⁸ գործերը, «Աբու-Լալա Մահարի» պոեմի նախատրամադրություններն են ներկայացնում, որոնք իրենց ներքին դադափարական-գեղարվեստական բովանդակությամբ, անշուշտ, կարող էին մեր քննարկման առարկա դարձած երդիծական պարբերականում տեղ գտնել: Ժամանակի բուրժուական հասարակարգի, նրա այլանդակ բարոյականության ու արատավոր բարքերի գեմ ցասման ու ընդվզման ոգին, որով ներթափանցված են այդ բանաստեղծությունները, հարազատ ու մոտ էին «Խաթաբալայի» խարանող երդիծանքի նկարագրին:

Այդ բանաստեղծություններից «Միշտ հաղթվողն է մեղավոր» գործը, հնչում է որպես ցասումով գրված մի էպիգրամ, որ բանաստեղծը նետում է «այս աշխարհի ուժեղների» դեմքին, մի զայրալից բողոք՝ մասնավոր սեփականատիրական հիմքերի վրա խարսխված հասարակարգի հասցեին:

Միշտ հաղթվողն է մեղավոր,
Երբ ուժեղ ես, զորավոր,
Զափն արժեքի քեզ մոտ է,
Թույլի բարին միշտ սուտ է:
Երբ չե՛ս կարող, անուժ ես,
Դու իրավունք որոնիր,
Բայց երբ հզոր, ուժեղ ես,
Ճշմարտությունը—դուն ես...

Ավ. Իսահակյանի «Աբու-Լալա Մահարի» պոեմին, նրա ատեղծագործական ոգուն առավել ցցուն կերպով համահնչուն է «Սարի արծվին ես ասացի» բանաստեղծությունը:

Սարի արծվին ես ասացի
Քու թեկրը տուր ինձի,
Թոնիմ բանձրիկ սարերն վսիմ,

²⁶ «Խաթաբալայ», 1907, № 29, էջ 234:

²⁷ Նույն տեղում, 1907, № 30, էջ 242:

²⁸ Նույն տեղում, 1907, № 32, էջ 258:

Զայնը մարդու վսիմ:
 Մարդն է նյութին, չարին գերի,
 Սո՛ւս է սերը ընկերի,
 Ամենայն ինչ հանած շուկա,—
 Է՛լ սուրբ, է՛լ վեճ բան չկտա...

Եվ, վերջապես, հստակյան-Ավիսի չորրորդ գործը, որ կրում է «Հայն ու վրացին» վերնագիրը (1906 թ., № 25, էջ 207). իր գաղափարական ու սյուժեալին գծով բոլորովին տարբերվում է մյուսներից:

«Հայն ու վրացին» կատակ-բանաստեղծություն է, որ տկներե կնքառվ զրված է ընթերցողին զվարձություն պատճառելու շատ սովորական՝ «հաթաքալային» հատուկ հումորի ոգով: Հեղինակը նրանում, բարեհոգի հումորով, հավասարապես ծիծաղում է երկու հարեան ազգերի ներկայացուցիչների մարդկային թուլությունների վրա:

* * *

Մեծ դժվարության առաջ կկանգնի հետազոտողը նաև, երբ խնդիր դնի որոշել հանդեսում տեղ գտած տասնյակ անստորագիր նկարների հեղինակների ով լինելը:

Որոշակի արժեք են ներկայացնում հատկապես շաբաթաթերթի ծաղրանկարները, որոնք իրենց պատշաճ տեղն ունեն հայ գրաֆիկական արվեստի պատմության մեջ: «հաթաքալայի» խմբագրությունն իր ընթերցողներին հայտնում էր, որ որպես նկարիչներ շաբաթաթերթին աշխատակցում են Գ. Բաշինչազյանը, Գ. Գրինեսկին, Գ. Երիցյանը, Ա. Միրզոյանը, Օ. Շմիրլինը, Գ. Ռոտտերը և ուրիշներ: Այդ անշուշտ այդպես էլ կար: Սակայն մանրազնին ուսումնասիրությունը ցույց է տալիս, որ հանդեսում Գ. Բաշինչազյանի հորինած, համենայն դեպս նրա կողմից ստորագրված նկար չի դետեղված և, բայց երեսութին, անվանի նկարիչը մասնակցել է երգիծաթերթին որպես խորհրդատու: «հաթաքալայում» տպագրված ծաղրանկարները, որոնք շատ հաճախ ամբողջ

էջեր են գրավում, աշքի են ընկնում գաղափարական մտաշղացման խորությամբ՝ արտացոլելով հասարակական կյանքի և կենցաղի բնորոշ ու հուզող երեսութները։ Համարից համար թերթելով «Խաթաբալայի» էջերը, ընթերցողի առաջնրա գրաֆիկական նյութերը ներկայանում են որպես դարշարջանի ժամանակագրություն, բառի և մտքի իսկական իմաստով։

«Խաթաբալայի» ծաղրանկարները արվեստի մնացուն արժենք են ներկայացնում նաև այն պատճառով, որ նրանք, շանցնելով երգիծական հիպերբոլայի չափավորության սահմանները, ձգուում են ամեն կերպ պահպանել նմանությունը իրական կյանքի երեսութների հետ։ Դա այն անհրաժեշտ պայմաններից մեկն է, որով երգիծանքի այդ ժամանքը մատչելի և հասկանալի է դառնում մտավոր կարողության տարրեր աստիճանների վրա կանգնած մարդկանց համար։

Ինչպես պարբերական մամուկի յուրաքանչյուր օրդանի, նմանապես և «Խաթաբալայի» առաջին համարից ընթերցողն արդեն պատկերացում էր կազմում, թե ինչ ուղղությամբ է սկսում իր երթը նոր երգիծական հանդեսը, դրանով իսկ կանխորշելով իր հետագա հաջողությունն ու ճակատագիրը։ Ինչպես երեսում է, «Խաթաբալայի» խմբագիրներն ու նկարիչները նախընտրել են այսպես կոչված, խաղաղ մուտք։ Եվ իրոք, հանդեսի առաջին համարի շապիկի վրա ամբողջ հասակով, իր անբաժան տեփուրի հետ, պատկերված է ավանդական, սակայն, կուշտ ու բարեհոգի աշխատավոր կինտոն։ Նկարիչ Գ. Ռուտաերի ստեղծած կինտոյի կերպարն արտաքուստ մարտական կեցվածք չունի։ Նկարը դիտողին համակում է մեղմ հումորով, նրանից բարեկամական, մտերմական ժպիտ քաղում։ Այստեղ, անտարակույս, ակնհայտ են գրաքննական նկատառումները։ Անկարելի էր, անշուշտ, նոր օրգանը, հենց առաջին համարից, նորից ծայր առած ցարեկան գրաբննության դաժանությունների փորձությանը ենթարկել։

Հիմք կա՞ր նման զգուշավորության համար, ինչպիսին էր

ՄԱՐԱԴԻ

Գրան 104 Գումանելիք 124

ԹԵՐԵՒ. №1



Վաստ սրեպութն եկը ապրում,
Էլ հալ շընաց մեր զանում:
Դիմերս էլ, որ գրաւ դնենք,
Օխաթայից չենք ապառում.

Հայուսնեան

ԲՐԱՋԱՆԱԿԻՆԸ ՏԱՐԵԿՈՒ

ԹԵՐԵՒՆՈՒՐ 2 ր. -

ԱԲՐԵՎ ՏԵՐԵՎ 2 ր. 50 ս.

Արտասարկու 12 սր.

ԽՄԲԱԳԲՈՏԱԿՆ ՏԱՐԵԿԸ

ՈՓՈՒՆ ՀԱՅՈՒ ԱՊՐԵՍ ՀԱՅՈՒ ԽԱՏԱՅԱ

«Խաթարակա» շաբաթաթերթի առաջին համարի շապիկը:
Գործ. նկ. Գ. Թուտերի

այդ օրերին քաղաքական իրազրությունը բռն Ռուսաստանում և Անդրկովկասում, ի՞նչ էր մնացել և ի՞նչ էր ստացվել Հոկտեմբերի 17-ի ցարական մանիֆեստով Հոշակված մամուլի և խոսքի «ազատություններից»: Ռուսական Հեղափոխության ուժգին ալեկոծությունից, գարավոր նիրջից արթնացած ժողովը դական զանգվածներն ու նրանց առաջավոր տարրերը և, առաջին հերթին, Հեղափոխական սոցիալ-գեմոլրատները, ցարիզմի խարիսված Հիմքերի վրա հարձակման էին անցել նաև մամուլի բնագավառում: Ցարական իշխանությունները, բնական է, անտարբեր չէին դեպի ճախ Հեղափոխական մամուլի այն անօրինակ բազմացման նկատմամբ, ինչպես այն տեղի ուներ Ռուսական կայսրության թե՛ կենտրոններում և թե՛ ծայրագավառներում:

Իր Հետաքրքիր ու ուշագրավ ուսումնասիրության մեջ Ա. Արեցյանը ցույց է տալիս, որ Հեղափոխության շրջանում ցարական գրաքննությունը, ոստիկանությունը և պետական ամրող ապարատը տագնապով ու, հաճախ էլ, անսրող սարսափով էին Հետեւում մամուլի մասսայական զարդացմանը: Նիկոլայ II-ին ուղղած իր դեկուցագրերի մեջ Բուլիգինը Հիստերիկ երկյուղածությամբ էր գրում Ռուսաստանում Հեղափոխական մամուլի հզոր թափի մասին և բազմապիսի միջոցներ առաջարկում մամուլի բռն հոսանքը կանխելու համար²⁹:

Այսպիսով, ուսակցիան, նրա հավատարիմ Ցերբեր ցարական գրաքննությունը Հեղափոխական ուժերի և նրա մամուլի նկատմամբ մոլեզին արշավանք էին սկսել ոչ միայն ռուսական առաջին Հեղափոխության պարտությունից հետո, այլև նրա փոթորկման համարյա ամբողջ ժամանակաշրջանում: Առ. Շահումյանը գետես 1905 թ. դեկտեմբերի սկզբներին «Ազատությունները» կենսագործվում են» Հեղնական վերնագիրը կրող իր հոդվածում այդ ասթիվ գրել է. «Երկրպահանի հրեշտարձակել է, իր հիրանները: Հեռագիրը լուր բերեց, որ Պետեր-

²⁹ Հ. Գ. Արշայն, Արմանական պատճենահանությունները Հայոց պատճենահանություններում, Երևան, 1957.

բուրգում դատական ատյանը փակել է յոթ թերթ... Այսպես է կենսագործվում Հոկտեմբերի 17-ի մանիֆեստի աղդաբարսած մամուլի աղատությունը»³⁰:

«Խաթաբալան» ոչ միայն հետագա, այլև հենց առաջին համարներից սկսած բազմազան միջոցներով, գրավոր խոսքի տարբեր ժանրերով, զրա հետ միտասին նաև զրաֆիկական միջոցներով, մերթ նուրբ հումորով, մերթ խայթող ծաղրով, երդիծական գոտեմարտ էր մղում մամուլի նկատմամբ ծայր առած զրաքննական և ոստիկանական հալածանքների դեմ: Շաբաթաթերթն ամենեին շեր կատակում, երբ «Ժամանակակից սպառնալիք» խորագրի տակ տպագրել էր ստորև մեջ բերլող անպաճույք՝ մի կատակ, հարկավ աշքի առաջ ունենալով ընթերցող հասարակայնության ամենալայն խավերին:

«Մարդը (կնոջ հետ ունեցած տաք վիճաբանությունից հետո).—Այ կնիկ, բավական է, վերջ տուր, եթե ոչ մի այնպիսի քայլ կանեմ, որ թե զու և թե երեխաներդ մի կտոր հացի կարու կմնար:

Կինը (կատաղած).—Ի՞նչ կանես, ևս չեմ վախենում, ասա՛:

Մարդը.—Ի՞նչ... Վաղն իսկ կզնամ խնդիր կտամ և... խմբագիր կդառնամ...

Կինը.—?!!! (ուշաթափում է)³¹:

Նկարիչ Ռուտենբերի ստեղծագործած «Խոսքի աղատություն» մակագրությամբ ծաղրանկարն իր զաղափարական նպատակասլացությամբ, էմոցիոնալ աղղեցության ուժով նույն նպատակին էր խփում: Նկարում պատկերված են հասարակության տարբեր խավերին պատկանող երեք խմբագիր-ժուռնալիստներ, որոնց բերանները զոցված են մետաղյա երախակալներով³²:

Ինչպես ցույց տվեց վերեսում, շաբաթաթերթի առաջին

³⁰ Ստ. Շահումյան, Երկեր, Հատ. 1, Երևան, 1955, էջ 112—113:

³¹ «Խաթաբալա», 1906, № 1, էջ 7:

³² Նույն տեղում, էջ 105:

Համարը կազմելիս, հրատարակիչներն անկասկած հաշվի էին նստում գրաքննական ռեժիմի հետ: Սակայն, հարցի մյուս կողմն էլ այն էր, որ, հավանաբար, «Խաթաբալայի» նախաձեռնողները շէին ցանկանում ուսկի դիմել, որոշ երկյուղ ունենալով, որ հենց առաջին համարից կարող էր երգիծաթերթը խրանքներ ընթերցողներին, եթե գործածեին ավելի սուր լեզու և տիրող կարգերը մերկացնող ավելի շեշտակի միջոցներ: Այդ է ասում, համենայն դեպք, «Խաթաբալայի» առաջին համարի շապիկի բովանդակությունը:

Սակայն, ինչպես վկայում են նույն համարի արգեն հաջորդ նյութերը, «Խաթաբալան» ամենափոք էլ հրապարակ չէր եկել քաղքենիներին անմեղ ու քաղցրալեզու հումորով զվարճություն պատճառելու համար: Եվ անտեղի էին, անշուշտ, հրատարակիչների տարակուսանքն ու երկյուղը: Յարկան ինքնակալության բիրտ ռեժիմի դեմ ցասումով լցված հեղափոխական ժողովուրդը կարու էր ճշմարիտ ու սուր խոսքի: Եվ երբ պատմությունն ահա-ահա գերեզման պետք է տաներ երկգլխանի արծիվին, «Օգոստոսափառ կայսեր» երբեմնի «անվրդով» ու «նվիրված» հպատակներն ուրախ տրամադրությամբ էին ցանկանում բաժանվել խավարի թագավորության իրենց անցյալից: Ահա՛ թե ինչու էր ձեռքից ձեռք անցնում «Խաթաբալայի» յուրաքանչյուր նոր լույս տեսած համարը, մի հանգամանք, որ շլացնում ու զարմանք էր պատճառում նույնիսկ հեղափոխության մեջ ներբաշված, հեղափոխական տրամադրությամբ համակված նրա խմբագիր-հրատարակիչն:

Ինչ բարեհոգի հումորի մասին կարող էր խոսք լինել, երբ ընթերցողն առաջին համարի մյուս նյութերի շարքում կարդում էր սուր և հանգուզն լեզվով գրված «Ե՞նչու «Արշալույսը» գաղարեց» վերնագրով ափորիզմը՝ օդապարձելով 1905—1906 թթ. Թիֆլիսում լույս տեսած կիսաազգայնական, կիսալիբերալ, զաղափարական միասնությունից զուրկ «Արշալույս» օրաթերթի անփառունակ գոյությունը գաղարելու իրողությունը:

«Լրագիր հրատարակելու և խմբագրելու համար երեք բան է պետք ունենալ՝ տաղանդ, փող և խիղճ, իսկ «Արշալույսը» հրատարակելու համար՝ դրանցից և ոչ մեկը:

Պետություն կառավարելու համար դարձյալ երեք բան է պետք՝ խելք, օրենք և ազատուրյուն: Մուսաստանը կառավարելու համար՝ մտրակ, սի՞սկ և ախոր»³³:

Շարունակենք, սակայն, մեր ծանոթությունը «Խաթաբաւայի» առաջին համարի բովանդակության հետ: Շապիկի վրա, նկարի շրջանակից դուրս, ընտրելով որպես բնաբան, տպագրված է մի քառյակ, որին խմբագիրները ժամանակակից առած են անվանում: Ժողովրդական կենդանի լեզվով հյուսված առածը, ինչպես նկատում է ընթերցողը ուշադիր զննումից հետո, իր մեջ պարունակում է խորը այլաբանական իմաստ:

Վատ օրերում ենք ապրում,
էլ հալ շըմնաց մեր ջանում,
Գլխներս էլ, որ զրավ դնենք,
«Խաթայից» շենք ազատվում:

«Խաթան», որ բառացի կնշանակի փորձանք, ժողովրդի ոլիխն փորձանք դարձած ցարիզմն էր, բանտերի, աքսորների և կախաղանների առաստվյունը: Ի դեպ, շաբաթաթերթի «Խաթաբալա» անվան ծագման վերաբերյալ մեր պրատումները ցույց տվեցին, որ շաբաթաթերթի հիմնադիրներն այդպես են անվանել իրենց հանդիսն իրոք ի պատիվ հանձնարեղ դրամատորդ Գ. Սունդուկյանի, աշքի տուաշ ունենալով նրա «Խաթաբալա» կատակերգությունը:

Երգիծաթերթի հրատարակության առիթով, դիմելով իր ընթերցողներին, խմբագրությունը դրում է, որ «Խաթաբաւայի» էջերում գումավոր և անգույն պատկերներով, խոսքով, առակով, հանելուկով, ոտանավորով և այլ նույնանման, այժմ խիստ արգելված ղենքերով կովելու ենք ձեմ ամեն ան-

³³ «Խաթաբալա», 1906, № 1, էջ 7:

գամ, երբ ձեր գործունեության մեջ կնկատենք ձեզ համար պատվավոր, իսկ մեր աշքում ծիծաղելի կամ պախարակելի մի դիմ...»: Այսպիսով, ո՞չ թե տիրող կարգերի քննադատություն, ո՞չ թե հասարակական մերկացում, այլ, իբրև թե, անհատների պակասությունների քննադատություն: Այսպես էր խուսանավում «Խաթաբալան» ցարական գրաքննությունից: Իսկ խմբագրական հոդվածից անմիջապես հետո տպագրված «Ժամանակագրություն» ֆելիետոնում կծու ծաղրի են հնիարկվում ցարի շնորհած ազատությունները:

«Հինը վերջանում, նորը սկսվում է,—ասվում է այնտեղ,—գործը գաղարում է, գովը գործում է, անձի անձեռնմխելիության փոխարեն անընդհատ մխելիությունները քանի գնում այնքան ավելի խորաթափանց են դառնում», ամբողջ երկրով մեկ սարքում են «կրակի բաղանիքներ»: Այսպես է ներկայացնում շաբաթաթերթը ժամանակի և՝ անդրկովկասյան, և՝ համառուսական իրականությունը:

«Խաթաբալայի» ծրագրային դիրքորոշումը նշանակալից շափով արտացոլված է հանրահայտ Սալ-մանի «Մեր պատգամավորները»³⁴ ֆելիետոնում: Հեգնելով Պետերովդ ուղարկվող Պետական գումայի իրեն ոչ սոցիալ-դեմոկրատ, ոչ բուրժուատ, ոչ կալվածատեր ու կապիտալիստ համարող պատգամավորին, երգիծաբանը «Խաթաբալայի» անոնից կոչ է անում նրան՝ գումայում պաշտպան կանգնել մամուլի ազատությանը, մամուլ, որը, ինչպես ասված է ֆելիետոնում, ծաղրում ու քննադատում է կառավարության կարգ ու կանոնը, մեղադրում հանցավոր պաշտոնյաներին, բացում ժողովրդի աշքերը, որի համար նա խիստ հալածվում է: Միջնորդելով՝ որպեսզի պատգամավորը գումայում առաջ քաշի քաղաքական ազատությունների խնդիրը, ֆելիետոնիստը հանձնարարում է նրան գումայում ազգարարել խոշոր կալվածատիրության և, նույնիսկ, ի սարսափ պատգամավորի, մասնավոր սեփականության ոչնչացման պահանջ: Եվ պատգամավո-

³⁴ «Խաթաբալայ», 1906, № 1, էջ 3:

րը, լսելով «Խաթաբալայի» ռեպրոտյորի հորդորանքները, աշաբեկված հեռանում է լրագրողից, որպես կրակից: Կծու ժաղըն ու սպանիչ սարկազմն իրենց զագաթնակետին են հասնում ֆելիետոնի ֆինալում, երբ հեղինակը գրում է. «Մյուս օրը լրագիրներում կարդացի, որ Պետական գումայի անդամ ոչ ընկեր, ոչ պարոն և ոչ աղա պատգամավորը, իրենից բոլորովին անկախ պատճառներով, փոխանակ Պետքբուրգի՝ արտասահման է ուղևորվել, տանելով իր հետ նաև իր հեղափոխական զոքանշին»: «Մեր պատգամավորները» հրապարակախոսական ֆելիետոնը մի ցցուն օրինակ է, որ հեղինակը, վարպետորեն միահյուսելով իրականն ու մտացածինը, ստեղծել է դումայի բուրծուա պատգամավորի ողորմելի-կոմիկական, սակայն և իրական կերպարը:

Վերը նշված ֆելիետոնի, ինչպես նաև հանդեսի առաջին համարում տպագրված «Պետական գումայի Թիֆլիսի թեկնածուներին» երգիծական պարոդիա-բանաստեղծության մեջ «Խաթաբալան» հանդես է գալիս բատ էության հեղափոխական ուժերի գաշնակցի գերում, մերկացնելով Պետական գումայի հակահեղափոխական և հակածողովրդական էությունը: Երգիծական նիզակի սուր ծայրն ուղղելով իշխան Գ. Թումանյանցի, Ք. Վերմիշենի, իշխան Ալ. Արդութինսկու և ոչ անհայտ նոյ ժորդանիայի որպես գումայի պատգամավորների ու նրանց անփառունակ գործունեության գեմ, շաբաթաթերթը զգալիորեն նպաստում էր աշխատավոր խավերի և, զլիավորապես, գյուղացիության զիտակցության մեջ զոյացած սահմանադրական պատրանքները ցրելուն, նրանց աշքում հեղինակագրելով ցարական ինքնակալական ուժիմը, մասնավորապես կագետական դուման, որն, ինչպես ձիշտ գուշակել և գնահատել էին լենինը և բոլշևիկները, քաղաքականապես մի անգոր ու գործնականորեն անպտուզ մի մարմին էր, հակահեղափոխության ամենախոշոր զենքը³⁵:

Խոշոր կալվածատիրության և ձասնավոր սեփականու-

³⁵ Առ. Շահումյան, Երկեր, Հատ. 1, Երևան, 1955, էջ 148:

թյան վերացման պահանջը շաբաթաթերթի էջերն էր թափանցել «Համառուսական գյուղացիական միության» ագրարային ծրագրից, որի դեմոկրատական էությունը շեշտում և ընդգծում էին բոլշեկիները: Թե գյուղացիության բաղաքական ու զասակարգային գիտակցության արթնացման հարցում ինչ ծառայություն էին մատուցում մամուլի դնմոկրատական օրգանները, առաջ քաշելով նման հեղափոխական պահանջներ, երեսում է գյուղացիական միության դերի և նշանակության մասին լենինյան ասուլիթներից: Գյուղացիական միության երկրորդ համագումարի առթիվ այն օրերին զրված հոգվածում³⁶, նշելով, որ ոռուսական ազատագրական պայքարում գյուղացիությունն հանդես է գալիս որպես ոռուսական նոր կացութածեկի գիտակից ստեղծող, որի «գիտակցականության աճումից է կախված հսկայական չափով՝ ոռուսական մեծ հեղափոխության ընթացքն ու ելքը», լենինը հիացմունքով էր խոսում միության համագումարի պատգամավոր, հեղափոխական շարքային գյուղացիների մասին, անվանելով նրանց իսկական դեմոկրատներ ու պրոլետարիատի անձնվեր ու հաստատ դաշնակիցներ:

Հասարակական երգիծանքն իր խտացրած արտահայտությունն է գտել նկարիչ Օ. Շմերլինգի հեղինակած ծաղրանկարում, ուր պատկերված է Անդրկովկասի հայերի և աղբեցանցիների կյանքում տեղի ունեցած ողբերգական միջադեպը: Ամբողջ էջ գրավող նկարը, պատկերված յոյութի ընդգրկումով, համարժեք է գիտական մի ընդարձակ երկասիրության, էմոցիոնալ ազդեցության ուժով վեր կանգնելով լրագրային ցանկացած ամենասուր և ազդեցիկ հոգվածից: «Խաթարալայի» ամենաանփորձ ընթերցողն անգամ նայելով նկարին, պետք է ապրեր բարդ հոգեվիճակ, ընկղմվելով ծանր խոհերի ու փոթորկահույզ մտածումների մեջ: Այդպիսին է արվիստի կախարդական լեզուն՝ լակոնիկ ու անմիջական:

Շմերլինգի նկարած կտավի աջ և ձախ կողմներում, ամե-

³⁶ Վ. Ի. Լենին, Երկեր, Հատ. 10, էջ 32—37:

նակուլ հրդեհի բոսոր լեզուները լափում են հայկական և աղբբեջանական խաղաղ շենքը: Նկարի առաջին պլանում հայ և աղբբեջանցի երկու ընտանիքներ, անօթեան ու անօգնական, ողբում են իրենց գծնդակ ճակատագիրը: Ո՞վ է այդ տվյալածության ու սոսկումի խակական հեղինակը, այդ ի՞նչ մութ ուժիր են, որոնց հաջողվել է սուր տալ երկու հարեան ու բարեկամ ժողովուրդների ձեռքը և արյան գետեր հոսեցնել այնտեղ, ուր գարեր շարունակ համերաշխության և բարեկամության ոգին է թագավորել: Նկարն այդ առթիվ երկմտանքի և երկար մտածումի տեղ չի թողնում: Ծաղրանկարի կենտրոնում, ամբողջ հասակով մեկ, Մեֆիստոֆելի կերպարանքով ու ասպետական հագուստով, դիվային քրքիչը գեմքին, ցցուն կերպով ուրվագծված է սատանա-սադայելի շարադրութ կերպարը, որն իր դիվային ծրագիրն իրականացած տեսնելով՝ հրձվում է իր սարքած դժոխային տեսարանով: Այսպիսով, ոչ մի տարակուսանք չի մնում, որ այդ «ասպետն» ու շար ոգին ցարական ինքնակալությունն է, որ կանխամտածված կերպով հրահրել է հարեան ժողովուրդների եղբայրասպան ընդհարումները՝ նպատակ ունենալով շեղել աշխատավոր խավերի ուշագրությունը հեղափոխական պայքարից, արգելակելով նրանց պայքարի կորովի արթնացումն ու ցարիզմի գեմ ծավալված համաժողովրդական գրոհի մեջ նրանց դասակարգային ինքնագիտակցության ձևավորումը:

Այսպիսին է ամենաընդհանուր գծերով «Խաթաբալայի» առաջին համարի բովանդակությունը:

Աշխատավոր ժողովրդին ու հասարակական միտքը հուզով հրատապ ու կենսական հարցերի սուր ու հանդուզն արձագանքը շաբաթաթերթին, ինչպես տեսանք, դարձրին պարբերական մամուլի ամենատարածված օրդաններից մեկը: Ակներե է, որ «Խաթաբալան» մեր գարասկըքի առաջին երկու տասնամյակի արկելահայ իրականության մեջ երգիծաբանության բնագավառում գեմոկրատական խավերի ազատագրական բաղձանքներն արտահայտող միակ և նշանավոր քաղաքական երգիծաթերթն էր:

ՅԱՐԱԿԱՆ ԻՆՔՆԱԿԱԼԱԿԱՆ ԿԱՐԳԵՐԻ ՄԵՐԿԱՑՈՒՄԸ

Ասիականորեն բիրտ ու հետամնաց ռուսական միապետության սոցիալ-քաղաքական կարգերի մերկացումը ցարիզմի դեմ ծավալված համաժողովրդական պայքարի բաղկացուցիչ մասն էր: Երերել ժողովրդի ոխերիմ թշնամի ցարիզմի հեղինակությունը աշխատավորների աշքում, առաջ բերել նրանց մեջ ատելություն և ցասում ոռմանովների տոհմի նկատմամբ—օրվա հրատապ և առաջադիմական մեծ խնդիրն էր:

Տեղին և ուսանելի է վերճիշել այդ առնչությամբ, թե ինչպես էր գնահատում Վ. Ի. Լենինը բանվորական մամուլի պատմական կողումն ու դերը: Հիմնավորելով Ռուսաստանում հեղափոխական նոր թերթի սահղման անհրաժեշտությունը, Լենինը միաժամանակ գրում էր, «Մենք ալժմ ի վիճակի ենք, և մենք պարտավոր ենք ցարական կառավարության համաժողովրդական մերկացման համար ամբիոն ստեղծել.—այդպիսի ամբիոն պետք է լինի սոցիալ-դեմոկրատական լրագիրը»¹: Այսպիսով, ռուսական մարքսիստները, Լենինի գլխավորությամբ, ցարական կառավարության քաղաքական մերկացումը դիտում էին որպես ցարիզմի նկատմամբ կույր հավատը խորտակելու, ցարական իշխանությունների և ոստիկանության նկատմամբ ժողովրդի խուլ ատելությունը ինքնակալական կառավարության դեմ դիտակցական ատելության վերածելու, աշխատավորներին վճռական հեղափոխական պայքարի համար ոտքի հանելու միջոց ու քաղաքական գենք:

¹ Վ. Ի. Լենին, Երկեր, Հատ. 5, էջ 22:

Հեռու շղնանք. և դիմենք մի շատ ուշագրավ օրինակի, որն ակնառու կերպով ցույց է տալիս, թե ինչպես էր. Վ. Ի. Լենինը երգիծական մերկացումն օգտագործում բաղաքական պայքարի բովում: Գնահատելով 1906 թ. կեսերին Ռուսաստանում ստեղծված քաղաքական իրադրությունը, երբ պայքարող ուժերի՝ ռեակցիայի և հեղափոխության միջև հավասարակշռության նման մի վիճակ էր ստեղծվել, երբ «ինքնակալությունն արդեն անկարող է այլևս կառավարել ժողովրդին, ժողովրդը դեռևս ուժ չունի իրոք տապալելու ջարդարարների կառավարությունը»², երբ ցարը սահմանադրական խաղ էր խաղում ժողովրդի հետ, իսկ իրականում զինվորական գիկտատուրա իրագործում, Լենինը՝ «Կառավարության քաղաքականությունը և գալիք պայքարը» իր հոգվածում³ հազվագյւտ էպիքական հանգստությամբ ու հումորի մեծ ուժով, պատմում է, թե ինչպես գերմանական սոցիալ-դեմոկրատական երգիծական մի թերթ տպագրել է Նիկոլայ II-ի ծաղրանկարը, ուր ցարը պատկերված է զինվորական հազուսով ու ժամանակակից կույտում գերբուժ: Շացի կտորի վրա գրված է «Կոնստիտուցիա» բառը: Մաղրանկարի վերջին «ահսարանը» պատկերում է մուժիկին, երբ նա, իր բոլոր ուժերը լարած, փորձում է մի կտոր հաց պոկել, բայց կծելով՝ պոկում է Նիկոլայ Ռուսանովի զլուխը: «Եեշտակի՛ ծաղրանկար է», — բավականությամբ գրում է Վ. Ի. Լենինը և, զարգացնելով իր միտքը, քայլ առ քայլ ուժեղացնում է մերկացման պաթուր ու սրբազն ատելությամբ ու ցասումով գրում է ցարիզմի մասին. «...Բոլորից դատապարտված, խայտառակված և չբապարակորեն արհամարհված գանձագողերի, դաշիճների և չարդարաբների մի խումբ նորից ամեն կերպ ծիծաղում է

² Վ. Ի. Լենին, երկեր, Հատ. 11, էջ 217:

³ Վ. Ի. Լենին, երկեր, Հատ. 11, էջ 216:

ժողովրդի վրա, նորից ջարգում է, կողոպտում, ծեծում է, բերան խցկում և օդը թունավորում անտանելի ճորտատիրական գարշահոտությամբ»⁴:

Ահա և «Խաթաբալան», առաջին հերթին, ցարական ինքնակալության համաժողովրդական մերկացման գործում Անդրկովկասի առաջավոր գեմոլրատական ուժերի մարտական երգիծական ամբիոնն էր: Դրանում է նրա ամենազլխավոր պատմական դերն ու նշանակությունը:

Ի՞նչ միջոցներով էր շաբաթաթերթը հասնում այդ նպատակին, և որքանո՞վ ներդործուն էին դրանք:

«Խաթաբալայում» տպագրված նյութերի գերակշռող մասը ցարական միապետությունը ներկայացնում է որպես ասիականորեն բռնակալական մի զաղրելի իշխանություն, որի ճիրաններում հեծում էին երկրում բնակվող այլազգի, բազմաքանակ ժողովուրդները: Ճորտատիրության հզոր և ամենանողկալի մնացորդ ուստիկանական միապետությունը խեղզել ու տրորել էր ժողովրդական զանգվածներին՝ զրկելով նրանց ամենատարրական քաղաքական ազատություններից: Ռուսաստանի աշխատավոր բնակիչը ոչ թե երկրի, բառի բուն իմաստով, քաղաքացի էր, այլ իրավագուրք և ստրուկ: Այդպես էր ներկայացնում երգիծաթերթը տիրող քաղաքական կարգերը ցարական Ռուսաստանում:

Ի գեպ, ասենք, որ երգիծանքի համար ամենեին էլ պարտադիր չէ, որ նա իր զավանանքը կամ քաղաքական ծրագիրըն արտահայտի ուղղագիծ և անմիջական կերպով: Դրական գաղափարն այստեղ դրսեորդում է բացասման միջոցով: Եվ որքան մեծ է բացասման կիրքը, այնքան խորն ու լայնաշուն է գաղափարական միտումը:

Ակներև է, որ հեգնելով ու խարազանելով Ռուսաստանի բռնակալական ոստիկանական կարգերը, «Խաթաբալան» ջատագովում էր երկրի գեմոլրատացումն ու բնակչության համար քաղաքական ազատության ապահովումը:

⁴ Վ. Ի. Լենին, Երկեր, Հատ. 11, էջ 217:

Թե ինչպես և ինչ միջոցներով էր «Խաթաբալան» մերկացնում և ժողովրդի մեջ գիտակցական ատելություն սերմանում ցարական միապետության ու նրա քաղաքական կարգերի նկատմամբ, նպաստում ցարի նկատմամբ հավատը խորտակելուն, ցցուն կերպով երևում է «Աշխարհագրություն» վերտառությամբ տպագրված դիպուկ ու սրամիտ ֆելիետոնից⁵: Ուշագրավ է այստեղ երգիծական հնարանքը, երբ նրա վերնագրի տակ, փակագծերի մեջ նշվում է «Փոքրահասակ-, ների համար» ենթավերնագրիրը: Աշխարհագրության դաս տալով փոքրահասակներին, ֆելիետոնիստը բացատրում է, որ «Մեր պետությունը անվանվում է Ռուսաստան: Ռուսաստանում ապրում են ոռու հպատակներ: Ապրել Ռուսաստանում—կնշանակի ամեն բոլե պատրաստ լինել, որ քեզ կարող են՝ խուզարկել, կալանավորել, բանտ նստեցնել կամ աքսորել:

Դրա համար է, որ Ռուսաստանում կան շատ ոստիկաններ, բանտեր, աքսորատեղեր: Ռուսաստանում հպատակը կարող է միայն այն ժամանակ ապահով լինել, եթե նա նստած է բանտում, եթե իհարկե բանտից հանելուց հետո նրան կախաղան շբարձրացնեն կամ շգնդակահարեն»:

Ֆելիետոնի մեջ արտացոլված է ոչ միայն ժողովրդի քաղաքական իրավագրկությունը, այլև երկրում տիրող սոցիալական անարդարությունն ու աշխատավորների նյութական-տնտեսական ծանր կացությունը: Ռուսաստանում գյուղացիական հուզումների և գյուղացիական ապստամբությունների սոցիալական հիմքը իրավացիորեն դիտվում է որպես ահավոր հողագրկության և ընշաղըկության արդյունք: Այդ երկրում, ասված է ֆելիետոնի մեջ, «Նրանք՝ որոնք պարապում են երկրագործությամբ՝ սոված են: Սովածները Ռուսաստանում անհանգիստ են և շուտ-շուտ ապստամբում են: Եվ որովհետեւ 100 մարդից 90-ը երկրագործությամբ է պարապում, ուստի և 100 մարդից 90-ը շուտ-շուտ ապստամբում է: Ռուսաստանում ապստամբներին շեն սիրում և դրա համար էլ

⁵ «Խաթաբալան», 1906, № 2, էջ 11—14:

պատժում են, իսկ եթե նրանք շատ են դալմաղալ անում՝ երբեմն նույնիսկ սպանում են»:

Արդեն 1906 թ. ամռանը ռեհակցիան կատաղի Հարձակման էր անցել Հեղափոխական ուժերի դեմ: Յարիզմը ոչ միայն սպառնում էր կախաղաններով ու աքսորով, այլև երկրում տիրում էին մասսայական ձերբակալությունները, առանց դատարանի աքսորները, սպատիչ արշավախմբերն ու փողոցային խուզարկությունները: Մուսաստանում փաստորեն հաստատվել էր ռազմա-ոստիկանական դիկտատորական գործությունները:

«Ռեհակցիան նորից սկսեց իր գարշելի արշավանքը,— գրում էր այդ օրերին Ստ. Շահումյանը,— ոռուսաց վամպիրը կրկին պահանջ զգաց ժողովրդի արյան. արդեն լսվում են զանազան կողմերից պողոբներ պատրաստելու լուրեր»⁶: Բոլշևիկյան «Կայծ», իսկ այնուհետև «Նոր խոսք» թերթերը Հեղափոխական կրոռությամբ մերկացնում ու մտրակում էին Ստուդիայինի կառավարության դավադիր քայլերը, Հեղափոխական ժողովրդի եռանդը ջլատելու նրա բոլոր մաներները:

Հեղափոխական ուժերին ու նրա մամուլին օգնության էր գալիս «Խաթաբալան»: Երգիծաթերթը նոր, դիպուկ միջոցներ էր գործադրում ջարդարանների կառավարությունը մերկացնելու համար, ցուց տալով, որ, իրոք, Մուսաստանում մոլեգնում էին դինվորական դիկտատորան ու ռազմաղաշտային դատարանները: Այն ժամանակ, երբ «Մշակը» իր ընթերցողներին հավատացնում էր, թե բանակը, իսկ այստեղ՝ Անդրկովկասում, դաշնակցական «դինվորները» չեղոք են և ներքին թշնամի չպետք է ճանաչվեն, «Խաթաբալայում» տպագրված նյութերը ընթերցողին ակնառու և համոզիչ կերպով ցուց էին տալիս, որ ցարը, «լիբերալ» Ստոլիպինն ու Գնդացիր Տրենովը փաստորեն բացարձակ պատերազմ են հայտարարել ժողովրդին:

Ցյունապատակին հասնելու համար «Խաթաբալան» իր դինանոցում ուներ այնպիսի սուր երգիծական զենքեր, ինչպիսիք էին հեղնանք ու ծաղը պարունակող հայտարարու-

⁶ Ստ. Շահումյան, Երկեր, Հատ. 1, էջ 238:

թյունները, մեկ և մի քանի գործողություններով թվաբանական խնդիրնները, երգիծական անկետանները, հարց ու պատասխանները, երգիծական բանաստեղծությունները և, վերջապես, ծաղրանկարներն ու գրաֆիկական այլ միջոցները:

Երկրում ստեղծված իրազրությունը «Խաթաբալան» իրավացիորեն գնահատում էր որպես պատերազմական գրություն, որի սուբ ծայրն ուղղված էր Հեղափոխական տարրերի և նրանց կազմակերպությունների դեմ: «Ի՞նչ տարբերություն կա, հարցնում է երգիծաթերթը, պատերազմի և պատերազմական գրության միջև, և պատասխանում է. պատերազմում դիտես, որ կարող ես հաղթել կամ սպանվել, իսկ պատերազմական գրության ժամանակ միայն սպանվել»⁷: Նույն նպատակին էր խփում նաև կծու հեղնանք պարունակող հայտարարությունը, որը ազդարարում էր, թե.

«Խախիին գեներալ-գուրերնատոր

Կարող է մի ամսում մի քանի տասնյակ գյուղեր քանդել և հազարավոր անմեղ մարդիկ կոտորել, հայտնի պողոմշշիկ:

Ռումբերից ապահովված առաջարկում է իրեն Ռուսաստանի մի որևէ նահանգի համար:

Հասցեն բոլորին հայտնի է⁸:

Հեղափոխական ժողովրդի դեմ ռեակցիայի գործադրած սանձարձակ տեսորից ցցուն պատկերն է ներկայացնում երգիծաթերթը՝ ընթերցողների ամենալայն շրջանների համար շատ մատչելի թվաբանական խնդիրներում: Երգիծական հնարամատությունն ու կծու հեղնանքն այստեղ հասնում է իր բարձր լարմանը: Դիմենք դարձյալ «Խաթաբալային»:

«Թվաբանական խնդիրներ
(Չորս գործողությունների վրա)

№ 211. Ռուսաստանում կա 89 նահանգ, 481 գավառ,

⁷ «Խաթաբալա», 1906, № 2, էջ 15:

⁸ Նույն տեղում:

իմանալ՝ քանի պովեմյոտ է հարկավոր մուսաստանը հանգըստացնելու համար, եթե ամեն մի գավառում կան 2001 հեղափոխական, 320 հրեա և 16 ներքին թշնամի, երբ հայտնի է, որ մի պովեմյոտը մի բողեռում կարող է սպանել 15 հեղափոխական, 2 հրեա և 3 ներքին թշնամի:

Գործողություն մի անհայտով

№ 991. Ե՞րբ կվերջանան մուսաստանում գաղտնի ոստիկանները, երբ գիտենք, որ մի տարում սպանված են 365 հոգի և վիրավորված են 174, իսկ դրանց տեղը ոչ ոք չէ ուզում բռնել:

Բազմարիվ անհայտներով

№ 992. Քա՞նի սիշչիկներ կան պահված Պետական դումայում, եթե հայտնի է, որ պատերի ամեն մի սաժենը տեղավորում է 4 հոգի, իսկ սյուներից յուրաքանչյուրը՝ 3 հոգի:

Բազմապատկում

№ 1012. Ե՞րբ կվերջանա պատերազմական գրությունը, եթե ամեն մի գավառում կա մի գեներալ-գուբերնատոր, որ ստանում է ամիսը 460 ոտքլի ոտձիկ և մանր ծախսերի համար 800 ոտքլի⁹:

Ցարական բյուրոկրատիայի ու օրեցօր ավելի ուժգին մոլեգնող ոնակցիայի երգիծական խարանման զորեղ միջոց էին ծաղրանկարներն ու զրաֆիկական այլ միջոցները: «Խաթաբալայում» ստեղծվել է ցարի և նրա սատրապների մի ամբողջ երգիծական պատկերասրահ: Այստեղ հմտորեն օգտագործվել է պորտրետային նմանությունը, հասնելով դրանց այլանդակ-կոմիկական պատկերավորմանը: Ժողովրդի կեղե-

⁹ «Խաթաբալա», 1906, № 3, էջ 23:

քիշների ու նրա այլ թշնամիների գրոտեսկալին կերպարները երգիծական ներգործության մեջ ուժ ունեին։ Մերկացման ուժն այստեղ ևս հասնում է իր բարձրակետին։

«Խաթաբալայի» խմբագիրներն ու արվեստագետ-նկարիչներն իրենց աշքերի առաջ ունենալով աշխատավոր ժողովրդի անձնազո՞հ պայքարի հերոսական առօրյան, համակրելով այդ պայքարն ու ներքաշվելով նրա մեջ, կերտել ու մեզ են հասցրել հեղափոխական ռեալիզմով համակված ժամանակաշրջանն արտացոլող պատմական վավերագրերի ուժ ունեցող արվեստի իսկական գործեր։

Յարական բարձրաստիճան պաշտոնյաների երգիծական պատկերասրահում աշքի է ընկնում Կ. Պոբեդոնոսցեաի նողեալի կոմիկական կերպարը։ Հեղափոխական ժողովրդի գեմ հարձակման անցած նիկոլաևյան ռեալիցիայի մերկացման դրծում ավելի քան հաջող էր ընտրված, արդեն հանգուցյալ, ցարական այդ սատրապի՝ գաճի գլխավերնում սավառնող ուրվականը։ Սինոդի ավագ դատախազ Կ. Պ. Պոբեդոնոսցեը, որ եղել է նիկոլայ II-ի և նրա Հոր՝ Ալեքսանդր III-ի հոգևոր հայրն ու դաստիարակներից մեկը, ցարական ռեալիցիայի ոխտվարամտության ամենախոշոր գաղափարախոսն էր ու մոլի գործադրողը։ Նույնիսկ գաճին նվիրված, համոզված միապետական Ս. Յու. Վիտտեն, իր եռահատոր ստվար հուշերում, անկարող լինելով շրջել պատմական իրողությունը, ինչպես կատարել է իր գրքում ուսւական կյանքի մի շարք իրադարձություններին։ քմահան մեկնաբանություն տալով, հարկադրված է խոստովանել, որ Պոբեդոնոսցեը ցարական սատրապների մեջ ամենից ավելի «գերպահպանողականն էր»¹⁰։ Զկար Պոբեդոնոսցեը, բայց կար նրա ոգին, այն հարություն էր առել ու ստացել վայրագ ռեալիցիայի ու արյունահեղ շարդերի կերպարանք։

Մի գեպքում «Հարություն Ս. Յ. Պոբեդոնոսցեի—ռեալ-

¹⁰ С. Ю. Витте, Воспоминания, т. 3, М., 1960, стр. 358.

ցե՛ռը» մակագրությամբ «Խաթաբալայի» շապիկի ամբողջ երեսով մեկ տպագրված է տաղանդավոր հրապարակախոսունկարիչ Օ. Շմերլինգի գծած ծաղրանկարը¹¹: Նկարում մի խումբ սատանաներ, դիվային քրքիջով, ևս են քաշում գերեզմանաքարն ու գերեզմանից դուրս հանում Պոբեգոնոսցեակի կմախսը, որը նայողի մեջ նորդկանքի ու խորշումի ահաճ զգացմունք է առաջ բերում:

Դեկտեմբերյան զինված ապստամբությունը ճնշելուց ու սանձարձակ տեսոր գործադրելուց հետո «Արյունոտ Նիկոլայը», «Հեռագրի դարի այդ Զինգիդ խանը», ինչպես անվանել է Նիկոլայ II-ին ուսւ և Համաշխարհային գրականության հանճար կ. ն. Տոլստոյը, կրկնելով Գերցենի խոսքերը՝ որ վերջինս ասել է Նիկոլայ I-ի մասին, կարծեցյալ Հաղթանակ էր տոնում, որոշելով թե արդեն վերջնականապես հաշվեհարդար է տեսել Հեղափոխության հետ ու ապահովել գահի անսասան, մշտնշենական դոյցությունը: Հակահեղափոխության այդ կարծեցյալ Հաղթանակը դառնում է «Խաթաբալայի» երգիծանքի ու սուր ծաղրի առարկան: Դարձյալ երգիծական ընդհանրացման նյութ է ծառայում ուհակցիայի ու խավարամտության փողօար Կ. Պոբեգոնոսցեը:

Ինչպիսի՝ այրող ատելություն ցարական միապետության նկատմամբ: Ինչպիսի՝ պայծառ լավատնսություն, ի՞նչ անխորտակելի հավատ ժողովրդի գալիք նոր Հաղթանակների հանդեպ: Եվ դա սեհարյուրակացին սանձարձակ տեսորի ու ոստիկանական դաժան հալածանքների պայմաններում:

Դիմենք այդ նոր ծաղրանկարին: Երգիծաթիերթի, այս անգամ ևս շապիկի¹² վրա, ամբողջ էջով մեկ բացվում է մի զավեշտական տեսարան: Նորից նկարիչ Շմերլինգի տաղանդավոր գրչի արգասիքն է դա: Նկարի տակ կարգում ենք՝ «Հաղթեցինք: Ուհակցիայի հայր Պոբեգոնոսցեը պարում է կամարինսկի» մակագրությունը: Ծաղրանկարի կենարոնում

¹¹ «Խաթաբալայ», 1906, № 5:

¹² նույն տեղում, № 16:

ԽԱՂԱՋԱ

ԳԵԼԱԿ ԱԿ. ԳԱԼՈՎԱՆԵՍՏԻ 124

ԹԻՖԼԻՍ. №3



«ԱԽՏԴՐ» պալատու

Գործ Օ. Շմերլինգի

ներկայացված է «կամարինսկի պարող» Պոբեգոնոսցի այլանդակ կոմիկական պատկերը: Հրճվալից դեմքով հարմոն է նվագում գեղ, իսկ պարողին ծափահարում են մի խումբ խուլգաններ: «Ահա՝ թե ում է հրճվանք պատճառում ունակցիայի շարախինդ ցնծությունը»—ասում է աներկբա կերպով «Խաթաբալան»: Եվ, այստեղ ևս հազվագյուտ է երգիծական խարանման ուժը:

Անձարյուրակային Պոբեգոնոսցի ուրվականին հանդիպում ենք մի այլ իրադրության մեջ ևս: Ահա՝ կրկին մեծածավալ մի ծաղրանկար, որ զայրուցիւով ու հեղնանքի անխառն զգացմոնքով գծել է նույն Շմերլինզը: Այստեղ մերկացման առարկա է ծառայել տխրահոչակ «Աստղազարդ պալատը»՝ նիկոլայ II-ի անդրկուլիսյան խորհրդատուն, որ հեղինակ և նախաձեռնող էր հեղափոխական ժողովրդի դեմ գործադրված ոստիկանական-ջարդարարական ամենանողկալի գործողությունների:

Նշենք, որ հունվարի 9-ի դեպքերից հետո ուսական հեղափոխության դաշիճ դեներալ Տրեպովի գլխավորությամբ ստեղծված հակահեղափոխության և սեհարյուրակային տեռորի այդ կենտրոնը, նրա գաղանի, աներեւութային գործունեությունը, հարկ նղած չափով չի դարձել ուսական առաջին հեղափոխության պատմագիրների պատշաճ ուշադրության առարկան: Մինչդեռ դրա անհրաժեշտությունը կասկած չի հարուցում: Այդ հանգամանքն ավելի է ընդգծում «Խաթաբալայի» մերկացման պատմահանաշողական նշանակությունը:

«Աստղի պալատ» մակագրությամբ ծաղրանկարը¹³, բացառիկ է իր գաղափարական հագեցվածությամբ ու սոցիալական մերկացման ուժով: Աստղազարդ սփոցով ծածկված սեղանի մոտ նստած են անդրկուլիսյան սեհարյուրակային խորհրդի անդամ ցարական բարձրաստիճան շինովնիկները, բռունցքները դրած սեղանի վրա: Կենտրոնում կանգնած է Գնդացիր Տրեպովը, այն Տրեպովը, որի մասին Վ. Ի. Լենինը

¹³ «Խաթաբալա», 1906, № 3:

ասել է. «...ամբողջ Ռուսաստանի կողմից առավել ատելի՝ ցարիզմի ծառաներից մեկը, որ Մոսկվայում հոչակվել էր իր վայրագությամբ, կոպտությամբ և մասնակցությամբ բանվորներին այլասերելու գորբատովյան փորձերին»^{14:} Սեղանի առջև, հատակին, որպես մահվան գուժակ, պատկերված է մարդկային գանգերի մի կույտ: Տրեպովը; բոռնցքները սեղմած; հիստերիկ ճառ է արտասանում, ակնհայտորեն, ինչպես նկարն է ցույց տալիս, պահանջելով բոռնցքի քաղաքականություն վարել երկրի ներսում և կախաղաններով ու զնդակահարություններով պատասխանել ժողովրդի ազատագրական ջանքերին: Նկարի ետին պլանում, նրա գլխավերելում, շղթիկի այլանդակ կերպարանքով, ոսկրացած ձեռքերը պարզած, պատկերված է Կ. Պոբեդոնոսցեի ուրվականը, որ հովանի է «Աստղի պալտին»:

Պատկերը լիակատար է իր բոլոր մանրամասնությունների մեջ, համապարփակ՝ ոհակցիայի ու խավարամտության ձշմարտացի պատումով:

Հրապարակախոսական շնչով ու քաղաքական սրությամբ բացանիկ արտահայտիչ են նաև Տրեպովին նվիրված մյուս ծաղրանկարները: Ռուսական հեղափոխության այդ թիերը ներկայացված է երկու տարբեր իրադրությունների մեջ, որոնք իրենց ներքին բովանդակությամբ սերտորեն աղերսվում են միմյանց հետ: Տրեպովի մոտալուս ապագան, նրա անխուսափելի քաղաքական վախճանն է պատկերվում դրանց մեջ:

Դահիճ Տրեպովը, որ Վիտաեի «Լիբերալ» խոսքերի ետևում երկրում իրականացնում էր ուազմական դիկտատուրա, մասսայական ջարդեր սարքում Ռուսաստանում, առաջ էր բերել հեղափոխական ժողովրդի խոր զայրությն ու ատելությունը: «Աստղագետը գուշակում է գեներալ Տրեպովի... ապագան»¹⁵ և «Որբացած աստղագետը»¹⁶ մակագրություննե-

¹⁴ Վ. Ի. Խենին, Երկեր, Հատ. 8, էջ 152:

¹⁵ «Խաթարալա», 1906, № 13:

¹⁶ Նույն տեղում, № 15:

բով ծաղրանկարներն այդ ատելության գրաֆիկական վառ արտահայտություններն են:

Ռուսական առաջին հեղափոխության իրադարձությունների հետ կապված տարբեր իրադրություններում, «Խաթաբալան» պատկերել է ցարական միապետության մյուս խոշոր սյուների՝ Ստոլիպինի, Դուքնովյուի, Գորեմիկինի, Վիտտեի, Պուրիշկիչի, Սուվորինի և այլոց ռեակցիոն կերպարները:

* * *

XX դարի սկզբի, մանավանդ ռուսական առաջին հեղափոխության ժամանակաշրջանի, Ռուսաստանի հասարակական-քաղաքական կյանքի նշանավոր իրադարձություններից էր ռուսական սահմանադրության ու ներկայացուցչական մարմնի շուրջը ծավալված պայքարը: Պետական դումայի հրավիրման ու նրա գործունեության հետ կապված պատմական փաստերի ու անցուղարձերի լուսաբանման համար հետազոտողը աղբյուրների պակաս չի զգում: Այնուամենայնիվ, Պետական դումայի հետ կապված լուսաբանված որոշ հարցեր շարունակում են գրավել շատ հետազոտողների ուշադրությունը: Եթե մեզ համար միանգամայն պարզուող են կենինի, բոլշևիկների, հետեւապես և հեղափոխական մամուլի դիրքորոշումը Պետական դումայի նկատմամբ, ապա «Խաթաբալան» հետազոտողի առջև դնում է այն հարցը, թե ի՞նչ գործելակերպ ու դիրքորոշում ունեին դեմոկրատական շրջաններն ու, մասնավորապես, դեմոկրատական մամուլը ռուսական պառլամենտի գործունեության տարբեր կողմերի նկատմամբ: Այսակազ հարկ է նշել, որ կենինը հստակորեն սահմանագծում էր տարբերությունը դեմոկրատական շարժման օպորտունիտական և ձախ՝ հեղափոխական թեր միջև և, բանավիճելով անարխիստ-բլանկիստների հետ, պնդում էր, որ ի տարբերություն կադետների, Ռուսաստանում կա և զգալի քաղաքական ուժ է ներկայացնում բուրժուատական հեղափոխական դեմոկրատիան, որի սոցիալական հիմքը բազմամիլիոն գյուղացիությունն է Հորտատիրության մնա-

ցորդներն ու ինքնակալությունը վերացնելու համար պայքարի իր վճռական կամքով:

Պետական դուման հակածեղափոխության հիմնարկն էր, ցարական մանյովը, ինքնակալության և ժողովրդի միջև դըրված շիրմա: Նրա հրավիրումն ու գործունեությունը ամբողջովին պայմանավորված էին Ռուսաստանի ժողովուրդների, առանձնապես նրա մանրուրժուական խավերի մեջ լայնորեն տարածում գտած սահմանադրական պատրանքներով:

Վ. Ի. Լենինը բաղմիցս նշել է, որ սահմանադրական պատրանքները ոռուսական հեղափոխության մի ամբողջ ժամանակշրջան են, քաղաքական-օպորտունիստական և բուրժուական թույն, որ կադետները ներարկում էին ժողովրդի ուղեղի մեջ: «Կադետական դուման...,—գրել է Վ. Ի. Լենինը, —հանդիսանում է կոնստիտուցիոն պատրանքների այսպես առած կենդանի մարմնացում, դրանց օջախ, քաղաքական կյանքի բոլոր այն կողմերի կիզակետ, որոնք առավելապես աշքի են ընկնում (և որոնք մանր բուրժուայի մակերեսային, իդեալիստական հայացքին թվում են ժամանակակից քաղաքական կյանքի էությունը կամ գեթ զիսավոր երևույթը):¹⁷

Համակվա՞ծ էր արդյոք գեմոկրատական «Խաթաբալան», ինչպես հայ բուրժուական ազատամտության օրգաններ «Մշակը», «Մուրճը», «Արշալուսը» և այլն, սահմանադրական պատրանքներով: Արդյոք «Խաթաբալան» ևս գտնո՞ւմ էր, որ դումայական անցուղարձերը ժամանակի քաղաքական կյանքի զիսավոր էությունն էին կամ Ռուսաստանի հասարակական շարժման ու քաղաքական պայքարի, Լենինի արտահայտությամբ՝ «գեթ զիսավոր երևույթը»:

Երգիծաթերթն այդ հարցում ուներ հստակ և ուղղագիծ դավանանք, որը նշանակալից շափով համընկնում էր հեղափոխական ձախ բանակի դիրքորոշմանը: «Խաթաբալան» ամբողջովին ազատ էր սահմանադրական թույնից, իր էջերից դեռ էր նետել նրա շուրջը ստեղծված պատրանքները և,

¹⁷ Վ. Ի. Լենին, Երկեր, Հատ. 10, էջ 337:

ընդհակառակը, կանգնած լինելով ուստական հողի վրա, պաշտպանում էր աշխատավոր ժողովրդին կադետական սահմանադրական ազրեսիալից, երգիծական մերկացման զենքով զգալիորեն նպաստում բնակչության աշխատավոր խավերի գիտակցության մեջ սահմանադրական պատրանքները ցրելուն:

«Մուրճ» ամսագիրը, որի քաղաքական ծրագիրը, նույնիսկ հեղափոխության ժամանակաշրջանում, զանազան գաղափարների՝ մի տարօրինակ խառնուրդ էր, սահմանադրական պատրանքով գայթակղված; իր ընթերցողներին հավատացնում էր, որ առաջին Պետական դումայի բացումը «ոչ միայն Ռուսաստանի, այլև Համաշխարհային ամենամեծ անցքըն է»¹⁸: Ամսագիրն առանձին եռանդ էր հանդես բերում և, «Ներքին տեսություն» իր մշտական բաժնում «Մուրճ», անձնատուր լինելով ցարական այդ հորինվածքին, միամիտ հավատքով ընդարձակ ակնարկներ էր նվիրում «Ժողովրդի գերեխիսանության» նոր մարմնի՝ Պետական դումայի գործունեության ու նրա շուրջը ծագած քաղաքական պայքարին, անզուսպ կերպով փառաբանելով նրա գոյությունն ու «մեծ պատմական միսիան»:

Հայ բուրժուական տպատամության օրգաններից մեկի՝ «Մուրճի» ծրագիրն ակնառու կերպով ցույց է տալիս, թե ինչ զի՞հ կար դումայի հարցում նշված թերթերի ու ամսագրերի և «Խաթաբալայի» դիրքորոշման միջև:

«Խաթաբալան», առանց վարանելու, հենց առաջին համարից, դումայի նկատմամբ վերաբերմունքի հարցում կանգնած էր ողջամիտ դիրքերի կրա:

Ճիշտ գնահատելով ուստական պառամենաթի գերն ու նշանակությունը, «Ժամանակագրություն» ֆելիքտոնի հեղինակ Գրագետ Բարուրը¹⁹ դուման անվանում է «Համառուսական խոսաբան», արձանագրելով այն հշմարտությունը, որ

¹⁸ «Մուրճ», 1906, № 6, էջ 138;

¹⁹ «Խաթաբալա», 1906, № 1, էջ 10:

նա քաղաքական մի անդոր մարմին էր, «կրկեսային ներկայացում ու կատարյալ զավեշտ»:

Դժվար չէ նկատել, որ «Խաթաբալան» իր այդ գնահատականի մեջ ձայնակցում էր բոլշևիկյան «Կայծին»: «Խաթաբալայի» լուս ընծայումից մոտավորապես մեկ ամիս առաջ, Ստ. Շահումյանի ձեռքով «Կայծում» գրված «Կառավարությունը և Դուման» առաջնորդողում կարգում ենք. «...Կարելի է կարծել, — գրում է Հեղինակը ոչ առանց ծաղրի, — դուման գառնում է ֆրանսիական մեծ Հեղափոխության «Ազգային ժողովը»: Ո՞րքան կուզեինք հավատալ այդ երազին: Բայց և ավա՞ղ... Պետական դուման իր կարճատև գործունեությամբ բավական ապացույցներ է տվել մեզ շատ հոռետես լինելու իր վերաբերմամբ: Նա պարզապես ցուց է տվել, որ ինքը կոչված է լինելու ոչ թե ֆրանսիական «Ազգային ժողով», այլ ընդամենը... մի «ֆրանկֆուրտյան խոսաբան»²⁰:

Ստ. Շահումյանը, Կովկասում Հետևողականորեն վարելով բոլշևիկյան տակտիկայի ու ստրատեգիայի հեղափոխական գիծը, մերկացնելով ինքնակալության և բուրժուակալվածատիրական կուսակցությունների մանյովըները, կադետական-մենշենցիկյան դումայական ծրագրերն ու գործելակերպը, ցուց էր տալիս, որ դուման ըստ էության մանզոր ու խղճուկ մի հիմնարկություն էր, ընդգծելով միաժամանակ, որ «Ռուսաստանը դեռ շատ հեռու է պառամենտական երկիր լինելոց և միապետությունը գեռ կանգուն է ու անսասան»²¹:

Ահա թե ինչու իրավացի են, այն Հետազոտողները, որոնք, հակառակ բուրժուական պատմագիրների. և ի հակադրություն կոմս Ս. Յու. Վիտտեի նման հուշագրողների, Պետական դուման դիտելով որպես պետական իրավական ուաշ հիմնարկություն, միաժամանակ պնդում են, որ Դուման պայ-

²⁰ «Կայծ», 1906, № 15:

²¹ Նույն տեղում:

մանական կերպով կարելի է անվանել Ռուսաստանի պառլամենտ²²:

Կոմունիստական կուսակցության խոշորագույն գործիչներից ու խորունկ տեսաբաններից մեկի՝ Ստ. Շահումյանի տեսական ժառանգության ըստ ամենայնի օգտագործումն ու յուսաբանումը, ինչպես տեսնում ենք, շահավետ կերպով հարստացնում է պատմա-հեղափոխական դրականությունը, օգնում ձիշտ հասկանալու ու գնահատելու ժամանակի քարական խճճված պրոբլեմները:

Վերադառնալով «Խաթաբալյալն», պետք է նկատել, որ նա ուսական պառլամենտի բուն էության վերաբերյալ իր նախկին հայեցակետում ավելի հեռուն էր գնում, նորից մոտենալով հեղափոխական մամուլի դիրքորոշմանը: Դուման միայն խոսարան հոչակելը, ինչպես վկայում են երգիծաթերթի նյութերը, գեռևս այն չէր, ինչ կցանկանար ասել «Խաթաբալան»: Պետական գուման ավելին էր, քան լոկ մի խոսարանը, այն էլ անմեղ, անվնաս խոսարանը:

Պետական գուման «ցարական բռնակալության, բյուրո-կրատիվի հրամանատարությամբ նրա արբանյակների՝ Պատրիոտների, Խուզիգանների, Պողոսների, Պրովոկացիաների խաղն է»—աջաթե ինչպես էր բնութագրում դուման հանրածանոթ երգիծաբան Ստորակեաը (Ա. Աթանասյան) «Ռուս աղատագրության պատմությունը» իր սուր հրապարակախոսական ֆելիքտոնուս²³:

Դումայի գերի և նշանակության վերաբերյալ տրամադրություն միանգամայն հակառակ դիրքորոշում ունենալով, ի հակակիր կադետների և նրանց խաղաղաբար քաղաքականության, «խաղաղ» հանապարհով աղատության հասնելու նրանց սին հույսերի, երգիծաբաննը, համարձակ ու վճռա-

²²Տե՛ս Փ. Ի. Կալինչև, Государственная дума в период первой русской революции. Автореф. дис. на соискание уч. ст. докт. юридич. наук, М., 1965.

²³«Խաթաբալա», 1906, № 4, էջ 26—27:

կան ձայնով հիշված ֆելիքտոնի մեջ, գրում էր, որ դուման «Պրովոկացիայի մի նոր տեսակի խորամանկություն էր, որ դրանով բռնակալությունը ցանկանում էր միայն ժամանակ շահել, իր ուժերը վերակազմելու և նորից գրոհ տալու հեղափոխության վրա»: «Խաթաբալան» այդ դիրքերի վրա էր կանգնած իր ամբողջ գոյության ընթացքում²⁴:

Առաջին Պետական դումայի անդառուղ գոյությունը, նրա լոկ խոսաբան լինելու փաստը ցցուն ու խտացրած կերպով արտացոլված է շաբաթաթերթի «Ներքին տեսություն» բաժնում տպագրված ֆելիքտոն-ժամանակագրության մեջ՝ «Դեպքեր Պետական դումայի վերաբերյալը խորագրով: Ժամանակագրության մեջ սեղմ ու միաժամանակ ստույգ կերպով տրված է դումայի գործունեության տարրեր շրջանների զարմանալի համարձակ, կծու հեգնական բնութագրությունը՝ նրա բացումից մինչև ցրումը»:

«Ապրիլի 27-ին դուման բացվեց:

Ապրիլի 28-ին անդամները ճանապարհածախս և ապրուստի փող ստացան:

Մայիսի 1-ից մինչև 31-ը երբեմն նրանք և երբեմն մինիստրները միմյանց հայհոյեցին:

Մայիսի 31-ին Սեղենիկով անդամը ի փառս Ռուսիայի չարդվեց:

Մայիսի 31-ից մինչև Հունիսի 15-ը երազներ էին տեսնում Պետական դումայի անդամները:

Հունիսի 15-ից մինչև Հուլիսի 7-ը բյուրոկրատիային շրթունքներով ջարդեցին, նրանց մի մազին անդամ շվնասելով:

Հուլիսի 8-ին դումայի անդամները Տավրիկյան պալատից դուրս վռնդվեցին:

Հուլիսի 9-ին օրավարձ և ճանապարհածախս ստացան. նրանից հետո ոմանք բանտարկվեցին, ոմանք փախան,

²⁴ «Խաթաբալան», 1915, № 44, էջ 1:

ոմանք ծլկվեցին, ոմանք կորան, ոմանք ջնջվեցին և ոմանք...»

«Խաթաբալայի» նման ելույթի անմիջական առիթը Պետական դումայի ցրումն էր, որը կանխորոշված էր գեռևս մինչև ագրարացին հարցի շուրջը դումայի և կառավարության միջև տեղի ունեցած միջադեպը:

Հայտնի է, որ 1906 թ. հունիսի 8-ին հրապարակվեցին ցարական ուկազը և մանիֆեստը Պետական դուման ցրելու մասին: Այդ առթիվ նախազգուշանալով հեղափոխական ուժերի հնարավոր ելույթներից, կառավարությունը հաչորդ օրը զորք շարժեց գեպի Տավրիկյան պալատը. և շրջապատեց այն: Այդպիսի անփառունակ վախճան ունեցավ I Պետական դուման: Եվ, ցրելով դուման, ոհակցիան նպատակ ուներ ազատվել ոչ միայն ձախ դումայից, որտեղ հեղափոխական գյուղացիները հանդես էին դալիս հող և ազատություն պահանջելով, այլև փոխել ընտրական օրենքը՝ հօգուտ խոշոր կալվածատերերի:

Ռուսաստանի քաղաքական կյանքում տեղի ունեցած այդ իրադարձությունները, հեղափոխական հետեւղականությամբ էին լուսաբանում Կովկասի բոլշևիկները, տեղի հեղափոխական մամուլը: Ուշագրավ է այն խորաթափանց դնահատականը, որ այդ առիթով գտնում ենք Ստ. Շահումյանի, ինչպիս նաև Ս. Սպանդարյանի մոտ:

Բոլշևիկների, հեղափոխական մամուլի շիտակ. ու համարձակ ելույթները հսկայական նշանակություն ունեին կովկասյան իրականության մեջ հեղափոխական շարժումներն ու բոլշևիկյան կազմակերպությունների ու հեղափոխական այլ ուժերի գործունեությունը ճիշտ հունի մեջ դնելու համար:

Ելնելով հետեւղական լինինյան դիրքորոշումից՝ Պետական դումայի ցրումը Ստ. Շահումյանը դիտում էր որպես ոհակցիայի նոր արշավանքի նախերգանք, ցարիզմի ձեռնարկած պրոլետացիոն գործությունն: «Այն ձեզ,—գրում էր Շահումյանը,—որով մեր իշխող կամարիլիան ցրեց դուման, այն պատրաստությունները, որ նա նախօրոք տեսել էր, ունեին իրենց նպատակ՝ պրոլետացիան, գլխավորապես

ուղղված պրոլետարիատի դեմ: Կառավարությունը հույս ուներ դրանով՝ փողոց քաշել բանվորությանը, այնտեղ սաստիկ չարգ տալ նրան և այդպիսով միանգամայն ոչնչացնել նրա հեղափոխական ուժը և հենց հեղափոխությունը, որովհետեւ պրոլետարիատն է Ռուսաստանի հեղափոխության գլխավոր ֆակտորը»²⁵:

Իր հրաշունչ հրապարակախոսական հոդվածներում նման գնահատական էր տալիս Պետական դուման ցրելու եղելությանը նաև Ս. Սպանդարյանը: Պետական դումայի ցրումը ժողովուրդը զիմավորեց խորհրդավոր լուսիլամբ, և այդ լուսիլամբ մեջ Սպանդարյանը տեսնում էր այն բարձր դասակարգային գիտակցությունը, որ ցուցաբերեց հատկապես Ռուսաստանի պրոլետարիատը շենթարկվելով ցարական պրովոկացիային, երբ վերջինս, նախապատրաստելով գնդացիրներ ու թնդանոթներ, հույս ուներ հաշվեհարդար տեսնել հեղափոխական ուժերի հետ:

* * *

I Պետական դումայի ցրումից մինչև II Պետական դումայի գումարման ժամանակահատվածը Ռուսաստանի քաղաքական կյանքը բնորոշվում է հեղափոխության վայրէջքով, բանվորական և, այնուհետև, գյուղացիական շարժման թուլացումով մի կողմից, և հակահեղափոխական հարձակման ուժեղացմամբ՝ մյուս կողմից: Այդ ցայտուն արտահայտվեց 1906 թ. աշնանը: Կրկին ուժեղացան սոտիկանական բռնությունները: Հեղափոխական ուժերի հետ հաշվեհարդար էին տեսնում ուղղմա-դաշտային դատարանները: Ցարական պատժիչ արշավախմբերն անլուր դաժանությամբ հետապնդում ու հալածում էին հեղափոխական բանվորներին ու գյուղացիներին և, վերջապես, ցարը սպառնում էր երկրում մտցնել ուղղմական դիկտատորա:

²⁵ Ստ. Շահումյան, Երկեր, հատ. 1, էջ 238,

Ահա այս շրջանում է, որ Ռուսաստանի հասարակական կյանքի երկնակամարում հանդես է գալիս Ստոլիպինի շարագուշակ ֆիգուրան, որի անվան հետ է կապված մեր դարասկզբի ոռուսական կյանքի պատմության ամենամուայլ շրջանը: Ստոլիպինի վրա հենվելով էր ցարը իրագործում իր «Մտրակի և կարկանդակի» քաղաքականությունը, որը և կազմում էր նշված շրջանի բնորոշ գիծը:

Հայտնի է, որ Ստոլիպինը, Պետական դումայի ժամանակաշրջանում և, այնուհետև, Մինիստրների սովետի իր նախագահության առաջին օրերին, բացահայտ կերպով ազատամտություն էր խաղում, առատորեն խոստումներ շուալում, բարեկամական հայացքներ նետում դեպի բուրժուական ազատամտության հասարակական գործիչները: Սակայն, դրանք բոլորը խորամանկ և կանխամտածված մանցովրներ էին, քանի որ իր «ազատամիտ» դգացմունքների բուռն հորդման հետ միաժամանակ նա բանակցում էր ամենամոլի սևհարյուրակային տարրերի հետ: Ցարական իշխանությունները, նախագահ Ստոլիպինը, դումաների միջև ընկած ժամանակաշրջանը ամեն կերպ ձգտում էին օգտագործել օրենսդրական նոր միջոցառումներ կենսագործելու, դրանց շնորհիվ. նոր, II դումայի ավելի պահպանողական կազմ ապահովելու համար: Սակայն պատմական հանգամանքները շատ կարենու ուղղումներ մտցրին ռեակցիայի ծրագրի մեջ, և II Պետական դուման իր կազմով ավելի ձախ, կառավարության նկատմամբ ավելի օպոզիցիոն ստացվեց քան I դուման: Բացարձակապես շարդարացան ինքնակալության փայփայած հույսները, նրան հնազանդ «Ժողովրդական ներկայացուցչական» օրդան ստանալու համար: Գնահատելով այդ օրերի ցարական կառավարության քայլերն ու երկրի քաղաքական իրադրությունը, Վ. Ի. Լենինը գրում էր, որ «ջարդարարների շայկան զգում է ոեպրեսիաների անզորությունը և դես ու դեն է ընկնում պաշտպանություն որոնելու»²⁶:

²⁶ Վ. Ի. Լենին, Երկեր, Հատ. 11, էջ 220:

Այստեղ, Կովկասում, ցարական կառավարության ջարդարար քաղաքականությունը կրքու կերպով մերկացնում էր Ստ. Շահումյանը, ցուց տալիս նոր ծայր առած հալածանքների օրյեկտիվ տրամաբանական վախճանը: «Կայծ»-ում տպագրված իր «Ստոլիպինը գործում է» հոդվածում, Ստ. Շահումյանը, նշավակելով «փայլուն պրեմիերին», զրում էր. «Այսպես, անօդնական ու անել դրության մեջ է կառավարությունը: Ինչ միջոցներ էլ նա ուղե ձեռք առնել, որ կողմն էլ ուղղելու լինի իր թունավոր սլաքները, նրանք կդառնան կառավարության դեմ»²⁷:

«Խաթաբալան» ևս մերկացնում, հեղնում և խարազանում էր ցարական այդ մանյովլիները, երգիծական խաչաձև կրակի տակ առնում առաջին հերթին Ստոլիպինին: Ահա թե ինչպես էր հեղնում երգիծաթերթը Ստոլիպինի «ազատամիտ» մարզանքները՝ «Քաղաքական լուրեր»²⁸ խորագիրը կրող երգիծական սեղմ ակնարկում: «Մինխստը պրեմիեր Ստոլիպինը, —կարգում ենք այնտեղ, —որի ձեռքն է այժմ բախտավոր Ռուսաստանի անբախտ բախտը, արտասահմանյան և մայրաքաղաքի մամուլի միջոցով խոստանում է նախքան Պետական գումարյի գումարումը մտցնել երկրի մեջ արմատական փոփոխություններ՝ մինխստըների ընտրություն և պատասխանատվություն, գեներալ-նահանգապետների ջընջում, ընդհանուր քառանդամ ձայնատվություն, հրեաների իրավունքների հավասարեցում, հայ-թուրքական հարատէ խաղաղություն, գյուղացիներին՝ հող և ազատություն, բանվորներին՝ օրավարձի տասնապատկում, անտերներին՝ տեր և տիրականություն, վարդապետ-կուլյաներին՝ ամուսնություն, գըրամի համայնացում, խմբագիրների ազատ խոսք, տերտերներին՝ մեծ-մեծ փոր, ոստիկաններին՝ հանգիստ, դահիճներին՝ կախաղան, մատնիչներին՝ շքանշան:

²⁷ Ստ. Շահումյան, Երկեր, Հատ. 7, էջ 258:

²⁸ «Խաթաբալան», 1906, № 7, էջ 55:

Այս բարեփոխություններից հնառ ես կարծում եմ, որ նույնիսկ կարիք էլ չկա նորից Պետական դումա հրավիրելու և հեղափոխությունը կրկին զարգացնելու»:

Եթե մի կողմ թողնենք ակնարկի ծիծաղաշարժ որոշ կողմերը, որոնք, հասկանալի պատճառով, օգտագործվում էին երգիծական տարրը ուժեղացնելու համար, այստեղ ուրվագծված է միաժամանակ դեմոկրատական պահանջների նվազագույն ծրագիրը, որ երկրի զարգացման տվյալ կոնկրետ պայմաններում արտահայտում էր դեմոկրատական տարրերի աղատագրական իդեալը:

Երգիծական խարանման պաթուն ավելի ուժգին է հնչում մանավանդ գրաֆիկական գործերի մեջ: «Խաթաբալան», հավատարիմ իր սուր և անողոք ոմին, ցարական բարձրաստիճան շինովնիկների երգիծական պատկերասրահը լրացնում է մի դիմանկարով ևս: Մեծադիր, ամբողջ էջեր գրավող ծաղրանկարները Ստոլիպինին ներկայացնում են ամենատարբեր իրազրությունների պայմաններում: Մերկացնելով Ստոլիպինի կեղծ խոստումներն ու դումայում նրա երեսպաշտ քաղաքականությունը, նկարիչ Օ. Շմերլինը զծել է երգիծաթերթի ամբողջ շապիկը գրավող մի ծաղրանկար, որը «Ստոլիպինը առատորեն օճառի պղպջակներ է արձակում»²⁹: Ահա՝ նրա կեղծ խոստումների ու «պատամիտ» ժեստերի իմաստն ու արժեքը:

Բազմիմաստ և հետաքրքրական է նաև Շմերլինի մի այլ ծաղրանկարը, որի տակ կա այսպիսի մակագրություն՝ «Ստոլիպինը լսում է և չի տեսնում», արձագանքելով քաղաքական այն եղելությանը, որ, չնայած Ռուսաստանում, մանավանդ հեղափոխության տարիներին, առաջացած սոցիալ-տնտեսական ու քաղաքական նոր պայմաններին, Ստոլիպինը արտակարգ, բայց և ապարդյուն եռանդ է հանգես բերում ցարիզմի հիմքերի «անսասանությունը» պահպանելու համար:

Ստոլիպինի գործունեության սեհարյուրակային և հակահեղափոխական էությունը բացահայտվում ու մերկացվում

²⁹ «Խաթաբալան», 1906, № 9:

է դարձյալ Շմերլինգի գրչին պատկանող մի այլ ծաղրանկարում, ուր Ստոլիպինը և Դուրնովոն գրկախառնված համբուլում են: Մաղրանկարի շարժառիթը հավանաբար եղել է 1906 թ. Վերջերին Դուրնովոյի՝ պետական խորհրդի անդամ ընտրվելը, ուր նա, գլխավորելով ծայրահեղ աջերի թեր, հանդես էր գալիս որպես ռուսական հեղափոխությունը ձնշելու ամենադաժան միջոցների հեղինակ և սեհարյուրակացին կազմակերպությունների շարդարարական գործողությունների ոգեշնչող: Ստոլիպինը, ի դեմս Դուրնովոյի, ուներ արժանի խաղընկեր, որին հանդիսատ շէին տալիս «գնդացիր Տրեպովի» դափնիները:

Հեղափոխական և հակահեղափոխական ուժերի հավասարակության վերը նշված շրջանում, ցարական միապետության նախասիրած «մարակի և կարկանդակի» քաղաքականության կենդանի մարմնացումն էր Ստոլիպինը: Ահա թե ինչու, ինչպես II, նմանապես և III Պետական դումաների շուրջը ծավալված քաղաքական պայքարի ամբողջ ժամանակաշրջանում, հեղափոխական մամուլը, որա հետ միասին «Խաթարալան», մերկացման ամենաբազմազան միջոցների սուր ծայրն ուղղում են դարձյալ Ստոլիպինի դեմ: Այդ նպատակին են ուղղված «Խաթարալայում» տեղ գտած սրամիտ, քաղաքական նպատակասլացությամբ հագեցված «Ստոլիպինը օրորում է երիտասարդ Ռուսաստանին» (1906, № 19), «Խսկական ոռու մարդկանց», «Բալետը, դիրիժորությամբ Դրինգմուտի» (1906, № 20), «Ա՛խ, դումա՛, դումա՛, երազումըն իսկ ինձ հանդիսատ շի տալիս» (1907, № 8), «Դեկլարացիայի ընթերցումը Պետական դումայում» (1907, № 12) և այլ ծաղրանկարները:

* * *

Հունիսերեքյան սիստեմը և ստոլիպինյան ռեակցիան հասարակական-քաղաքական նոր իրազրություն առաջ բերին երկրում: Այն Ռուսաստանը, որ 1905—1907 թթ. հզոր հեղա-

փոխության տարիներին ժողովրդական ընդվզման աննախընթաց օրինակ տվեց, ազատագրական պայքարի ջահեր վառեց մի շարք երկրների ժողովրդների սրտերում, ընկղմվեց սստիկանական ոեժիմի տարիների թանձր խավարի մեջ: Ռեակցիան ձգտում էր կյանքի բոլոր ոլորտներում համապարփակ կերպարանք ընդունել:

Երկրում ստեղծված քաղաքական նոր իրադրությունը Վ. Ի. Լենինը բնութագրում էր որպես հասարակական մտքի համար ընդհանուր տատանման ժամանակաշրջան: Իսկ հունիսերեցյան պետական հեղաշրջումից հետո քաղաքական գրականության գերակշռող հատկանիշը նա համարում էր վհատությունը, ապաշխարանքը և ոեննեղատությունը:

«Սկսած Պ. Մարովելից, — գրում էր Վ. Ի. Լենինը, — շարունակած «Տօվարից»-ով, վերջացրած սոցիալ գեմոկրատներին հարող մի շարք կրողներով՝ մենք տեսնում ենք հրաժարումն հեղափոխությունից, նրա արադիցիաներից, պայքարի նրա եղանակներից, ձգտումն այս կամ այն կերպ որքան կարելի է գեսդի աջ հարմարվելու»³⁰:

Սեհարյուրակացին դաժան տեսորն ու ցարական գրաքննությունը անհնարին դարձրին լեզար հեղափոխական մամուլի գոյությունը, իսկ առաջավոր դեմոկրատական մամուլին հարկադրեցին յուրահատուկ դրական ընդհատակ անցնել, նույնպես փոխել պայքարի դորժելակերպը:

Անհնարին էր, անշուշտ, պահպանել հեղափոխության վերընթաց շրջանի ոգին ու լարվածությունը: Եվ, այնուհանդերձ, գալիք նոր հեղափոխության նկատմամբ հավատի մեծ հույսով տոգորված, «Խաթաբալան» ծանր մղձավանջի տարիներին ևս չի իջնում հասարակական երդիծանքի բարձունքներից:

Այստեղ այն առանձնահատկությունը կար, որ զրկված իննելով տիրող կարգերի մերկացման վաղեմի բացահայտմիջոցների գործադրումից, երգիծաթերթը դիմում է խարան-

³⁰ Վ. Ի. Լենին, Երկեր, Հատ. 13, էջ 64:

ման ավելի նուրբ ու ճկուն միջոցների: Այդ գործում երգիծական մյուս ժանրերի հետ միասին իր հատուկ մեծ ծառայությունն է մատուցում հատկապես գրաֆիկական արվեստը, որն իր զինանոցում, ինչպես միշտ, այժմ էլ ուներ արտահայտչական բազմազան միջոցներ:

Այսպիսով, տիրող հասարակական մթնոլորտը նոր երանդ է հաղորդում քաղաքական ծաղրանկարի գաղափարական և գեղարվեստական հագեցվածությանը: Շիտակ և սուր միտքը կարելի էր արտահայտել միայն այլաբանորեն:

Ահա մեր առջև է շաբաթաթերթի, գարձյալ ամբողջ շապիկը զբաղեցնող խորիմաստ ծաղրանկար³¹: «Փորձե՞նք, զուցե ետ դարձնենք», այդպիսի մակագրություն կա նկարի տակ: Սրամիտ նկարչի ձեռքով գրոտեսկային կերպարանքի հասցված ցարական բարձրաստիճան շինովնիկը, որ խորհրդանշում է տիրող ցարական կարգերը, երկու ձեռքով կառչել է սայլի անիվից և փորձում է ետ շրջել նրա ընթացքը: Այսպես էր ընկալում և մեկնարանում «Խաթաբալան» վրա հասած ռեակցիան: Այստեղ խտացած կերպով արտահայտված է այն պատմական ճշմարտությունը, որ որքան էլ մոլեզնի խավարամտությունը, որքան էլ փորձեր կատարվեն Ռուսաստանում պահպանելու հին կարգերը, այդ ամենն ապարդյուն են: Երգիծաթերթը աներկեցյորեն ընթերցողին ասում է, որ անհնարին է ետ շրջել պատմության անիվը, և երբեք ու ոչ մի ուժ չի կարող կասեցնել պատմության առաջընթաց շարժումը: Հազվագյուտ լավատեսություն, որ այն օրերին հատուկ էր միայն աշխատավորների արդար գործի հաղթանակի նկատմամբ անխորտակելի հավատով լցված իսկական հեղափոխական ուժերին ու առաջավոր դեմոկրատական տարերին:

Իր գաղափարական խոր բովանդակությամբ ու քաղաքական հագեցվածությամբ ուշագրավ է մի այլ հանելուկ-ծաղրանկար ևս, որ պատկանում է նկարիչ Օ. Շմերլինգի

³¹ «Խաթաբալան», 1908, № 7:

վրձնին։ Մեծադիր այդ ծաղրանկարի տակ կարդում ենք. «Ով գլուխ ունի, թող հասկանա» մակագրությունը։ Արտաքուստ նույնիսկ շատ պարզ. մի նկար է, կարծես դժվարություն էլ չկա այն հասկանալու համար։ Նկարում գեղեցիկուհի, կիսամերկ հարճը նազանքով պարում է իր տիրոջ առջև, իսկ տերը՝ սովորանի հագուստով ծալվատիկ նստած, վավաշու հայացքով հրճվում է իր ստրկուհու գեղանի մարմնական կերտվածքով։ Սովորական հարեմային առօրյա տեսարան, որ ցարական գրաքննության տիմար շինովնիկներին կարող էր նույնիսկ էսթետիկական հաճույքը պատճառել ու կասկածանքի ոչ մի առիթ շտալ։

Եվ իրոք, այնքան սրամիտ ու խորամանկ է հնարանքը, որ անգամ ամենափորձված ցարական գործակալն անկարող կլիներ համապատասխան հոգված ու իրավական հիմքեր գտնել երգիծաթերթին որևէ մեղադրանք առաջադրելու համար։ Այդ այդպես էր արտաքնապես։ Իսկ իրականում՝ նկարն արտացոլում էր Ռուսաստանի հասարակական-քաղաքական կյանքի մի ամբողջ նշանակալից իրադարձություն։

Երբ բաղդատում ենք ծաղրանկարը ստեղծելու ժամանակը Ռուսաստանի կյանքի համապատասխան ժամանակաշրջանի հետ, ապա եղբակացությունը, որին հանգում ենք, այն է, որ իր բուն քաղաքական էությամբ ծաղրանկարն արտացոլում է III Պետական դումայի հետ կապված իրադարձությունները։ Ուշադիր դիտողը նկատում է, որ սովորանի դեմքը, չնայած հեռավոր, սակայն պրոտրետային անտարակուսելի նմանություն ունի Ստոլիպինի դեմքի հետ։

Այսպիսով, սովորանի դերում պատկերված է Ստոլիպինը, իսկ հարճի դերում՝ III Պետական դուման։ Կախաղանների քաղաքականության հեղինակ Ստոլիպինը գոհ է, որ ի դեմս III Պետական դումայի ցարիզմը ստացավ այն ներկայացուցչական մարմինը, որն երազում ու ցանկանում էին տեսնել ու եակցիայի սյուները։ Ահա թե ինչու III դուման, ոչ օրինակ I և II-ի, հարատեսեց սահմանվածի շափ, հինգ տարի՝ լինե-

ԽՄԱՐԴՈՒ

12

1908 ՀԱՐՎԱԴ ՏՎԵՐ 5

ԽՍՀ ՀԱՅ ԽՄԱՐԴՈՒ

№ 2



Հանելուկ-ծաղրանկար. «Ով գլուխ ունի, թող հասկանա»:
Գործ Օ. Շմերլինզի

լով, ըստ էության, Հակահեղափոխության գործիքը: Վ. Ի. Լենինը նշում էր, որ ցարական կառավարությունը այնպես էր ձևել Հունիսի 3-ի ընտրական օրենքը, որ դումայում ստացվել են երկու հնարավոր մեծամասնություն՝ օկտյաբրիստական-սեհարյուրակային և օկտյաբրիստական-կադետական; որոնք հավասարապես լինելով Հակահեղափոխական բլոկներ, դարձան կառավարության հուսալի հենարանները:

«Խաթաբալան» ոչ միայն վերը քննարկված սուր քաղաքական ծաղրանկարում, այլև դրանից ավելի վաղ, ողջամիտ կերպով էր գնահատում Պետական դումայի հրավիրման ու դումարման հետ կապված պայքարի ժամանակաշրջանը, երդական բազմազան միջոցներով, դեմոկրատական դիրքերից մերկացնում հունիսերերյան օրենքի և նոր դումայի սեհարյուրակային-սեհակցիոն էությունը:

Թե քաղաքական ի՞նչ իրադրություն էր ստեղծվել երկրում III Պետական դումայի հրավիրման նախօրյակին, պերճախոս կերպով պատկերում է «Մինչև դումայի բացումը» վերնագիրը՝ կրտպ ծաղրանկարը³², որի տակ կարդում ենք այս մակագրությունը. «Մինիստր նախագահը պաշտպանում է Դումայի մուտքը անակնկալ հյուրերից»: Նկարում Պետական դումայի շենքի ֆոնի վրա, նրա մուտքի մոտ մերկացրած հսկա կեռ սուրը երկու ձեռքով բռնած, նստած է Ստոլիկինը ու պահպանում է Պետական դուման:

Ավելորդ է կրկին հիշատակել, որ այսուղ մերկացման մեծ շեշտով արտացոլված է հունիսերերյան սիստեմի և նոր ընտրական օրենքի սեհակցիոն էությունը: III Պետական դումայի սեհարյուրակային բնույթն են մերկացնում նաև «Գ. Պետական դումայում ջուր են ծեծում»³³, ինչպես նաև անդրդիովկայան իրականությունից վերցրած «նորընտիր պատգամավոր Հ. Սաղաթելյանը դեպի Գ. Պետական դուման»³⁴ ծաղրանկարները:

³² «Խաթաբալան», 1907, № 32 (60):

³³ Նույն տեղում, № 42 (70):

³⁴ Նույն տեղում, № 43 (71):

Վերջինում գծված է դաշնակցական Հ. Սաղաթելյանի կոմիկական կերպարը: Դումայի դաշնակցական պատգամավորը, որին հաջողվել էր ընտրվել միայն կադետների և դաշնակցականների բլոկի շնորհիվ, ծեր ու ուժասպառ ձիուն հեծած, շաղակրատի թմբուկի զարկների տակ, ճանապարհվում է դեպի Պետական դումա: Այստեղ համողիչ, պատկերավոր կերպով արտացոլված է «Խաթարալայի» բացասական արձագանքը վերը նշված իրողության նկատմամբ: Քաղաքական նպատակասացությամբ ու երգիծական սրամտությամբ ուշագրավ է նաև «Մեր կարծիքները և... աշակողմյանների արարքները»³⁵ ծաղրանկարը, որը Ստոլիփինի և սեհարյուրակային Պուրիշկենցի զիխավորությամբ դումայի աշակողմյանները ներկայանում են որպես ծաղրածուներ:

III Պետական դումայի գործունեության հետ սերտորեն առնչվում է ընդգծված քաղաքական բովանդակության մի ծաղրանկար ևս, որը ցույց է տալիս, թե որքան զգայուն էր «Խաթարալան» երկրի կյանքի յուրաքանչյուր քիչ թե շատ նշանակալից իրադարձության նկատմամբ, և ինչպես ամեն հնարավոր և հարմար առիթ օգտագործում էր, կենինի արտահայտությամբ, «Մե դուման» ժողովրդի աշքում հեղինակարկելու և մերկացնելու համար:

Այս թե ինչ է պատկերված այդ ծաղրանկարում, որի տակ կարդում ենք. «Ա՛յ քեզ վզնոց և գալուստիկ»³⁶ մակաղորությունը: Պետական դումայի ամբիոնից կրքոտ ճառ է արտասահնում կադետ Ռոդիշկը: Նա աչ ձեռքը բռունցքով վեր է բարձրացրել, որ զայրույթի ու ցասման նշան է արտահայտում, իսկ երկարած ճախ ձեռքի ցուցամատով ինչոր բան է մատնացուց անում: Ռոդիշկը, ինչպես վկայում է նկարը, անցանկալի ճառ է արտասահնել, որը դուր չի եկել դումայի աշերին: Մի քանի աշակողմյաններ, վեր ցատկելով տեղերից, զայրացած բռունցք են ցույց տալիս ու սպառնում են արա-

³⁵ Նույն տեղում, № 50 (78):

³⁶ Նույն տեղում, № 49 (77), էջ 1:

ցիով հարվածել նրան և, ըստ երկութին, պահանջում են դուրս վզնդել Ռողիշկին դումայից:

Սակայն, ժաղրանկարի գաղափարական լիցքը, ինչպես կտեսնենք ստորև, նկարի այլ իմաստն է: «Խաթաբալայի» քններցողը պետք է կռահեր, թե ինչ իմաստ ունի Ռողիշկի պարանոցին հագցրած վզնոցը, որ համապատասխանում է ռուսական «խոմուտ», հայերեն խամութ բառին, և շղթան, որ կախված է զարձյալ նրա պարանոցից: Կադեօ Ռողիշկը, ինչպես երկում է, ուշացած մտարերելով «Վիրորգյան կոչը», հանդգնել էր ինչ-որ համարձակ օպոզիցիոն խոսք ասել, հաշվի շառնելով, որ այլ էին արդեն ժամանակները:

Ո՞րն էր այդ խոսքը: Աջա՛, սրանում է նկարի ամբողջ աղք: Դիմում ենք այն օրերի պատմության էջերին, երբ Ռուսաստանում, հավասարապես և Անդրկովկասում, մոլեգնում էր դաժան ռեակցիան: Հոգեոր անկման այդ շրջանում, ինչպես հայտնի է, մտավորականությունը գաղափարական ծանր ձգնաժամ էր ապրում: Բուրժուական մտավորականության, ինչպես նաև մանրբուրժուական մտավորականության անկայուն, հակահեղափոխության դաժանություններից ահաբեկված մասը, փախուստ էր տալիս հեղափոխական պայքարից ու առաջավոր հասարակական մտքի պաշտպանությունից: Կադետական գաղափարախոսները, նրանց պարագլուխ Պ. Ստրուվին, Լենինի արտահայտությամբ, այդ լիբերալ ռենեգատները, բացահայտ կերպով վարկարեկում էին ռուսական առաջին հեղափոխությունը և, հաճոյանալով ցարին ու Ստոլիպինին, փառաբանում էին ցարիզմի կողմից նրա ձեռշշումը: Նույնիսկ կադետական շրջաններից ենող ամենաերկշուր քննադատական խոսքը դիտվում էր որպես մեծագույն հերետիկոսություն: Եվ երբ III Պետական դումայի պատգամավոր, կադետ առաջնորդներից մեկը՝ ոչ անհայտ Ռողիշկը³⁷, դումայի նիստում հայտարարեց թե՝ «մուրավյովյան վզնո-

³⁷ Վ. Ի. Լենինը, ի գեպ, Ռողիշկին նշավակում էր որպես «ֆրազյոր և տվերան լիբերալիզմի ասպետ»:

ցին»³⁸ այժմ փոխարինում է «ստոլիպինյան փողկապը», ապա դումայի կաղետական ֆրակցիայի պահանջով ոչ միայն հարկագրեցին նրան ներողություն խնդրել Ստոլիպինյից, այլև դումայի մեծամասնության որոշումով զրկեցին նրան որոշ ժամանակով դումայի նիստերին մասնակցելու իրավունքից:

Այդ իրողությունն է, ահա, որ արտացոլեւմ է «Խաթարալայի» մեզ արգեն ծանոթ ծաղրանկարը: Նկարչի ստեղծագործական երևակայության հիմքում, այսպիսով, ընկած էր իրական պատմական փաստ, և երգիծաթերթն այդ միջադեպը հմտորեն օգտագործել է տիրող ստոլիպինյան ոհակցիան ու, մասնավորապես, սեհարյուրակային դուման մերկացնելու համար:

«Խաթաբալան», անտարակույս, հեգնում ու ծաղրում էր ոչ միայն դուման ու նրա սեհարյուրակային-կալվածատիրարական մեծամասնությունը, այլև շաղակրատ Ռոդիչկին, որն ընդունակ էր միայն հիստերիկ ու փրուն ճառեր արտասանել: Այդ էր վկայում երգիծաթերթում գծված նրա կերպարի ծիծաղելի դրաֆիկական պատկերը:

* * *

Որքան էլ սահմանափակ լինեին երրորդ Պետական դումայի իրավունքները, սակայն և նա որոշակի տեղ էր զրավում ուստական միապետության քաղաքական կազմակերպման սիստեմում: Նրա ոհալ գոյության թերագնահատման վրա քանիցս ուշադրություն է հրավիրել Վ. Ի. Լենինը: Սեհարյուրակային III դուման ուստական բուրժուա-կալվածատիրական միապետության այն առկա հիմնարկությունն էր, որ պաշտպանում և ապահովում էր ստոլիպինյան ոհակցիայի արյունուտ ոհեժիմի իրականացումը:

Հին կարգերի վերականգնման, հեղափոխական ուժերի ու ամեն առաջավոր մտքի ճնշման իր սեհարյուրակային,

³⁸ Ցարական Ռուսաստանի պետական ծայրահեղ ոհակցիոն գործի կոմս Մ. Ն. Մուրավյովի անունով, որ աշքի ընկալ 1863 թվականի լեհական ապստամբությունը դաժանորեն ճնշելու մեջ:

գործունեության մեջ, գուման, նրա ընդունած օրենսդրություններով, անմիջական մասնակցություն ուներ Ռուսաստանում բնակվող ազգային փոքրամասնությունների ձնշման ու հարստացարման գործին։ Դումայում ընդունվել էին միքանի օրենսդրական ակտեր, որոնք մեծ չափերով սահմանափակում էին Լեռաստանի, Ֆինլանդիայի և մյուս ազգային ծայրամասերի, առանց այն էլ անշան, իրավունքները։ Վերջիշենք թեկուղ այն, թե ինչպես էին խստորեն սեղմվել ազգային շրջաններից Պետական գումայում ներկայացուցական նորմաները։ Այսպիս, օրինակ, նոր սահմանված ներկայացուցական նորմաների համաձայն Լեռաստանը, II դումայում ընտրած 37-ի փոխարեն, այժմ կարող էր ընտրել 14 պատգամավոր, Կովկասը 25-ի փոխարեն՝ 10, իսկ Միջին Ասիան, որ II դումայում ուներ 21 պատգամավոր, III դումայում բոլորնվին տեղ չստացավ³⁹։

Մոլի միապետական ու ասիականորեն բիրտ ունակցիոներ Պուրիշկեիչը, «իսկական ոռւս մարդկանց» սկզբայուրակային կազմակերպության գլխավոր ոգեշնչողն ու կազմակերպիչը, նրա հետ միասին նաև ոռւսական պառլամենտի մյուս ունակցիոներները, դումայի ամբիոնը օգտագործում էին մեծապետական շովինիզմը, փոքր ազգերի մեջ ազգայնական կրքերը բորբոքելու համար, որոնք ունակցիայի տարիներին աճավոր չափեր էին ընդունել։

Ս. Սպանդարյանը այդ օրերին գրած մամուլի տեսության մեջ⁴⁰ նշավակելով կադետական «Բակу» թերթն ու նրա խմբագիր Ք. Ա. Վերմիշենին, զայրութով է գրում, թե ինչպես Վերմիշենի թերթը տպագրել է «բնասարաբիական խեղկատակ» Վ. Պուրիշկեիչի մարդաբայց հետեւյալ հեռագիրը։ «Ճերմորեն շնորհավորում եմ Բաքվի ոռւս և մուսուլման բնակչությանը քաղաքային ընտրությունների արդյունքի առթիվ։ Մեծագույն գոհունակության զգացումով իմացա, որ զբեթե բոլորովին

³⁹ Փ. Ա. Կալինիչև, Государственная дума в России, М., 1957.

⁴⁰ Ս. Սպանդարյան, Երկեր, Հատ. 2, էջ 240։

շեն լնտրվել հայեր,—թեսարաբիայի ջնուղի հետ մի մորից ծնված այդ պալարը: Պուրիշկելչ»:

Ազգային հալածանքների ու ջարդարարության քարոզը, բնականաբար հեղափոխական ու բոլոր առաջավոր ուժերի դիմադրությանն էր հանդիպում: Իր զայրակից խոսքն է ասում նաև «Խաթաբալան», երգիծական կրակի տակ առնում «թեսարաբիայի խեղկատակին» ու սկհարյուրակային գումայի բոլոր ջարդարաբներին: Երգիծաթերթում ապագրված «Մարդակերներ» ֆելիետոնն⁴¹ իր երգիծական լիցքով, նյութի համարձակությամբ ու սրությամբ եղակի էր ժամանակի հայմամուլի անդաստանում⁴²:

* * *

Ստոլիպինյան ռեակցիան ծանր քարի նման նստել էր առաջավոր հասարակական մտքի. ու առաջադիմական մամուլի կրծքին: Ոչ միայն կաշկանդվում, այլև դաժանորեն հետապնդվում ու հալածվում էին ամեն մի աղատ միտք ու խոսք: Ընդհանուր հուսալքման ու հոգեսոր անկման այդ տարիներին քաղաքացիական արիություն էր պետք պահպանելու համար հոգու կայտառությունն ու լավատեսությունը, գալիք լուսավոր օրերի նկատմամբ անկոտրում հավատը: Երգիծական մամուլն, ինչպես վկայում է «Խաթաբալան», եթե նա հավատարիմ էր մնում աշխատավոր ժողովրդի շահերին, անսպառ հնարավորություններ ուներ ճշմարիտ ու սուր խոսքը բազմապիսի հնարքներով ասելու, տիրող կարգերի մերկացման պաթոսը, որքան այդ թույլ էին տալիս պայմանները, պահպանելու համար:

Այժմ դրական միտքն ու զաղափարը դարձյալ արտա-

⁴¹ «Խաթաբալա», 1908, № 20, էջ 228—229:

⁴² Սկհարյուրակային Պուրիշկելչը, նրա այլանդակ կոմիկական կերպարը «Խաթաբալայի» երգիծական խարանման նյութ է դարձել հետագա տարիներում ևս: Տե՛ս «Խաթաբալա», 1914, № 2:

Հայտվում էր բացասման միջոցով, հաճախ էլ, ինչպես արդեն նկատել ենք, այլաբանորեն:

Ահա վրա էր հասնել 1908 թվականը: Ժողովուրդը դիմավորում էր նոր տարին: Սակայն ի՞նչպես:

Ավանդական սովորության համաձայն մարդիկ պետք է շնորհավորեին միմյանց նոր տարին, բարեմազթության խոսքեր ասեին: Սակայն երգիծաբան Գասպար Կալատուզյանցը, թախիծը սրառում, ոչ մի միսիթարող խոսք չի գտնում հայրենակիցներին ասելու: Ի՞նչ էր բերելու նոր տարին աշխատավոր մարդուն: Եվ «նոր տարին» առաջնորդողում⁴³ նաղառնությամբ գրում է.

«Ի՞նչը շնորհակիմ, ասիմ վուր՝ երգրիս վրա շորտ-օցը, երկու վուտնանի օցը՝ էն վուր, ամեն օր միր մեջ ապրում է, միր մեջ կենում է, միր արինն է ծըծում ու ասում թե իս կօսէ, ձիզ շատ իմ սիրում, ձիզ համա իս զլուխս մահու կուտամ կօսէ, ու լիդնու լիդը շալիշ է գալի տակեմէն խալիչէն քաշելո՞ւ:»

Բա թող բրիշակ ըլի ու գեդինը շափշփի էտ թավուրը, վուր էս տարի էլ երգրիս վրա շերնվա էտ թավուր ծուրբելէն (տղրուկը):

Շարունակելով իր մառումները, երգիծաբանը գրում է, որ նա այն ժամանակ կշնորհավորի մարդկանց նոր տարին, երբ ժողովուրդը իրական ազատություն կստանա, երբ նա ապահով ու տանելի մարդկային կյանք կունենա:

Եվ ոչ միայն դաժան խավարամտության նոր սկսված արշավանքի օրերին, այլև հետագայում, դրանից մեկ տարի հետո, 1909 թ. բանաստեղծ Շոփնդը հավատում էր, որ սեամպերը կհեռանան մոայլ երկնքից ու վերջապես կցոլա ազատության շողը: Բանաստեղծը չի կասկածում, որ հետու չի այն օրը, երբ կրկին կշողշողա ազատության արփին:

....Ու մի առավոտ, երբ շողշողա
Ազատության վառ արփին,—

⁴³ «Եաթարալա», 1908, № 1:

Մեզ այն պահին միայն կուգա՝
Մեր նոր կյանքի նոր տարին։

Որ չէր մարել աշխատավոր մարդկանց սրտում աղատության գաղափարը, որ նա որպես ավանդ էր մնացել հին սերնդից նոր սերնդին, այդ պարզ արտահայտել է երդիծաթերթը նույն՝ 1908 թ. առաջին համարի շապիկի նկարի տակ, նալբանդյանական շնչով ու Մ. Նալբանդյանի հայտնի բանաստեղծության նմանությամբ գրված քառյակների միջոցով։

Հին տարի-պապիկը, ցույց տալով նոր տարի-թոռնիկին սարի ետևից ծագող Արևին, որ խորհրդանշում է աղատության արշալույսը, ասում է.

Ես էլ քեզ պես մի մանուկ
Երկու ձեռքս պարզեցի
«Աղատության» շողերը
Կրծքիս վրա սեղմեցի.
Բայց ի՞նչ արած—շատ շուտով
Ես ուժասպառ ալեոր...
Նույն շողերը լուսատու
Քեզ սուրբ ավանդ տվեցի։

Անմեռ է աղատության շողը, ինչպես անմար է Արևը։ Աղատության սրբազան գաղափարը հալածվել է, նա տրորվել է, բայց չի նահատակվել։ Նա նորից կծագի, որպես ծագում է հանապազօր հավերժական այգը... Եվ թանձր խավերի այն տարիներին ի՞նչպիսի պայծառ լավատեսություն, ի՞նչ լուսավոր հավատ աղատության ապագա հաղթանակի նկատմամբ։

Այս առնչությամբ փորձենք վերծանել գրաֆիկական մի դորձ ևս, որ չի կարող վրիպել հետազոտողի ուշադրությունից։

⁴⁴ «Խաթարալա», 1909, № 2, էջ 22։

Նկարը, ինչպես հաճախ, այս անդամ էլ գրավում է «Խաթաբալայի» ամբողջ շատիկը⁴⁵: Սակայն, ինչպես նկատում է նրա դիտողը, այն միայն պայմանական կերպով նկար կարելի է համարել: Նկարչի վրձինի քմահաճ հարվածները ինչ-որ ստվերներ են գծել, ստեղծել մի խառնիմաղանց պատկեր, և ոչինչ որոշակի չկա այնտեղ:

Դիտողը տարակուսում է, թե ճաշակով ու խոհեմությամբ ստեղծվող այդ երգիծաբերթում, ի՞նչպես կարող էր թափանցել ու տեղ գտնել նման անճաշակություն: Այս կողմից դատելով, պետք է ենթազրել, որ հրապարակախոս նկարիչն արտահայտչական այդ ձևն հմտորեն օգտագործել է նաև արվեստի բնագավառում ժամանակին ձևավորված բուրժուական ու եակցիոն ուղղությունը՝ սիմվոլիզմն ու անկումայնությունը խարազանելու համար:

Կարծես մանկական անփորձ ձեռքով հորինված այդ խղբզոցի ընդհանուր ֆոնի վրա, նկարի վերին մասում, թևերը տարածած, արծվի ստվեր է երևում: Ներքեւում նշմարվում են մարդկային անորոշ ստվերներ: Նրանցից վերև կարմիր գույնի շերտեր են, իսկ այդ կարմիր ֆոնից ելնող երկու ճառագայթներ շեշտակի խաշածելում են ամբողջ նկարի երեսով, որ գրաքննության արդելքն է խորհրդանշում: Նկարի տակ, մակագրության փոխարեն, հորիզոնական կարմիր դժեր են տարված: Այս է արտահայտում արտաքուստ նկարը:

Սակայն, պետք չէ օժաված լինել առանձին խորաթափանցությամբ, հասկանալու համար, որ արծվի ստվերը, նկարչի մտահղացումով, ցարական միապետությունն է խորհրդանշում, իսկ խաչաձևվող կարմիր սլաքները, որոնք իրեն թե գրաքննության արդելքի նշանն են, հեղափոխության խորհրդանշանն է, որ գալու և ջնջելու է միապետությունը:

Այլաբանորեն, շատ սրամիտ կերպով նույն խոր համոզվածությունն է խոսում՝ միապետության անխուսափելի կործանման և հեղափոխության մոտալուս հաղթանակի մասին:

⁴⁵ «Խաթաբալա», 1908, № 30:

Սվելի համոզիչ ու ցնցող, ավելի ներգործուն այլ միջոց զուցե չկարողանար փոխարինել այն հրապարակախոսական նկարին, որ զետեղել է «Խաթաբալան» ոեակցիայի հաղթանակով երկրում ստեղծված սոցիալ-քաղաքական ժանր, հեղձուցիչ իրադրությունը պատկերելու համար: Նկարի տակ կայսպիսի մեկնաբանություն՝ «1907 թվից ժառանգություն 1908 թվին: Հասարակությունը և նրա բարեկամները»⁴⁶:

Մեծ հնարամտությամբ, այստեղ ևս, նկարիչ Օ. Շմերլինը օգտագործել է վրա հասած նոր տարվա թեման: Նկարում ժողովուրդը պատկերված է թույլ ու անօգնական կնոջ կերպարանքով: Երեք զիշանգղեր հոշոտում են ծովափնյա ժայռին գամված կնոջ կուրծքը: Նրա դեմքը տառապանք ու սոսկալի ցավ է արտահայտում: Գիշանգղերի թեսերի վրա դրված են հետևյալ բառերը «Անապահովություն», «Թանկություն», «Զեխություն»:

«Խաթաբալան» դառնությամբ ու ցասումով էր խոսում տիրող մղձավանջի, վայրենի կամայականության ու աննախընթաց բռնությունների, ոստիկանական անսանձ տեսորի, աքսորի ու օրեցօր աճող բանտերի մասին:

Ռուսաստանն, ինչպես հայտնի է, ոչ միայն սոցիալ-քաղաքական իմաստով, այլև բառի բռն նշանակությամբ, ժողովուրդների բանտի էր վերածվել: Ռուսական կայսրության ներքին քաղաքական լարված իրադրությունը վկայում էր, որ երկիրը փաստորեն նմանվել էր ռազմական ճամբարի: Իրոք որ, ցարիզմը ոչ թե կառավարում էր երկիրը, այլ պատերազմ էր մղում ժողովրդի դեմ:

Արտաքուստ պարզունակ և արվեստով թեկուզ ոչ կատարյալ, բայց որքան դիպուկ ու անմիջական էր «Խաթաբալան», երբ նա ցասումով լցված, իր ընթերցողների համար պարզում էր Ռուսաստանի 1904—1908 թթ. քաղաքական կյանքի համայնապատկերը: Շաբաթաթերթի 1908 թ. համարներից մեկում հանդիպում ենք բանաստեղծությանը նմանվող

⁴⁶ «Խաթաբալան», 1908, № 4:

մի գրվածքի⁴⁷, որին տրված է. «Մուսաստանը 1904—1908 թվերին» վերնագիրը: Ահա նա.

ՊԵԿԵ, բումբա, Միրսկի, «Վեսնա»
Վիտտե, բանկետ, պետիցիա.
Բուլիգին, գումա, զաբաստովկա
Միտինգ, մանիֆեստ, կոնստիտուցիա
Պոգրոմ, խուլիգան, բեռլյուցիա.
Բարիկադ, բոյկոտ, պուշկի, Մինն.
Դուբասով, Ալիխանով, Ստոլիպին
Էքսպեդիցիա, շանտաժ, բեակցիա
Բուկի-վերի, պունողրաֆիա, էքսպրոպրիացիա:

Ինեակցիայի տարիներին ոստիկանական հետապնդումների ու հալածանքների, քաղաքացիների, մանավանդ հեղափոխական տարրերի, կյանքի անապահության ու սպառնացող աքսորների ու տաժանակրության պատկերն է գծված Ստորակետի՝ Աշոտ Աթանասյանի «Իմ պատիժը» ֆելիետոննում⁴⁸: Հրապարակախոս-ֆելիետոնիստը հեղնում է հունիսներեքյան սիստեմի հետևանքով հաստատված օրենքների հակածողովդական, սկզարյուրակային էությունը, ցուց տալով, որ այդ պայմաններում ամենաչնչին կասկածանքի դեպքում, յուրաքանչյուր ոք կարող է քաղաքական հանցագործ համարվել ու պատժվել: «Եվ ես գեռևս բռնված չեմ» խոսքի մեջ, որով վերջանում է ֆելիետոնը, ճշմարտացի ու դիպուկ կերպով բնութագրված է այն օրերի քաղաքական կյանքի բնորոշ առանձնահատկությունը:

Երգիծական ակնարկներից, հրապարակախոսական սուլք հոգվածներից ու ֆելիետոններից բացի «Խաթաբալան» կարողանում էր հմտորեն օգտագործել երգիծական մանր ժանրերի գործեր, որոնցում ծայրահեղ խտացրած գույնե-

⁴⁷ «Խաթաբալա», 1908, № 12, էջ 135:

⁴⁸ Նույն տեղում, № 7, էջ 78—79:

րով, սուր խոսքով, հաճախ էլ կատակով, քաղաքացիների կյանքի անապահովության թեման է շոշափում: Դրա օրինակ կարող էր ծառայել սռորե բերվող երկախոսությունը, որ աշքի է ընկնում իր խորիմաստ բովանդակությամբ.

— Էդ ո՞ւր այդպես շտապով.

— Բանտը:

— Մի՞թե ձերբակալել են քեզ:

— Ո՞ւ, Հենց նոր ձերբակալեցին № 56

տան ապրողին, իսկ իմը 57-ն է. Երեկի

մի ժամից հերթը ինձ կհասնի, իսկ ես,

չո գիտես, չեմ սիրում, երբ ուրիշներն

ինձ կանխում են⁴⁹:

Իր ներքին բովանդակությամբ ու նպատակազրությամբ այս վերջինին սերառեն հարում է Սկիտալեցի «Խուսաստանի մեծ զարշելին» ֆելիետոնը⁵⁰: Սրա հեղինակն անծանոթ ու օտար չէր ընթերցողին: Եվ պատահական չէ, որ «Խաթաբաւան» իր էջերում թարգմանաբար տպագրում էր ոռւս ռեալիստ գրող, Մ. Գորկու մերձավոր բարեկամ Սկիտալեցի՝ Ստեպան Գավրիլովիչ Պետրովի⁵¹ գործերը, որոնք գրված էին արմատական դեմոկրատական դիրքերից: Սկիտալեցն այն ոռւս գրողներից էր, որոնց գրական-հրապարակախոսական ստեղծագործությունը սերառեն մերված էր ոռւսական առաջին հեղափոխության հերոսական դարաշրջանի հետ, և որոնց գրական վաստակը հազեցված էր հասարակության աշխատավոր խավերի նկատմամբ չերմ համակրանքով ու կարեկցությամբ:

Ժամանակի ոռւսական արմատական դեմոկրատական մտքի, ոռւս առաջավոր գրականության հետ սերտ կապն ու մերձավոր հաղորդակցությունը, բնականաբար նպաստում

⁴⁹ «Խաթաբաւալա», 1908, № 52, էջ 398:

⁵⁰ Նույն տեղում, № 39, էջ 435—436:

⁵¹ Տե՛ս «Скиталец», «Московский рабочий», 1960.

Էին երգիծաթերթի գաղափարական ու գեղարվեստական նպատակասլացության հարստացմանը, օգնում նրան պատնեշվելու ժամանակի մոդայիկ ռեակցիոն անկումային գրականության և արվեստի վնասակար ու վտանգավոր աղղեցությունից:

Սկիտալեցի ֆելիետոնը, որ «Խաթաբալայի» երկու թերթոնն է գրավում, կծու հումորով պարսավում է ուստական առաջին հեղափոխության պարտությունից հետո ցարական Թուսաստանի ծանր պայմաններում թագավորող մատնությունն ու լրահետությունը, որոնց հետեանքով ցարական զընդաններում հեծում էին տասնյակ հավարավոր առաջավոր մարտիկներ ու լրտավոր մտքեր: Մատնությունը դարձել էր եկամարթեր, արջեստ, որ կարող էր փառք ու բարձր զիրք բերել նրա հեղինակին, գոյության միջոց, պաշտոնում հաստատում մնալու երաշխիք, մանավանդ՝ ոստիկանական մարմիններին ծառայության մտած հուգա-դոնոսչիկների համար, որոնք, ինչպես ֆելիետոնից է երկում, պարտավոր էին ամեն օր մատնշական զեկուց զրել: «Մարդը պակասեց՝ դոնոս զրիր հարազատ հորդ, մորդ վրա»—ահա ոստիկան Պրիշիբունի հավատամքը: Լրտես Մենշիկովը, ի զարմանս Պրիշիբունի, հանգիստ խղճով, դաշճի սառնարտությամբ հայտնում է, որ ինքը կարող է մատնշական զեկուց զրել թեկուղ և... Տոլստոյի մասին: Մեծ էր ոստիկանի զարմանքը և գայթակղիչ էր առաջարկը, ու դուր եկալ նրան հուղայի գաղափարը: Մենշիկովը, «Հայրենիքի օգտի, ժամանակակից սերնդին խելքի բերելու և սեփական փառքի համար» գրեց դոնոսը, գրեց... ու տպագրեց «Նովոյե Վրեմյայում»: Այստեղ երգիծական խայթը առանձնապես ընդգծված սրություն է ստանում, եթե վերջիշում ենք, թե այն օրերին ինչպիսի ստորգեր էր ստանձնել Սովորինի վերը հիշված թնըթը, դառնալով սեհարլուրակային ռեակցիայի հենարաններից մեկը:

«Խաթաբալայի» աշխատակիցների ուշադրությունից չէին վրիպել անզամ բուրժուական լրագրող ու ժամանակի արգասավոր ֆելիետոնիստ Վ. Մ. Գորոշկիլը: Անզամ է

ասվում, քանի որ Դորոշելիչը, գրելով շափազանց ձկուն ու պատկերավոր լեզվով, հաճույք ու բավականություն էր պատճառում մեծի մասամբ քաղքենի ընթերցողին: Երգիծաթերթը հավանաբար դեկավրվում էր այն սկզբունքով, որ թեկուզ Դորոշելիչ, բայց և թող նա որևէ շափով նպաստի հիմնական նպատակին՝ տիրող կարգերի մերկացմանը: Դորոշելիչից թարգմանաբար տպագրված մի քանի գործերից, այդ առումով, կնշենք միայն մեկը, որ կրում է «Անձրև» խորագիրը⁵²: Հեղինակը, ֆելիետոնում իրադարձությունները փոխադրելով Զինաստան, պատկերում է բռնակալ-կայսրի անսանձ կամացանությունը, երբ չնշին, այն էլ հորինված առիթով, զոհ են դառնում տասնյակ հազար ընշապուրկ քաղաքացիներ: Ակնհայտ է, որ ֆելիետոնն արձագանքում էր Ռուսաստանի ներքին կյանքում ժամանակին տեղի ունեցող իրադարձություններին:

Հազիվ թե կարիք լինի դիմել կրկին նման օրինակների: Դրանք շատ ու բազմազան են «Խաթարալայում»: Եզրակացությունն այն է, որ երգիծաթերթը, հետևողական դեմոկրատական դիրքերից, զրոհում էր ցարական միապետության արգեն խարիսլով հիմքերի վրա, իր պատմական մեծ ծառայությունը մտառուցում նրա համաժողովրդական մերկացման գործում:

⁵² «Խաթարալա», 1908, № 1, էջ 6—7:

ԺՈՂՈՎՐԴԻՐՆԵՐԻ ԲԱՐԵԿԱՄՈՒԹՅԱՆ ԴԻՐՔԵՐԻՑ

Նախորդ էջերում այս մասին մասամբ խոսվեց այնքանով, որքան պահանջվում էր «Խաթաբալայի» առաջին համարի բնութագիրը գծագրելու համար: Խոսքը 0. Շմերլինգի անվերնագիր և առանց մակազրության, մի ամբողջ էջ դրադեցնող, նույն համարում տեղ գտած գրաֆիկական նկարի մասին է, որը իր ոչ արտաքին և ոչ էլ ներքին էությամբ, սովորական պատկերացումով՝ ծաղբանկար հասկացության մեջ շի տեղավորվում: Նկարում կոմիկական տարրի ոչ մի նշույլ չկա: Մերկացման ուժն այստեղ ողբերգական ընդգրծված շեշտ ունի և հրապարակախոս-նկարիչը գերազանց լուծում է տվել իր առջև ծառացած խնդրին:

Այն հիմնական հղուակացությունը, որին հանգում է նկարը դիտողն, այն է, որ հայ-ադրբեջանական ազգամիջյան անհիմն ու անիմաստ կոտորածների իսկական և գլխավոր հանցավորը ցարական միապետությունն է: Այնուհետև նկարն ընթերցողի գիտակցության վրա խորապես ազդում է այն ուղղությամբ, որ արյունահեղ ընդհարումը երկու կողմերից և ոչ մեկի հանցանքը չէ, այլ նրանց ընդհանուր դժբախտությունը, որից հավասարապես տուժում է թե՛ մեկ, և թե՛ մյուս կողմը: Զափականց վառ կերպով ընդգծված է նաև այն ակնհայտ ճշմարտությունը, որ միշտագեպը տնտեսական ավերվածություն է բերում հավասարապես երկու կողմերի

¹ «Խաթաբալա», 1906, № 1, էջ 8:

աշխատավոր ժողովրդին, փլատակների վերածելով հայ և աղբրեջանական երեմնի շեն բնակավայրերը:

Այսպես, ուղղագիծ կերպով, ժողովուրդների բարեկամության դիրքերից էր մեկնաբանում «Խաթաբալան» ազգամիջյան կոտորածների եղելությունը:

Ո՞րն էր իսկական իրողությունը: Ի՞նչ է ասում մեղ պատմությունն այդ մասին:

* * *

Երկրորդ Պետական դումայի նիստում Անդրկովկասի պատգամավոր Ագիլիսան Զիաթիսանովի ճառը որքան անսպասելի, նույնքան և տարօրինակ է հնչել ներկա գոնվողների համար: Ազգությամբ աղբեջանցի կալվածատերն ու գատախապի օգնականը, դեն նետելով ազգայնական նախապաշարմունքների քողը, ժողովուրդների համերաշխության ոգով պարուրված սրտաբուխ ճառ է արտասանել:

Անմտություն համարելով հայ և աղբեջանցի գրացիների միջև տեղի ունեցող արյունալի ընդհարումները, նա անկեղծորեն, ի սրտե, կոչ է արել անհետաձգելի միջոցների զիմել եղբայրասպան միջաղեպը կանխելու համար: «Բավական է,—ըացականշել է նա,—երկու տարի է մենք լողում ենք արյան ծովի մեջ...»

Տարօրինակ, անշուշտ, ոչինչ շկար: Պատմությունը մեկ անդամ չէ, որ մեղ տվել է ողջամտության հաղթանակի ավելի զորեղ օրինակներ: Մանավանդ, որ դրա նախօրյակին, Պետական դումայի Կովկասի հայ և աղբեջանցի անդամները, միատեղ հարցապնդում էին արել Պետական դումայում՝ Շուշիում և իգդիրում տեղի ունեցած ազգամիջյան ընդհարումների մասին: Հարցապնդման իրողությունն, անտարակույս, գոհունակությամբ ընդունեց բոլշևիկյան մամուլը: Այդ մասին իր խոսքն է ասել նաև Ստ. Շահումյանը, հույս հայտնելով, որ հարցապնդման հեղինակները կօգտագործեն դումայի ամբիոնը «ոռւսական բյուրոկրատիայի զաղելի

արարքներից մեկի դեմ» բողոքելու համար: Խնդիրն այն է, որ աղքամիջյան հարաբերությունների պրոբլեմը, որ սուսական առաջին հեղափոխության շրջանում, գեպքերի բերումով, առանձին սրություն էր ստացել, ընդհանուր անհանգստության առարկա էր դարձել: Դա առավել անհանգստություն էր պատճառում հեղափոխական ուժերին ու, առաջին հերթին, պրոլետարիատին, որն ամենից ավելի էր շահագրգոված աղքամիջյան համերաշխության, հեղափոխության բարեհաջող ավարտի, միջնադարի հենարան ցարական միապետության ոչնչացման ու երկրի քաղաքական-հասարակական կյանքի գեմոկրատացման գործում: Սակայն, հեղափոխության կենտրոնախույս ուժերը ևս ոչ նվազ եռանդ էին հանդես բերում: Ազգամիջյան կոտորածներն ու ջարդերն իրենց ավերիչ գործը տեսնում էին, զլատելով համաժողովրդական պայքարի միասնական ուժերը:

Անդրկովկասում հայ-աղքաբեզանական աղքամիջյան կոտորածները ցարական գարշելի ոեժիմի պատմության ամենամռայլ էջերից են:

Այն, ինչ տեղի էր ունենում երկրում, անասելի ահավոր էր ու ողբերգական: Առատորեն և անիմաստ կերպով հոսում էր երկու հարեան, խաղաղ ժողովուրդների արյունը: Ժամանակի ամենաբազմազան ուղղության մամուլի օրդաններում հանդիպում ենք Բաքվում, Գանձակում, Ղարաբաղում ու, առանձնապես, նրա Շուշի քաղաքում, Թիֆլիսում, Երևանում, Կարսում, Սուրբալույսում և այլ բնակավայրերում տեղի ունեցած արյունահեղ ընդհարումների ցնցող պատկերների նկարագրությունների:

Ազգամիջյան կոտորածները թունավորել էին ժամանակի հասարակական կյանքն ու մարդկանց գիտակցությունը, առաջ բերել վայրենի բարբեր, առատորեն սնունդ տվել գաղանացին աղքայնամոլությանն ու աղքամիջյան թշնամանքին, և առանձնապես, տնտեսապես քայլքայել ու հյուծել էր ողբերգության անմեղ զոհերին:

Ղարաբաղի տնտեսական պայմաններին նվիրված իր

ուսումնասիրության մեջ Ս. Զավարյանը հարկադրված էր խռոտովանել, որ «Ամբողջ Ղարաբաղում հայ-թուրքական ընդհարումների վնասը, երկու կողմերի զինելու ծախսերը, պիտի հաշվել 3—3^{1/2} միլիոն ռ. (ոսկով) ոչ քիչ, մի գումար. որ հավասար է ամբողջ զյուղացիության շարժական կայքերի 1/6 մասին»²: Չնայած հեղինակը չի պարզաբանում, սակայն փաստ է, որ այդ ծախսերի մեծ մասը՝ տուրքերի ձեռվ, մեծ մասամբ բռնի ուժով, գանձվում էին աշխատավոր խավերից:

Մեջ բերելով վերօհիշյալ փաստը, Ս. Զավարյանը, այնուհետև, ոչ այդ հետազոտության մեջ. և ոչ էլ մի այլ գործում, չի փորձել պատասխանել այն հարցին, թե ովքեր էին զինում ընդհարման երկու կողմերին: Հակառակ դեպքում ակամա կիսուտովաներ նաև այն նողկալի դերը, որ կատարում էին դաշնակցական «ազգասերները» հայ-աղբյուջանական ողբերգության արյունալի դրամայում:

«Մուրճ» ամսագիրը, որին չնայած պակասում էր ազգամիջյան կոտորածների բուն պատճառն ու դեպքերի իսկական հանցագորին ձշմարտացի կերպով տեսնելու կարողությունը, հենվելով որոշ ազբյուրների վրա, իր ընթերցողներին հազորում էր, ամենայն հավանականությամբ, ստույգ փաստեր: Ամսագիրը գրում էր, որ արյունահեղ ընդհարումների հետևանքով նախիջևանի և Շաբուր—Դարալազյաղի գավառներում տուժած գյուղերի թիվը 50-ից ավելի էր: Եվ եթե միջին թվով յուրաքանչյուր գյուղում ավերվել էր 100 տուն, ապա դրանց ընդհանուր թիվը, բոլոր գյուղերում, հասնում էր 5000-ի:

Մոտավոր հաշվումներով բնակչությանը հասած նյութական վնասը 5 միլիոն ոռություց ավելի էր³:

Աշխատավոր ժողովրդի նկատմամբ կարեկցության ու սիրո խոր զգացմունքով լցված, Ստ. Շահումյանը այդ օրերին գրում էր. «Որպիսի դժոխք է ստեղծվել մեր դժբախա

² С. Заварян, Экономические условия Карабаха, СПб, 1907, стр. 31.

³ «Մուրճ», 1905, № 6,էջ 168:

երկրի համար, ինչեր շտեսավ ժողովուրդը վերջին տարիների ընթացքում և դեռ, ո՞վ գիտե, ինչ սարսափներ են պահված նրա համար սրանից հետո: Եվ միայն Հայ ժողովուրդը չէ իհարկե, որ նահատակվում է այդ սարսափներից: Ինքը՝ թուրք մասսան, իր տգիտության և կառավարության ու թուրք իշխող դասակարգերի պրովոկացիայի այդ թշվառ զոհը, նույնան տուժում ու տանջվում է, որքան և Հայ ժողովուրդը»⁴:

Պրոլետարական ինտերնացիոնալիզմի դիրքերից զրված այդ հումանիստական տողերը արամագծորեն հակառակ էին այն պղտոր ու ազգաւյաց գրգոիչ քարոզին, որ թափվում էր բուրժուական ու, հատկապես, դաշնակցության և բուրժուանացիոնալիստական այլ կուսակցությունների ու ուղղությունների մամուլի էջերից:

* * *

Վերադառնանք կրկին Զիաթխանովի ձառին: Քանի որ այդ ձառը, ավելի շուտ նրա արձագանքը դաշնակցական մամուլում, առիթ էր տվել Ստ. Շահումյանին Հանդես գալու բոլշևիկյան մամուլում հատուկ հոգվածով: Այդ հոգվածում, որ կրում է «Զիաթխանովի ձառը և «Ալիքի» «ազգասերները»⁵ խորագիրը, Շահումյանը գրում է, որ ամեն մի անաշառ ու շովինիզմից շկուրացած մարդ գոհունակությամբ պետք է կարդա այդ «Հակիրճ, խելացի և անկեղծություն բուրող տողերը»: Դաշնակցական «Ալիք» թերթը սվինների վրա է բնդունել Զիաթխանովի ձառը: Նրանց կատաղություն են պատճառել աղբեջանցի պատղամավորի այն խոսքերը, թե՝ «Մեկ հավատացնում էին, որ Հայերը ուզում են ստեղծել իրենց թագավորությունը և կլանել թուրքերին»:

Ստ. Շահումյանը, կծու ժաղըի ենթարկելով դաշնակցական «ազգասերներին», զորեղ փաստարկումներով ցուց է

⁴ Ստ. Շահումյան, Երկեր, Հատ. 1, էջ 158:

⁵ Նույն տեղում, էջ 173—176:

տալիս «Ալիքի» աղջայնական թույնով շաղախված դատողությունների անձիմն ու գրգռիչ էությունը, մերկացնում դաշնակցության այն աղջայաց վերսիան, որի համաձայն հայտպրեզանական ընդհարումների ամբողջ մեղքն ընկնում էր ադրբեջանական տարրի վրա:

Լայն շրջակայեցությունն ու հասարակական կյանքի բարդ ու խճճված երեսութների մարքսիստական վերլուծության կարողությունը այստեղ ևս Ստ. Շահումյանին հնարավորություն էին տալիս տեսնելու քննարկվող իրադրության պիտակոր զսպանակը, հստակորեն տարբերելու իրադարձությունների հիմնական ու ածանցյալ կողմերը: Ստ. Շահումյանը չէր անահում, և ամենեին հաշվից դուրս չէր նետում ո՞չ ադրբեջանական տարրի հետամնացությունը, ո՞չ պանիսլամիզմն ու պանարմենիզմը, և ո՞չ էլ նույնիսկ հայ բնակչության որոշ մասի հետամնացությունը: Սակայն, դրանում չէր հիմնական շարիքն ու դժբախտությունը: Ժիտելով հայ-ադրբեջանական ընդհարումները զուտ աղջային երեսութ դիտելու մտայնությունը, Շահումյանը հստակորեն տեսնում էր, որ ամենասերտ կապ կար աղջամիջան կոտրածների, ինչպես նաև ցարական Ռուսաստանի տարրեր մասերում մոլեգնող հրեական շարգերի: ու ցարիզմի դեմ ծավալված համաժողովական պայքարի միջև: Այստեղ պետք էր փնտրել շարիքի արմատը:

Եվ ահա թե ինչպես էր մեկնաբանում այդ կապը Ստ. Շահումյանը: Նա գրում էր. «Հեղափոխության ալիքները բարձրանում են, ժողովրդական բողոքի սպառնալիքը մոտենում է և ոճրագործ բռնակալությունը նորից ամեն տեղ շարժում է իր մութ ուժերը: Ամեն տեղ ուր նա հնար ունի գործ չդնել իր զորքերի անմիջական ուժը և միմյանց դեմ ուղղելու հպատակ աղջիքը, նա աշխատում է այդ եղբայրասպան արյան մեջ խեղդելու բողոքի ձայները, արյունաքամ ու ուժասպառ անելու հեղափոխությունը»⁶: Այս ուղղությամբ աղջե-

⁶ Ստ. Շահումյան, Երկեր, Հատ. 1, էջ 159:

լով հասարակական գիտակցության վրա, Շահումյանը անդադրում կոչ էր անում աշխատավոր խավերին ու նրա տռաշագիմ տարրերին՝ հասկանալ կառավարության ստոր դավերը և շենթարկվել նրա պրովոկացիային:

Այդ նույն օրերին, գեղքերի թարմ հետքերով, Վ. Ի. Լենինը մեծագույն խորաթափանցությամբ վերլուծում ու գնահատում էր ազգամիջան ընդհարումների խորը քաղաքական իմաստը, կուսակցությանն ու ժողովրդին կողմնորոշում տեղի ունեցող իրադարձությունները պրոլետարիատի դասակարգային շահերի տեսակետից ճիշտ ըմբռնելու համար: Լենինը նշում էր, որ պատմական նոր ժամանակաշրջանում, դասակարգային պայքարի սրման նոր հանգամանքներում, ցարիզմին շէին բավարարում հեղափոխական առանձին խմբերի ու անձնավորությունների դեմ պայքարի ոստիկանական հին մեթոդները: Այժմ, երբ հասունանում էր համաժողովրդական պայքարը ցարական ինքնակալության դեմ, կառավարությունը դիմում էր նոր տակտիկայի, որի էությունն էր «ժողովրդի մի մասի պայքարը ժողովրդի մյուս մասի դեմ»:

«Հենց այդպիս է այժմ վարվում կառավարությունը,— գրում է Վ. Ի. Լենինը,— Բաքվում թաթարներին գրգռելով հայերի դեմ, փորձելով առաջ բերել հրեական նոր ջարդեր, կազմակերպելով սև հարցուրյակներ զեմստվայինների, ուսանողների ու խոռվարար գիմնազիաների դեմ, օգնության կանշելով հավատարիմ հպատակ ազնվականներին և գյուղացիության պահպանողական տարրերին»⁷: Հատկապիս անդրադառնալով Բաքվում տեղի ունեցած կոտորածներին, Լենինը նշում էր, որ նման արյունահեղություններ կազմակերպելով ցարիզմը կարող էր մի որոշ ժամանակ հետաձգել դասակարգային պայքարի զարգացումը: Նույն Բաքվի իրադարձությունների օրինակով իսկ նա ցույց էր տալիս, որ ստացվում էր հակառակ արդյունքը, երբ ավելի էր մեծանում ժողովրդի զայրությը ինքնակալության դեմ, երբ փաստորեն

⁷ Վ. Ի. Լենին, Երկեր, հատ. 8, էջ 247:

տասնապատկվել էր ժողովրդի բոլոր խավերի հեղափոխական տրամադրությունն ընդգեմ ցարիզմի:

Այսպիսով, Հայ-աղբբեջանական ազգամիջյան ընդհարումները բոլշևիկները դիտում էին որպես ցարական կառավարության սարքած պրովոկացիա, որպես ոռւսական բյուրոկրատիայի զավելի ոճրագործություն, և հետևողականորեն ընդգծում էին, որ քանի դեռ գոյություն ունի ցարական բնակալությունը—երկու ժողովուրդների համար հավասարապես այդ գժբախտության գլխավոր հանցավորը—դեռևս ծովի պես կհոսի ժողովուրդների անմեղ արյունը:

Արյունոտ «շեցթանը», որի ուրվականով ահաբեկում էին Հայ բնակչության հետամնաց խավերին լիբերալ-բուրժուական և ազգայնական մամուլը, ոչ թե աղբբեջանական տարրն էր, այլ երեթվող ցարական գահը:

Անդրկովկասում գահի հալատարիմ ծառաներ՝ փոխարքա կոմս Վորոնցով-Դաշկովը, որը Կովկասի ժողովուրդների վրա կեղծ սիրահարվածի դեր էր ստանձնել, ինչպես նաև ոստիկանապետ գեներալ-մայոր Շիրինկինը, մեկը «կարկանդակով», մյուսը մտրակով, հանդես էին գալիս երկդիմի «խաղաղաբարի» դերում, իրականում ավելի բորբոքելով եղբայրասպան դրաման:

Նրանք նրբորեն ու ճկուն կերպով էին գործադրում ուսայական թշնամություն հրահրելու կառավարության կանխամտածված տակտիկան:

Իրադարձություններից քառորդ դար անց, դաշնակցության պատմագիր Մ. Վարանդյանը, ներբողներ կարդալով դաշնակցական խմբերի «մեծագործությունների» հասցեին, և անկարող լինելով Ժխտել իրողությունը, վկայում է, որ իրոք դաշնակցությունն աղատություն էր ստացել փոխարքա Վորոնցով-Դաշկովի համար՝ «ի տեղի ջնջելու զանոնք»⁸:

Ի զուր չէր, որ Ա. Աթանասյանի առաջավոր-դեմոկրա-

⁸ Մ. Վարանդյան, Հ. Հ. Դաշնակցության պատմություն, Առաջին հատոր, Փարիզ, 1932, էջ 414:

տական «Աշխատանքը» 1906 թ. փետրվարի 20-ից մարտի 6-ը փոխարքայությունում գումարված «Խաղաղաբար» համագումարը գնահատում էր որպես «դիտավորյալ և խորամանկ կոմեղիա»⁹, «...Մաղր, կատակ օր ցերեկով» օրինավոր տան մեջ...»¹⁰:

Խորապես համոզված լինելով ցարական իշխանությունների ու երկրամասի իշխող դասակարգերի՝ արյունահեղ ընդհարումների գործում մեղսակցության մեջ, «Աշխատանքը» կործանարար էր համարում այդ ընդհարումները ժողովրդի հեղափոխական պայքարի միասնական հակատի համար, համամիտ լինելով այն մտքի հետ, որ «եթե վիճակին խորամանկ և հաշվով ռեակցիայի ձեռքով ստեղծված հայ-թուրքական ընդհարումները, անկասկած հայ և թուրք հարստացարված պրոլետարիատը և հողագորկ գյուղացիությունը ամբողջովին կմիանար բանվոր և ազգարային վիթխարի շարժմանը...»¹¹:

Այսպես էին խորհում ազգամիջյան ընդհարումների մասին հասարակության ողջամիտ տարրերը, անխսիր բոլոր ազգությունների աշխատավորների շահերի իսկական պաշտպանները: Ազգամիջյան համերաշխության այդ ներգաշնակ նվազին իր համակիր ձայնն էր միացնում նաև «Խաթաբալյան», անգնահատելի գեր կատարելով Անդրկովկասի բազմազգ ժողովուրդների բարեկամության ու եղբայրական համերաշխության մթնոլորտ կոփելու գործում:

* * *

Որքան խորամանկ լիներ, նույնքան էլ թափանցիկ քողով էր ծածկված ցարական իշխանությունների բռնած դիրքը ազգամիջյան ընդհարումների նկատմամբ: Բարձրաստիճան

⁹ «Աշխատանք», 1906, № 3, էջ 43:

¹⁰ Նույն տեղում, № 2, էջ 24:

¹¹ Նույն տեղում:

յարական պաշտոնյաները, երկերեսաբար, կեղծ բարեբարներ ձևանալով, փորձում էին այն տպավորությունն ստեղծել, որ իրեն թե իրենք անկեղծորեն մտահոգված են ժողովուրդների միջև խաղաղություն ապահովելու խնդրով։ Կեղծ բարեպաշտության դասական օրինակ կարող է ծառայել փոխարքան կոմս Վորոնցով՝ Դաշկովի արտասանած ճառը «Խաղաղաբար» համագումարում։

«Թագավոր կայսրին հաճելի է, որ Հայ-մուսուլմանական խառնակությունը դադարի և նա պետք է դադարի»¹² Հայտարարել է կեղծավորաբար Վորոնցով՝ Դաշկովը՝ հիշված համագումարում, մտածված կերպով ոչինչ չասելով սակայն, թե ինչ միջոցներ է մտադիր գործադրել կառավարությունը ընդհարումները կանխելու համար։

Հայտնի է, ի՞նչարկե, որ այլ էր իրականությունը։ Եվ «Խաթարական» օգնում էր իր ընթերցողներին դեն նետել այդ կեղծավոր շղարշը, տեսնել իրական պատկերն այնպես ինչպես կա։ Մերկացնելով ցարական իշխանությունների վարքագիծը, երգիծաթերթը ցուց էր տալիս, որ ցարական իշխանությունների «Հմիշամտելու» քաղաքականությունը, փաստորեն՝ միջադեպը բորբոքելու մշակված և խորամանկ խաղ էր։ Այդ է ասում «Խաթարակալայում» տպագրված «Միշտ միևնույնը» անսքող հեղնանքով գրված երգիծական պատկերը։ Ահա այն։

«Միշտ միևնույնը

*Հաղորդակցություն անթել Հեռագրով
(Մեր սեփական թղթակից)*

Երևան։ Առավոտյան 8 ժամ 39 ր.

Հրապարակի վրա հայերի և թուրքերի մեջ իրարանցում ընկալ գեներալ-նահանգապետը քնած է, զորք չկա։

Առավոտյան 8 ժ. 40 ր.

¹² «Խխատանք», 1906, № 8, էջ 113։

Հրացանները տրաքում են, գնդակները սուլում, գեներալնահանգապետը թեյ է խմում, զորք չկա:

Առավոտյան 10 ժ. 10 ր.

Սպանված են 12 հոգի, վիրավորված՝ 24. կոտորածը շարունակվում է. գեներալնահանգապետը նախաձաշում է, զորք չկա:

Կեսօրին, ժամը 2-ն է.

Վիրավորվածներին սալլերով հիվանդանոց են բերում. սպանվածների դիակները ոստիկանատուն. հրացանաձգությունը շարունակվում է. գեներալնահանգապետը դուրս եկավ. զորք չկա:

Ժ. 3-ին

Խանությները փակված են, ժողովուրդը ահաբեկված, տներում փակված: Զորքը դուրս եկավ. գեներալնահանգապետը չկա:

Ժ. 10-ին երեկոյան.

Քաղաքը հանգիստ է, ոչ ոք փողոցներում չի երևում, համ գեներալնահանգապետը կա, համ զորք... բայց հանցավորները չկան:

Նույնը՝ Բաքվում, Նախիջևանում, Շուշում, Գանձակում և ամեն տեղ, ուր կան ընդհարումներ, կա զորք և մանավանդ... գեներալնահանգապետներ»¹³:

Իսկ ի՞նչ արժեք ունեին «խաղաղաբար» համագումարները: Մի՞թե իրոք «կովկասասեր» կառավարիչները լրջորեն մտածում էին արյունահեղ ընդհարումները կանխելու մասին: Իշարեկ, ո՞չ Այդ համագումարները ո՞չ իրենց կազմով, և ո՞չ էլ զբաղմունքով, ոչ միայն չեին կարող որևէ լուրջ գործ կատարել, այլև նման ցանկություն էլ չունեին:

Այն ժամանակ, երբ դրսում հոսում էր անմեղ զոհերի արյունը, երբ հրի ճարակ էին դարձել ամբողջ գավառներ,

¹³ «Խաղաղաբար», 1906, № 1, էջ 6:

տեղական իշխանությունները, նահանգապետներն ու ոստիկանապետները, հենց իրենց՝ արյան խրախնձանքը խրախուսողների հետ «խաղաղաբար» բանակցություններ էին վարում, որոնք սովորաբար վերջանում էին գինարբուքով ու կեղծհամբույրներով: Այսպես էր ներկայացնում «Խաթաբալան» իրողությունը:

Այսպես էր մտորում երգիծաթերթը երբ, օգտագործելով առիթը, զուգահեռ էր տանում Պետական դումայի և վերոհիշյալ անպտուղ համագումարների միջև: Մի շարք նմանություններ կան, զրում էր երգիծաթերթը, փոխարքայությունում գումարված համագումարի և Պետական դումայի միջև: Նրանց անպտուղ լինելը կանխորոշված էր նրանով, որ թե՛ մեկը, և թե՛ մյուսը գումարվել էին կառավարության կողմից, և, շինելով իսկական ժողովրդական ներկայացուցչական մարմիններ, չէին էլ կարող լինել ժողովրդական կամքի արտահայտիչներ. ծաղրելով իշխանությունների հորինած այդ երկերեսանիությունը, երգիծաթերթը եզրափակում էր.

«Համագումարում գատափետում էին կառավարությանը:

Դումայում նույնպես:

Համագումարում անդադար խոսում էին:

Դումայում նույնպես:

Համագումարից բան գուրս չեկավ:

Դումայից... ևս»¹⁴:

Սակայն «Խաթաբալան» դրանով գեռ չէր պարպել իր երգիծական լիցքը: Նրա զինանոցում կային խարանման զորեղ միջոցներ, որ գեռ մարտադաշտ գուրս չէին բերվել: Զարիքը մեծ էր, աճազո՞ր: Պետք էր նորից մարտի նետվել: Պետք էր ավելի ուժին խայթել, սթափեցնել հասարակական միտքը, բողոքի և ցասման ձայն բարձրացնել:

¹⁴ «Խաթաբալան», 1906, № 2,էջ 15:


Անհնարին էր լոել: Արյան հոտը խեղդում էր խառը բնակչություն ունեցող գավառները: Անգութ «շելթանը» նորանոր զոհեր էր պահանջում: Ընդհարձան երկու կողմերին հավասարապես սպառնում էր ֆիզիկական ոչնչացման վտանգը: Եվ երգիծաթերթին, նրա սուր մտրակող խոսքին, օգնության են գալիս դարձյալ գրաֆիկական միջոցները: Նորից հորինվում են լայն պլանով հրապարակախոսական-երգիծական նկարներ, որոնք էմոցիոնալ աղդեցության ավելի մեծ ուժ ու հասարակական մեծ հնչեղություն էին բովանդակում:

Ռոտտերի հեղինակած մի նկարում¹⁵ կենտրոնական թեման արյունահեղ ընդհարումների մեջ իշխանությունների դերի մերկացումն է: Դարձյալ նույն ողբերգական պատկերը: Դետով բաժանված հայ և աղբբեջանական թաղամասերից հրացանաձգություն է կատարվում: Երկու կողմերում էլ սպանվածների դիակներ են փուլած: Երկու թաղամասերի տներն էլ բոնկված են հրդեհով: Նկարի առաջին պլանում հեծյալ կազակները ծիերին են բարձում լիքը պարկեր և սնդուկներ: Գոհունակության ժամանակակից դեմքին կազակը հիանում է իր թանկարժեք ավարով:

Դիակներ և ժամանակակից: Արյուն և ավար... Ահա՝ պատկերը:

Երգիծաթերթում տպագրված հետագա նկարներն ավելի ուժգին ու ցնցող պատկեր են ներկայացնում: Մերկացման ողբերգական շեշտն այստեղ իր գագաթնակետին է հասնում: «Խաթաբալայի» նկարիչները փնտրում և հաջողությամբ հայտնագործում են արտահայտչական նոր միջոցներ, որոնք ավելի ցցուն ու համոզիչ կարող էին լինել ընթերցող հասարակայնության համար: Ո՞ւր կարող է տանել ազգամիջյան արյունահեղությունը, եթե այն անընդհատ շարունակվի: Ի՞նչ վախճան կարող է ունենալ այդ խելահեղ միջադեպը: Տանջող այդ հարցերի սպառիչ պատասխանն ընթերցողը գտնում էր 0. Շմերլինգի գծած՝ դարձյալ մեծադիր, գունավոր նկարներում, որոնք իրականում, իրենց ժանրային առանձնահատ-

¹⁵ Նույն տեղում, էջ 12:



Նիսր «Հայ-աղբբեշանական հարաբերությունների ֆինալը» մակագրությամբ:

Գործ Օ. Շմերլինգի

կությամբ, քաղաքական-հրապարակախոսական պլակատի ուժ ունեին:

—Դադարեցրե՛ք արյունոտ խրախնանքը, —այլ կերպ կստացվի այն, ինչ գուք տեսնում եք այս նկարի մեջ: Այդ էր ասում Օ. Շմերլինգի «Ֆինալ հայ-թուրքական ընդհարումների» մակագրությամբ գրաֆիկական մի գործը¹⁶: Նկարն ընթերցողին պատմում էր այն իրողությունը, որ այնտեղ պատկերված ընակավայրում հայ և ազգրեշանցի գրացիները, կողք-կողքի ապրելով, ապահով ու խաղաղ կյանք են ունեցել, դուքը գուանը շեն ու բարեկարգ տներ են կառուցել, սերնդից սերունդ, առանց ազգային խարության, աշխատավոր մարդու բնությանը հատուկ համերաշխության ու բարեկամության ոգին է թափավորել նրանց մեջ:

Եվ նկարը դիտողը տեսնում էր, որ երբեմնի շեն տները փլատակների են վերածվել: Ոչ մի կենդանի շունչ չի մնացել այնտեղ: Կողք-կողքի ընկած են հայ և ազգրեշանցի անմեղ դո՞ւերի դիակները:

Գիշանգղերի ցնծության տոն է. նրանց այստեղ է բերել առատորեն թափած մարդկային արյան հոգը: Մահվան կատարյալ տեսիլք:

Օ. Շմերլինգի «Վերջին թշնամիներ»¹⁷ ստեղծագործությունը, ինչպես և «Կոտորածների ուրվականը թուրք-հայկական գավառներում»¹⁸ նկարը սյուժետային նույն զիծն են շարունակում: Ո՞ւր կհասցնի եղբայրասպան կոտորածը, կոկին այդ հարցի պատասխանն է տալիս առաջինում հրապարակախոս-նկարիչը: Սակայն, այս նոր նկարում գտնված և հմտորեն օգտագործված է արտահայտչական մի այլ, ավելի ազգեցիկ ու ներգործուն միջոց: Գաղափարական և գեղարվեստական ընդհանրացման ուժը նրանում անհամեմատ ավելի բարձր աստիճանի է հասցված: Բացասման ու

¹⁶ «Խաթարակա», 1906, № 3, էջ 24:

¹⁷ Նույն տեղում, № 10, էջ 76:

¹⁸ Նույն տեղում, 1910, № 9, էջ 97:

մերկացման ոգին նկարում դասական գեղանկարչության լավագույն նմուշներ է հիշեցնում:

Պատահական չէ, անշուշտ, որ մենք այստեղ հիշեցինք դասական գեղանկարչությունը: Շմերլինգի «Վերջին թշնամիներ» նկարի ուշադիր դիտողը ակամայից վերհիշում է վ. Վերեշշագինի «Պատերազմի ապօթեռողը» կտավը: Խորը համոզվածությամբ պետք է ասել, որ «Խաթաբալայի» նկարին իր առջև ունեցել է վերջինիս օրինակը:

Ռուս ունալիստական գեղանկարչության ականավոր ներկայացուցիչ վ. վ. Վերեշշագինը «Պատերազմի ապօթեռողը» նկարում մեծագույն վարպետությամբ, պատերազմի առաջցրած ավերածությունների ֆոնի վրա, պատկերել է մարդկային գանգերից կազմված բուրգ, որի շուրջը պատվում են դիշատիչ թոշունների երամները: Ոչ միայն շրջապատում է ունայնություն, այլ մեռած է նաև բնությունը:

Հայրենասեր-դեմոկրատ նկարիչն այդ, ինչպես նաև պատերազմական թեմայով հորինված իր կտավների շարքով, խստորեն գատապարտել է մահ և ավերածություններ բերող զավթողական պատճերազմները, որոնցում անմտորեն զոհ են զնում աշխատավոր մարդիկ: Հայտնի է նաև, որ նկարիչը կտավի շրջանակի վրա զրել է հետեւյալ բազմանշանակ մակագրությունը: «Նվիրվում է անցյալ, ներկա և ապագա բոլոր մեծ նվազողներին»:

Օգտագործելով դասական ունալիստական գեղանկարչության այդ մնայուն ու մինչև մեր օրերն էլ այժմեականությունը պահպանող ստեղծագործությունը, «Խաթաբալայի» նկարիչը, նկարի նոր կոմպոզիցիա է հորինում, պատմական կոնկրետ նոր բովանդակություն զնում նրա մեջ: Բողոքի ու ցասման իր սեփական խոսքն է ասված նրանում հայ-ադրբեջանական անողոք ու ավերիչ կոտորածների առիթով: «Խաթաբալայն» վերեշշագինյան ապօթեռողի մոտիվն հմտորեն օգտագործել է նաև հետագա տարիներին, ցասումով դատապարտելով առաջին համաշխարհային պատերազմը¹⁹:

¹⁹ «Խաթաբալա», 1915, № 2, էջ 1:

Օ. Շմերլինգի «Վերջին թշնամիներ» նկարում, ամայի տարածության ֆոնի վրա, պատկերված է մաբդիալին գանգերի երկու բուրգ: Դիրք մտած այդ բուրգերի ետևում, վերջին հայն ու վերջին աղբբեջանցին պատրաստ են ահա-ահա արձակել հրացաններից գնդակները, և շուտով չեն լինի նաև միակ հայն ու միակ աղբբեջանցին: Հեռվում, սարի ետևում, կապույտ երկնքի ֆոնի վրա, նշմարվում են երկու դեմքեր, որոնք գահնի հրճվանքով են դիտում ահավոր տեսարանը: Բավականին պարզ ուրվագծերը կասկած չեն թողնում որ տիրող գասակարգի և ցարական իշխանության ներկայացուցիչներ են դրանք:

Տեսարանը խորապես ցնցող է, ինչպես և Վերեշշագինի մոտ, սակայն այստեղ ևս շափակոր է զգայական տարրը: Մելոդրամատիզմը նկարում իրական հող ունի, և դիտողի մեջ առաջ է բերում աղնիվ զգացմունքներ, ակտիվ գործողության դիմելու հոգեվիճակ:

Աղգամիջյան ողբերգության թեմայով ստեղծված նկարների շաբաթը մի տեսակ եղբափակում են որոշ կտավներ, որոնցում խոտացված կերպով, ավելի ուժգին մերկացմամբ արտացոլված է երգիծաթերթի դիրքորոշումը միջադեպի նկատմամբ: Զնայած շաբաթաթերթի նախորդ համարներում մենք գտնում ենք այն հարցի պատասխանը, թե ի՞նչ կարծիք ունեին «Խաթաբալայի» աշխատակիցները կոտորածների դրդապատճառի ու այդ արյունավի դրամայի գլխավոր դերակատարի մասին, սակայն, ըստ երկույթին, ժամանակը պահանջ էր դնում նորից ու նորից անդրադառնալ այդ հարցերին, մեկ անգամ ևս ընդգծել այն բացահայտ ու անառարկելի ճշմարտությունը, որ ընդհարումները մեծագույն դրժրախտություն էին հավասարապես երկու կողմի աշխատավոր խավերի համար: Եվ ահա «Խաթաբալայի» ընթերցողը, 1906 թ. № 4-ի շապիկի վրա տեսնում է մի ցնցող պատկեր ևս: Նկարիչ Օ. Շմերլինգի գործադրած վառ գույները կտավը խիստ արտահայտչական են դարձնում: Ահոելի վիշտապօծը

ՄԱՐԱԴԱ

Երանի թուղթ համար 12.

ՊՐԵՍԻ

№ 4



«Խաթարալալի» 1906 թ. № 4-ի շապիկը (ցարական ինքնակալությունը սպատկերվում է որպես վիշապօձ):

Գործ՝ Օ. Շմերլինգի

միակ տիրակալն է ամբողջ շրջապատում։ Հեռվում պարզ նշմարվում են մարդկացին բնակավայրի ավերակներ։ Վիշապօձի գալարումների մեջ տանջամաճ թպքտում են հայ և աղբբեջանցի բնակիչները։ Բսսոր արյան լճակներ են գոյացել այդ գալարումների ճնշման տակ։ Տղամարդկանց, կանանց, երեխանների անշնչացած դիմակներ... Հատ ու կենտ կենդանի մնացածներին էլ նույն վիճակն է սպասում և նրանք, ձեռքերը պարզած, օգնություն են աղերսում։ Օձի զլուխը մարդկացին կերպարանք ունի, և նա ժանտորեն գլուխը բարձրացրել ու հրճվում է բավականությունից։ Նկարչի համարձակ վրձինը պորտրետացին նմանություն է ստեղծել նիկոլայ II-ի կերպարի հետ։

Ակնհայտ է նկարի սուր հրապարակախոսական շեշտը, և այն դիտողին սպասիչ կերպով համոզում է, որ բարեկամ երկու ժողովուրդների հազարավոր անմեղ զոհերի ու անլուր տառապանքների իսկական հանցավորն այն իժն է, որին ցարական բռնակալություն են կոչում։

Երգիծաթերթի այս հավատամքն ավելի ցցուն կերպով է մարմնավորված զրաֆիկական այն գործի մեջ, որի տակ կարդում ենք. «Նզո՞վք հիշատակիդ, եղբայրադավ Շեյթան» մակագրությունը։ Կրկին մհծածավալ նկար, որ զրավում է 1907 թ. № 15-ի ամբողջ շապիկը²⁰։ Գաղափարական ու գեղարվեստական մտահղացման զարմանալի պարզություն ու անմիջականություն կա նրանում։ Առեղծվածային տարրը բուլորվին բացակայում է այստեղ և, առաջին իսկ պահից, դիտողի գիտակցությանն է հասցվում որոշակի և ավարտուն կոնցեպցիա։ Երբեմնի արյունաբրու ու ամբարտավան վիշապօձը, որ պատկերված է նույն մարդկացին կերպարանքով, այլևս անկարող է դժոխային սարսափներ նյութել։ Զախշախված նրա զիսից, ինչպես նաև բերանից, առատորեն հոսում է բռուրագույնը, և այժմ արդեն նրանից է գոյացել արյան լճակը։ Հայ և աղբբեջանցի համերաշխ ու խաղաղ դյուկացի-
-

²⁰ «Հայթաբաւա», 1907, № 15, էջ 1.

ների մի խումբ, արջամարջանքով դիտում է տեսարանը և ցասումով արտասանում վերը հիշատակված խոսքերը:—«Այս է լինելու արյունոտ ու եղբայրագավ շեյթանի տրամաբանական վախճանը, այս ձեռվ, ցարական բռնակալության ջախչախման ձանապարհով, պետք է վերջ արվի պրովոկացիայի ձեռքով սարրված արյունահեղությանը»,—ասում է նկարը:

Ազգամիջյան կոտորածների հարցում քաղաքացիական արիության համեմող երգիծաթերթի այդ համարձակ գիրքորոշումը խորապես համբնկում էր հեղափոխական սոցիալ-դեմոկրատիայի հայեցակեախն, նշանակալի շափով նպաստում աշխատավոր խավերի քաղաքական-դասակարգային ինքնազիտակցության արթնացմանը: Դեմոկրատական տարրերի այս արժատական խոհերն ուղղակիորեն արդյունք էին այն հոկայական գաղափարական-կազմակերպական գործունեության, որ ծավալել էին Անդրկովկասի բոլշևիկյան կազմակերպությունները՝ երկրամասի աշխատավորներին ինտերնացիոնալ համերաշխության ոգով դաստիարակելու գործում:

Անտարակուսելի է, որ «Խաթթարալան» իր քաղաքական ծրագրով զերծ էր վայրագ նացիստական թույնից և ամուր կերպով կանգնած էր ժողովուրդների բարեկամության ու ընդհանուր թշնամու գեմ նրանց համերաշխ ու համատեղ հեղափոխական պայքարի հողի վրա:

Արյունոտ «շեյթանին», նրա հորինած դժոխային գործին, նկովը ու անեծք էր կարդում նաև «Խաթթարալայի» բանաստեղծ Սիմեոն Բալենը: Ընթերցողը, կարդալով բանաստեղծության սկիզբը, առաջին պահից կարող էր մտածել, որ հեղինակը, ընկներով սին պատրանքների մեջ, հավատում էր, որ արդեն որոտաց համերաշխության ձայնը: Սակայն, ավագ, այդ, ցանկություն էր միայն: Այդպիսին է լինելու գալիք օրը: Խոկ այժմ... «Անեծք շեյթանին»²¹ բանաստեղծությունը, որ արձագանքում էր նախորդ մեր հիշատակած դրափիկական սակեղծագործությանը, ուներ իր երկրորդ

պլանը, զգուշորեն գծված ևնթատեքստը: Բանաստեղծությունն էլ ըստ էության այդ նկարի մոտիվով էր ստեղծված և նրա բանաստեղծական մեկնաբանովյունն էր փաստորեն: Այստեղ ևս առկա է գրական ընդհատակի հաջողված օրինակ: Զէ՛ որ արդեն սյուներից ձոճվում էին հաղարավոր խիդախների դիմունները, իսկ ստոլիպինյան «վզկապը» դարաշրջանի խորհրդանշանն էր դարձել:

ԱՆԵ՛ՇՔ ՇԵՑՔ ԱՆԻՆ

Նոր տարվա նվեր

Պրծա՛վ վերջապես... աղատ շունչ առա՞ն
Համերաշխության ձայնը որոտաց.
Ողջ երկու տարի ալան ու թալան,
Ողջ երկու տարի արյու՞ն, սուր ու լա՞ց...
Նոր տարին եկավ, և դո՛ւ մարդ Շեյթան,
Անեծքս ընդունիր որպես քո ընծան...
Պրծա՛վ վերջապես... թշվառ գյուղացին
Կոխան արտի մեջ կանգնած է տիսոր
Եվ անիծում է դաղան Շեյթանին,
Որ տվեց նրան տանջանքի աղբյուր,
Եվ այս նոր տարվան ամեն հայ ու թուրք
Կտա Շեյթանի երեսին յուր թուրք...
Պրծա՛վ վերջապես... բայց դեռ Շեյթանը
Արյան ծարավից դեռ չի հագեցել.
Նա դեռ քանդում է ավեր վաթանը
Նա դեռ փնտրում է նորանոր զոհեր...
Օ՛, անեծք, անեծք դաղան Շեյթանին
Թող հարսամ լինի քեզ այս նոր տարին:

Որքան էլ մոլեզնի ռեակցիան, որքան էլ թունավոր նետեր ու օձեր արձակեն սև ուժերը, ժողովուրդների համերաշխության ոգին ի վերջո կհաղթանակի, և նրանք՝ անկասելիորեն կհամախմբվեն ինտերնացիոնալ դրոշի ներքո.—այս է

մարդկության պատմական զարգացման օբյեկտիվ ընթացքը՝ Այս դավանանքն էր զեկալարում երգիծական պարբերականին: Այդ դաշտավարն է մարմնացնում իր մեջ, պայծառ լավատեսությամբ տոգորված մի նկար ևս, որին տրված է «Հայ-թուրքական հարաբերությունների ֆինալը» վերնադիրը²²:

Կա՛ արդյոք մի այլ ելք, այլ ֆինալ ահավոր մղձավանդից: Եթե մի դեպքում «Խաթարալան» իր ընթերցողների դիտակցության վրա ազդում էր այն ուղղությամբ, որ ազգամիջյան արյունոտ դրաման շարունակվելու դեպքում կարող էր այն հասցնել երկու կողմի աշխատավոր մարդկանց լիակատար ֆիզիկական ոչնչացմանը, ապա այս դեպքում նացուց էր տալիս, որ կա լուսավոր և միակ այլ ֆինալ՝ համերաշխության և բարեկամության երջանիկ հեռանկարը:

Ի՞նչ է պատկերում, վերջապես, Օ. Շմերլինգի գծած այդ նկարը: Հայ գյուղացու ընտանիքին, իր գեռատի աղջկա հետ, ուրախ ժպիտը դեմքին հյուր է եկել ազրբեցանցի գյուղացին: Նրա ձախ ձեռքում կարմիր թաշկինակի կապոց կա: Ուշադրություն դարձրե՛ք, ընդգծված կաս-կարմիր թաշկինակ, որը նկարի ընդհանուր կոմպոզիցիայի մեջ անմիջապես, որպես լեյտմուտիվ, դիտողի ուշադրությունն է գրավում:

Չմոռանանք, որ արդեն կատարվել էր հունիսերեքյան հեղաշրջումը, ստոլիպինյան ռեակցիան մոլեգին հարձակման էր անցել հեղափոխական ուժերի դեմ, և առաջադեմ հայացը ու գատողություն, մանավանդ լեզալ մամուլում, կարելի էր արտահայտել միայն այլաբանորեն: Իսկ դրա համար անսպառ հնարավորություններ ուներ գրաֆիկական արվեստը, որը և հմտորեն օգտագործում էին «Խաթարալայի» նկարիչները:

Եվ ա՞սա, իր վաղեմի բարեկամին, տան մուտքի մոտ, նրա ձեռքն ամուր սեղմելով, ուրախությամբ դիմավորում է հայ գյուղացին, ձախ ձեռքը պարզած ներս հրավիրելով

22 «Խաթարալա», 1907, № 32, էջ 264:

բնակարան։ Տան դուռը միշտ բաց է յանկալի հյուրի համար։ Նկարի ձախ կողմում, ազրբեցանցու գեռատի աղջիկը, տոնականորեն զգեստավորված, ծաղկեփունչ է մատուցում տանտիրուհուն, և այս վերջինս ձեռքերը պարզած՝ շուտով իր գիրկն է առնելու փոքրիկ հյուրին։ Եվ, վերջապես, իր ծնողների հետ ուրախ է նաև տանտիրոջ գտարիկը, որը գարձյալ ձեռքերը տարածած, ընդառաջ է վազում դեպի փոքրիկ հասակակից հյուրը՝ նրան փարվելու համար։

Եթե հայ-ազրբեցանական ընդհարումներին նվիրված նախորդ նկարներում, մարդկային խոր տառապանքները ակնառու ցուցադրելու համար, նկարիչը գործադրում էր մուալլ, անուրախ գույներ, ապա այստեղ ընտրված են մեզմու աշըք շոյող երանգներ։ Նկարը դիտողը զգում էր լուսի ու բնության գեղեցկության առկայությունը։ Մարդկանց հետ ժպտում է նաև բնությունը։ Արևոտ օր է, զինջ ու պայծառ ։ Օդը։ Հոգու կայտառություն ու զվարի տրամադրություն է հարուցում նկարը դիտողի մեջ։ Աշխատավոր մարդկանց խաղաղ կյանքի ու սրտառուշ բարեկամության գովքն է արվում այնտեղ։

Գաղափարական հստակ ու համոզիչ շեշտը, գեղարվեստական կատարման բարձր կուլտուրան։ առանձին տեղ են հատկացնում կտավին երդիծաթերթի նկարաշարում։ Քաղաքական նույն լիյտմոտիվը, գաղափարական աներեր նույն դավանանքը, ժողովուրդների բարեկամությունը նվաճելու ճշմարիտ ուղին, ասում է նկարը, հեղափոխության կարմիր գրոշի շուրջը համախմբվելու միակ և հուսալի ուղին է։

ՔՈՒՐԺՈՒԱԿԱՆ ԱԶԱՏԱՄՏՈՒԹՅԱՆ ԵՎ ԱԶԳԱՅՆԱԿԱՆՈՒԹՅԱՆ
ՔՆՆԱԴԱՏՈՒԹՅՈՒՆԸ

Հարցի քննարկումն սկսենք հրապարակախոսական մի ուշագրավ նկարի մեկնաբանությունից: Գրաֆիկական այդ գրագում, ընդհանրացման մեծ ուժով ու խտացրած կերպով, արտացոլված է երգիծաթերթի դիրքորոշումը ժամանակի հայ բուրժուա-ազատամտական հոսանքի նկատմամբ:

«Հանգուցյալ հրապարակախոս» վերնագրի տակ «Խա-թաբալայի» շապիկի վրա նկարված է հոշակավոր հայ հրա-պարակախոս Գր. Արծրունին¹, որը լապտերը ձեռքին փնտրում է իր արժանավոր հաջորդներին: Գր. Արծրունին հրապարակախոսության արև էր, իսկ իրենց նրա հաջորդներ համարող ժամանակի լիբերալ գործիչները՝ հազիվ նրա ար-բանյակներ, ասում է շաբաթաթերթում տպագրված մի այլ պրաֆիկական դորձ:

Բուրժուական լիբերալիզմի նկատմամբ «Խաթաբալայի» այդ դիրքորոշումն արտացոլում էր հայտնի պատմական իրողություն:

Անտարակույս հայկական լիբերալիզմն իր սոցիալական ընդհանուր նկարագրով ոշնչով շեր սահմանազատվում ասենք, օրինակ, ուսուական լիբերալիզմից: Հեղափոխական բացահայտ մարտերի նոր դարաշրջանում, Անդրկովկասում ևս բուրժուական մտավորականությունը նույն էվոլյուցիան էր

¹ «Խաթաբալա», 1907, № 23, էջ 185:

² Նույն տեղում, 1910, № 6, էջ 64:

կատարել, տիրող ավատական ոստիկանական-միապետական կարգերի նկատմամբ՝ երբեմնի օպոզիցիոն հոսանքից թերվելով դեպի հարմարվողականությունն ու շափակորությունը: Բուրժուական լիբերալին բնորոշ է դարձյալ նույն սիրախաղը ժողովրդի, բանվոր դասակարգի հետ, նույն անվճառականությունն ու տատանվողականությունը, դարձյալ նույն երկշուառությունը, դարձյալ երկյուղ հեղափոխական մասսաների վճռական ու անձնուրաց ելույթներից:

Ինչպես հայտնի է, հայ մարքսիստները անհաջու ու մեծագույն գաղափարական ճակատամարտ են մղել բուրժուական լիբերալիզմի դեմ, մերկացրել նրա կեղծ ժողովրդափարությունն ու ամբոխավարությունը, օգնել հեղափոխական ուժերին ու պայքարող մասսաներին ազատագրմելու լիբերալ գաղափարախոսության աղքեցությունից: Նրանք ցույց են տվել, որ պատմական նոր դարաշրջանում, ազատագրական պայքարի պրոլետարական էտապում, բուրժուական լիբերալիզմը նահանջ է կատարել իր անցյալ, որոշ իմաստով առաջադիմական, դեմոկրատական պահանջներից: Զէ որ մի ժամանակ նրանց շուրջերից, ինչպես գրել է Վ. Ի. Լենինը, — «Լիբերալ ֆրազներ թափվեցին պրոգրեսի, գիտության, բարու մասին, անարդարության դեմ պայքարելու մասին, ժողովրդական շահերի, ժողովրդական խղճի, ժողովրդական ուժերի մասին և այլն և այն—հենց այն ֆրազները, որ այժմ էլ, առանձին հուսալքության բողեներին, փսխում են մեր ուղիկալ նվազագողներն իրենց սալոններում, մեր լիբերալ ֆրազյորներն իրենց հորելյանական ճաշերին իրենց ժուռակացում»³:

Ի՞նչումն էր, ուրեմն, լիբերալ բուրժուազիայի կատարած այդ էվոլյուցիայի իմաստը: Ահա լենինյան դիպուկ բնութագրությունը. «...էվոլյուցիա ազատության կողմնակից լինելուց դեպի աբսոլյուտիզմի կամազուրկ և ստոր աշակից դառնալլը»⁴:

³ Վ. Ի. Լենին, Երկեր, Հատ. 1, էջ 354—355:

⁴ Վ. Ի. Լենին, Երկեր, Հատ. 13, էջ 622:

Նման էվոլյուցիա, բնականաբար, կատարել էին և հայ լիբերալները, հանձինս իրենց գլխավոր տպագիր օրգանների՝ «Մշակի» և «Մուլճի», որոնք և, իրերի բերումով, դարձան հայ կադետների ձայնափողը։ Անտարակույս, հայկական լիբերալիզմն ուներ նաև իր ազգային կոլորիտը, հայկական կերպարանքը։ Ստ. Շահումյանը, նկատի ունենալով հայկական իրականության անցյալ դարի 70-ական թվականները, այդ շրջանի հասարակական մտքի տիրապետող գլխավոր հոսանքներից մեկը բնութագրում էր որպես «Կղերական-պահպանողական «ազգասիրություն», որին փոխարինել էր արգեն բուրժուական լիբերալիզմը», որ թեև չի ուզում և չէ կարող բաժանվել այդ «կղերական-տիրացուական ազգասիրությունից», բայց հետզհետե իր էությամբ, իր բովանդակությամբ մոտենում է եվրոպական բուրժուական լիբերալիզմին...»⁵։

Եվ երբ թերթում ենք «Խաթաբալան», ակնառու երեսում է այն բարերար ազգեցությունը, որ ունեցել են հեղափոխական սոցիալ-դեմոկրատները հայ առաջավոր մտավորականության վրա՝ բուրժուական լիբերալիզմի գաղափարախոսությունից ազատազրվելու դորժում։

Բազմաթիվ առիթներով, «Խաթաբալան» երգիծական կրակի տակ է առնում հայ լիբերալ մտավորականությանը, մերթ նուրբ հումորով, մերթ ցալաբեր խայթով հեգնում հայկական մտքի այդ երեսնի տիրակալներին։

Խարխլվել էին սոցիալ-տնտեսական ու քաղաքական այն ջիմքերը, որոնք սնունդ ու եռանդ էին տալիս լիբերալիզմի դրոշակակիր մշակականներին՝ հայ իրականության մեջ մըտքերի ու խոհերի տիրակալ լինելու համար։ Մշակական լայն ընթերցող հասարակայնությունն երես էր շրջում իր երբեմնի սիրված թերթից, և նրա համար թերթի աղատամիտ սիրախաղերն այժմ, հեղափոխական փոթորկությամբ, որպես անախրոնիզմ էին հնչում։ «Մշակից» փախուստ էին տալիս ոչ միայն նրա շարքային ընթերցողները, այլև հեռանում էին

⁵ Ստ. Շահումյան, Երկեր, հատ. 1, էջ 124։

նրանից նշանավոր ու ազդեցիկ աշխատակիցները։ Պետք էր ելք փնտրել, գուրս գալ այդ ճգնաժամից, ու ելքը գտնված էր։ Թերթի խմբագրությունը այդ ելքը գտնում էր լրագրի ծավալի մեծացման մեջ։ Ահա և «Խաթաբալան» հմտորեն օգտագործում է այդ առիթը, զետեղելով «Մշակի» խմբագրի Ա. Քալանթարի անունից ու նրա ստորագրությամբ «Մանիֆեստի մանիֆեստը» սրամիտ ֆելիխտոնը⁶։

Ալ. Քալանթարը տրտնջում է ստեղծված կացությունից, նրան անհանգստություն է պատճառում, որ հրապարակի վրա հանդես են եկել հասարակական նոր ուժեր ու մտքի նոր թարգմաններ։ «Ահա երկու տարի է⁷, ինչ մեր մամուլային միապետության սահմաններում խախտված է բաղձալի խաղաղությունը և տափակությունը, շնորհիվ «Արշալուսի», «Հառաջ,—Ալիքի», «Կայծի», «Կյանքի» և նման կրամունիկ թերթերի։ Մանր էր Մեղ տեսնել, թե ինչպես մեր ընթերցողներից թեթևամիտները և զգայունները, կրամուլայական մըտքերով հափշտակված, հետզհետե երես էին դարձնում Մեղանից։ Նվազում էին ընթերցողները, ցամաքում էր մեր բարեկեցության աղբյուր բաժանորդագրությունը»։

«Մամուլային միապետության» ու «տափակության» տիրակալը հորգորում է իր ընթերցողներին՝ դարձի գալ, «չենթարկվել պրովոկացիաներին», համոզում նրանց, որ «Մշակը» նորից կվերադարձնի իր անցյալ փառքը, որի գրավականն այն է, որ նրանում աշխատակցելու համար «հրավիրված են անթիվ, անհամար գրող ու գրչակներ՝ առանց դավանանքի, աշխարհայացքի խտրության»։ Եվ, այնուհետև, ֆելիխտոնի տակ սարկադմով գրված է։

«Մեր գրական թագավորության 14-րդ դժբախտ տարին, օգոստոսի 19-ին, Թիֆլիս։

⁶ «Խաթաբալան», 1906, № 11, էջ 86 (ֆելիխտոնի գաղափարական ու լեզվա-ոճական տվյալներից երեսում է, որ այն ստեղծված է Աշոտ Աթանասյանի ձեռքով)։

⁷ Նկատի է առնվում ոռւսական առաջին հեղափոխության երկու տարիները։

իսկականի վրա նորին Գրական Մեծության սեփական ձեռքով ստորագրված է՝ Ալ. Քալանթար»:

Կադետական-հարմարվողական «Մշակը» թե՛ երկուու, թե՛ բացահայտ հարձակում էր գործում հասարակական ասովարնեղ մտած զաղափարական նոր ուղղությունների, հատկապես հեղափոխական ուժերի դեմ: Վերջիններս ետ էին մղում լիբերալ հարձակումները, ցույց տալով ու մերկացնելով նրա հեղջեղուկ, կղերա-բուրժուական ծրագիրն ու գործելակերպը: Ստ. Շահումյանը այդ օրերին գրում էր, որ հայ բուրժուական թերթերը՝ «Մշակն» ու մյուսները, սկսել են հաւախ խոսել ու հարձակումներ կատարել հեղափոխական սոցիալ-դեմոկրատիայի դեմ, քանի որ նրանք զգում են, որ հանձին սոցիալ-դեմոկրատիայի հանդես է եկել մասսաների նոր, իսկական առաջավոր ջոկատ, որը. «ապետք է թաղի նրանց ժողովրդայնությունը հայ բանվորական մասսաների մէջ, պետք է վերջ դնի նրանց անբաժան գերիշխանությանը հայ ընթերցող հասարակության մտքին»⁸:

Որ հայ բուրժուական ազատամտությունն ու նրա գործիչներն իրոք չեին էլ կարող ազատազրվել կղերա-պահպանողական «ազգասիրության» բենից, չնայած և իրենց հասարակական էությամբ մոտենում էին եվրոպական ու սուսական բուրժուական ազատամտությանը, նկատում և ըմբռնում էին, անշուշտ, ժամանակակից բոլոր առաջադեմ ուժերը: Այդ նույնը յուրովի ըմբռնում և տեսնում էին նաև «Խաթարալայի» աշխատակիցները, դարձնելով այն իրենց անխնա երգիծանքի առարկան:

Երգիծական իր անողոք խարազանն այստեղ ևս ուժգոնորեն շառաչեցնում էր տաղանդավոր երգիծարան Ա. Աթանասյանը: Ո՞չ մի զիջում, զաղափարական ո՞չ մի գործարք կղերականության հետ սիրաբանող հայ լիբերալների հետայս հաստատ դիրքերի վրա էր կանգնած նա:

Եվ այս այն դեպքում, երբ նա մեծ համակրանքով էր խո-

⁸ Ստ. Շահումյան, Երկեր, հատ. 1, էջ 117:

սում Ա. Քալանթարի՝ մարդու, մասնագետի մասին, բարձր գնահատելով նրա ծառայություններն Անդրկովկասի զյուղատնտեսության ղարգացման ու առաջադիմության, ինչպես նաև Հայ իրականության մեջ գյուղատնտեսական գիտության տարածման ու բարգավաճման գործում:

Ին-պորտ-յոր ստորագրությամբ, «Մի պտույտ խմբագրություններում» Ա. Աթանասյանի ֆելիետոնների շարքը, իր քաղաքական սրությամբ ու այրող այժմեականությամբ, մերկացնող երգիծանքի գեղեցիկ նմուշ է դարասկզբի Հայ Հրապարակախոսության անդաստանում։ Երգիծաբանն իր երկրորդ պտույտը նվիրել է «Մշակին»։ «Երկրորդ այցելությունս «Մշակն» էր», — զրում է նա⁹։ Եվ, այնուհետև, Հորինվում են մեկը մյուսից, առաջին Հայացքից, զվարճալի, բայց սրամիտ ու կծու Հեգնանք բովանդակող պատկերներ։ Հեղինակը խմբագրության նախասենյակում առաջինը Հանդիպում է... երկու քահանայի։ — Զլինի¹⁰ թե Հանգուցյալ Արծրունու Հոգեհանգիստն են կատարելու, — անցնում է նրա մտքով։

Այնուհետև, Հայտնվում է ինքը՝ Ա. Քալանթարը, որը ժուռալիստին Հայտնում է իր կարծիքը, ասելով «որ որքան շատ թերթեր դուրս գան, այնքան լավ, որովհետև գիտեմ, որ նրանք երկար ապրել չեն կարող, և «Մշակը» կմնա ամենահին լրագիրը. սակայն որպեսզի թյուրիմացություն չինի, պետք է ավելացնեմ, որ Հին ասելով շպետք է Հասկանալ գաղափարական Հնություն, այլ ֆիրմայի, որովհետև գալով «Մշակի» ուղղությանը նա կենտրոնի ձախակողմյան, արմատական-առաջադիմական, ապատամտական, ժողովրդական-աղատագրական-զեմսավոյցական-գաղափարական ֆըրակցիայի ամենաձախակողմյան ուժեղ կենտրոնն է»։

Դառնալով քահանաների այնտեղ գտնվելու Հանգամանքին, «Մշակն» խմբագիրը Հայտնում է, որ «Նոր դարը» մեռնելուց Հետո իր թերթը պաշտպանում է նրանց և բոլոր Հալածվածներին առանց խտրության։ Երգիծաբերթը դրանով

⁹ «Խալաբալա», 1906, № 13, էջ 102։

Հասկացնել էր տալիս, որ «Մշակը» մի անգամ չէ, որ ապացուցներ է տվել կղերականության հետ իր դավանած դադարական հավատամքի հոգեհարազարտության գործում:

Ֆելիքսոնի սուրբ գաղափարական նպատակադրությունը նաև լիովին բացահայտվում է նրա բազմանշանակ ու խորիմաստ վերջավորության մեջ: Այստեղ կա մի այսպիսի պատկեր, զրոյցի պահին խմբագրի մոտ է հայտնվում մի վարդապետ ևս, և որպես արդյունք այդ տեսարանի, ոեպորտայորը տեսնում է թե ինչպես պատից կախված նկարից նայող «...Արծրունին, ինքը Գրիգոր Արծրունին...լացում էր»:

Ո՞րն էր, ուրեմն, գաղափարական այդ նպատակադրությունը, որ ֆելիքսոնի վերջավորության աղն է կազմում: Ի՞նչ էր ցանկանում ասել «Խաթարալան» երգիծական այդ պատկերով: Ի՞նչու վարդապետի հայտնվելով արցունքներ երկանցին Գր. Արծրունու աշքերում: «Մշակ» և քահանանե՞ր—ահա այս անհեթեթության մեջ պիտք է որոնել երգիծաթերթի այդ տարակուսանքը: Այստեղ անվարան ու ուղղագիծ կերպով հոչակլած է մի որոշակի կոնցեպցիա: «Խաթարալան» ձիշտ էր գնահատում «Մշակի» և նրա հոչակավոր խմբագիր Գր. Արծրունու անհանդուրժողականությունն ու հետևողական պայքարը կղերականության, ժամանակի կղերապահպանողական և աղքային-պահպանողական հասարակական հոգանքների հոտագեմ էության դեմ:

Ինչպես ասվեց, երեմնի հակակղերական «Մշակը», դեռ նետելով արծրունյան ավանդները, հակվել էր դեպի կղերականությունն ու դաշն կնքել նրա հետ:

«Խաթարալան» ամենափն չէր տարակուսում, որ քընքուշ ժայիտների սիրահար «Մշակը», իր քաղաքական ծրագրով, բուրժուական մասովի բանակի շատ սովորական ներկայացուցիչ էր, և միայն ցուցանակն էր նրան տարբերում բուրժուական ու աղքայնական մյուս հոսանքներից ու ուղղություններից: Ֆելիքսոնիստ Սալմանը, հանրածանոթ Ա. Աթանասյանը, իր՝ «Քաղաքացու հիշատակարանից» խորագրով հոդվածաշարքից մեկում, ծաղրելով «Տիֆլիսկը

լիստոկ» բուրժուական թերթը, որն, ինչպես երգիծաբանն է ասում, ամենքի տեղ «մտածում» է, ամենքի փոխարքն «պատասխանում» և երկյուղ չի կրում, որ կզարդարեցվի իր հրատարակությունը, կծու Հեղնանքով գրում է, որ «Տիֆլիսի լիստոկի» հետ կարող է մրցել միայն մեր «Մշակը»:

Մշակական լիբերալիզմի ղեմ «Խաթաբալյալի» մղած պաղափարական պայքարը նոր ուժով է բորբոքվում 1912 թ. սկզբներին: Առիթն ավելի քան նպաստավոր էր: Ինքը՝ «Մշակը» առաջ սնունդ էր տալիս երգիծաթերթերին՝ սեփական մերկացման համար:

Լրանում էր «Մշակի» Հիմնադրման 40-ամյակը: Եվ «Մշակի» պարագլուխներն այդ առիթը լայնորեն օգտագործում են լրագրի վաղուց արդեն կորսված փառքը վերադանելու համար: Հորելյանական ձոխ նախապատրաստություններ են տեսնվում: Կազմվել էր Հորելյանական կենարունական հանձնաժողով: «Մշակի» նյութական հիմքերն ամրապնդելու համար կատարվում էին հանդանակություններ: Տեղի էին ունենում հորելյանական ճաշկերութներ, ցերեկութներ, Հորելյանական ներկայացումներ:

Ազմուկը մեծ էր: Մշակականներն ինքնաթմրկահարման մեջ կորցրել էին շափի ամեն զգացում:

«Խաթաբալյան», հավատարիմ իր կոչմանը, երգիծական մերկացման առարկա էր ընտրում ուսալ պատմական անձնավորություններ, ժամանակի հասարակական զործիչներ: Երգիծաթերթը կրկին ու կրկին, իր զոյտթյամբ ու իր պայքարով, հաստատում էր այն անվերապահ ճշմարտությունը, որ իսկական երգիծանք կարող է միայն այնտեղ լինել, որտեղ երգիծական ընդհաննրացման են ենթարկվում շարիքը կրող իրական անձնավորություններ, առանց աստիճանի ու կոչումների խարության: Հեղինակությունների առջև խոնարհվելն ու գետնաբարշտությունն անհարիր էին նրա հասարակական նկարագրի համար:

Այդպես էր վարվում «Խաթաբալյան» «Մշակի» ղեկավարներ Ալ. Քալանթարի և Համբ. Առաքելյանի նկատմամբ,

որոնք տոն ու ուղղություն էին տալիս Հոբելլանական նախապատրաստությանը, աշխատելով շարաշահել «Մշակի» վաղեմի փառքն ու նրա մեծ հիմնադրի անունը: Այստեղ նույնպես անխնա էր Գասպար Կալատուզյանցի գրիչը, որը, զործադրելով իր նախասիրած ամանորյա երգիծական ուղերձները, ի թիվս այլ գործիչների, դիմում էր՝

Համբարձում Առաքելյանին՝

Տեղը եկավ դու շասպանդ ես
Տեղը եկավ փալշիվ վարդ—
ես շիմացա, Աստված վկա—
Դու ես անկեղծ թե՛ Քալանթար:

Ալեքսանդր Քալանթարին՝

Միտքդ ի՞նչ է, ասա Տշպրիտ
Փող ես ուզո՞ւմ Հոբելլանիդ
Մենք դրան դեմ չենք, վերցրու ախակեր,
Բայց հերիթ է շահագործել
Անունները՝ մեծ վիթխարի¹⁰:

Հոբելլանական տենդագին եռուղեռն ու նրա շուրջն առաջացած աճագին աղմուկը, «Մշակի» լիբերալ հարմարվողականությունն ու սիրախաղերն իրենց գրաֆիկական արտացոլումն են գտել Ռուտերի ստեղծած պատմական իրադարձության մակարդակի հասցված ծաղրանկարներում, որոնք սննախընթաց էին գաղափարական ու գեղարվեստական մտահղացմամբ:

Այստեղ ես յուրահատուկ ու խիստ անհատական է Ռուտերի ստեղծագործական գեմքը: «Խաթարալայի» երկու առաջատար ծաղրանկարիչները՝ Օ. Շմերլինգն ու Գ. Ռուտերը, սոցիալական մերկացման վարպետությամբ կանգնած էին

¹⁰ «Խաթարալա», 1912, № 1, էջ 3:

մեկը մյուսին շղիջող, նույն, հավասար մակարդակի վրա: Սակայն նրանցից յուրաքանչյուրը դրան հասնում էր սեփական հանապարհով: Եթե Օ. Շմերլինը լայնորեն օգտագործում էր գրոտեսկը՝ անձնավորությունների այլանդակ կոմիկական պատկերավորման միջոցը, ապա Ռոտտերը գերադասում էր պորտրետային խսկությունն ու համարյա կատարյալ նմանությունը, զավեշտական-երգիծական տարր մտցնելով ծաղրանկարի այլ հատվածներում:

Համառոտակի վերլուծենք Ռոտտերի գծած նկարաշարից երկու առավել բնորոշ գործ, որոնք արտացոլում են «Մշակի» հոբելյանական առօրյան ու եռուզեռը:

Մի դեպքում Ռոտտերը ծաղրում է հոբելյանական ինքնաթմբկահարման մթնոլորտը, դնելով դրա մեջ այն ձշմարտությունը, որ այդ իրադարձությունը հող չուներ ժողովրդի մեջ և զերծ էր հասարակական լայն խավերի պաշտպանությունից, հանդիպելով նրանց սառը և անտարբեր վերաբերմունքին:

Գունավոր մեծադիր այդ նկարը¹¹, որ շաբաթաթերթի ամբողջ շապիկն է զբաղեցնում, հետևյալ բովանդակությունն ունի:

«Մշակի» խմբագրության շենքից փողոց է դուրս գալիս ցուցարարների շարքը: Առաջամասում քայլում են մշակական պարագլուխներն ու հոբելյանական հանձնաժողովի անդամները: Դրոշի վրա գրված է՝ «Մշակի» հոբելյան», իսկ թմբկահարի ձեռքում եղած հարվածիչի վրա՝ «Ռեկլամ» բառերը:

Որպես այս բոլորի հակապատկեր, նկարի ձախ կողմում, հասարակության ներկայացուցիչները, պարանոցները երկարած, զարմանքով ու ապշարությունում են զավեշտական տեսարաններ:

Այդ նկարաշարում, զաղափարական հագեցվածության ու երգիծական մերկացման ուժով ու սրությամբ, առանձ-

¹¹ «Խաթարալա», 1912, № 10:

նանում է նույն Ռոտտերի «Վերջին նորություն և հին պատմություն» գործը¹²:

Հրապարակախոսական, սոցիալական բաղմաբովանդակ ծաղրանկարի մի հիանալի նմուշ է դա: Նկարիչը, զարմանալի հմտությամբ, մի կտավի մեջ բեկել է ժամանակի հասարակական կյանքի ամենատարբեր երևոյթներ ու անցքեր, որ խսկական տաղանդի, մտքի մեծ թոփչքի ու ստեղծագործական վառ երևակայության արգասիք է:

Նկարն արտացոլում է «Մշակի» գաղափարական սնանկությունը, վաղեմի հակագերերական «Մշակի» գինաթափումը կղերականության առջև: Նրա տակ դրված ընդարձակ մակարությունը լիովին բացահայտում է երգիծանքի գաղափարական լիցքը: Այնտեղ կարդում ենք. «Մշակի» ղեկավարները և բանակը, թերթի 40-ամյակին արծրունյան դրոշը խոնարհեցրին պահպանողական «Հովտի» առջև:

Հետաքրքիր ու սրամիտ կոմպոզիցիան խիստ արտահայտչական են գարձնում նկարը, առաջ բերելով դիտողի մեջ զվարթ հոգեվիճակ, ծիծաղելու անզուսպ ցանկություն: Մաղրանկարի առաջին պլանում պատկերված է Համբարձում Առաքելյանը, նա ծնկաշոք խոնարհվել է բարձունքում գաճին նստած կղերի առջև: Հ. Առաքելյանը հոգեորականի ոտքերի առաջ խոնարհել է նաև «Մշակի» դրոշը, որի վրա պատկերված է Գր. Արծրունու՝ Հորելյանական ծաղկեպսակով երիդված դիմանկարը: Հ. Առաքելյանը ամոթխածությունից ու ծայրահեղ կղերամոլությունից դրված նույնիսկ չի էլ համարձակվում ուղիղ նայել կղերին. նա զետնաբարշ խոնարհել է նրա առջև գլուխը, հասարակությունից ծածկելով դեմքը: Նրանից դեպի աջ, ծնկաշոք խոնարհվել է նաև Ալ. Քալանթարը, ձեռքերը խաշած, ու ծառայամիտ հայացրով նայում է դեպի գաճը: Եվ, վերջապես, երկրորդ պլանում պատկերված է «Տարազ» ամսագրի խմբագիր Տ. Նաղարյանը, որ փոխարինում է մի ամբողջ նվազախմբի: Տ. Նաղարյանը դավեշտական տարրով, հաղթականորեն քայլում է հարմոշկան ձեռքին և

¹² նույն տեղում, № 23:

ահագին թմբուկ ունի շալակին, որի վրա կարդում ենք «Հրատապապ համար» բառեցը¹³:

Այստեղ, «Խաթաբալան» երգիծական խարանման նյութ է դարձրել այն եղելությունը, որ «Տարազն» առանձին եռանդ էր հանդես բերել «Մշակի» հորելլանական հանդիսավորությունների օրերին, իսկ «Հրատապ համար» բառերի իմաստն այն է, որ հորելլանի առթիվ լույս էր տեսել «Տարազ» ամսագրի հատուկ համար:

Հասկանալի է, որ «Խաթաբալան» ամենին գեմ չէր, որ նշվեր «Մշակի» ծառայությունները հայ ժողովրդի հոգեոր մշակույթին, մեծարվեր, մանավանդ, նրա հոչակավոր հիմնադիր Գր. Արծունու գործունեությունը: «Խաթաբալայի» համար, ինչպնս երեսում է անհասկանալի էր «Տարազի» որոշ հոգվածագիրների հիացական այն բացականշությունը, որով նրանք 900-ական թվականների «Մշակին» նույնպես հոչակում էին «աղատամիտ և առաջադեմ» օրգան, որով ջնջում էր, եթե կարելի է այսպես ասել, զին և նոր «Մշակի» միջն եղած անջրպետը: Այս հանդամանքն է, որ դասնում է «Խաթաբալայի» սուր ծաղրի առարկան:

Իրականում «Տարազ» ամսագրի հորելլանական համարը դուրկ չէ հետաքրքրությունից, և մեր օրերում այն պատմական աղբյուրի որոշակի արժեքը ունի: Ժամանակին, մի կողմից պահպանողական ու լիբերալ-կաղետական, իսկ մյուս կողմից, հեղափոխական-դեմոկրատական մամուլի միջն ծայր առած թեժ փոխհրաձգության ու գաղափարական գոտեմարտի բովում անհնարին էր, հավանաբար, հստակորեն տեսնել «Մշակի» տեղն ու գերը հայ հասարակական մտքի պատմության մեջ:

* * *

Էջմիածնի «Սահմանադիր ժողովը», որ ակնառու կերպով բացահայտում էր հայ բուրժուական աղատամտության և դաշնակցության գաղափարական սնանկությունը, ժամանա-

¹³ «Տարազ», 1912, N 5:

կի հայ հասարակական միտքը նշանակալիորեն շեղել էր բովանդակ երկիրը հուզող պատմական մեծ իրադարձությունից: Այն պայմաններում, երբ համառուսական դեմոկրատական հեղափոխությունը, չնայած հին ռեժիմի գործադրած ճիգերին, դեռևս շարունակում էր խոր գործունով որոտալ, մշակականների և գաշնակցության փողաճարած «Հայկական հեղափոխությունը» միայն ամրապնդում էր ռեակցիայի դիրքերը, ջատում հեղափոխական ուժերի պայքարը:

Հայ բուրժուական մամուլը, դաշնակցական թերթերն այդ օրերին կատարյալ էրստաղի մեջ էին:

Ամենայն հայոց կաթողիկոս Մկրտիչ Խրիմյանի 1906 թ. մայիսի 10-ի՝ դաշնակցության կամքով հորինված, «Հոգևոր վարչական հաստատությանց պաշտոնյաներին ընտրովի դարձնելու մասին» կոնդակը և, այնուհետև, Մ. Խրիմյանի հուլիսի 13-ի՝ հայ կանանց «Կենտրոնական ժողովի» ընտրություններին մասնակցելու իրավունք վերապահելու մասին նոր կոնդակը, հորթի Հրձվանք էին պատճառել «ազգային» զործիչներին:

Միշանկյալ նշենք, որ նույնիսկ այդ գեպքերից մոտ երեք տասնամյակ հետո, դաշնակցության պատմագիրը, Էջմիածնի Հոգևորական միշավայրով արքեցած, կրոնական չերմեռանդության հասնող նրբազգացությամբ ու սրտաշարժ միամտությամբ է պատմում «Կենտրոնական ժողովի» բացման հետ կապված արարողությունը, ինքնամոռացության մեջ մեծարելով այն որպես «...հայոց պատմության հազվագյուտ», երշանիկ օրերեն մեկը»:

Վերջիշելով այն օրերի «սրտացունց» տեսարանը, և անկարող լինելով զսպել իր գուշի սրբնթաց շարժումը, պատմաբանը, դարձյալ ընկնելով զմայլիչ ինքնամոռացության մեջ, պաթետիկ տոնով բացականշում է. «Ա՞հ, հայ մտավորականը անդուսպ, անվերապահ է իր հոգեկան թոփշքներուն մեջ...»¹⁴:

¹⁴ Միք. Վարանդյան, Հ. Հ. Դաշնակցության պատմություն, Հատ. առաջին, էջ 469:



Մաղրանկարը հեղնում է դաշնակցության ու նրա խաղացած գերը «Կենտրոնական ժողով» հրավիրելու զործում:

Գործ.՝ Օ. Շմերլինգի

Այսպես է գրվել դաշնակցության անփառունակ «զիտական» պատմությունը, այս «Հերոսապատումն» է ժառանգել իր «մեծագործ» նահապետներից դաշնակցության հաջորդ ու արդի նոր սերունդը:

Հարկ է նշել նաև, որ «Հայկական աղքային հեղափոխության» մեջ զեկավար գերը ստանձնելու շուրջը մշակական-

ների և դաշնակցականների միջև ծայր առած կատաղի պայքարը, որ ամեննեին էլ դաղափարական տարածայնության բնույթ չուներ, լցրել էր այդ կուսակցությունների մամուլը, այն աստիճան բորբոքել նրանց «ազգային» կրքերը, որ միանց հաւեցեին նետված հայհոյանքները դարձել էին նրանց կուսակցական պայքարի բարոյական նորմաները:

Մուսական հեղափոխության այս նոր, կենտրոնախույս ուսակցիոն շարժման մերկացումը, աշխատավոր ժողովրդին նրա վտանգավոր ու քայլայիշ ազգեցությունից պաշտպանելով հրամայական պահանջ էր, որ հաջողությամբ լուծում էին հայ հեղափոխական մարքսիստները:

Հեղափոխական սոցիալ-դեմոկրատները և, առաջին հերթին, Ստ. Շահումյանն ու Ս. Սպանդարյանը իրադարձությունների թարմ հետքերով գրված իրենց փայլուն հրապարակախոսական հոդվածներում, համոզիլ կերպով ցուց էին տալիս, դաշնակցության այդ հորինվածքի հակահեղափոխական էությունը, աշխատավորների համար լուսաբանում նրա սնամեջ լինելը:

«Ազգային ժողովի» շուրջը հայ բուրժուական ազգայնական կուսակցությունների առաջացրած աղմուկը Ստ. Շահումյանը գնահատում էր որպես «հասարակական-քաղաքական տհասություն, դաղափարական խեղճություն ու սնամկություն»¹⁵:

Հեղափոխական սոցիալ-դեմոկրատները, բոլոր առաջավոր տարրերը չեին տարակուսում, որ այդ «Հայկական հեղափոխությունը», որին դաշնակցականները «Ազգային սահմանադիր ժողով» մեծագոր անունը տվեցին, և որն իբրև թե պեաք է մշակեր հայկական ներքին սահմանադրությունը, մի անախարօնիզմ էր, որ սրբելու-տանելու էր գալիք հեղափոխության ալիքը, չեին կասկածում, որ այն, չլինելով ժողովրդի ինքնագործունեության արդյունք, անխուսափելիորեն պետք է պարտություն կրեր:

¹⁵ Ստ. Շահումյան, Երկեր, հատ. 1, էջ 249:

«Խաթաբալան», սկզբում մանր ծիծաղաշարժ խրոնիկաների, իսկ հետագայում նաև երգիծական ավելի ծանրակշիռ կտավների միջոցով, ձաղկում ու հեգնում էր «Աղքային սահմանադիր ժողով» կոչված այդ հաստատության անկենսունակությունն ու բացասաբար արձագանքում նրա հրավիրման առթիվ ծավալված ընտրական կամպանիայի ու բուն «Սահմանադիր ժողովի» պարապմունքների նկատմամբ:

Ձավեշտական էր, մանավանդ, վեհափառի կոնդակը՝ հայ կնոջը Հոգևորականներ և «աղօգուտ» մարմիններ ընտրելու իրավունք վերապահելու մասին: Հակառակ բուրժուական մամուլում այդ առթիվ առաջացած լուրջ խոսակցությունների, հեղափոխական մամուլը, ինչպես նաև «Խաթաբալա» երգիծաթերթը, համենայն գեպս բարեհոգաբար, ծիծաղում էր կնոջ «Էմանսիպացիայի» ձանապարհին կատարված այդ «նոր դար ավետող» քայլի առիթով: Եվ «Խաթաբալան» տպագրում է «Նամակ Նոր-Բայազետից» տեղական բառապով, «Հաշկի-փուշ» ծածկանուն կրող գողարիկ երգիծանքը, որտեղ թղթակիցը, ծաղրելով իրենց բաղաբի կանանց զլխին խաթաբալա դարձած այդ եղելությունը, խնդրում է երգիծաթերթին օգնության հասնել, խորհուրդ տալ, թե. «Ի՞նչ թավուր կնիկ չոկեն յզրկեն. խաստ հնի թէ՛ բարակ, յերգեն հնի թէ՛ կարճ, խորստ հնի թէ գեշ, զլավն հնի թէ՛ զաբուն...»¹⁶:

Իսկ «Հաղթանակ» խորագրով տպագրված երգիծական խրոնիկայի մեջ, հեգնելով «Սահմանադիր ժողովի» ընտրությունները, երգիծաթերթը հաղորդում էր, որ Անդրկովկասի խոշորագույն հայաշատ կենտրոններից, ինչպես նաև հազարավոր բնակավայրերից «Աղքային ժողովի համար պատգամավորներ են ընտրվել «Խաթաբալիստները»¹⁷:

Մրանք, անշուշտ, թեթև խայթոցներ էին, որ դեռևս չէին կարող լրիվ բացահայտել երգիծաթերթի բռնած դիրքը «Սահմանադիր ժողովի» նկատմամբ: Այստեղ «Խաթաբալային»

¹⁶ «Խաթաբալա», 1906, № 9, էջ 71:

¹⁷ Նույն տեղում:

կրկին օգնության է գալիս նրա տաղանդավոր երգիծաբան Ա. Ախանասյանը, տպագրելով նրանում երկու թերթոն դրազեցնող, Ես-չեմ ստորագրությամբ «Էջմիածնի կենտրոնական ժողովը»¹⁸ սրամիտ կառուցված ֆելինոնը: Երգիծաբանն իր զավեշտի նյութին է գարձնում էջմիածնի «պատմական» իրադարձության առաջին օրը, 1906 թ. օգոստոսի 15-ը, ենթադրաբար լուսաբանելով «Սահմանադիր ժողովի» բացման անդրանիկ նիստի հետ կապված անցուդարձերը:

Վերականգնելով նախընտրական պայքարի եռուցեոր, ֆելինոնիստը ստեղծում է մի պատկերաբան, ուր տեղավորում է «Կենտրոնական ժողովի» ընտրված և շնորհված գործիչներին, նրանց հասցեին նետելով դիպուկ մակդիրներ: Երգիծաբանի ստեղով էջմիածնում էին սկսած «Ծնկեր Ե. Թոփչյանից, մոայլ, ջղային կեռից, ժպտալից, պորտֆելավոր Հ. Առաքելյանից, ազգային իրավաբան-պաշտպան Տ. Հովհաննիսյանից մինչև ծայրահեղ արմատական... Արսեն վարդապետը և «անարխիստ» Դ. Աղայանը»:

Ֆելինոնիստն, այնուհետև, մերկացնելով դաշնակցության խաղացած գերը «Սահմանադիր ժողով» կոչված Հորինվածքում, գտնում է, որ նրանք այստեղ նույն գերը կատարեցին, ինչ կադեաները՝ Պետական դռւմայում: Նրանք Պետական դռւմա չգնացին, սակայն նույն «մեր սոցիալիստները մի երկու ամսում ստեղծեցին իրենց Հայկական դռւման, ուր կարող են նստել ու օգրուե, ուզ կազմով, ճառերի ահապին արտիլերիայով, ինտրիգների ֆուզասներով և մրցության պուլիմյուտներով»¹⁹:

Այսպիսով, էջմիածնի Աղային ժողովը, որը տրամաբանորեն փոխարկվեց դաշնակցական Համագումարի, ըստ երգիծաբանի, Հակահեղափոխական մի ձեռնարկություն էր, «Հայ տիրացուների» իղձերի իրականացման միջոց, որով նրանք ձգտում էին «ազգի տեր ու տիրական լինել...»:

¹⁸ «Խաբարալա», 1906, № 10, էջ 75—78:

¹⁹ Նույն տեղում:

«Կենտրոնական ժողովի» անխուսափելի ու անփառունակ վախճանը, որ այնքան ճշմարտացիորեն գուշակում էին հեղափոխական սոցիալ-դեմոկրատները, չի դադարում «Խաթաբալայի» սուր խայթի առարկա լինելուց: Դաշնակցության հորինած սնամեջ «Ազգային ժողովը» չափազանց առատ նյութ էր մատակարարում զավեցափառ: «Խաթաբալան» ծիծաղում էր լիաթոք, հեգնում ամբողջ հոգով: Երգիծական դինանոցից հանվում են մերկացման ու ձաղկման նոր, զորեղ միջոցներ: Դրանցից մեկը, ինչպես արդեն մեկ անգամ գործադրել էր երգիծաթերթը, երգիծական մահաղղներն էին, թերթի առաջին պլանում, աշքի ընկնող տեղում: զետեղված, ու շրջանակի մեջ առնված, մահապուշերը:

Ահա՝ ոչնչացնող սարկազմով հորինված այդ մահաղղը²⁰:
 «Խմբագրությունն հայտնում է ի գիտություն
 համայն հայ ազգի, որ երկարատև
 ճառերից, անժամանակ և անտեղի
 ծրագիրներից առաջացած փորլուծությունից
 օգոստոսի 30-ին

Էջմիածնի Կենտրոնական ժողովը

Հանգավ ի տեր:

Հոգեհանդիսուր կատարվում է ամենայն օր,
 «Խաթաբալայի» և «Զանգի» խմբագրատներում»:

Հարվածն ուժեղ էր, «ողբերգական» պահն աննախընթաց, և «Խաթաբալան» անզուսպ էր իր հեգնանքի մեջ, պետք էր ուժգին ծաղրել, առիթն ավելի քան նպաստավոր էր, և երգիծաթերթը գրում էր.

«Հեռագիրը գուժեց... գուժեց այն՝ ինչ որ սպասելի էր... վաշ՝ մեղ, էլ Դումա, հայկական Դումա չունենք, այժմս ի՞նչ անենք, հիմի է՝ լունք...»:

²⁰ «Խաթաբալա», 1907, № 13, էջ 98:

Քահ-քահ ծիծաղում ու հրճվում էր նաև Գասպար Կալատուզյանցը: Նրա գործադրած թիֆլիսահայ բարբառը կարծես հենց ստեղծված էր նման իրադրության սուր ձաղկման համար, առանձին շուրջով բաց անելով հումորի համար իր անսահման հնարավորությունները: «Սահմանադիր ժողովի» անխուսափելի վիժման առիթով նրա հեղինակած ընդարձակ ու մեր երգիծական լրագրության մեջ մնայուն գործ լինելու արժանի, առաջնորդող-ֆելիխտոնի՝ հաջող ընտրված «Հայոց դուման էլ մոշլա էլավ»²¹ վերնագիրն արդեն իր մեջ երգիծական անպարփակ լիցք էր պարունակում: Առկա է առաջնորդողում նաև քաղաքական սրությունն ու նպատակասլացությունը: Սկզբից մինչև վերջին տողերը ֆելիխտոնը, հազվագյուտ հումորով, ծաղրում է դաշնակցության սնանկությունն ու նրա կրած ֆարսը: Գ. Կալատուզյանցի երգիծական հայելու մեջ բեկվում են նաև իրական պատճական անձնավորությունները: Ահա մի նմուշ այդ ֆելիխտոնից:

«Դումեն մոշլա ին արի՝ կոսե... բաս Հայոց Մուրուցով՝ պարուն նընգիր Սիմոնը²²... է՛ջ, Սիմոն ջան, Սի՞մոն, դուս արին է՛լի, վո՞ւ իս դրանց մամի դանդրատոն ի՞նչ ասիմ: Աստուծ մինձ համփիրութին տա քիզ, Սիմոն ջան. ի՞նչ արած, արա ի՞նչ կու օքտիս, վուր էզքան լաց իս ըլում, աշքիրդ ափսուս ին, վուրթի, թե չէ ՚իս էլ... հը՛, հը՛, հը՛»:

Միթիթարելով վշտահար «ազգային» գործիշներին, ֆելիխտոնիստը, նրանց համբերություն է մաղթում, ու հորդում, որ զապեն իրենց, քանի որ շուտով «Հոգեհանգիստ կուլի» և մի քիչ էլ արտասուր դրա համար պետք է խնայել: Եվ այդ հոգեհանգստի զավեշտական արարողությունն է արտացոլում Օ. Շմերլինգի գծած մեծադիր ծաղրանկարը, որն աշքի է ընկնում իր մտահղացման խորությամբ ու գաղափարական նպատակասլացությամբ²³: Նկարի կենտրոնում պատկերված

²¹ «Խաթաբալա», 1907, № 13, էջ 98—99:

²² Գաշնակցության հիմնագիրներից մեկը՝ Սիմոն Ջավարյանը բացման ժառ է արտասանել «Կենտրոնական ժողովում» և վարել նրա նիստերը:

²³ «Խաթաբալա», 1907, № 15, էջ 124:

Են հոգեհանգստյան արարողությունը կատարող՝ «Խաթաբալայի» խմբագիր Աս. Երիցյանը և «Աշխատանքի» խմբագիր Աշ. Աթանայանը, որոնք հագած ունեն իրենց խմբագրած թերթերից պատրաստված վեղարներ ու փիլոններ: Հանդուցյալի գերեզմանին խունկ էն ծխում Ալ. Քալանթարն ու Համբ. Առաքելյանը: Երգիչ տիրացուի դերում հանդես է գալիս Ե. Թոփչյանը: Ահագին թաշկինակները ձեռքերին, առատորեն արցունք են թափում Ա. Ահարոնյանը, Մ. Տիգրանյանը, և այստեղ են ամբողջ կազմով նաև, դաշնակցական մյուս «սպավոր» պատգամավորները, որոնց, ոչ միայն ձեռքերին, այլև ոտքերին կազմած են սգո և ժապավեններ:

Սակայն «Սահմանագիր ժողովի» շուրջը ստեղծված գրաֆիկական գործերը դրանով չեն սպառվում: Երգիծաթերթի էջերում մեկը մյուսի ետևից տեղ են գտնում նոր ծաղրանկարներ, որոնք, ավելի սրամիտ կերպով հեղնում ու ծաղրում են, մասնավորապես, այն զավեշտական կացությունը, որի մեջ ընկել են դաշնակցականները, և այն էլ «սոցիալիստ» դարձած դաշնակցականները: Մի գեպքում երկու էջի վրա տարածված ահագին ծաղրանկարը պատկերում է «Կենտրոնական ժողովի» պատգամավորների մուտքը էջմիածին²⁴: Դաշնակցության պարագությունների առաջնորդած «ազգային» գործիչների խմբին ուղեկցում են փողահար ու թմբկահար «սոցիալիստ» վարդապետները:

«Ազգային ժողովի» սնամեջ խոսարան լինելու եղելությունը պատկերված է մի այլ ծաղրանկարում²⁵, ուր շատախոսությունից հոգեբուժարան ընկած պատգամավորների համար, զանգն ու քանոնը ձեռքին ամբիոնից ճառ է արտասանում Ս. Զավարյանը: Նույն էջում զետեղված հարկան նկարում, քթով մնացած դաշնակցական գործիչները, մազապուրծ փախչում են էջմիածինից, որտեղից նրանց վոնդել են: Մաղրանկարի երկրորդ պլանում պատկերված են երկու

²⁴ Նույն տեղում, № 14:

²⁵ Նույն տեղում, № 15:

Հոգեսրականներ, որոնք, ձեռքերը շփելով, շարաբար ծիծաղում են վոնդված «քաջարի ու սոցիալիստ պատգամավորների» վրա, ինչպես ասված է նկարի տակ դրված մակարության մեջ:

Երգիծական կրակի տակ առնելով դաշնակցության գաղափարական սնանկությունը, «Խաթաբալան» ընդվզում, ծաղրում ու ձաղկում էր նաև այն բարոյազուրկ ու տպեղ միջոցներն ու պրիոմները, որ գործադրում էին «ազգային» գործիչներն իրենց հակառակորդների գեմ մղված գաղափարական պայքարում: Հատկապես գրանցով տառապում էին դաշնակցության պարագլուխներ Գ. Խաժակն ու Ե. Թոփչյանը: Բոնի ուժը, սպառնալիքն ու հիշոցներն այն զենքերն էին, որոնց նրանք դիմում էին աշխատավոր զանգվածների աշբում դաշնակցության խարխլվող դիրքերը պաշտպանելու ու վերականգնելու, հայ ժողովրդի առաջավոր խավերի հեղափոխական ձախացման պրոցեսի առաջն առնելու համար:

Ժամանակի կղերա-պահպանողական ու բուրժուա-աղքայնական մամուլում տեղ գտած, գրական էտիկային անհարիր հայհոյաբանությունն անխնա ձաղկում էր ֆելիետոնիստ Գ. Կալատուզյանցը: Հեզնաբար, այն քաղաքականության անհրաժեշտ տարր է համարում երգիծաբանը, երբ իր «Պոլիտիկուրի գուրձերիմեն» խմբագրական հոգված-ֆելիետոնում²⁶ գրում է, թե քաղաքականության հարց է, օրինակ, որ Թոփչյանը «Ալիքի» էջերում «մե գլուխ» հայհոյում է սոցիալգեմոլիբատներին: «Կայծն» էլ դաշնակցականներին «փիսփիս բանիր է ասում, խուլիգան է կանչում» և լավ է անում, գրում է ֆելիետոնիստը, քանի որ վերջիններս էլ նրանց զրպարտում են: Եվ, այնուհետեւ, «Մշակի» էջերում Համբ. Առաքելյանը հայհոյում է և «Ալիքին» և «Կայծին», որոնք էլ իրենց հերթին հայհոյում են «Մշակին»: Երգիծաբանի ասելով, քանի որ «Խաթաբալան» էլ հեռու չէ քաղաքական պայքարից, նա էլ հայհոյում է դրանց բոլորին:

²⁶ «Խաթաբալան», 1906, № 9, էջ 66—67:

Թե որքան հեղինակազրկվել էին դաշնակցական «պրո-պագանդիստները» և որքան անցանկալի հյուր էին նրանք իրենց այցելության ու շրջագայության վայրերում, երեսում է «Խաթաբալային» Ղարսից ուղարկված նամակից: Նամակի հեղինակը, Ղալայչի Մարգարը, որն երգիծաթերթին մշտապես աշխատակցող և նրանում Ղարսի բարբառով գրող Ս. Տեր-Մելիքսեղեկյանն է, ծաղրելով Ե. Թոփչյանի «սոցիալիստական» քարոզը, հանդիս գալով իբրև տուժած կողմ, գրում է. «Եղիշե Թոփչյանը իմ տունս քանդեց, Աստված ալ իրեն տունը քանդե: Վելոր ատ Խաթաբալային Ղարս դրկեց, Աստված անոր տունն ալ քանդե: Վեր մաշինով որ եկավ, Աստված ան մաշինան ալ քանդե: Քյասա ըսինք, ատ Հարիֆին ոտը կոտրեր, Ղարս չգար ու աս զուլումը իմ զուխս չբերեր»²⁷: Այնուհետև, ֆելիխետոնում սրամիտ կերպով ցույց է տրվում այն կեղծ դիմակը, որ հագել էին դաշնակցականները, ժողովրդին ներկայանալով որպես սոցիալիստներ:

Առիթն օգտագործելով, երգիծաթերթի հաջորդ համարում խմբագրությունն իր «Սուրհանդակ» բաժնում տպագրում է Ղալայչի Մարգարին հասցեազրված պատասխան-նամակը, ուր թղթակցին հաղորդվում է, որ Ե. Թոփչյանը անշափի դայրանալով նամակից, սպասնում է գալ Ղարս, ասելով թե. «Անոր պիտի գետնի տակն անցունեմ», և որ իր հետ բերելու է նաև Գ. Խաժակին:

Եվ այսպես, հետևողականորեն ու աննահանջ կերպով «Խաթաբալան» ձաղկում է դաշնակցությանը, նշավակում նրան, ծաղրում նրա կեղծ «սոցիալիստական» էությունը: Իսկ դաշնակցության հետ տեղի ունեցած հայտնի մետամորֆոզն էլ յուրովի երգիծական բեկում է գտնում նրա էջերում:

Որքան սարկազմ ու քաղաքական խորիմաստ երանգ կա այդ առթիվ այն քառասող նամակի մեջ, որ հորինվել է «Խաթաբալայում» «Մշեցի դաշնակցական դինվորի բողոքը» վերնագրով: Աչա այն. «Չարի մկա դուք դաշնակցություն իք,

²⁷ «Խաթաբալա», 1906, № 9, էջ 71:

դորմ լե մացիք էղաք սոցալություն, մկա լէ կըսիք դեմդրատ իք, էդ խո էղաք հնչակություն»²⁸: Քաղաքական նույն նպատակն է հետապնդում նաև «Հայի զատիկը» ծաղրանկարը²⁹, որը մերկացվում են այն ազգային գործիշները, որոնք ընդհանուր լեզու էին փնտրում երիտասարդ թուրքերի հետ:

«Խաթաբալայի» տեսադաշտից դուրս չէր մնում հայկական իրականության մեջ գործող հասարակական-քաղաքական ոչ մի հոսանք: Այդ հոսանքները, նրանց մամուլը, յուրովի գնահատվում և արժեքավորվում էին երգիծաթերթի կողմից: «Խաթաբալան» կարծես ինքնակամ ստանձնել էր Ձեմիդայի դեր, որ ճշմարտության կշեռքը ձեռքին ձգտում էր արդարամտության իր խոսքն ասել իրեն շրջապատող յուրաքանչյուր երևույթի նկատմամբ: Կարո՞ղ էր, օրինակ, «Խաթաբալան», որ թշնամի էր նացիոնալիզմի, անհաշտ էր նեղ ու փատած ազգայնականության յուրաքանչյուր դրսերման նկատմամբ, անտարբերությամբ անցնել այնպիսի երևույթի կողքով, ինչպիսիք սպեցիֆիկան էր, իրենց՝ «Սոցիալ-դեմոկրատական բանվորական հայ կազմակերպություն» անվանող հոսանքը: Պատասխանը ինչպես երևում է, բացասական պիտք է լինի: Ահա ուրեմն, բազմաթիվ առիթներով «Խաթաբալան» կծու ծաղրում ու հեղնում է «սպեցիֆիկներին», նրանց տպագիր օրգան «Կյանք»-ին ու նրա գործիշներին:

«Խաթաբալայի» մերկացումներն անտարակույս առաջադեմ նշանակություն ունեին, և նպաստում էին իրականում աշխատավորներին ինտերնացիոնալիզմի ոգով դաստիարակելու գործին:

Վ. ի. Լենինը սպեցիֆիկներին որակում էր որպես բունդիկմի ճիմքերի վրա գործող մի զույգ կազմալուծիշներ, որոնք «Հրատարակում են ամենադատարկ բաներ»: Սպեցիֆիկների պարագլուխ Բախշի հշխանյանի խմբագրած, Թիֆլիսում լույս տեսնող «Կյանք» թերթն այդ դատարկության մի տիպիկ օրինակ էր: «Կյանքին» և նրա խմբագրին հատուկ էին

²⁸ «Խաթաբալա», 1906, № 12, էջ 94:

²⁹ Նույն տեղում, 1910, № 16, էջ 181:

գաղափարական քառսն ու դրանից բխող լեզվի ու ոճի ձոռումությունն ու դատարկապորտ ֆրազաբանությունը: Ահա այդ սխոլաստիկ ոճն ու մտքերի քառսությունը, օտարութիւնը մինների տեղին-անտեղին առատորեն գործածելն է, որ «Խաթարալան» ծաղրում է՝ «Ենգուր իշխանովի «Կյանք»-ի արևը կտրեցին...» բացառիկ հնարամտությամբ հորինված ֆելիետոնում³⁰: Բերենք մի հատված ֆելիետոնից:

Սաղրաբար ընդօրինակելով հենց իրեն՝ «Կյանքին», երդիմաթերթը նրա հրատարակությունը դադարելու առիթով գրում է. «Կյանքը» հետևելով իր պատմա-քաղաքական միսիային՝ էվոլյուցիայի ձնշող լոգիկայով՝ ցարի դիմումատ, բյուրոկրատ, ուսակցիոներ կամարիլան՝ մեխեց վիժման սյունին: Դիալեկտիկ ոճով՝ մատերիալիստական տեսակետով՝ բարձր մաշշտարով՝ անխնա մտրակելով ցարիզմի վիտատեիզմը՝ պոկեց աբսոլյուտիզմի կարեւոր լուրսոսի կոնստիտուցիոն տերմինը՝ միաժամանակ բանալով հրաբխացած երկրի բերանը, և փակելով ֆինանսիստ-կրեդիտորների զըրպանները»: Ու այս ողով՝ ամբողջ ֆելիետոնը: Այստեղ է ասված, որ իրոք, մեկնարանություններն ավելորդ են:

Շարունակելով իր մերկացումները «Խաթարալան» տոիթն օգտագործում է «Սովյալները» ֆելիետոնում կրկին ու կրկին հեղնելու բորժուա-ազգայնական գործիչներին, «սոցիալիստական» ու «մարքսիստական» փետուրներ հազար «ազգային» հեղափոխականներին: Գ. Խաժակը ֆելիետոնում ներկայանում է որպես «վարժապետ, փոխտեսուչ, նախկին օրթոդոքս մարքսիստ, այժմ բյուրեղացյալ դաշնակցական» որը «սիրում է ամբողն, աթոռ և ճառ»: Երգիծաթերթը նպաստամատուց հանձնաժողովի առջև միջնորդում է «տալ նրան միշտական սանդուղք, որպեսզի երբ ուզի խոսի, և մի ավտոմատիկ ծափարան...»: Հեղնելով Բ. Իշխանյանին «Խաթարալան» որակում է նրան իրու «նախկին» խմբագիր, ակնարկե-

³⁰ «Խաթարալա», 1906, № 9, էջ 71:

լով նրա սնամեց «Կյանքը», ընծայելով նրան նաև «Փրանտոցիալ-դեմոկրատ» պիտակը:

* * *

Հետազոտության ընթացքն ինքնաբերաբար մեղ կանգնեցրեց մի շատ հետաքրքրական հարցի առջև: Եթե «Խաթարական», որպես մամուլի առաջադեմ-դեմոկրատական օրգան, արձագանքում և յուրովի մեկնաբանում էր իրեն շրջապատող հասարակական-քաղաքական միջավայրի քիչ-շատ նշանակալից իրադարձությունները, ապա կարող էին արդյոք նրա տեսադաշտից դուրս մնալ պատմական թատերաբեմ ելած հասարակական առաջավոր նոր ուժերը: Փաստերն, անշուշտ, «Խաթարակալի» օգտին են խոսում:

Ցարական գրաքննության դամոկլյան սուրը, որ մշտապես ահարկու կերպով կախված էր հեղափոխական մամուլի զիմին, հարկադրում էր նաև «Խաթարակալային» կես-կատակով, կես-հումորով մերժել բոլոր կուսակցությունների ծրագրերը և ազգարարել, որ նա ընդունում է միայն «Խաթարակալային հեղափոխությունը» և «Զուտ հեղափոխական «Խաթարակալային» կուսակցությունը», որի դրոշի վրա գրված է. «Խաթարականներ բոլոր երկրների, միացե՛ք»:

Սակայն դրա հետ միասին «Խաթարակալի» էջերը վկայում են, որ երգիծաթերթը, բացասաբար խոսելով ժամանակի բուրժուական, ազգայնական կուսակցությունների ու նրանց գործիչների մասին, ոչ մի շափով և ոչ մի դեպքում որևէ աննպաստ կարծիք կամ վերաբերմունք չի արտահայտել առաջավոր ուժերի և նրանց առաջնորդների մասին:

Այսպես, օրինակ, միջազգային պրոլետարիատի հանճարեկ ուսուցիչներ կ. Մարքսի և Ֆ. Էնգելսի անուններին «Խաթարակալի» էջերում կարելի է հանդիպել շատ առիթներով: Եվ, մանավանդ, այն դեպքում, երբ երգիծաթերթը ծաղրում էր ժամանակի որոշ քաղաքական գործիչների ու կուսակցությունների կեղծ «սոցիալիստականությունը», խաժակների ու

թոփշյանների նման «օրթոդոքս մարքսիստներին»: Հատկանշանական է, որ երգիծաթերթը Կ. Մարքսի մահվան 25-ամյակի առթիվ տպագրել է նրա լուսանկարը, որի տակ կազմված հետևյալ մակագրությունը. «Աշխարհահոչակ սոցիոլոգ և քաղաքատնտես Կ. Մարքս»³¹:

Ստ. Շահումյանի դիմանկարի բնութագրմանը հանդիպում ենք «Խաթաբալյայում» տպագրված նույն «Խովանները» ֆելիետոնում³², որը կենսագրական բառարանի բնույթ ունի: Նրանում դիպուկ գնահատականներ կան միաժամանակ հայ հասարակական-քաղաքական, ինչպես նաև գրական միջավայրում գործող դեմքերի մասին³³:

Միջանկյալ նշենք, որ այդ և նման բնույթի ֆելիետոնները պատկանում են Աշոտ Աթանասյանի գրչին և շատ բնորոշ են նրա հասարակական-գրական դիմանկարի համար: «Խաթաբալյի» գաղափարական խմբագիր Աշ. Աթանասյանը մերձավոր շփում ուներ մարքսիստական շրջանների հետ, իսկ Ստ. Շահումյանն էլ իր հերթին, գնահատելով Աշ. Աթանասյանի առաջադիմական-դեմոկրատական հայացքները, երգիծաբանի նրա շնորհքն ու իսկական տաղանդը, բոլշևիկյան «Կայծում» տպագրում էր Աշ. Աթանասյանի սրամիտ հրապարակախոսական ֆելիետոնները:

Ստ. Շահումյանի մասին ֆելիետոնում ասված է, որ նա հայ բոլշևիկ է, սոցիալ-դեմոկրատ: Կենսագրականի վերջում ասվում է, որ նրա զավակները պրոլետարներ են, դրա տակ գնելով, մեր կարծիքով, այն խորիմաստ գաղափարը, որ Շահումյանը պրոֆեսիոնալ պրոլետարական գործիչ է:

³¹ «Խաթաբալյա», 1908, № 14, էջ 160:

³² Նույն տեղում, 1907, № 35, էջ 290—291:

³³ Նույն տեղում:

ԵԿԵՊԵՑԻՆ ՈՒ ԿՂԵՐԱԿԱՆՈՒԹՅՈՒՆՆԵՐ ԵՐԳԻՇԱԿԱՆ
ՀԱՅԵԼՈՒ ՄԵԶ

Կրոնի և Հայ եկեղեցու մասին «հաթաքալայում» պարունակված երգիծական խարանման բնույթի նյութերն արտացոլում են այն եղելությունը, որ կալվածատիրական հոգատիրության և ինքնակալության վերացման համար Հայ աշխատավորների հեղափոխական պայքարը սերտորեն զուգակցվում էր եկեղեցական-վանքապատկան հողատիրության վերացման համար մղվող պայքարով:

Հասկանալի է, որ 1905—1907 թթ. հեղափոխությունը սպառնում էր ոչ միայն ազնվական-կալվածատիրական, այլ և եկեղեցական-վանքապատկան հողատիրությանը: Ճորտատիրության մնացորդները ոչնչացնելու հետ միասին, հեղափոխությունը խնդիր ուներ ազատագրել աշխատավորներին նաև հոգևոր սարկությունից: Վ. Ի. Լենինը ուսւածողութիւնի նկատմամբ հպարտության բարձր զգացմունքով էր գրում, որ 1905 թ. ուսւածողությունը «սկսեց տապալել տերտերին ու կալվածատիրոջը»¹, ընդունել «փարաչավոր ճորտատերերի» դեմ:

Ռուսական առաջին հեղափոխության տարիներին լայն ժամանակական առաջարկ էր ստացել եկեղեցական և վանքապատկան հողերը բռնապալելուն ուղղված զյուղացիական շարժումը: Գյուղացիների հակակղերական բռնապալելուն անեղի ունեցան Մերձբալթյան երկրներում, Ուկրաինայում, Բելոռուսիայում և

1 Վ. Ի. Լենին, Երկեր, Հատ. 21, էջ 119:

Պովոլժյեում: 1905 թ. Հակակղերական շարժումը հատկապես լայն թափով էր ծավալվել Վրաստանի Օղուրգեատի, Զուգդիդի, Սենակիի, Գորիի, Դուշետի, Թիֆլիսի և Թելավի գավառներում: Հեղափոխական գյուղացիները բռնազրավում էին կալվածատիրական հողերը, հրաժարվում էին հոգեորականներին պահելու ժախսերը հոգալուց:

Ազատազրական պայքարն իր ալիքների մեջ էր առել նաև Հայաստանի գավառները: 1905 թ. գյուղացիական հեղափոխական ելույթներ տեղի ունեցան Երևանի, Էջմիածնի, Ալեքսանդրապոլի, Ղարսի, Զանգեզուրի և այլ գավառներում: Յարական ռեժիմից ու կալվածատիրական կամացականությունից զայրացած, հողազուրկ ու հարստահարված հայ գյուղացիները, որոշ գավառներում, բռնազրավում էին կալվածատիրական ու վանքապատկան հողերը, հրաժարվում եկեղեցուն ու հոգեորականներին տուրքեր վճարելուց:

Անհետաքրքիր չէ այստեղ համառոտ գծերով պատկերել, թե սոցիալ-տնտեսական ի՞նչ նախազրյալներ ու հող կային հայ իրականության մեջ հակակղերական շարժման համար: Դրա արմատները, հարկավ, գտնվում էին այն մեծ շափերի հասնող եկեղեցական հողատիրության մեջ, որ գյուղացին ուներ ինչպես ամբողջ Ռուսաստանում, այնպես էլ կայսրության ծայրագավառներում, այդ թվում նաև Հայաստանում: Խոշոր հողատեր-կալվածատեր էր առաջին հերթին ինքը՝ Մայր աթոռ էջմիածնի վանքը: Վերջինիս էր պատկանում շրջակա հինգ հայկական գյուղերը, որոնց բնակչները բազմապիսի ճորտական պարտավորություններ էին կատարում վանքի նկատմամբ: 1907 թ. ալյալներով կոսու Հաղպատ գյուղի Մբ. Նշան վանքին էր պատկանում 500 գեույատին հող, այսինքն այնքան որքան հողային տարածություն պատկանում էր գյուղի ամբողջ աշխատավոր գյուղացիությանը: Հայտնի է, որ այդ գյուղի մոտավորապես տասը հազար դեսյատին հողային տարածությունից 8500-ը իշխան Բարաթովի կալվածքն էր²:

² «Կավկազի կալենդար», 1907 թ.

Բնականորեն, անտեսական այս նախադրյալներն առաւ սնունդ էին տալիս հողի և աղատության համար ոտքի ելած հայ աշխատավոր գյուղացիության հակակղերական տրամադրություններին ու, նույնիսկ, բացահայտ ելույթներին:

Քաղաքի և գյուղի հայ աշխատավորների հակակղերական տրամադրությունների նշանակալից արտահայտություններից էր այն անտարբերությունը, որ ցուցաբերեցին նրանք էջմիածնի գաշնակցական կենտրոնական ժողովի, «Հայկական սահմանադրության» և, ընդհանուր առմամբ, հայոց կաթողիկոսի 1906 թ. մանիքնաստ-կոնդակների նկատմամբ: Այդ մասին հանգամանորեն իր ժամանակին գրել է Ս. Սպանդարյանը: «Հայկական սահմանադիր ժողովը» վերնագրով բոլշևիկյան «նոր խոսք» թերթում հրապարակած իր հոդվածում³, համոզիչ կերպով ցուց տալով գաշնակցական «Սահմանադիր ժողովի» ռեակցիոն, հոկանեղափոխական էությունը, նա նշում էր, որ հայ ժողովուրդը անտարբեր գտնվեց այդ «Ազգային հեղափոխության» նկատմամբ: Դրա ապացուցն էր հայկական եկեղեցիներում տեղի ունեցած պատգամավորների ընտրություններին հայ աշխատավորների շնչին քանակով մասնակցությունը: «Ժողովուրդը,—գրում է Ս. Սպանդարյանը,—մինչև անգամ չգիտե, չի իմանում, թե ինչով պիտի զրադվեն այնտեղ «ազգի ընտրյալները»:

Հոգեորականության դեմ բացահայտ, զայրալից ելույթ ունեցան էջմիածնի հեղափոխական գյուղացիները: Ճիշտ է, այդ ելույթը խնդրագրի կերպարանք ուներ, բայց այն վկայում էր հայ աշխատավոր գյուղացու դասակարգային-քաղաքական դիտակցության գարթոնքի մասին: Էջմիածնի՝ նախկին վաղարշապատի, գյուղացիական համայնքի անունից Մինողին ուղղված 1906 թ. հունիսի 2-ի հանրադրում⁴, որի տակ ստորագրել էին 339 բնակիչներ, ցասումով գրված էր, որ նույ-

³ Ս. Սպանդարյան, Երկեր, Հատ. 1, էջ 111—112:

⁴ «Революционное движение в Армении 1905—1907 гг.», Сб. документов и материалов, Ереван, 1955, стр. 280.

նիսկ կալվածատերերն այնպես անգութ չեն վարվում քրտինք ու արյուն թափող ժողովրդի հետ, ինչպես հայ եկեղեցու հոգեոր կառավարիչները: Հանրագրի հեղինակները, նկարագրելով բազմապիսի հարկերի տակ հեծող հայ համայնքի ծանր անտեսական վիճակը, պահանջում էին շեղյալ հայտարարել տարիների կուտակված ճորտական պարտքերը, զգալիորեն թեթևացնել գլխահարկը, այգիների համար գանձող տուրքերը, ինչպես նաև աշխատավոր զյուղացիներին հյուծող ճորտատիրական բահրան:

Էջմիածնի հոգեոր կառավարիչները, քաջ գիտակցելով, որ հանրագրիք հենց իր ձեմ մեջ բովանդակում էր զյուղացիության դեռևս շհասունացած հեղափոխական վճռականությունն ու կրոնական հոգեբանությամբ ստրկացված հայ զյուղացու հետամնացությունը, շահագործողական դասակարգերին հատուկ ամենախորամանկ «փաստարկումներով», մերժեցին խնդրագրի պահանջները:

Այդ իրադարձությունն, անտարակույս, անհետեանք շանցավ: Հայ զյուղացին պարզապես տեսնում և համոզվում էր, որ իր երազած հող և աղատություն գաղափարը կարող էր հաղթանակել միայն հեղափոխական պայքարի հանապարհով:

Կալվածատերերի և հոգեորականության դեմ կոռու Հաղպատ զյուղի հեղափոխական զյուղացիների պայքարի մասին է պատմում բոլշևիկյան «Կայձ» թերթում տպագրված մի թղթակցություն: Զայրալից բոլոր հայտնելով Հաղպատի վանքի ստահակ ու լրտես վանահայր Միքայել Վարդյանցի հակառակովրդական վարքադի առթիվ, երբ նա վատնում ու յուրացնում էր վանքի միջոցները, ցարական իշխանություններին, ոստիկանությանը մատնում հեղափոխական գործիչներին, զյուղի հասարակությունը, թիֆլիս ուղարկած իր երեք պատգամավորների միջոցով, իշխանությունից պահանջում էր հեռացնել նրան զյուղից, և վանքի անտեսության կառավարման գործը հանձնել ժողովրդի ձեռքը:

Հայ աշխատավոր խավերի ու, հատկապես, զյուղացիության հակակղերական այդ ելույթներն ու տրամադրություններն էին, որ թափանցել էին «Խաթաբալայի» էջերը, որոշել նրա հակակղերական դեմքն ու ուղղությունը:

Բնականաբար «Խաթաբալան» իր երգիծական նիզակի սուր ծայրն ուղղել էր առաջին հերթին էջմիածնի հոգևոր «կայսրության» վրա, որն իր հոգեվարքն ապրող ավատականության խոշոր նեցուվներից մեկն էր: Կղերականության մերկացման համար օգտագործվում և երգիծական ընդհանրացման էր հասցվում Մայր աթոռի կյանքի հետ կապված ամեն նպաստավոր առիթ: Դրանցից մեկը, ինչպես արդեն տեսանք, դաշնակցության հորինած «Կենտրոնական ժողովն» էր:

«Խաթաբալայի» ֆելիետոնիստ Ես-շեմը, որն Ա. Աթանասյանի բազմաթիվ ծածկանուններից մեկն է, իր «Զատկական ֆելիետոննը»⁶ սկսում է էջմիածնից: Տալով կովկասի աշքի ընկնդղ հայկական բնակավայրերի հասարակական կյանքի ստվերու կողմերի սրամիտ բնութագրությունները, ահա թե ինչ է զրում նա: Սկսենք, ասում է ֆելիետոնիստը, ո. էջմիածնից. որովհետև ինչքան և ցանկացանք հայերս ազատամիտ ու արմատական լինել, բայց էջմիածնից այն կողմը չանցանք: Օրինակ ձեզ, հայկական, համաժողովրդական, համազգային, համասոցիալիստական կենտրոնական ժողովը, ուր այնպես անփառունակ սայթաքեցին մեր ուղարա սոցիալիստները: Եվ, այնուհետև, ֆելիետոն-անկետայի մեջ կարդում ենք. «Էջմիածնին.—Անտեր, անգլուխ, անմիաբան այդ սահմանադրական միապետությունը շնորհիվ անհաստատ և թույլ ձեռքերի իր բնական քայլքայմանն է մոտենում քայլ առ քայլ, օրըստօրե: Փաստեր հարկավոր չեն: Բոլորին ավելի քան ծանոթ են դրանք»:

Մյուս առիթը Մայր աթոռի տեղակալության շուրջը ծայր առած աժիոտածն էր:

⁶ «Խաթաբալա», 1907, № 17, էջ 142:

Կղերականությունն ու հայ բուրժուատղայնական կուսակցությունները, նրանց մամուլն ու հասարակական միտքը, արտակարգ աշխատավորթյուն էին ապրում, ու մտել էին իրենց խսկական դերի մեջ: Գտնվել էր հայ կյանքը հուզող խոշոր կենսական «պրոբլեմ»: Կաթողիկոսական աթոռի հաջորդի հարցը, դարի միտքը հուզող կենսական հասարակական խնդիրներին հակառակ, դրանց կողմից բարձրացվել էր «համագային» մակարդակի, № 1 պրոբլեմի՝ գեռևս կաթողիկոսի կենդանության օրոք: Այն, անշուշտ, նոր ուժով բորբոքեց վերջինիս մահից հետո:

Հոգեւոր առաջնորդարանը, մոռացած գերազույն հովվության իր «սրբազն» պարտականությունները, վեճերի, խմբային պայքարի հրապարակի էր վերածվել: Դրանք իրենց հետ բերել էին նաև համապատասխան բարքեր:

«Խաթարալան» ամենայն անողոքությամբ ձաղկում էր այդ բարքերը, զրի երես հանում աշխատավորներին հեղափոխական հունից շեղող հոգեւոր ու աշխարհիկ աղղայնական տարրերին ու նրանց պարագլուխներին: Թիֆլիսահայ բարբառով, յուրովի երգիծական երանգով հեղնում ու ծիծաղում էր ֆելիխետոնիստ Գասպար Կալատուզյանցը՝ «Էջմիածնի գուրձերեմն, տեղեկլութենի համա» ընդարձակ առաջնորդող ֆելիխետոնում⁷: Ֆելիխետոնիստը «տուտուցություն» է համարում հեղափոխական դարում զուտ եկեղեցական գործերով զբաղվելը, ծաղրում տեղակալության համար մզված թեժ պայքարի մեջ նետված մշակականներին, դաշնակցականներին, հնչակյաններին ու նորդարականներին, նրանց առաջադրած կարծեցյալ թեկնածուներին, որոնք երգիծաբանի ասելով, շատ առաքինի մարդիկ են, ու նրանց ամենամեծ բարեմասնությունն այն է, որ գողեր չեն, քանի որ «մագրամ աբա մեկը շանց տվեք էջմիածնում, վուր գող ու ավագակ լին»:

Նոր կաթողիկոսի հավանական թեկնածուի շուրջը բուրժուական ու աղղայնական գործիչների առաջ բերած թեժ

⁷ «Խաթարալան», 1907, № 42, էջ 371—372:

մենամարտը ու այն սնամեջ հուզերը, որ նորընտիր կաթողիկոսի անվան ու անձնական բացառիկ հատկությունների հետ էին նրանք կապում հայ ժողովրդին հուզող «ազգային» հարցերի լուծումը, բացառիկ հումորով ծալրում ու հեգնում էր ֆելինառնիստ Ստորա-կետը — Ա. Աթանասյանը⁸:

«Խաթաբալան» դրա հետ միասին գույներ չի խնայում ծաղրելու անկուշտ, տգետ, անմիաբան հոգեոր հովիվներին: Երգիծական մանրաքանդակներն ավելի քան հարմար էին այդ նպատակին հասնելու համար: Մի գեղքում «Հայտարարություններ» բաժնում կարդում ենք. «Մի հայ արքեպիսկոպոս, նախկին մոնթ, հաջորդ, վանահայր և ապա առաջնորդ դնում է իր թեկնածությունը առաջնորդության պաշտոնի համար. գիտե հարուստ մեռելներ թաղել՝ պատշաճին դամբանականներով, սիրում է շրջել կարետով: Առաջարկները խընդրում է թողնել Թիֆլիսի կոնսիստորիայում»⁹:

Նոգեոր հայրերի բարոյական ու քաղաքացիական նկարքի համար բնորոշ է մի այլ «Հայտարարություն»: «Խաթաբալայի» նույն թվականի № 4-ում զետեղված երգիծական հայտարարությունը հաղորդում էր, որ «Շուշլա թեմը կորցրել է մի հաստափոր ու կարմրաթուշ Առաջնորդ: Գիտողները թո՛ղ բարեհաճեն հաղորդել խաղաղարար Կոմիտեին, բավարար վարձատրությամբ: Թաքցնողներն օրենքի համաձայն դատի կենթարկվեն»:

* * *

Զկար հայ մամուլի մի օրգան, որ «Խաթաբալան» շարձագանքեր նրա մասին: «Մամուլի տեսություններ», «Անկետաներ», «Մաղթանքներ», «Հաճոյախոսություններ»՝ երգիծական այն միջոցներն էին, որոնցով երգիծաթերթը ցույց էր տալիս նրանց իր հայելու մեջ: Արդ, ինչ գնահատականի էին

⁸ «Խաթաբալա», 1908, № 15, էջ 171:

⁹ Նույն տեղում, 1906, № 1, էջ 7:

արժանանում երգիծաթերթի կողմից ժամանակի կղերական մամուլի օրգանները: Այս հարցում ևս «Խաթաբալան», անշեղորեն հետևելով իր բռնած զծին, մերթ հումորով, մերթ կծու ծաղրով երգիծական կրակի տակ էր առնում կղերական մամուլը, նշավակելով նրա հետադիմական, հակաժողովրդական էլությունը:

«Հաճոյախոսություններ» երգիծական բանաստեղծության մեջ, որի հեղինակը լիլիպուտի ծածկանվան տակ Սիմոն Սաֆարյանն է, կղերական «Հովիվի» մասին կա հետեւյալ քառյակը:

«Մաղթեմ բարի ճանապարհ
Դեպի անդարձ մյուս աշխարհ.
Միայն եթե մեծ բեռ չէ,—
Պետրոսին¹⁰ էլ հետդ տար»¹¹:

Ֆելիքտոնիստ Ստորա-կետը, մի առիթով «Հովիվին» նշավակում է որպես «Խսկական հայ մարդկանց» օրգան, ակնարկելով «Խսկական սուս մարդկանց» սեհարյուրակային կազմակերպությունը: «Հովիվն» իր «թթված էջերում», պընդում է երգիծաբանը, շատ անգամ կրկնում է այն, ինչ ասում է դաշնակցության «Ալիքը» և միայն նրան վայել են «կառավարչական ստրկոգության արտասուբներ»:

«Հայոց մամուլը Ռուսաստանում 1906թ.» մամուլի տեսության մեջ, ուր հետաքրքիր և սրամիա բնութագրություններ կան արենլահայ մամուլի համարյա բոլոր անդամների մասին, նշում է, որ շատ կղերա-պահպանողական թերթեր, ապրել են իրենց դարը և հարկադրված են դադարեցնել իրենց կյանքը: Այդ նույն ոգով է խոսվում նաև կղերական հանդես «Լումայի» մասին, պնդելով՝ որ՝ «Լուման»

¹⁰ Խոսքը «Մեղու Հայաստանի» կղերա-պահպանողական թերթի խմբագիր Պետրոս Սիմոնյանի մասին է:

¹¹ «Խաթաբալա», 1906, № 16, էջ 127:

նույնպես, սակայն առանց հորելլանի. սպասում է շաղ մեռների, նոքա էլ՝ «կումայի» մահվան լուրի»¹²:

«Խաթաբալայի» պատկերացումով, հեղափոխական փոթորկալից դարում, երբ պատմական ստեղծագործության արթնացած ժողովուրդները կուռքեր են վայր բերում դարավոր պատվանդաններից, կղերական ու ազգային-պահպանուկական մամուկի գոյությունը մի անախրոնիզմ էր, և ժամանակը ինքը դատավճիռ էր կարգում գրանց անկենսունակության ու մոտալուս մահվան մասին: Պատմության հետագա ընթացքը, ինչպես հայտնի է, ցուց տվեց երգիծաթերթի ու հալիստական այդ մտահայեցության ձշմարտացիությունը:

Կղերականության, էջմիածնի ու նրա հոգևոր հայրերի մերկացման գործում մեծ ծառայություն էին մատուցում «Խաթաբալայում» տպագրված ծաղրանկարները: Դրաֆիկական այդ գործերից ուշագրություն է հրավիրում, օրինակ, «Աստվածաշնչի տպագրությունը Ս. էջմիածնում»¹³ ծաղրանկարը, որն ընթերցողին ակնառու համոզում էր այն եղելության մեջ, որ խոշոր հոգատեր-սեփականատեր էջմիածնի բազմապիսի եկամուտներին ավելանում էր նաև սուրբ գրքերի տպագրությունից գոյացող հսկայական միջոցները:

Գաղափարական և գեղարվեստական մտահղացման ուժով, Օ. Շմելլինգի հեղինակած այդ նկարը բացառիկներից է իր նշանակությամբ: Նկարի կենտրոնում նստած հսկայամարմին ու հաստափոր, ճարպագունդ դարձած հոգևոր հայրը ձեռքում բռնած ունի «Աստվածաշնչի» օրինակը, որ հիացմունք է պատճառում նրան, մանավանդ գրքի վրա նշանակված 14000 թիվը, որը ս. գրքի տպաքանակն է:

Դա բազմաթիվ օրինակներից մեկն է: Բացի դրանից «Խաթաբալայի» նկարիչները ստեղծել են հակակղերական, հակաէջմիածնական պատկերների մի ամբողջ շարան: Դրանք մեծ մասամբ ոչ թե պարզապես տեքստերը մեկնաբանող

¹² «Խաթաբալա», 1907, № 2, էջ 23:

¹³ նույն տեղում, № 6, էջ 44:

նկարներ են, այլ նրանցից յուրաքանչյուրն ինքնուրույն գաղափարական մեծ լիցք պարունակող, մեծուժավալ հոդվածին համարժեք գործ է: Այդպիսիք են, օրինակ, «Կոնդակ սահմանադրության» նկարը, ուր վեճափառը, հաղիկ ոտքերի վրա կանգնած, ունինդրում է իր պարզեած «մանիֆեստի» հրապարակումը¹⁴, կամ «Գերապատիվ» Կ. Կոստանյան» ծաղրանկարը, որտեղ արքեպիսկոպոս Կ. Կոստանյանը, կաթողիկոսական աթոռին տիրանալու հովերով գայթակղված թակում է վեճարանի դռները¹⁵:

Հոգևորականության շրջանում արմատացած կաշտուկերությունն ու ստահակությունն է ծաղրում «Քահանայությունների քննությունը» ամբողջ էջ գրավող ծաղրանկարը (1906, № 8, էջ 60): Էջմիածնի ավերված ու կողոպտված գանձարանի վիճակն է պատկերում մի այլ ծաղրանկար, որի տակ գրված է հետևյալ մակագրությունը. «Մայր աթոռի գանձարանը և ճեմարանի ուսուցիչների ոռնիկ ստանալը»: Նկարում, կուշտ ու հաստափոր հոգևոր հայրը, զրամի փոխարեն գանձարանում վխտացող մկներ է բաժանում մի խումբ ուսուցիչների: Խմբի մեջ պարզ նշմարվում են հայ մշակույթի հանրահայտ դեմքեր, մեծանուն բանաստեղծ Հ. Հովհաննիսյանը, բանասիր, արվեստագետ ու լրագրող Գ. Լոռնյանը և մյուսները (1906, № 16, էջ 128):

Ռեակցիոն, միապետական կարգերի նախանձախնդիր պաշտպան հոգևորականությանն է մերկացնում «Խաթարալայի» 1906 թ. № 26, էջ 217-ում ապագրված ծաղրանկարը, ուր նոր նախիջեանի թեմական դպրոցի հեղափոխականորեն տրամադրված բարձր դասարանի աշակերտներին, երկրորդ հարկի պատշպամբից փողոց է նետում «քաջամարտիկ Մուշեղ պարդապետը»:

Վերը նշված նկարաշարից իրենց գաղափարական հագեցվածությամբ ու էմոցիոնալ աղղեցության ուժով աշքի են

¹⁴ «Խաթարալա», 1906, № 1, էջ 6:

¹⁵ Նույն տեղում, № 8, էջ 60:

քնկնում նաև «էջմիածնի շուրջը» մակագրությամբ նկարը¹⁶, ուր նրա հեռավոր պլանում պատկերված է էջմիածինը գիշերով, իսկ առաջին պլանում՝ երեք քաղցած գայլեր ոռնում են նրա վրա, «Հայելիների մեջ զուգվում են, թե արդյոք կսպե՞ հայրապետական վեղարախաչը» ծաղրանկարը¹⁷, ուր պատկերված են պատմական, իրական անձնավորություններ, մեծախորժակ «կաթողիկոսացուներ»՝ Կարապետ Շ. Վարդապետը, Սուրբիաս արքեպիսկոպոսը և տեղակալ Սուրենյան արքեպիսկոպոսը: Էջմիածնի կողոպտված գանձարանի վիճակն է պատկերում «էջմիածնի դրությունը նման փետրաթափ աքաղաղի» ծաղրանկարը¹⁸, որտեղ Մայր աթոռ էջմիածնի վանքի ընդհանուր ֆոնի վրա պատկերված են լացող ու արտասվող մի խումբ վեղարավորներ, որոնցից մեկի ձեռքում կա փետրահան արված աքլոր:

Հասարակական-քաղաքական խոր բովանդակությամբ ու գեղարվեստական կատարման ուժով առանձնանում է նաև այն մեծադիր ծաղրանկարը, որ կրում է «Հայելիական դրախտում» վերնագիրը¹⁹: Եվան՝ Հայ բուրժուազիան, արգելված պարուղ գայթակղում է Աղամին՝ Հայ ժողովրդին: Նկարիչն այդ Հրապուրման մեջ տեսնում է կաթողիկոսական ընտրությունների առիթով՝ Հայ աշխատավոր ժողովրդի ուշադրությունն ու միտքը շեղելու գործում աիրապետող աշխարհիկ և հոգևոր վերնախավերի գործադրած ջանքերի առասպելական անհեթեթությունն ու սնամեջ, վնասաբեր էլությունը:

Այդ նկարաշարի մեջ, իր հակակղերական նպատակաւորացությամբ, աչքի է ընկնում նաև Գարեգին Երիցյանի հեղինակած «էջմիածնա սինոդում» սուր Հրապարակախոսական նկարը²⁰, որտեղ մերկացված են հոգևոր սինոդում տիրող Հակածողովրդական բարքերը:

¹⁶ «Խաթարալա», 1907, № 45, էջ 405:

¹⁷ Նույն տեղում, № 47, էջ 440:

¹⁸ Նույն տեղում, № 48, էջ 441:

¹⁹ Նույն տեղում, 1908, № 15, էջ 169:

²⁰ Նույն տեղում, 1909, № 19, էջ 223:

Գաղափարական թանձր լիցքով ու ընդհանրացման ուժով ուշագրավ է զրաֆիկական մի գործ ևս, որը կրկին, կարծես, եզրափակում է վերը նշված հակակղերական նկարաշարը: Դիտում, հիանում ու զարմանում ես, թե ինչ անսպառ ու համապարփակ հնարավորություններ ու արտահայտչական ուժ է պարունակում իր մեջ սոցիալական երգիծանքը: Թեթև հումորը, կծու ծաղբն ու քաղաքական խորը մտահղացումը, այս ամենը, այնքան ուսուցիչի կերպարանք ունեն նկարում, այնքան վարպետորեն են միաձուլված, որ նրան անփոխարինելի ու պատմական արժեքավոր վավերագրի ուժ են հաղորդում^{21:}:

Հայ բուրժուա-ազգայնական մտավորականության գաղափարախոսության ու վարքագծի քննադասությանն ու մերկացմանն է ուղղված 0. Շմերլինգի հեղինակած պատմականորեն ճշմարտացի ու տաղանդավոր ձեռքով գծված հիանալի մի ծաղբանկար: Խորունկ է այդ նկարի բովանդակությունը:

Երգիծաթերթի շապիկի վրա, ամբողջ հասակով, հսկայական գավազանը ձեռքին, պատկերված է ինքնագո՞ւ ու ժպտադեմ հոգեսորականը: Բուրժուական մտավորականության մի խումբ, պատսպարվել է նրա փարաչայի տակ: Նկարի առաջին պլանում, խմբի առջև է «սոցիալիստ» դաշնակցականը:

Ծաղրանկարի տակ դրված է այս մակագրությունը. «Թե որտե՞ղ և ինչպե՞ս է պատսպարվում հայ ամբողջ ազգը իր իրավունքներով հանդերձ»:

Մերկացման հսկայական լիցք բովանդակով այդ սուրբաղաքական ծաղրանկարը, որ հորինվել է ստոլիպինյան ու եակցիայի ամենաթեժ օրերին, հնդափոխական, քաղաքական ծաղրանկարի հիանալի նմուշ է ու մնայուն գործ: Նկարի ուղղակի ասում է, թե. «Հայ աշխատավոր, սրանք չեն, որ քո բարեկամներն են: Ճանաչի՞ր քո իսկական բարեկամներին և քո շահերի անկեղծ պաշտպաններին»:

²¹ Նույն տեղում, 1908, № 10, էջ 109:

«Խաթաբալայի» հակակղերական ելույթներն արտացոլում էին հայ աշխատավոր խավերի գիտակցության մեջ եկեղեցու և հոգևորականության նկատմամբ այն նշմարելի բեկումը, որ առաջացել էր ոռոսական առաջին հեղափոխության ազդեցության հետևանքով; Եվ հասկանալի է, որ եկեղեցու և հոգևորականության նկատմամբ վաղեմի վստահության խարխըլման այդ պրոցեսը, որ շարունակվում էր ամբողջ տասնամյակ, այն հիմքերից մեկն էր, որոնց վրա ձևավորվեց սովորական կարգերի հաղթանակից հետո հայ աշխատավորների հակակրոնական և մատերիալիստական աշխարհայացքը, տեղի ունեցավ բնակչության ճնշող մեծամասնության վճռական խղումը կրոնից ու, սոցիալական ազատագրության հետ միասին, նրա ազատագրումը հոգևոր սորկությունից:

ՀԱՅ ԺՈՂՈՎՐԴԻ ՍՈՑԻԱԼ-ՔԱՂԱՔԱԿԱՆ ԿՅԱՆՔԻ ԱՐՏԱՑՈՒՈՒՄԸ

Կյանքի ընկալման ու աշխարհզգացողության զարժանաւով անսպառ հնարավորություններ է երեան բերում երգիծանություն: Նա երկյուս չի կրում նույնիսկ ընդգրկելու անընդգրկելին: Հավանաբար դրա մեջ է իսկական երգիծանքի կոշումը: Սեյսմոզրաֆիկ զգայնականությունն ու ամենատես աշբը պետք է որ նրա մշտական ուղեկիցը լինեն:

Դրանում մի ավելորդ անգամ համոզվում է հետազոտողը, երբ խորամուսի է լինում «Խաթաբալայի» այն նյութերի մեջ, որտնք արտացոլում են հայ ժողովրդի կյանքի դրամատիկ պահերով հարուստ անցուղարձնը: Այն, ինչ մենք տեսանք մինչև այժմ, դրան ավելանում է մտքերի, գաղափարների, պատկերների մի ամերոշ աշխարհ, երբ երգիծաթերթը հաճախ ներկայանում է որպես հայկական կյանքի յուրահատուկ տարեզրություն ու հանրագիտարան: Ժամանակի ու դարի շունչն էր դա: Աշխատավոր հայ շինականի, արհեստավորի ու բանվորի տնտեսական ծանր կացությունից մինչև նրանց քաղաքական իրավագրկությունը, հայ զյուղացու մշտական ուղեկից սակավահողությունն ու նրա անգութիւնները, սովու ու համաճարակը, արևմտահայ բազմատանջ եղբայրների ողբերգությունն ու թուրքական բռնադատիչներից նրանց ազատագրման հարցերը, հայկական հարցն ու եվրոպական կեղծ բարեպաշտ զիվանագիտությունը, հայ ժողովրդի փարթամ դիրն ու զրականությունը, սքանչելի արվեստը, թատրոնն ու դպրոցը, գրողն ու դերասանը, լրագրողն

ու հրապարակախոսը—այս ամենը երգիծաթերթում ժողովրդի կյանքի լայնակատավ համայնապատկեր են գծում:

Հայ ժողովրդի տնտեսական կացությունը պատկերող նյութերն առաջին հերթին ցուցադրում են այն հանրահայտ եղելությունը, որ մեր դարասկզբին և Հայաստանը մնում էր որպես ցարական Ռուսաստանի գաղութային կցորդը, որի սոցիալ-տնտեսական հարաբերությունների մեջ պահպանվում էին զգալի ճորտատիրական մնացուկներ: Բազում անգամ ասված և գրված է նաև այն իրողությունը, որ նոր, կապիտալիստական հարաբերությունների զարգացման հետևանքով անկասելի կերպով շարունակվում էր հայ զյուղի հնամենի նահապետական հիմունքների քայլքայումը, առաջ բերելով զյուղում հասարակական նոր ուժերի գոյացում ու գյուղական հիմնական զանգվածների տնտեսական քայլքայում ու աղքատություն:

Մանր ու անհրապույր էր միշտ կորովի, սակայն ընշապուրի հայ աշխատավոր զյուղացու կենսավիճակը: Եվ «հաթարալան» ցավով, բայց և մեծ համակրանքով, գծում էր զյուղացիական կյանքի տյդ պատկերը, որի հիմնական գաղափարական լիցքը բողոքն ու ցասումն էր սոցիալական անարդարությունների ու տիրող կարգերի, զյուղացուն հարստահարող կալվածատիրուց ու կուլակի, վաշխառուի և ցարական աստիճանավորների կամայականությունների նըկատմամբ:

«հաթարալան», իրավացիորեն, դարաշրջանի շարիքը, աշխատավոր զյուղացիության ընշապրկության զիսավոր արմատը տեսնում էր կալվածատիրական հողատիրության մեջ: Միջնադարից եկող սոցիալական այդ անարդարությունն այն պատվանդանն էր, որի վրա բարձրանում էր ցարական ուղղմա-ֆեոդալական ինքնակալության բյուրոկրատական շենքը: Այդ պատվարը կործանվելու հետ միասին ճանապարհ կրացվեր զյուղացիական աղատագրության համար: Դրան էր ուղղված առաջին հերթին ոռւսական աղատագրական շարժման սուր ծայրը: Այդ նպատակին էր ուղղում իր

ընթերցողների միտքն ու գործելու կորովն երդիծաթերթը, զարմանալի լակոնիկ այն սրամիտ երդիծական պատկերի միջոցով, որ հորինվել էր նրա էջերում։ Ահավասիկ այն.

«Երկու գործողության հավասարությունը».

Գյուղացի+կալվածատեր=Աղքատություն։

Գյուղացի—կալվածատեր=Հարստություն»¹։

Հայ գյուղացուն մշտապես տանջող սոցիալական մեծ շարիքներից մեկը սակավահողությունն է եղել։ Մի կտոր ավելի հող ունենալը գյուղացու մշտական երազանքն էր։ Որքան հուզիչ պատմություններ են հյուսվել գյուղացիական կյանքի այդ ողբերգական կողմի վերաբերյալ։ Դրանց միացնում էր իր ձայնը նաև «Խաթարալան»՝ մեկ բուռն ցասումով, մեկ էլ թախծոտ ծիծաղով։ Երկարաշունչ հողվածներն ու ընդարձակ բանաձեւերն այստեղ ևս ավելորդ էին համարլում։ Երգիծաթերթին հաջողվում էր այժմ էլ խտացրած պատկեր ստեղծել, որ արտահայտչական ավելի մեծ ուժ պարունակեր։

Ահավասիկ այդ պատկերը.

—Ա՞խ, մի կտոր հող տային ինձ...

—Լաց մի լինի, պատի, հող էլ կտանաս։

—Խսկ երբ։

—Երբ որ մեռնես²։

Այստեղ, ինչպես նկատում է ընթերցողը, առկա է նաև հեղնական այն շեշտը, որը ուղղված է ցարի շնորհած ձեռական քաղաքական աղատությունների դեմ։

Հայ աշխատավոր խափերի, մանավանդ գյուղացիության ժանր տնտեսական և իրավական գոյագիծակը «Խաթարալան» դարձյալ զերագասում էր պատկերել զբաֆիկական արվեստի միջոցներով, որոնք կյանքի երևույթների ընդհանրացման ու ընթերցողների գիտակցության վրա աղգելու ավելի անմիջական ու զորեղ ուժ էին պարունակում։ Մերկացնող ողբերգական շեշտով գծված հրապարակախոսական ծաղրա-

¹ «Խաթարալա», 1906, № 28, էջ 240։

² Նույն տեղում, № 27, էջ 231։


նկարը կարծես այս գեղքում ավելի ուժգին էր խփում նպատակակետին: Կղերական ու ազգայնական մամուլին, ժամանակի հայ «ազգասիրական» հրապարակախոսությանը ոչ օրինակ, ուր սվավոցն ու հառաջանքը, ողբն ու աղերսանքն էր գերակշռող տոնը, ինչպես ասում էր Ստ. Շահումյանը՝ լաւկան տիրացուական ոգին ու ոճը³, «Խաթաբալայի» երգիծանրը, նրա գրաֆիկական պատկերները հայ աշխատավոր մարդու ցասումն ու վրդովմունքն էին բորբոքում, առաջ բերելով նրա մեջ գործելու և մաքառելու հեղափոխական կորով: Ի դեպ «Խաթաբալայի» տաղանդավոր նկարիչների վրձինն այստեղ ավելի արգասավոր էր գործում, քան նրա ֆելիետոնիստների գրիչը: Այդ է իրողությունը:

Գրաֆիկական այդ գործերն երգիծական խարանման մեծ ուժով հատկապես պատկերում էին հայ գյուղացիական կյանքի բնորոշ այնպիսի կողմեր, ինչպիսիք են՝ սոցիալական ու ազգային ճնշումն ու իրավագրկությունը, աղքատությունը, հայ գյուղացու կյանքի մշտական ուղեկից սովն ու համաձարակները, դյուզը հյուծող ծանր հարկերը, գաղթն ու պանդիտությունը, հողագրկությունն ու անբերրիությունը և այլ բազմաթիվ կենսահույզ հարցեր:

Իրավ է, առաջին անգամ շէ, որ հանդիպում ենք «Խաթաբալայում» տեղ գտած մեծածավալ հիանալի հրապարակախոսական ծաղրանկարի, բայց այն, ինչ գծել է նկարիչ Ռոտտերը հայ գյուղացու տնտեսական թշվառ վիճակը պատկերելու համար—եղակի գործերից մեկն է⁴: Հարկ է նշել, որ ստեղծագործական շեշտված անհատականությամբ օժտված տաղանդավոր նկարիչ Գ. Ռոտտերին առանձնապես հաջողվում է կերտել հայ գյուղացու բնորոշ գրաֆիկական կերպարը: Բաղմաթիվ նմուշներից կարելի է հիշել, օրինակ՝ Հ. Թումանյանի անմահ «Գիբորը», որի ստուերյան նկարագարգումը, կարծես սերտորեն մերվելով պատմվածքի բուն հյուս-

³ Ստ. Շահումյան, Երկեր, Հատ. 2, էջ 375:

⁴ «Խաթաբալա», 1906, № 15, էջ 120:



Մաղրանիար, «Ով է աշխատում և ով է ուտում» մակագոյլյամբ:

Դորձ, Գ. Ռուսուելի

վածքի հետ, դարձել է նրա արտահայտչական անբաժանելի մասը: Սակայն, վերագրառնանք բուն նյութին: Ռոտաերի հիշված նկարը, որի տակ գրված է «Ո՞վ է աշխատում և ով ուսում» մակագրաթյունը, բաղկացած է մեկը մյուսի հետ ներքին միաձույլ իմաստով, սերտորեն կապված երեք մասից: Առաջին մասում հայ գյուղացին, կամի վրա կանգնած, իր որդու հետ, նուանդով կալում է հացահատիկի բերքը: Երջանիկ է հայ գեղջուկը, գոհ են նրա կինն ու զավակը: Սակայն, արտարին խարուսիկ բարեկեցություն բուրող այդ նկարի հաճելի տպավորությունը նկարի երկրորդ մասում փոխարկվում է տհաճ ողբերգական պատկերի: Նկարի երկրորդ հատվածում, բերքով լի պարկերի մոտ, ձեռքերն անզոր սեղմած, կանգնած է հայ գյուղացին, ու երկյուղով նայում է բերքը կողոպաելու շտապող հարստահարիչների խմբին: Նրանցից յուրաքանչյուրը ցանկանում է մյուսից առաջ անցնել: Երեսնիվայր գետնին է գամվել գյուղացու կինը՝ ողբարով ընտանիքի դժնդակ բախտը:

Ու՞մ է պատկերել նկարիչը մակարուցների այդ ոհմակում: Ահա, ամենից առաջ, համբիշը ձեռքին, շտապում է է վաշխառուն, նրանից ջանում է առաջ անցնել, հավանաբար, կողակ-հողատերը: Վերջինիս հավասար աճապարում է տերտերը: Սրանց հետեւում են ցարական երկու պաշտոնյաներ, որոնց կերպարի մեջ մարմնավորված է ցարական իշխանությունը:

Երգիծական մերկացման ուժով մեծ ընդհանրացման է հասնում նկարիչը կտավի երրորդ մասում: Գյուղացին կողոպատված է, կողոպտված անզթորեն: Գոհունակության ժպիտը գեմքերին պյուղացու ամբողջ բերքը տանում են նրա հարստահարիչները: Այդ դեռ բավական չէ: Վաշխառուն բազում պարտքերի դիմաց տանում է նաև գեղջուկի հավանաբար վերջին անասունը: Երեսը ձեռքերի ափերի մեջ առած արտասվում է գեղջկուհին, իսկ գյուղացին, հուսակտուր, ձեռնունայն նստել է գետնին, անկարող լինելով ուղիղ նայել ահավոր պատկերին:

Ուշադիր դիտողը կարող է նկատել, որ նկարիչը նպատակ

է ունեցել արտահայտել նաև ապրած Հեղափոխական դարի շունչը: Հայ գյուղացին այլևս վաղեմի անբարբառ ու անզոր շինականը չէ: Նրա դեմքի արտահայտության մեջ ոչ թե անկարողությունն ու վճառությունն է դրեշմված, այլ պարզապես արտահայտված բողոք ու ցասում է շանհում նրա հայացքը: Կզա հատուցման ժամը,—կարդում ենք նրա աշքերում:

Նկարն, անտարակույս, հեռու է պասիվ-հայեցողական զիցք պարունակելու միտումից: Ծաղրանկարը քաղաքական նպատակասլաց բովանդակությունը ունի: Այն կոչ է ուղղված աշխատավոր գյուղացիությանը՝ դիմելու ակտիվ գործողության:

Ավելի ուշ, ստոլիսկինյան սեակցիայի ծանր տարիներին, մերը թվում էր, թե վերջ չի լինելու խավարի թագավորությանը, մերը ազատ խոսքի ամեն մի ցոլք բաժին էր դառնում տհավոր զնդանի, երգիծաթերթը, խիզախնելով, կրկին ու կրկին անդրագառնում է Հայ գյուղացու ընչափրկության թեմային, բարձրացնում ու տուազ բաշում սոցիալ-քաղաքական հրատապ ու կենսահույզ հարցեր: Ահա մեր առջե է դարձյալ տաղանդավոր Ռոտատերի Հեղինակած դունավոր բարձրարվեստ «Աշունը գյուղում» վերտառությունը կրող հրապարակախոսական նկարը⁵:

Զավեշտական տարրի ոչ մի հետք չկա նրանում: Դիտողի բռունցքը ակամայից պետք է սեղմվեր այն նայելուց հետո: Քաղաքական պլակատի մի հինալիք նմուշ է նկարը:


Շաբաթաթերթի ամբողջ էջը դրապեցնող այդ նկարը մերկու պլանով է գծված, որոնք միաձուլվում են մի ընդհանուր բովանդակության մեջ: Նկարի մի պլանում, Հայ գյուղացին իր ընտանիքի հետ միասին, ավաղ, ժամանակավոր, բայց երջանկությունն է ապրում: Նա աշնանը, շինականի քրտնաթոր աշխատանքի պահին, առատ բերք է հավաքել դաշտից: Նա, վերջապես, մեծ թեթևություն է զգում, որ իր

գերդաստանը մինչև նոր բերքը կուշտ ու ապահով կապրի։ Սակայն այդ պատրանք էր, քաղցր մի երազ միայն, որ տեսչացել է Հայ շինականը դարեղար։ Թշվառ շինականը մի պահ մոռացել էր կամ ավելի ճիշտ իրեն տրամադրում էր մոռանալ, որ նա երբէք իր բազմատանջ վաստակի տերը շի եղել։ Նա կցանկանար մոռանալ մարդ-սարդերին, որոնք դարանակալ սպասում են քամելու ու հյուծելու նրա մարմինը։ Եվ ահա, նկարի երկրորդ պլանում, հօդս է ցնդում նրա քաղցր երազը, շրանում է պատրանքը և դառն իրականությունը հանդիս է զալիս իր ամբողջ մերկությամբ։ Նկարի այդ մասում զյուղացին ձեռնունայն ու հուսաբեկ նստած է իր տան շեմին։ Կինը ողբում է ընաանիքի դժնդակ վիճակը։ Նրանց զավակը դառնությամբ ու նույնպես հուսաբեկ նայում է իր ծնողներին։ Ամեն ինչ տարել են ցեցերն ու պարտատերերը։ Գյուղացու կողքին, հատակին ընկած, պոշը կոտրած բահը ճիշեցնում է «գարձյալ նույն կոտրած տաշտակը» առածը։

Այդ նկարի զաղափարական գլխավոր շեշտն ու լիցքը զյուղացու կերպարի մեջ է։ Հայ զյուղացին բոռնցքները սեղմած, ցասկոտ հայցքով է ճանապարհում իր վերջին բանող անասունը տանող պարտատիրոջը։ «Մպասի՛ր, կգա՞ հատուցման ժամը»—այս է շնչում նրա ամբողջ էությունը։ Դժվար չէ կուահել, և այդ եղել է նկարչի մտահղացման կենտրոնական կիզակեաը, որ նկարը մեծագույն հավատ է բովանդակում ժողովրդի հեղափոխական կորովի ու գալիք նոր զասակարգային մարտերի նկատմամբ։

Հայ աշխատավոր զյուղացու ողբերգական ծանր ճակատագիրը ցայտուն պատկերել է նաև հրապարակախոս նկարիչ Օ. Շմերլինգը՝ «Հայ զյուղացին պրեսի տակ» նկարի մեջ։ Բըռնության ու շահագործողական, մարդատյաց աշխարհի դեմքին նետված մեղադրական մի ակտ է այն։ Մերկացման ինչպիսի այրող ուժ, ինչպիսի սրբազն ատելություն երկրում տիրող հանցավոր ու անօրեն հասարակական կարգի նկատմամբ։

6 «Խաթթաբալա», 1906, № 25, էջ 212.



Մաղրանկար. «Հայ գյուղացին պրեսի տակ» մակագրությամբ:
Գործ. Օ. Շմերլինզի

Երկու հզոր ձեռքեր, որ խորհրդանշում են բռնակալական կարգերը, ուժգին պատում են մամլիչի պառատակը և հայ գյուղացուց քամում նրա կենսահյութերը։ Մամլիչի տակ ձղմված գյուղացու կրծքից ու բերանից առատորեն արյուն է հոսում։ Գյուղացին արյունաքամ է լինում տիրող կարգերից — այդ է նկարի հիմնական քաղաքական մտահղացումը։

Նկարաշարի ամեն մի կտավ շնչում է հայ գյուղացու նկատմամբ սրտագին համակրանքի ու կարեկցության ոգով։ Մեծ է այդ նկարաշարը, սակայն նշենք գրանցից միայն մի քանիսը, որոնք քաղաքական-հրապարակախոսական ավելի

ուժգին լիցք են բովանդակում: Վ. Լիբկնեխտի հանրահայտ «Սարդերն ու հանձերը» պամֆլետն է հիշեցնում Գ. Գրինեսկու վրձնին պատկանող «Հայ գյուղացու արդի դրությունը»⁷ մակագրությունը կրող հրապարակախոսական-քաղաքական ծաղրանկարը: Նույնպես գունավոր այդ նկարի շրջանակի շորս անկյունում պատկերված են դիտողի մեջ գարշանք առաջացնող, արյունափում, ուռճացած սարդեր, իսկ նրանց հյուսած սոտայնի կենտրոնում խճճված հառաշում ու հեծում է հայ աշխատավոր գյուղացու ընտանիքը: Դարձյալ սոցիալական նույն այրող մոտիվը, որ պատկերված է արյունաքամ եղող հայ գյուղացին: Նկարչի ստեղծագործական երևակայության մեծ ուժ է պարունակում նկարը, ցուցադրելով այն ակնառու իրողությունը, որ ցարական-սոտիկանական կարգերը, հողատիրության այն սիստեմը, որ տիրում էր երկրում, սարդի մի սոտայն էր՝ հյուսված աշխատավոր գյուղացու շուրջը:

«Խաթաբալան» հաճախի է անդրադառնում 1906 թ. երկրամասսի. և, մասնավորապես, հայկական գավառների աշխատավորներին սպառնացող սովորի հարցին: Մեկը մյուսի հակից գծվում են սրտածմլիկ, ողբերգական պատկերներ, որոնցում սակայն պարզ նշանակում է քաղաքական-հրապարակախոսական շեշտը: Բողոքի ու ցասման ձայներ էին դրանք, որ ուղղված էին տիրող կարգերի դեմ:

Երկրին սպառնացող ահավոր սովոր ցարական բռնակայության արյունոտ քաղաքականության արդյունք էր: Այդպես էին գնահատում այն առաջավոր հեղափոխական ուժերը: «Դժնդակ սովը, — գրում էր այդ օրերին Ստ. Շահումյանը «Կայծում», — սև մահի նման արդեն մոտենում է: 222 գավառներ հաց շունեն ուտելու... Ամենից շատ վախենում է սովի արհավիրքներից այդ սովի սկզբնապատճառը — աշխարհիս ամենամեծ ոճրագործ ուռւս բռնակալությունը»⁸: Մեր-

⁷ «Խաթաբալան», 1906, № 25, էջ 212:

⁸ Ստ. Շահումյան, Երկեր, հատ. 1, էջ 180:

կացնելով տիրող դասակարգերի կարծեցյալ «Հոգատարությունը» սովոր ժողովրդի մասին, Շահումյանը բացատրում էր, որ ո՞չ փլվող գաճի վերջին սյուներ ստոլիպիններն ու գորեմիկինները, ո՞չ կալվածատիրական Դուման անկարող են ազատել միլիոնավոր մարդկանց մաճի ճիրաններից: Սովոր, որ պարբերական բնույթ էր կրում Ռուսաստանում, մեծագույն սոցիալական շարիք էր և ոչ անցողիկ մի երեսույթ:

Վերլուծելով տասական թվականներին Ռուսաստանը նոր, առանելի շափերով բռնկած սովոր սոցիալ-քաղաքական արմատներն ու գրդապատճառները, կենինը գրում էր, որ «Անբերիտություն լինում է ամենուրեք, սակայն միայն Ռուսաստանում է այն կատաղի աղետների, միլիոնավոր գյուղացիների սովոր հասցնում... Միայն վայրենի երկրներում հիմա կարելի է հանդիպել այնպիսի համատարած սովամահության, ինչպիսին կա XX դարի Ռուսաստանում»⁹:

Ռուսաստանի գյուղացին չի փրկվի անվերջանալի սովոր ու աղքատությունից, քանի նրա գեմ կանգնած են ճորտատերեկալվածատերերն ու ցարական ինքնակալությունը, նոր վամպիր ռուսական կապիտալը, գյուղացուն բռնությունների ցանցի մեջ պահող ցարական շինուանիկն ու ոստիկանը, սարաժնիկն ու տերտերը, այդ էին արմատավորում աշխատավորների գիտակցության մեջ նրանց իսկական բարեկամները: Ելքը սովոր կլուծվեր միայն բանվոր դասակարգի ու ոտքի ելող գյուղացիության միատեղ հեղափոխական պայքարի միջոցով,—տիրող քաղաքական կարգերը. նոր, գեմոկրատական աղատ կարգերով փոխարինելու միջոցով:

Երգիծական խոսքի մեջ, թե ծաղրանկարում սովոր ու աղքատությունը, տիրող շահագործողական կարգերն ու բռնությունները մի ընդհանուր շարիքի ծնունդ էին դիտվում: «Խաթթաբալան» իր «Կովկասյան լուրեր» զավեշտական բաժնում, դառը ծիծաղով, գրում էր. «Գավառներից մեզ հասած տեղեկությունները ապացուցում են, որ հացի պակասություն չկա

⁹ Վ. Ի. Լենին, Երկեր, Հատ. 17, էջ 652—653:

առջասարակ և ոչ մի տեղ չի զգացվում հարուստների ընտանիքներում։ Հաստատ համոզում կա, որ ոչ մի ապահով մարդ չի մեռնի քաղցից»¹⁰։

Բնշագուրկ հայ ընտանիքին սպառնացող սովոր կարեկցության, բայց և բողոքի ու ցասման, անկեղծ հումանիստական խոր զգացմունքներ էր ծնել ժամանակի հայ առաջավոր մտավորականության ներկայացուցիչների մոտ։ Որքան էլ անզոր ու անօգնական լինեին նրանց ժողովրդասեր զգացմունքները, միաժամանակ դրանք ցուցադրում էին նրանց հոգնհարազատությունը ընշաքաղց ու կեղեքվող հայ աշխատավոր խավերի հետ։ Սովոր ճիրաններում հեծող աշխատավոր ընտանիքի ծանր վիճակն է պատկերում, օրինակ, բանաստեղծ Լեռնիդը, նույն ինքը կառն Մարկոսյանը. «Ախ. այն երազ չէր...» շափածո քայլախներում։ Արլեստով ոչ այնքան կատարյալ, բայց հուզական շեշտով գրված այդ անպաճույք բանաստեղծության մեջ հեղինակն անկարող է հանդուրժել այն անտարբերությունը, որ այդ ժամանակներում տիրում էր հայկական միջավայրի հարուստ վերնախավերում։

Ա՛խ, դա երազ չէր, անտարբեր հայեր,
Սովոր ուրվականը մի՞թե չեք տեսնում...
Քաղցած են, քաղցած ձեր թշվառ քույրեր,
իսկ դուք խուզ, անշարժ, ի՞նչ եք մտածում...¹¹

Սովոր թեմային նվիրված գրաֆիկական գործերից, իր արտահայտչականությամբ ու ներգործման ուժով, աշքի է ընկնում «Սով արքան»¹² նկարը, որը հորինվել է ոռւս տաղանդավոր գրող ու գրամատուրդ Լ. Անդրեևի «Սով արքան» համանուն դրամատիկական գործի մոտիվներով։

Ի դեպ, տասական թվականներին կովկասյան իրակա-

¹⁰ «Հայթաբալա», 1906, № 27, էջ 225։

¹¹ Նույն տեղում, էջ 228։

¹² Նույն տեղում, 1908, № 4։

նությունը աշխուժորեն էր արձագանքում կ. Անդրեևի յուրաքանչյուր գրական ստեղծագործությանը, չնայած դրանց սիմվոլիստական մոտիվներին ու ուղղությանը: Նրա պիեսները խաղացվում էին տեղի բեմերում:

Քաջ գիտակցելով լ. Անդրեևի ստեղծագործության գաղափարական թույլ կողմերը Ս. Սպանդարյանը, այնուամենայնիվ, բարձր էր գնահատում նրա արվեստը: լ. Անդրեևի «Գաուղեամուս» պիեսի թիֆլիսի նիկոլինի թատրոնում 1910 թ. Հոկտեմբերի 16-ի բեմադրության առթիվ գրված թատերական գրախոսության մեջ Ս. Սպանդարյանը լ. Անդրեևին համարում է տաղանդավոր գրող, անվիճելի գրական մեծություն¹³ ուսւ և համաշխարհային գրականության համար¹⁴:

Այսպես, ուզեմն, լ. Անդրեևի վերացական, անարխիստական շեշտով գրված գրամայի երրորդ պատկերում, որ դատական ատյանի նիստ է ներկայացնում, և ուր նախագահում է մահը, դատվում են սովորական երաները: Չնայած սիմվոլիկ կառուցվածքին, բայց և գրամայի այդ պատկերում խոր զայրուցի կա տիրող սոցիալական կարգերի գեմ, հումանիստական խոր զգացմունքներ ու համակրանք՝ թշվառների ու սովորական նկատմամբ:

«Խաթաբալայի» նկարիչ Օ. Շմերլինգը «Սով արքան» նկարում սոցիալական մերկացման ուժը հասցրել է ամենաբարձր լարման: Մահը սիմվոլացնող զարհուրելի գանգերը, հյուծված ու սովահար զցուղացիների ողբերգական կերպարները մի կողմում, կուշտ ու ինքնազո՞ց ցարական աստիճանավորները մյուս կողմում. այդ ամենը մի անկրկնելի ցնցող տեսարան է, իսկ դրաֆիկական գործը մնայուն արժեք է ներկայացնում ոչ միայն հայ, այլև համառուսական գրաֆիկական արվեստի պատմության մեջ:

«Խաթաբալայի» այդ նկարն իր գրաֆիկական արտա-

¹³ Ս. Սպանդարյան, Երկեր, Հատ. 2, էջ 93:

¹⁴ Ս. Սպանդարյան, Հողվածներ, նամակներ, փաստաթղթեր, էջ 181:

Հայուշտկանությամբ ձայնակցում էր սուս, և հետագայում ականավոր սովետական դրաֆիլի-նկարիչ Ե. Լանսերեցի նկարազարդումներին, որոնք վեաեղված են և. Անդրեեի «Սով արքան» դրամայի 1908 թ. պետերբուրգյան հրատարակության մեջ¹⁵:

Երկրամասի Հայաբնակ գավառներում տիրող աղքատությունը, սովու ու համաձարակները, կալվածատիրական-բորժուական շահագործման ու բռնությունների ծանր լուծն են պատկերում «Հայկական գավառներում» (1906, № 20), «Հայկական գավառներում անկոչ հյուրեր—սովը, ուսպրեսիան (խստություն) և տիֆը» (1906, № 21), «Ամենուրեք» (1906, № 22), «Պանդխսություն» (1907 թ., № 5), «Հարկահանությունը Դարաբազում» (1907, № 11), «Գյուղացու դրությունը» (1908, № 22), «Գյուղերում» (1909, № 25) և հետագա շրջանում «Խաթարալայում» տպագրված շատ դրաֆիլիկան դործեր: Դրանցից յուրաքանչյուրի գաղափարական վերլուծությունը մեզ շատ հեռուն կտաներ, և հարկազրված պետք է լինեինք գծել XX դարի սկզբի Հայ գյուղի սոցիալ-տնտեսական իրավիճակի պատկերը:

* * *

Հիրավի, տարօրինակ կարող էր հնչել, որ Հայ մամուլի այնպիսի առաջավոր օրգան, ինչպիսին «Խաթարալան» էր, չարձագանքեր ոչ միայն Հայ ժողովրդին, այլև համաշխարհային Հասարակական միտքը հուլող այնպիսի իրագարձությունը, ինչպիսին արևմտահայերի ողբերգական ձակատագիրն ու նրանց գաղանային բնաշնչումն էր Օսմանյան կայսրության մեջ:

Երգիծաթերթն այդ առթիվ ուղղագիծ կերպով որևէ քաղաքական ծրագիր կամ գործելակերպ չէր առաջադրում: Այստեղ ևս դրական գաղափարը, իր ակտիվ վերաբերմունքը, երգիծան-

¹⁵ Տե՛ս Լեոնիդ Անդրեև, Ցար-գոլոդ, СПб, 1908.

քը. Հանդես էր բերում բացասաման միջոցով: Երբ 1906 թ. վերջերին գաշնակցության որդեգրած «Հայկական հարցը» Ստ. Շահումյանը որակում էր որպես «Թուրքահայ ավանդուրա» «Հայ աղօային ուսակցիայի ուեզերվ»¹⁶, «Խաթաբալայի» ֆելիկտոնիստ Կայծակը՝ (Սշոտ Աթանասյան) «Տաճկահայկական հարցը»¹⁷ երգիծական պատկերում այդ գաղափարը պաշտպանում էր յուրովի, մասնավոր փաստի հիման վրա հասնելով երգիծական լայնախոհ լնդհանրացման:

Նշված ֆելիկտոնը երկախոսության կերպարանք ունի: Հեղինակն այստեղ ևս հանդես է բներում ֆելիկտոնային երկախոսության վարպետի իր հիանալի ձիրքը, զործածելով հյութեղ լեզու ու հորինելով սրամիտ երգիծական իրազրություններ:

Ֆելիկտոնի մեջ տաճկահայ «աղօասերի» և լրագրողի միջև տեղի է ունենում այսպիսի խոսակցություն.

—Դուք Տաճկահայաստան կընդունի՞ք:

—Կընդունի՞ք:

—Տաճկահայկական դա՞տ:

—Դարձյալ կընդունի՞ք:

—Բսել է դուք դաշնակցական ե՞ք:

—Ո՞չ:

—Այդ արդեն շըլլար: Տաճկահայաստան կընդունիք, հայկական դատ նույնպես, և դաշնակցական ըլլալներդ կժխտեք:

—Ապա ինչո՞ւ երկու նախորդ պարագաները կընդունիք:

—Նրա համար, որ երկուսն էլ կան:

—Իսկ երրորդը չկա՞:

—Երրորդն էլ կա, բայց չենք լնդունիլ...

—Ահա ծրագիր մը հայրենիքը փրկելու, —ասաց խոսակիցս և մի տետրակ դրեց սեղանիս վրա:

—Չորս տարի է, ինչ այս ծրագիրը մշակած եմ, հսկայական և հայրենասեր ծրագիր մէ. Եվրոպան կդողդող,

¹⁶ Ստ. Շահումյան, երկեր, հատ. 1, էջ 290:

¹⁷ «Խաթաբալա», 1907, Խ 32, էջ 262—263:

Ամերիկան կսպրդնի, մուսիան սնանկ կհրատարակվի այս
ծրագրով, սակայն Հայրենիքը կփրկվի:

Ես խոսացած ծրագրի հետ ծանոթանալ:

Խոսակիցս հեռացավ...

Եվ որովհետև զինվորական դրության ժամանակ արգելված է պայթուցիկ նյութեր պահելը, ուստի և ես Հայրենիքի փրկության հսկայական և Հայրենասեր ծրագիրը ոչնչացրի:

Մի քանի օրից եկավ «Հոսոսը» և երբ իմացալ, որ ծրագիրը ոչնչացրել եմ, քիչ մնաց խմբագրությունը զլխիս փլցնի:

Լավ է, որ միտս ընկավ Հայրենասերի ձեռքը մի արծաթ ոռութի դնել:

Բարկությունը իսկույն իջավ և ժպտալով դիմեց ինձ.

— է՛ ոչինչ, մի շաբաթու մեջ վեց այդպիսի ծրագիր կկազմեմ. խնդրեմ չսրտնեղեք:

Այս ասելով նա դուրս գնաց:

Իե՞ղձ Հայրենիք...

* * *

Դեռևս անցյալ դարի 90-ականներին, Օսմանյան կայսրության Հայացինչ քաղաքականության հետևանքով, Հայ տարրը կրկին դիմել էր մեծահոսանք արտազաղթի: Պանդխատությունն ու օտար հորիզոններում դեգերելը դարձել էր արևմտահայերի կյանքի ու զոյության միակ փրկությունը: 900-ական թվականների վերջերին, երբ պանթուրքիզմը Հոչակվել էր որպես պետական գաղափարախոսություն, որն եռանդով իրագործում էին կարմիր սովորական Արդուլ Համիդի անմիջական ժառանգորդներ «Երիտասարդ թուրքերը», Հայերի գաղթը Թուրքիայից ավելի մեծ շափերի էր Հասել:

Թուրքական ջարդարարների անլուր դաժանությունների ու Հայերի ողբերգական վիճակի մասին պատմում են ժամանակի վավերագրերն ու մամուլը: Դրանք վկայում են, մասնավորապես նաև, որ թուրքական վանդալները ոչ միայն

բնաշնչում ու շսված հալածանքների էին ենթարկում հայ բնակչությանը, այլև ամեն կերպ խոչընդոտում էին նրանց օտար երկրներում, այդ թվում նաև Ռուսաստանում, ապաստան որոնելու համար։ Ահա թե ինչ է պատմում մեր քննության ենթակա ժամանակաշրջանի փաստաթղթերից մեկը։ Երգերումի ռուսական դլխավոր հյուպատոս Սկրյաբինը Կոստանդնուպոլսի գեսպան Զինովիին 1906 թ. հուլիսի 21-ին հղած մի զեկուցի մեջ¹⁸, տեղեկություններ է հաղորդում վիլայեթում հայ բնակչության նկատմամբ իրազործվող թուրքական բռնությունների մասին։ Հյուպատոսը, մասնավորապես, հաղորդում է, որ նույն տարվա հուլիսի սկզբներին, Դարաքիլիսայի մոտ, Թուրքական սահմանապահները ձերբակալում են 11 հայ ընտանիք, որոնք փախչում էին Մուշի սանջակից և փորձում էին Ռուսաստան անցնել։ Թուրքական զինվորները, որոնք, անտարակույս, կանխապես համապատասխան կարգապրություն էին ստացել, գաղանաբար սրախադիր են անում խմբի բոլոր հայ տղամարդկանց, իսկ կանանց և երեխաներին ուղարկում են Հասան-Դաշլա բազարի բանտը։

Վերը հիշված զրվագը մեկն է այն բազում փաստերից, որոնք վկայում են, թե ինչ կնշանակեր յաթաղանի սրից առժամանակ փրկված հայի համար գաղթն ու պանդխտությունը։

Սակայն այդ դեռևս հարցի մի կողմն է, երբ արևմտահայր մեծապույն վտանգի է ենթարկում իր և իր ընտանիքի կյանքը, բռնելով անակնկալներով լեցուն գաղթի տանջալից ուղին։ Նոր բնակավայրերում, թեկուզ և Ռուսաստանում, հայ գաղթականը, արդարե փրկվում էր ֆիզիկական ոչնչացման սպառնալիքից, բայց և ճաշակում էր պանդխտի ու թափառականի գառը բաժինը։

Արեկելյան Հայաստանում հայ զյուղացու մշտական ուղե-

¹⁸Տե՛ս «Геноцид армян в Османской империи», Сб. документов и материалов, Ереван, 1966, стр. 154.

կից սակավաշնողությունը հատկապես տնտեսական ծանր կացության մեջ էր դնում երկրամաս գաղթած բնավեր ու անօթեան հայ բնակչությանը:

Ո՞րն էր ելքը, ի՞նչ էր սպասվում հայ ժողովրդին ապագայում: Այս հարցերը ժամանակի հասարակական միտքն ու մամուլը հուզում էին խորապես: Հուզում ու ծանր մտորումների առիթ էին տալիս նաև ժողովրդի բարեկամ «Խաթարալային»:

Սպանայի սարսափները նախերգանքն էին հայկական բարթուղիմեույան գիշերվա: Դեռ պետք է գային 1915 թ. աշխարհացունց օրերը: Այդ զգում էին բոլորը, սակայն ինտուցիայով, անմարմին պատկերներով: «Երիտասարդ թուրքերը», մանավանդ 10-ական թվականներին, օրբստորենոր սնոր սնունդ էին տալիս նման տանջալից խոհերին:

«Խաթարալայի» պատկերացումով նույնպես մթության անորոշության բողով էր պատած արևմտահայ տարրի մոտալուս ապագան: Խսկ տարակուսանք չկար, որ այդ ապագան անուբախ էր լինելու, ողբերգական: Այդ էր հուզում տեղի ունեցող իրազարձությունների տրամաբանությունը:

Ցասումնալից, մերկացման խոսքով, թե զրաֆիկական միջոցներով, երգիծաթերթը հաղորդակից էր զարձնում իր ընթերցողներին ժողովրդի կյանքի մեծագույն զրամային, մեծապես օգնելով նրանց ճշմարտացի պատկերացում կազմելու հայկական միջավայրում գործող քաղաքական ուժերի ու նրանց գործելակերպի մասին:

Հայ ժողովրդի անորոշության քողով ծածկված ապագայի նկատմամբ տագնապի և անհանգստության ուռուցիկ արտահայտություն է երգիծաթերթում տեղ գտած 0. Շմերլինգի գունավոր գրաֆիկական նկարը¹⁹: Այդ նկարն այդպես էլ վերնագրված է. «Հայը և նրա անորոշ ապագան»: Խսկ հետազայում ստեղծված մի ամբողջ նկարաշար կարող է հայկական հարցի իր ժամանակաշրջանի իսկական տարե-

¹⁹ «Խաթարալա», 1908, № 8, էջ 85:

գրություն ծառայել: Ողբերգական շնչով գծված նկարի մեջ հաճախ արտացոլվում էր մի ամբողջ ժողովրդի՝ արհավիրք-ներով լի ճակատագիրը^{20:}

Հայ ժողովրդի արևմտյան հատվածի պատմական բախտի հետ կապված ամենաբազմազան հարցերը չեն իջնում «հաթաթարալայի» էջերից առաջին համաշխարհային պատերազմին նախորդած, ինչպես նաև պատերազմի առաջին երկու տարիներին լույս տեսած շրջանում: Էմպիրիկ նյութը չէ այստեղ միայն կարևորը: Ժամանակի հայկական, և ոչ միայն հայկական, ամենատարբեր ուղղությունների թերթերում ու հանդեսներում տագնապի ու կարելցության ձայներ նույնպես շատ էին հնչում: Գլխավորն այն է, թե բաղաքական-հասարակական ինչ հողի վրա էր կանգնած երգիծաթերթը, արձականքը նորագույն պատմության մեջ աննախադեպ՝ հայկական ողբերգությանը: Հենց միայն այդ հարցում հայկական լիբերալիզմի ու նրա ներկայացուցիչների բոլոժուական «աղջապասիրության» սուրբ ու անողոք մերկացումները բավական են պնդելու, որ երգիծաթերթն ամուր կանգնած էր առաջավոր գեմոկրատական դիրքերի վրա: Անտարակուսելի է, որ հայկական լիբերալիզմի, իր դարն ապրած մշակականության, դրա հետ միասին դաշնակցության, բաղաքական մերկացումները կարևոր առաջադիմական նշանակություն ունեին: Համբարձում Առաքելյանը՝ հայ լիբերալների այն պարագլուխը, որի մասին Ստ. Շահումյանը 1916 թ. գրում էր, թե «...մկրնդեղի սրսկումներ է անում իրեն թառամած երակների մեջ կենդանություն մտցնելու և նորից երիտասարդանալու համար»^{21:}, «Մշակի» շուրջը համախմբված հայ լիբերալ-բուրժուական ինտելիգենցիան, անզոր փորձեր էր կատարում հայ ժողովրդի առաջնորդի դրոշն իր ձեռքն առնելու համար: Արքան էլ այդ պատմական անախարոնիզմ էր, նույնքան էլ զավեշտական էր:

²⁰ «Հաթաթարալա», 1915, № 18, էջ 4:

²¹ Ստ. Շահումյան, Երկեր, Հատ. 2, էջ 376:

«Խաթաբալայի» ֆելիետոնիստը կծու հեղնանքով դրում էր²², որ Հաջի Համբարձումը, հուսալով մեծ տերությունների միջնորդությունը, հայերին զենքի է կանչում, միտինգներ է ուղում կազմակերպել, մտածելով, որ «ինքն է, որ կա ու պիտի մենակ աղատի թշվառ Հայաստանը»: Հեղինակը «Մշակի» ծրագիրը համարում է պրովոկացիոն, պղասում ջրում ձուկ որսալու քաղաքականություն: Ճիշտ որակելով լիբերալների անպտուղ ծրագրերը, «Խաթաբալան» այն կարծիքին է, որ գրանով նրանք ձգառում էին բարձրացնել «Մշակի», արդեն կորսված, վաղեմի հեղինակությունը, իսկ Հ. Առաքելյանին հոշակել որպես ազգային առաջնորդ: «Մշակի» երգը երգված է, գրում էր խորաթափանցորեն Ստ. Շահումյանը, իսկ հայ բուրժուազիային արդեն համբարձումյանները հարկավոր չեին:

«Խաթաբալան» ծաղրում ու քահ-քահ ծիծաղում էր մի կողմից եվրոպական սրճարաններում «մեծամեծ պայքարում» իրենց «քայքայված» ջղերին հանգիստ տվող երեկվա «հերոսներ» դաշնակցական պարագլուխներին, մյուս կողմից ժողովրդի նոր «ուահվիրաններ» մշակականներին:

Իսկ հայ ժողովուրդը՝ բնաշնչվում էր: Քաղաքակիրթ եվրոպան, «սրտացավ» պառաված մորաքույր եվրոպան, Թուրքիային բարեհոգաբար խրատում էր, թե ամոթ է, բավական է կոտորեք հայերին, դա անխղճություն ու գաղանություն է, մեղք են հայերը²³: Այդպես էր ծաղրում «Խաթաբալան» եվրոպական դիվանագիտությունը:

²² «Խաթաբալա», 1912, № 37, էջ 438:

²³ Նույն տեղում, № 39, էջ 457:

ՄՇԱԿՈՒԹԱՅԻՆ ԿՅԱՆՔԻ ԱՐՁԱԳԱՆՔՆԵՐ

Ռնակցիայի ծանր մղձավանշի տարիներին, երբ առաջադեմ մամուլը ենթարկվում էր պահպանողական ուժերի ու ցարական գրաքննության դաժան հալածանքներին, այդ պայմաններում Անդրկովկասում որպես լեզար դիմոկրատական օրգան իր գոյությունը կարողացավ շարունակել միայն «Խաթարալան»՝ շնորհիվ իր երգիծական ուղղությանը։ Սակայն, ինչպես տեսանք, նրա աշխատակիցները, հաղթահարելով գրաքննության, ինչպես նաև բոլոժուական ու աղդայնական մամուլի հարձակումները, տարբեր միջոցներով պահպանում էին նրա առաջավոր-գենոկրատական բովանդակությունը։

Հիշված, ինչպես նաև որոշ շափով նախորդ տարիներին «Խաթարալան» երգիծական-զավկեցտական տարրի հետ միասին, հրապարակ էր գալիս հաճախ որպես սովորական գրական-հասարակական օրգան, միաժամանակ շարունակելով աշխուժորեն արձադանքել երկրի կյանքի ամենատարբեր կողմերին, միջազգային կյանքի բազմազան հարցերին։ Հասկանալի է, որ գրանց թվում ծանրակշիռ բաժին ունեին հայ ժողովրդի նյութական ու հոգեսոր կյանքի հարցերը։

Եթե այլևս անհնարին էր ուղղակի ու ազատ խոսքով ձաղկել ցարական կարգերը, ապա «Խաթարալան» իր մերկացումների համար, ժամանակավորապես պարտված աղատության գաղափարները պաշտպանելու գործում, դիմում էր այլ, անուղղակի միջոցների։ Որպեսզի ցուց տրվեր, օրինակ, որ չնայած «ստոլիային յան փողկապի» ուրվականին, աղատության գաղափարն ապրում և հաղթանակելու է, երգիծա-

թերթը տպագրում էր տարբեր ժողովուրդների աղատագրական պայքարի հերոսների դիմանկարները, կցելով դրանց հակիմն, բայց բազմիմաստ մակագրություններ:

Զետեղելով իտալիայի ազգային հերոս Ջուզեպպե Գարիբալդիի¹, 1908—1909 թթ. Թավրիզի ապստամբության առաջնորդ Սատտար Խանի², բալկանյան ժողովուրդների ազգային-աղատագրական շարժման գործիչներից՝ Մակեդոնիայի ժողովրդական հերոս Բորիս Սարաֆովի³ և այլոց դիմանկարները «Խաթաբալան» միաժամանակ աներկբա կերպով, դրանց միջոցով արտահայտում էր հայ ժողովրդի ազգային-աղատագրական խոհերն ու բաղձանքները: Առանձնապես պետք է նշել, որ «Խաթաբալան» ամբողջ էջով մեկ, տպագրել է թուրքական զավթիչների գեմ ուղղված կամավորական շարժման խիզախ մասնակից, առասպելական հերոս Հայկ Բժշկյանի գրչանկար պորտրեն⁴, որը պատմության մեջ մտավ Գայ անվամբ:

Շաբաթաթերթի շատ նյութեր կարող էին այստեղ նույնական նշանակալից էջեր գրավել, սակայն ուշագրության արժանի են հատկապիս հայ մշակույթին վերաբերող հարցերը, որոնք պատմա-ձանաշողական առավել հետաքրքրություն են ներկայացնում:

* * *

«Խաթաբալայի» նկարագրի համար հատկանշական է այն փաստը, որ երդիմաթերթը հայ մամուլի միակ օրգանն էր, որ, բառացի կերպով օրեր շանցած, «Մշակից» արտադրություն գ. Բաշինչաղյանի հայտնի կողը՝ Սայաթ-Նովայի գործի ու անվան հավերժացման առաջարկով: Այդ հանգամանքը

¹ «Խաթաբալա», 1907, № 31, էջ 253:

² Նույն տեղում, 1908, № 37, էջ 421:

³ Նույն տեղում, № 2, էջ 14:

⁴ Նույն տեղում, 1915, № 28—31, էջ 12:

մեզ մղում է Հանգամանորեն խոսելու վերոհիշյալ փաստի հասարակական-գրական նշանակության մասին:

Սայաթ-Նովայի հիրավի առասպելական կերպարը, անհուն ու գերող նրա բանաստեղծական ժառանգությունը, մշտնջենապես Անդրկովկասի ժողովուրդների հոգեոր ուղեկիցն էն եղել: Դարերով կողք-կողքի հաշտ ու համերաշխ ապրած հայ, վրացի և աղբեջանական ժողովուրդների աննման երդիշը իր համապարփակ բանաստեղծական անունով, որպես Հորդումից ուռացած գետ արդեն դուրս էր եկել իրեն շրտվող սեղմ ափերից ու համամարդկային ճանաշում վասարել:

Գ. Հախվերդյան, Յա. Պոլոնսկի, Հովհ. Թումանյան, Գ. Ասատոր, Վ. Բրյուսով, Գ. Լեոնյան, Ի. Գրիշաշվիլի, Գ. Լեոնիձե, Լ. Մելիքսեթ-Բեկ, Մ. Հասրաթյան, Վերչերս նաև Պ. Սեակը անզնահատելի երախտիք ունեն մեծ բանաստեղծի անվան ու գործի հավերժացման ասպարեզում:

Գրողների, գիտնական-բանաստեղծների ու քննադատների հիշված շարքում արդարեւ ծանրակշիռ է նաև անվանի նկարիչ, գրող-նովելիստ, հասարակական գործիչ, ինչպես ցույց է տրվում ներկա ուսումնասիրության մեջ, նաև «Խաթթաբալայի» մշտական տշխատակից ու ֆելիետոնիստ Գ. Իաշինչաղյանի ավանդը սայաթնովագիտության բնագավառում:

Գ. Բաշինչաղյանը ամենանբրին ու խորոնկ զգացմունքով էր համակված ոչ միայն մեծ գուսանի երգերի, այլև նրա անձնավորության նկատմամբ: Նրան առանձնապես շատ էր մտահոգում, որ ժողովրդի սիրելի երգիշը, նրա անունն ու դործը չէր մեծարվում, ընդհակառակը, մոռացության էր տրվում:

Մոտենում էր Սայաթ-Նովայի ծննդյան 200-ամյակը, և հասարակական անտարբերությունը ալեկոծում էր. Գ. Բաշինչաղյանի հոգին: 1912 թվականին «Մշակ» թերթում տպագրվում է անվանի նկարչի «Սայաթ-Նովա. Կոչ հայ ժողովրդին» հոդվածը⁵, ուր նա հրապարակ է գալիս մեծ բանաս-

⁵ «Մշակ», 1912, № 252, էջ 3:

տեղծի հիշատակի հավերժացման առաջարկով։ Այդ կոչն է, որ նոյնմբերի 17-ին, առանց հապաղելու արտատպել է «Խա-թաբալան»⁶։

Նշելով, թե որքան մեծ ժողովրդականություն են վայե-լում Սայաթ-Նովայի երգերը Գ. Բաշինջաղյանը ցավում է, որ նրա հիշատակը մոռացության է տրված։ Չեն նշվում նույնիսկ նրա ծննդյան և մահվան տարելիցները։ «Ո՞վ չի լսել աննման-ժողովրդական բանաստեղծ Սայաթ-Նովայի անունը, — գրում է սիրով ու ջերմությամբ Գ. Բաշինջաղյանը, — ո՞վ չի հիշել ու զմայլվել նրա հանճարեղ երգերից և ո՞վ կարող է ուրանալ նրա հոկայական ծառայությունը հայ ժողովրդական լիրիկ-բանաստեղծության մեջ»։

Հայ աշուղների ընտանիքը շատ պայծառ գեմքեր ուներ, և, թվարկելով աշուղների մի ամբողջ պլեադա, Գ. Բաշին-ջաղյանը գրում էր, որ Սայաթ-Նովան նրանց մեջ այնպիսի մի աժդահա է, որի ստվերի մեջ բոլորեքյան գունատվում են։

Հայ գեմոկրատական մտավորականության փայլուն ներ-կայացուցիչ Գ. Բաշինջաղյանը վրդովմունք ու զայրույթ է հայտնել բուրժուական հասարակության այն խավերի նկատ-մամբ, որոնք գերազանց փութեոտությամբ մեծարում ու հուշարձաններ են կանգնեցնում ազգային զանազան «բարե-րարներին», իսկ նրանք զլացել ու զլանում են նույնիսկ հու-շարձան դնել Սայաթ-Նովային՝ մի մարդու, որը «ժողովրդա-կան գրականության փառքն ու պարծանքն է»։

Մտորելով, որ Սայաթ-Նովան իր ստեղծագործությամբ, իր կյանքով ու գործով պատկանում է աշխատավոր ժողո-վը բին, Բաշինջաղյանը «Մշակում» կոչ է անում ժողովրդի հասարակ մարդկանց կոպեկներով մի հուշարձան կանգնեցնել-նրա շիրիմի վրա, «թեկուղ այդ քարը լինի պարզ, էժանագին, միայն թե լինի իրավործված ժողովրդական կոպեկներով»։ Այդ դիմումը առաջին հերթին անվանապես ուղղված էր ժա-մանակի հայտնի հայ աշուղներ, Սայաթ-Նովայի երգերի-

⁶ «Խաթաբալա», 1912, № 45, էջ 535։

տաղանդավոր կատարողներ Սկանդար-Նովային և Հաղիբին, որոնց օրինակին, հեղինակի համոզմամբ, պետք է հետևեին շատ-շատերը:

Ժամանակակիցների և մամուլի վկայությամբ Գ. Բաշին-ջաղյանի կոչը չերմ արձագանք է գտել ժամանակի դեմոկրատական հասարակայնության, առաջավոր գրողների ու հասարակական գործիչների կողմից: Գ. Բաշինջաղյանի կոչին առաջինն արձագանքեց Հովհ. Թումանյանը, որի սրտին շատ մոտ էր իր բարեկամ, սիրելի նկարչի նախաձեռնությունը: Կոչը հրապարակվելուց մի քանի օր հետո մամուլում հրապարակվում է Հովհ. Թումանյանի արձագանքը⁷:

Գ. Բաշինջաղյանը Թիֆլիսի հայ գրական ընկերության հանձնարարությամբ պատրաստում է երգչի մահարձանի ուրիշագիծը, որը քննարկումից հետո ընդհանուր հավանության է արժանանում և նրա՝ Բաշինջաղյանի ամենագործունյա մասնակցությամբ, իրոք որ ժողովրդական կոպեկներով գոյացած միջոցներով, Թիֆլիսի Ս. Գևորգ եկեղեցու մուտքի տղ կողմում, այն վայրում, ուր պարսից Աղա-Մահմադ խանի զորքերը գաղանարար սպանել էին մեծ երգչին, կանգնեցվում է մահարձան, որի բացումը մեծ հանդիսավորությամբ տեղի է ունենում 1914 թ. մայիսի 15-ին:

Գ. Բաշինջաղյանի վերը հիշատակված ձեռնարկումը դուրս է դալիս անմահ երգին մահարձան կանգնեցնելու խնդրի շրջանակներից և, ըստ էության, մի խթանող հանդամանք է ներկայանում, որը շարժում ու առաջ է մղում հաստրակական հատաքրքրությունը դեպի Սայաթ-Նովայի անձնավորությունն ու բանաստեղծական ժառանգությունը:

Դրա պերճախոս ապացուցն են Սայաթ-Նովայի հմայքն այնքան խորունկ ընկալող Հովհ. Թումանյանի գեկավարությամբ Սայաթ-Նովային նվիրված հայ գրողների ընկերության երեկովթներն ու այդ ընկերության միջոցներով մեծ երգչի բանաստեղծությունների՝ նոր հայտնաբերված խաղերով հանդերձ, որի 1914 թ. հրատարակությունը:

⁷ «Հորիզոն», 1912, № 259:

Սայաթ-Նովայի ստեղծագործությունների նկատմամբ բորբոքված այս ընդհանուր հետաքրքրությունը նոր եռանդ է հազորդում նաև իրեն՝ Գ. Բաշինչաղյանին, որը հիասքանչ ու ալիստական կտավներ ստեղծելու հետ միասին, տարբեր առիթներով անդրադառնում է Սայաթ-Նովային, իր ծանրակշիռ ավանդը մուծում նրա բանաստեղծական ժառանգության հետազոտման ու ժողովրդականացման, հետաքրքար՝ սայաթ-Նովադիտության զարգացման բնագավառում:

Գ. Բաշինչաղյանը, անտարակույս, բոլոր տվյալներն ուներ Սայաթ-Նովայի ստեղծագործության հարցերով զբաղվելու, քանի որ, ինչպես ինքն է գրում 1920 թ.⁸, երեսուն տարի շարունակ ուսումնասիրելով Սայաթ-Նովային, բնտելացել էր «նրա ոճին, ճաշակին ու գրելու ձևերին»։ Այդ են ապացուցում վրաց բանաստեղծ ի. Գրիշաշվիլու աշխատասիրությամբ 1918 թ. լույս տեսած Սայաթ-Նովայի վրացերեն հրատարակության առթիվ նրա արժեքավոր գնահատականները, զիտազրություններն ու մատորումները։ Այդ հրատարակության մեջ տպագրված երգերի, ինչպես նաև իր անձնական հետազոտումների հիման վրա, Գ. Բաշինչաղյանը անվերապահորեն պնդում է, որ Սայաթ-Նովան իր բանաստեղծական գործունեությունն սկսել է վրացերենով։ «Հեղինակը, —միաժամանակ գրում է Գ. Բաշինչաղյանը, —վրացերենի նկատմամբ շահել ու անփորձ է, տաքարյուն ու կրակու է, իսկ հայերեն խաղերի մեջ փորձառու վարպետ է, կատարյալ բանաստեղծ փիլիսոփա է»։

Նկատենք, որ այդ նույն առիթով Գ. Բաշինչաղյանը հարց է բարձրացնում մեծ երգչի աղրբեցաներեն խաղերը լույս ընդացելու մասին։ Նույն խնդրին Գ. Բաշինչաղյանը կրկին անդրադառնում է սովետական կարգերի օրոք՝ 1924 թվականին, «Մարտակոշ» թերթում հրապարակելով «Սայաթ-Նովայի թուրքերեն բանաստեղծությունները» ընդարձակ հոդվածը⁹։

⁸ «Մշակ», 1920, № 57։

⁹ «Մարտակոշ», 1924, № 181։

Հեղինակն իր այս բանասիրական նոթերի մեջ հանդես է բերում Սայաթ-Նովայի ստեղծագործության լայն ու խորը իմացություն, զգալի շափով նպաստելով, ինչպես ասվեց, սայաթնովագիտության հետագա ծավալմանը։ Հայտնի իրողություն է, որ իր այդ հոդվածին որպես նախարան առաջին անգամ Գ. Բաշինչաղյանը հրապարակում է Սայաթ-Նովայի խաղերից մեկը, որն իրեն էր տրամադրել երաժիշտ Ս. Օգանեզաշվիլին (Ալ. Հովհաննիսյանը) կցելով դրան մի ընդարձակ ծանոթագրություն։

Սայաթնովյան տոնահանդեսների նախապատրաստության օրերին Գ. Բաշինչաղյանը մեծ եռանդ է հանդես բերում բանաստեղծի ստեղծագործությունը ժողովրդականացնելու գործում։ Ինչպես նշվեց, Սայաթ-Նովայի վրացերեն և աղքարբեցաներեն խաղերից նաև թարգմանություններ է կատարում և տպագրում ժամանակի մամուլում։ Նման մի գործ նաև տպագրում է նաև «Խաթաբալայում»։ Դա բանաստեղծի վրացերեն բնագրից կատարված աղատ, բառացի թարգմանություն է, որ այլ, իհարկե, Սայաթ-Նովային հատուկ լեզվով, թարգմանությամբ մտել է նրա խաղերի ժողովածուների մեջ։ Սակայն, համոզված լինելով, որ Գ. Բաշինչաղյանի թարգմանությունը ևս կարող է որոշակի հետաքրքրություն առաջ բերել, այն հրապարակում ենք ամբողջովին։

Մարդ կա, որ ուժասպառ է
Բայց ուժեղին կարհամարհէ,
Գրպանում չունի ժանդոտ դանակ,
Բայց Խորասանի ժանդոտ թուրը կարհամարհէ։

Մարդ կա, որ չունի որոշ ապաստարան,
Օրը այնպես կանցկացնի, որ տան երես չի տեսնի։
Հնդու խորմա—խողի կերակուր՝ կաղնի տեղ է
ընդունում,
Պարտեղ մտնելիս հասած կեռասը կարհամարհէ։
Մարդ կա, որ եթե նավով ծով մտնելու միջոցին

Գորտ նկատի՝ լեղապատառ կը լնի,
Բայց երբ տուն կվերագառնա՝
Ռոստամ-Զալ կարհամարհէ:

Չորանն ի՞նչ կանի ալմասի մանգաղ,
Նա պետք է ունենա թաղա պանիր,
Մեջքը պարանի կտորով գոտկած,
Բայց թեղթաբեղի քիրմանշալ կարհամարհէ:

Խողը չի կարող ծառի վրա բարձրանալ,
Թող անպիտան մարդն անհետանա այս աշխարհից,
Սայաթ-Նովին մեջիսների մեջ է մտնում,
Զվարճության սիրահարէ է, զալմաղալ կարհամարհէ¹⁰:

* * *

«Խաթաբալան» իր էջերում ոչ միայն տեղ էր տալիս
րուշ հայ գրողների գործերին, այլև, մտահոգված մայրենի
գրականության ու արվեստի, հայ թատրոնի վիճակի
ու գարդացման հարցերով, ուշի ուշով հետևում էր
գրական շարժման ընթացքին, իր զենքով՝ հումորով
ու երգիծանքով սեփական խոսքն ասում ժամանակի արվես-
տի ու գրական ոլորտներում երևան եկած նոր տենդենցիների,
ինչպես նաև այս կամ այն գրողի, ստեղծագործողի, հասա-
րակական ու գրական գործիչի և նրան շրջապատող երևույթ-
ների մասին: Երգիծաթերթը առաջավոր դիրքերից ու ջերմորեն
է արձագանքել գրական ու հասարակական գործիչների, հայ
բեմի նշանավոր դեմքերի, ինչպես նաև ուսև և համաշխար-
հային գրականության ականավոր ներկայացուցիչների հորեւ-
յաններին: Այդ պատկերասրահում կարելի է հանդիպել Ալ.
Շիրվանզադեի, Ալ. Շատուրյանի, Հովհ. Աբելյանի, Սիրա-
նուշի, Միք. Մանվելյանի, Լ. Տոլստոյի, Ն. Գոգոլի, Մ. Տվենի
և մյուսների անուններին:

¹⁰ «Խաթաբալան», 1913, № 14, էջ 161, տե՛ս նաև Սայար-Նովա,
Հայերեն, վրացերեն, աղբբեշաններեն խաղերի ժողովածու, Երևան, 1963,
էջ 119:

Գերակշռող մոտիվը, իջարկե, մեծարման ու երախտապիտության խոսքն էր ու դեմոկրատական դիրքերից նրանց անվան ու դործի ժողովրդականացումը:

Դրա հետ միասին բարեկամական կշտամբանքն ու . սթափեցնող խորհուրդը, բարեհոգի հումորն ու կատակը Հաճախ հնչում էին որպես ողջամտության դիմելու կոչեր: «Խաթաբալայի» երգիծական պատկերասրահում Գ. Սունդուկյանի, Ա.Լ. Շիրվանզաղեի, Ղ. Աղայանի, Ավ. Խսահակյանի, Հ. Հովհաննիսյանի ու այլոց անունների հետ միասին ավելի հաճախ ու ավելի շատ անգամներ կարելի է հանդիպել Հովհ. Թումանյանի անվանը:

Եվ դա հասկանալի է:

Դարասկզբի տասական թվականների սկզբներին և, այնուհետեւ, հետագա տարիներին, իր ժողովրդի ճակատագրի մեծագույն հոգսերով համակված, ժամանակի թելազրանքով Թումանյանը բանաստեղծի իր գրիչն զգալիորեն փոխարինել էր հրապարակախոսի կրթությունը: Պատմական ու հասարակական մեծ տեղաշարժերի այդ օրներին նա գտնվում էր հայ հասարակական մտքի ու մշակութային կյանքի կիզակետում: «Խաթաբալան» լուրովի է արձագանքում այդ եղելությանը, որը հետաքրքրությունից զուրկ չէ նաև մեր օրերում: Երգիծաթերթն իր էջերում տպագրված մի շարք նկարներով ու ծաղրանկարներով, բազմապիսի կատակ խոսքերով, ամանորի բարեմաղթություններով, անմիջական ու անկեղծ խոսքով, միջամտում էր մեծ բանաստեղծի հատկապես հասարակական-հրապարակախոսական զործունեությանը: «Խաթաբալայի» աշխատակիցներին, օրինակ, շատ էր մտահոգում ու անհանդստացնում Հովհ. Թումանյանի «Հորիզոնին» աշխատակցելու հանգամանքը, այն, որ զրոյք, դադարելով վաղեմի օրերի նման եռանդուն ստեղծագործելուց, նետվել էր հրապարակախոսության հորձանութը: Մի շարք անգամներ երգիծաթերթը, իր հարգանքն արտահայտելով զրոյքի մեծությանն ու հանճարին, դիմում է բանաստեղծին ու կոչ անում նրան շիջնել Պանասի բարձունքից, հեռանալ լրագրային

Հրապարակախոսությունից ու կրկին վերադառնալ գրական գործուննության։ Հարկ է նշել, որ նման անհանգստություն ապրում էին նաև բանաստեղծի որոշ ժամանակակիցներ ու մերձավոր բարեկամներ։ 30-ական թվականներին գրած իր հուշերում լեռն, վերադնահատելով անցած օրերը, ափսոսանքով է խոսում, որ այդ տարիներին թումանյանը շատ էր տարված լրագրությամբ։

«Խաթարալայի» այդ անհանգստության մեջ արտացոլված է երգիծաթերթի բացասական արձագանքը «Հորիզոն» օրաթերթի քաղաքական ծրագրի, նրա գաղափարական դիրքորոշման նկատմամբ։ Մյուս կողմից, հետաքրքիր է նկատել, որ, ինչպես երեսում է, ինքը՝ մեծ բանաստեղծն անտարբեր չի եղել մամուլի մեջ և իրեն ուղղված անձնական նամակներում տրամադրված այդ անհանգստության նկատմամբ։ Դրանով պետք է բացատրել, հավանաբար, որ թումանյանը հարկադրված էր գրել, որ այս կամ այն թերթին աշխատակցել չի նշանակում գաղափարապես զինվորագրվել այդ թերթին¹¹։

* * *

Հազիվ թե պարբերական մամուլի պատմությանը հայտնի լինի որևէ օրինակ, երբ հասարակական-քաղաքական շեշտված ուղղության երգիծական օրգանը զրադշախ լիներ բացառապես միայն մարդկանց կյանքը հուզող հասարակական հարցերով։ Եվ, ընդհակառակը, շատ են այն օրինակները, երբ նման պարբերականները, նրանցում պարունակվող նյութերը, միշտ համեմված են լինում մարդկանց վարք ու բարքի, բարոյական ու առօրյա կյանքի վերաբերյալ նյութերով։ Հումորն ու բարեհոգի ծիծաղը, զվարթ արամադրությունը, շատ անդամ, նույնիսկ կյանքի ծանր պահերին, մարդկանց համար ներքին հոգեկան պահանջ է եղել մշտապես։

Այդ համեմունքը կարծես մի տեսակ հրապուրանք է ծառայել մամուլին՝ ընթերցող լայն շրջաններ ունենալու համար։

¹¹ Հովին. Թումանյան, Երկերի ժողովածու, հատ. 6, էջ 239—243։

Նման բնույթի նյութերն էլ զուրկ չեն հասարակական արժեքից և հետազոտողի ձեռքում հետաքրքիր աղբյուրներ են՝ տվյալ պարբերականի խմբագիրների, հրատարակիչների, նրա աշխատակիցների մտածելակերպն ու աշխարհազգացումը բնույթագրելու համար:

«Խաթաբալայի» էջերը զբաղեցնում են ոչ միայն քաղաքական բնույթի նյութերն ու ծաղրանկարները Ալյոտեղ կենցաղային երգիծանքը նույնպես հմտորեն օգտագործվել է հինկարգերի մերկացման համար:

«Խաթաբալայում» տեղ գտած բարոյական թեմաներով հյուսված նյութերն ու ծաղրանկարները մտրակում էին բուրժուական-քաղքենիկական բարքերը, հասարակական կյանքի դանազան արատավոր կողմերը: Պատկերելով բուրժուական ընտանիքի ճգնաժամն ու քայլայումը շաբաթաթերթը կծու հեգնում էր ժամանակին մեծ շափեր ընդունած ամուսնական անհավատարմությունն ու անհավասար ամուսնությունը: «Խաթաբալայի» երգիծարանները անողոք ծաղրում էին մարդկային արժանապատվությունը վիրավորող անիմաստ ու այլանդակ ձևամոլությունը, զրամաշորթությունը, հարուստների ագահությունն ու տղիտությունը, քծնությունն ու գետնաքարշությունը, կեղծ բարեպաշտությունը, ինչպես և բուրժուական հասարակարգում մարդկանց բարքերի այլ արատները:

Սակայն, ինչպես ցուց տրվեց նախորդ շաբաթրանքում, «Խաթաբալայում» տիրապետողը հասարակական նրգիծանքն է, և նրանում տեղ գտած նյութերն ունեն անգնահատելի պատմա-հանաշողական նշանակություն: Ի տարրերություն ժամանակի մամուլի բուրժուական ու աղքայնական օրգանների, «Խաթաբալան» ժամանակի մտքերն ու հասարակական շարժման հուզող հարցերն անաշառ ու առաջավոր դեմոկրատական դիրքերից մեկնաբաննելու շնորհիվ, արժեքավոր ու արժանահավատ պատմական աղբյուրներից մեկն է դարասկզբի հասարակական շարժման ու հասարակական մտքի պատմության դիտական լուսաբանման խնդրում:

ՀԱՎԵԼՎԱԾ

«ԽԱՅԱԲԱՆԱՅԻ» ՇԱՇԿԱՆՈՒՆՆԵՐԻ ԲԱՌԱՐԱՆ*.

Արանայան Աշոտ—Մալման, Ես-չեմ, Ստորակետ, Դոն-
Պեղրո, Ժուռալիստ, Կայծակ, Ջանդակ, Հաշ, Վերչակետ,
Մերիս, Ռեպորտ-յոր, Մարքիզ-բրունս, Պոլետիկոս
Արանայան Նահապետ—Նահապետ
Ալիխանյան Խսահակ—Ի. Ալիխան
Աղայան Ղազարոս—Դ. Ա.
Արագի Մովսես—Դիոնիս, Ալի-Բարա
Բաբայան Վռամ—Միլիոներ
Բաբուրյան Գ.—Գրադետ Բա-բուր
Բագրատունի Մուշեղ—Փալանդուղ Մկո
Բուլուլյան Զավադ-բեկ-Մյան-Ցախշշի
Բաշինջաղյան Գևորգ—Գ. Բ., Գ. Բաշ, Նալլշքար Գիգոլ, Գ.
Բաշին
Գենջյան Հակոբ—Կլան Հակոբ
Դարբինյան Մարկոս—Զնդանյանց Զագուձ Զուբրիլովիչ, Զըն-
դանյան, Նետ, Լեռն, Զայան
Դուրգարյան Մարուֆե—Ես՝ ես եմ
Երիցյան Աստվածատուր—Գասպար Կալատուղյանց, Քաղքի
վորթի Գասպար Կալատուղով, Գ. Կ., Բիո-Գրաֆ
Թումանյան Վաղարշակ—Վիթոմ

* Տրվում է «Խաթաբալայի» աշխատակիցների այն ծածկանունները,
որոնք հեղինակին հաջողվել է վերծանել կամ արդեն հայտնի են:

Խսահակյան Ավետիք—Avis
 Լեվոնյան Գարեգին—Մեֆիստոփել, գ. լ., լ.
 Խանազադյան Ռուբեն—Նախ.
 Հայկազունի—Նեմո-էֆենդի
 Հովկյան Սիմոն—Մոն-Սի, դ-ր Ս. Խանաձորյան, Ս. Տաշիր,
 դ-ր Ս. Խ., Միկիտան Յագոր
 Ղազարյան Հակոբ (Լազո)՝ Ճնդրիկ Աբեղա
 Մարկոսյան Լևոն—Լեռնիդ, լ...դ, Դինոել
 Մարության Հովհաննես—Հովմար
 Մելիք-Աղամյան Լևոն—Լեռն Մ.—Աղ, լ. Մ. Ա.
 Մելիք-Շահնազարյան Կոստանդին—Տմբլաշի Խաչան
 Մուբայանյան Սարգիս—Ատրպետ, Ա-պետ
 Սաֆարյան Սիմյոն—Լիլիպուտի, Սիմյոն Բաղեն, Սիմյոն
 Տեր-Ղեռնդյան Գևորգ—Գեռ-Ղեռ
 Տեր-Մելիքսեղեկյան Սարիբեկ—Ղալաջի Մարգար

ԱՆՁՆԱՆՈՒՆՆԵՐԻ ՑԱՆԿ

- Արելլան Հ. 193
Արովյան Խ. 35
Աթանասյան Ա. 25, 28, 39, 42, 44
46, 48, 78, 100, 111, 130, 133,
143, 152, 157, 159, 180, 197
Աթանասյան Հրաչյա 44
Ալիք-Բարս 197
Ալեքսանդր Խ. 69
Ալիխան Ի. 197
Աղիմզադե 24
Արիխան Ի. 197
Արիխանյան Ի. 197
Արիխանյան Ո. 100
Ախվերդին Ա. 24
Ախունդով Գ. 41
Աղաբար Հ. 36
Ազա-Մահմադ Խան 190
Ազալան Ս. 24, 25
Ազայան Գ. 47, 143, 194, 197
Անդրեև Լ. 177—179
Առաքելյան Հ. 134, 137, 143, 147,
184, 185
Ասատրյան Աս. 25
Ասատուր Գ. 188
Ավի 49, 51, 198
Ավելինկո 33
Ատրպետ 45, 47, 198
Արագի Մ. 47, 197
Արեշյան Օ. 57
Արծրունի Գ. 127, 132, 133, 137,
138
- Արդուտինսկի Ա. 59
Աֆանասուկ Ա. 9
Բաբայան Վ. 197
Բա-բուր 197
Բաբուրյան Գ. 197
Բաբրատոնի Մ. 47, 197
Բաշ 197
Բաշին 197
Բաշինչաղյան Գ. 36, 47—49, 51,
187—192, 197
Բաղեն Ա. 123
Բալզակ Օ. 6
Բալովյան Ջավադ-Բեկ 197
Բելինսկի 43
Բժշկյան Հայկ 187
Բիո-Գրաֆ 197
Բոցյանովսկի Վ. 19
Բըլուսով Վ. 188
Բուլիդին 54, 100
Գայ Մե՛ս Բժշկյան Հայկ 187
Գարիբալդի Ջ. 187
Գենջյան Հ. 47, 197
Գեո-Ղեո 198
Գեղցեն 8, 12, 43, 70
Գոգոլ Ն. 12, 33, 193
Գորեմիկին 74
Գորկի 101
Գրագետ Բա-բուր 76, 197
Գրիգորյան Ա. 25

- Գրինգմուտ 85
 Գրինկակի Գ. 51, 175
 Գրիշաշվիլի Ի. 188, 191
 Գարբինյան Մ. 47, 187
 Գիկենս 7
 Գինուել 198
 Գիոնիս 47, 197
 Գոբրոլուքով Ն. 8—11
 Գոմյի Օ. 6
 Գոն-Թեղրո 43, 197
 Գորոցիշ 33, 102, 103
 Գուբասով 100
 Գուրգարյան Մ. 197
 Գուրնովո 19, 74, 85
 Եկատերինա II 9
 Ես-Հեմ 43, 157, 197
 Երիցյան Աս. 25, 34, 36—41, 44—
 48, 197
 Երիցյան Գ. 41, 42, 45, 46, 51,
 163
 Երևանլի Ա. 26, 41
 Զայան 197
 Զանգակ 43, 197
 Զավարյան Մ. 107, 145
 Զիաթիսանով Ա. 105, 108
 Զինովի 182
 Զնդանյան 197
 Զնդանյանց 197
 Զուբրիլովի 197
 Էնգելս Ֆ. 7, 151
 Թէքերի Ռ. 7, 12
 Թիկը 6
 Թոփլյան Ե. 143, 147, 148, 169
 Թումանյան Գ. 59
 Թումանյան Հովհ. 188, 190, 194,
 195
 Թումանյան Վ. 197
 Ժան-Պոլ Մարտ 6
 Ժորժանիս Ն. 59
 Ժունալիստ 197
 Խշանյան Բ. 149, 150
 Խշանյան Ա. 25
 Խոահակյան Ալ. 47, 49—51, 194,
 198
 Լազո 47, 198
 Լանսերի Ե. 179
 Լենին Վ. Ի. 20, 30, 36, 38, 59,
 60, 62—64, 71, 73—75, 82, 86,
 90—93, 110, 128, 149, 153, 176
 Լեռ 143, 195
 Լեռնիդ 47, 177, 198
 Լեռնիձե Գ. 188
 Լերմոնտով 33
 Լիրկնեխտ Վ. 175
 Լիլիպուտի 47, 198
 Լևոն 197, 198
 Լևոնյան Գ. 15, 35, 47, 162, 177,
 188, 198
 Խաժակ Գ. 147, 148, 150
 Խանաձորյան Ա. 198
 Խանազարյան Ռ. 198
 Խանոյան Ա. 36
 Խրիմյան Մ. 139
 Ատտորյան Ալ. 193
 Կալատուկով Գասպար 38, 40, 48,
 96, 135, 145, 147, 158
 Կալատուկյանց Գասպար 197
 Կայձակ 43, 180, 197
 Կարապետ Ա. 163
 Կլլան Հակոբ 197
 Կոստանյան Կ. 162
 Կոիլով 33
 Կուրուկին Վ. 8

- Հաղիդ 14
 Հաղիր 190
 Հախվերդյան Գ. 188
 Համալ 14
 Համիդ Արդուլ 181
 Համսուն Կնուտ 34
 Հայկագունի 198
 Հաշ 43, 197
 Հասրաթյան Մ. 188
 Հովհաննիսյան Ալ. 192
 Հովհաննիսյան Աշ. 13
 Հովհաննիսյան Հ. 162, 194
 Հովհաննիսյան Տ. 143
 Հովհաննիսյան 198
 Հովվյան Մ. 47, 198
 Ղալաջի Մարգար 47, 148, 198
 Ղազարյան Հակոբ 47, 198
 Հնդրիկ Արեգա 47, 198
 Մագաթյան Միհրդատ 45
 Մամեդկուլիզադե Զ. 23
 Մանվելյան Միքայել 193
 Մարկոսյան Լևոն 47, 177, 198
 Մարտիրյան Հովհաննես 198
 Մարքիլ-Բրունո 197
 Մարբս Կ. 5, 7, 151, 152
 Մերբս 43, 197
 Մելիք-Կարապողյան Գ. 44
 Մելիք-Շահնազարյան Կոստանդին
 43, 47, 198
 Մելիք-Աղամյան Լևոն 198
 Մելիքսեմբ-Բեկ Լ. 188
 Մենշիկով 102
 Մեֆիստոֆել 47, 198
 Միկոնիր 197
 Միկիտան Յագոր 198
 Միրզյան Ա. 51
 Միրսկի 100
 Մյասնիկյան Ալ. 35
 Մոլիք 12
- Մոն-Մի 198
 Մոպասան 33
 Մուբայանյան Ս. 45, 198
 Մուրավյով 63
 Մուրոմցի 145
 Նազարյան Տ. 137
 Նազմի Ալի 24
 Նալբանդյան Մ. 12—16, 22, 43, 97
 Նախ. 198
 Նահապետ 197
 Նաղըշքար Գիգոլ 48, 197
 Նասրեղին մոլլա 34
 Նար-Դոս 42, 46
 Նեմո-Էֆենդի 198
 Նետ 197
 Նիկոլայ I 70
 Նիկոլայ II 19, 54, 63, 69, 70
 Նովիկով 10
 Շահումյան Մտ. 27, 54, 55, 59,
 66, 77, 78, 80, 81, 83, 105,
 108, 109, 129, 131, 140, 141,
 152, 160, 169, 175, 176, 180,
 184
 Շարիֆով Ղ. 24
 Շիրինկին 111
 Շիրվանզադե Ալ. 193, 194
 Շլինգ 29
 Շմերինգ Օսկար 24, 36, 37, 51,
 60, 70—72, 84, 85, 87, 89, 99,
 104, 107—110, 116—121, 125,
 129, 131, 135, 136, 145, 161,
 164, 173, 178, 183
 Շլեդրին 12
 Շոփնդ 96
 Շուրի Մորիս 6
 Չագում 197
 Չարենց Ե. 28, 48
 Չեխով 33
 Չերնիշևսկի 8, 43

- Պատկանյան Ա. 12
 Պարոնյան Հակոբ 12—14, 16
 Պետրոսյան Հովհաննես 35
 Պետրով Ս. 101
 Պըպին Ա. 11
 Պիսարե 8
 Պէնզի 100
 Պորեդոնսոց Կ. 19, 69—71, 73
 Պոլեափկոս 197
 Պոլոնսկի Յան 188
 Պրիշիբակ 102
 Պուրիշկին 74, 91, 94, 95
 Բեկորտյոր 132, 197
 Բողիչև 91—93
 Բոմանով 63
 Բոստեր Գ. 24, 29, 33, 51—53,
 116, 135—137, 169—172
- Մարիր 23
 Մալ-ման 28, 43, 44, 48, 58, 133,
 197
 Մաղաթելլան Հ. 90, 91
 Մայաթ-Նովա 187—193
 Մատտար Խան 187
 Մարաֆով Բ. 187
 Մաքարյան Ս. 47, 160, 198
 Մյան-Ֆախչի 197
 Մեղելնիկով 79
 Մըլաձյան Հ. 12—14, 16
 Միմյոն 197
 Միմյոն Բաղեն 198
 Միմոնյան Պետրոս 160
 Միրանուց 193
 Մկանար-Նովա 190
 Մկիտարեց 33, 101, 102
 Մկրտչին 182
 Մագանդարյան Ս. 80, 81, 94, 141,
 155, 178
 Մտեպանով Ն. 8
 Մտոլիսին 19, 66, 74, 82—85, 88,
 90, 91—93, 100
- Մտորա-կետ 43, 78, 100, 159, 160,
 197
 Մտրութի 86, 92
 Մունգուլյան Գ. 12, 14—16, 40,
 44, 47, 48, 57, 194
 Մուվորին 74, 108
 Մսակ Պ. 188
 Վարանդյան Մ. 111, 139
 Վարդանյան Մ. 156
 Վերեշչագին Վ. 119, 120
 Վերիշչեկ Ք. 59, 94
 Վերջակետ 43, 197
 Վիռում 197
 Վիտտե 19, 69, 73, 74, 77, 100
 Վոլտեր 5
 Վորոնցով-Դաշկով 111, 113
- Տաշիր Ս. 198
 Տեր-Ղևոնդյան Գենորդ 198
 Տեր-Մելիքսեղեկյան Ս. 47, 148,
 198
 Տմբլախ Խաչան 43, 47, 198
 Տյուտիկ 33
 Տոլսոոյ Լ. 33, 38, 70, 102, 193
 Տզեն Մարկ 34, 193
 Տրեպով 19, 66, 71, 73
 Փալանդուղ Մկո 47, 197
 Փափազյան Վրթանս 43
 Քալանթար Ալ. 130—132, 134,
 135, 137
 Քոշարի Յ. 24
 Օգանեզաշիլի Ս. 192
 Օտյան Ե. 14
 Օրդուբաղլի Մ. 24
 Յիլիպոն Շառլ 6

Բ Ա Վ Ա Ն Դ Ա Կ Ո Ւ Թ Յ ՈՒ Ի Ն

Ներածություն	5
«Խամբարակայի» հիմնադրումն ու հրատարակումը	22
Յարական ինքնակալական կարգերի մերկացումը	62
Ժողովուրդների բարեկամության դիրքերից	104
Բորժուական ազատամտության և ազգայնականության քննադատությունը	127
Եկեղեցին ու կղերականությունը երգիծական հայելու մեջ	153
Հայ ժողովրդի սոցիալ-քաղաքական կյանքի արտացոլումը	166
Մշակութային կյանքի արձագանքներ	186
Հայկական ածանական պատճեններ	197
Անձնանունների ցանկ	199



ՍԵՐԳԵՅ ԹՈՒՍԱՄԻ ԻՇԽԱՆՅԱՆ
СЕРГЕЙ ТОМАСОВИЧ ИШХАНИЯН

XX ԴԱՐԻ ՍԿԶԲԻ ՀԱՅ ՔԱՂԱՔԱԿԱՆ
ԵՐԳԻԾԱՆՔԸ
(«Խաթարալա» նամիեսը)

Տպագրվում է Հայկ. ՍՍՀ ԳԱ պատմության ինստիտուտի
գիտական խորհրդի ոռոշմամբ

Պատասխանատու խմբագիր՝ Վ. Մ. ԱՄԻՐԲԵԿՅԱՆ
<րատարակչական խմբագիր՝ Լ. Ս. ՍԱՐԱՅՅԱՆ
Կազմի՝ Կ. Կ. ՂԱՅԱԿՈՎՅԱՆԻ
Տեխնիկական խմբագիր՝ Մ. Ա. ԿԱՓԱՆՅԱՆ
Մրբագրիչ՝ Կ. Խ. ԱՄԻՐԻՆՅԱՆ

ՎՃ 08866 Պատվեր 842 Տպաքանակ 3000
Խւճս 1355, հրատ. 3629: <անձնված է արտադրության 2/IV 1972 թ.,
ստորագրված է տպագրության 24/XI 1972 թ., տպագր. 12,75 մամուլ,
հրատ. 8,55 մամուլ, պայման. 10,71 մամուլ, բուլը № 1,84×108^{1/32}:
Գինը 1 ո. 10 կ.:

Հայկական ՍՍՀ ԳԱ իրատարակության Էջմիածնի տպարան

১

ԳԱԱ Հիմնարար Գիտ. Գրադ.



220050686

A-II
50686